

欽定四庫全書

南北史合注卷八十四

明 李清 撰

列傳第七十三

南史八十四

夷貊下

東夷

西戎

蠻

西域諸國

柔然

即高麗國

欽定四庫全書

南北史合注
卷八十四

東夷之國朝鮮為大得箕子之化其器物猶有禮樂云

魏時朝鮮以東馬韓辰韓之屬世通中國自晉過江泛

海來使有高句麗百濟而宋齊間常通職貢梁興又有

加焉扶桑國在昔未聞也梁普通中有道人稱自彼而

至其言元本尤悉故并錄焉

高句麗在遼東之東千里其先所出事詳北史地方可

二千里中有遼山遼水所出漢魏世南與朝鮮獺貊東

與沃沮北與夫餘接其王都於九都山下地多大山深

谷無原澤百姓依之以居食澗水雖土著無良田故其

俗節食好脩宮室於所居之左大立屋祭鬼神又祠零

星社稷人性凶急喜寇鈔其官有相加對盧沛者古鄒

加主簿優台使者帛衣先人尊卑各有等級言語諸事

多與夫餘同其性氣衣服有異本有族有消奴部絕奴

部慎奴部灌奴部桂婁部大消奴部為王微弱桂婁部

代之其置官有對盧則不置沛者有沛者則不置對盧

俗喜歌舞國中邑落男女每夜羣聚歌戲其人潔淨自

欽定四庫全書

南北史合注
卷八十四

喜善藏釀跪拜申一足行皆走以十月祭天大會其公

會衣服皆錦繡金銀以自飾大加主簿頭所著似幘而

無後其小加著折風形如弁其國無牢獄有罪者則會

諸加評議重者使殺之没入其妻子俗好淫男女多相

奔誘已嫁娶便稍作送終衣其死有椁無棺金銀財幣

盡於送死積石為封列植松柏兄死妻嫂其馬皆小使

登山國人尚氣力便弓矢刀矛有鎧甲習戰關沃沮東

獺皆屬焉晉安帝時以高麗王高璉為使持節都督營

州諸軍事征東將軍高麗王樂浪公宋武帝踐祚加鎮東大將軍餘官如故三年加璉散騎常侍增督平州諸軍事少帝景平二年璉遣長史馬婁等來獻方物遣謁者朱邵伯王邵子等慰勞之元嘉十五年北燕王馮弘為魏所攻敗奔高麗北豐城表求迎接文帝遣使王白駒趙次與迎之并令高麗資遣使璉不欲弘南乃遣孫漱高仇等襲殺之白駒等率所領七千餘人生擒漱殺仇等二人璉以白駒等專殺遣使執送之帝以遠國不

欽定四庫全書

南北史合注 卷八十四

三

欲違其意白駒等下獄見原璉每歲遣使十六年帝欲侵魏詔璉送馬獻八百匹孝武孝建二年璉遣長史董騰奉表慰國哀再周并獻方物大明二年又獻肅慎氏楛矢石砮七年詔進璉為車騎大將軍開府儀同三司餘官並如故明帝泰始後廢帝元徽中貢獻不絕歷齊並授爵位

南齊書曰璉亦使魏鹵然強盛不受制魏置諸國使邱齊使第一高麗次之永明七年平南參軍顏幼明

冗從僕射劉思敷使鹵鹵元會與與麗使相次幼明謂主客郎裴叔明曰我等來造卿國抗敵惟魏東夷小狃臣屬朝廷今日乃敢與我躡踵思敷謂南部尚書李思冲曰我朝處魏使未常與小國列思冲曰實如此但主副不得升殿此間坐起甚高足以相報思敷曰李道固昔使正以衣冠致隔魏國必纓冕而至豈容見黜高麗冠折風一梁謂之幘知讀五經使人在京師中書郎王融戲之曰服之不衷身之災也頭

欽定四庫全書

南北史合注 卷八十四

四

上定何物答曰此即古弁遺像

百餘歲卒子雲立齊隆昌中以為使持節散騎常侍都督營平二州征東大將軍樂浪公梁武帝即位進雲車騎大將軍天監七年詔為撫東大將軍開府儀同三司持節常侍都督王並如故十一年十五年累遣使貢獻十七年雲卒子安立普通元年詔安纂襲封持節督營平二州諸軍事寧東將軍七年安卒子延立遣使貢獻詔以延襲爵中大通四年六年大同元年七年累奉表

獻方物太清二年延卒詔其子成襲

百濟者其先東夷有三韓國一馬韓二辰韓三弁韓弁

韓辰韓各十二國馬韓有五十四國大國萬餘家小國

數千家總十餘萬戶百濟其一也後漸強大兼諸小國

其國本與句麗俱在遼東之東千餘里晉世句麗畧有

遼東百濟亦據遼西晉平二郡地矣自置百濟郡晉義

熙十二年以百濟王餘映為使持節都督百濟諸軍事

鎮東將軍百濟王宋武帝踐祚進號鎮東大將軍少帝

欽定四庫全書

南北史合注 卷八十四

五

景平二年映遣長史張成詣闕貢獻元嘉二年文帝詔

兼謁者閻丘思子兼副謁者丁敬子等往宣旨慰勞後

每歲遣使奉獻方物七年百濟王餘毗復脩貢職以映

爵號授之二十七年毗上書獻方物私假臺使馮野夫

河西太守表求易林式占腰弩帝並與之毗卒子慶代

立孝武大明元年遣使求除授詔許之二年慶遣上表

言行冠軍將軍右賢王餘紀十一人忠勤並求顯進詔

並加優進明帝泰始七年又遣使貢獻慶卒立子牟都

都卒立子牟大齊永明中除大都督百濟諸軍事鎮東

大將軍百濟王梁天監元年進大號征東將軍尋為高

句麗所破衰弱累年遷居南韓地普通二年王餘隆始

復遣奉表稱累破高麗今始與通好百濟更為強國其

年武帝詔隆為使持節都督百濟諸軍事寧東大將軍

百濟王五年隆卒詔復以其子明襲爵位號所都城曰

固麻邑曰糖魯如中國言郡縣也其國有二十二糖魯

皆以子弟宗族分據之其人形長衣服潔淨國近倭頗

欽定四庫全書

南北史合注 卷八十四

六

有文身者言語服章畧與高麗同乎帽曰冠襦曰複衫

禪曰禪具言參諸夏亦秦韓遺俗云中大通六年大同

七年累遣使獻方物并取涅槃等經義毛詩博士并工

匠畫師等並給之太清三年遣使貢獻及至見城闕荒

毀並號慟見侯景傳景平乃得還

新羅其先事詳北史在百濟東南五十餘里其地東濱

大海南北與句麗百濟接魏時曰新盧宋時曰新羅或

曰斯羅國小不能自通使聘梁普通二年王姓募名秦

始使隨百濟奉獻方物俗呼城曰健牟羅其邑在內曰
 咏評在外曰邑勤亦中國言郡縣也國有六咏評五十
 二邑勒土地肥美宜植五穀多桑麻作縑布服牛乘馬
 男女有別其官名有子貢早支壹早支齊早支謁早支
 壹吉支奇貝早支其冠曰遺子禮襦曰尉解袴曰柯半
 靴曰洗其拜及行與高麗類無文字刻木為信語言待
 百濟方通

倭國其先所出及所在事詳北史官有伊支馬次彌馬

欽定四庫全書

南北史合注
卷八十四

獲支次奴往靺人種禾稻紵麻蠶桑織績有薑桂椒蘇
 出黑雉真珠青玉獸如牛名山鼠又有大鮑鮑吞此獸
 鮑皮堅不可斫上有孔乍開乍閉時或有光射中則鮑
 死物產畧與儋耳朱崖同地氣溫煖風俗不淫男女皆
 露髻富貴者以錦繡雜采為帽似中國胡公頭食飲用
 邊豆其死有棺無槨封土作冢姓皆嗜酒俗不知正歲
 多壽考或八九十或百歲其俗女多男少貴者四五妻
 賤者猶兩三妻婦人不淫妬無盜竊少諍訟若犯法輕

者沒其妻子重則滅族晉安帝時倭王讚遣使朝貢及
 宋武帝永初二年詔曰倭讚萬里脩貢遠誠宜甄可賜
 除授文帝元嘉二年讚又遣司馬曹達表獻方物讚卒
 弟珍立遣使貢獻自稱使持節都督倭百濟新羅任那
 秦韓慕韓六國諸軍事安東大將軍倭國王表求除正
 詔除安東將軍倭國王珍又求除正倭消等十三人平
 西征鹵冠軍輔國將軍等號詔並聽之二十年倭國王
 濟遣使奉獻復以為安東將軍倭國王二十八年加使

欽定四庫全書

南北史合注
卷八十四

持節都督倭新羅任那加羅秦韓慕韓六國諸軍事安
 東將軍如故并除所上二十三人職濟卒世子興遣使
 貢獻孝武大明六年詔授興安東將軍倭國王興卒弟
 武立自稱使持節都督倭百濟新羅任那加羅秦韓慕
 韓七國諸軍事安東大將軍倭國王順帝昇明二年遣
 使上表言自昔祖禰躬擐甲冑跋涉山川不遑寧處東
 征毛人五十五國西服衆夷六十六國渡平海北九十
 五國王道融泰廓土遐畿累葉朝宗不愆于歲道逕百

濟裝飾船舫而句麗無道圖欲見吞臣亡考濟方欲大
舉奄喪父兄使垂成之功不獲一簣今欲練兵治甲申
父兄之志竊自假開府儀同三司其餘咸各假授以勸
忠節詔除武使持節都督倭新羅任那秦韓慕韓六國
諸軍事安東大將軍倭王齊建元年中除武持節都督
梁武帝即位進武號征東大將軍其南有侏儒國人長
四尺又南有黑齒國裸國去倭四千餘里舟行可一年
至又西南萬里有海人身黑眼白裸而醜其肉甚美行

欽定四庫全書

南北史合注
卷八十四

九

者或射而食文身國在倭東北七千餘里人體有文如
獸其額上有三文文直者貴文小者賤土俗歡樂物豐
而賤行客不齋糧有屋宇無城郭國主所居飾以金銀
珍麗繞屋為塹廣一丈實以水銀雨則流于水銀之上
市用珍寶犯輕罪者則鞭杖犯死罪于猛虎食之有枉
則不食經宿赦之大漢國在文身國東五千餘里無兵
士不攻戰風俗並與文身國同而言語異
扶桑國者齊永元元年其國有沙門慧深來至荊州說

云扶桑在大漢國東二萬餘里地在中國之東其土多
扶桑木故以為名扶桑葉似桐初生如笋國人食之實
如梨而赤績其皮成布為衣亦為綿作板屋無城郭有
文字以扶桑皮為紙無兵甲不攻戰其國有南北獄若
有犯輕罪者入南獄重罪者入北獄有赦則放南獄不
赦北獄在北獄者男女相配生男八歲為奴生女九歲
為婢犯罪之身至死不出貴人有罪國人大會坐罪人
於亢對之宴飲分訣若死別焉以仄繞之其一重則一

欽定四庫全書

南北史合注
卷八十四

十

身屏退二重則及子孫三重者則及七世名國王為乙
初貴人第一者為對盧第二者為小對盧三者為納
咄沙國王行有鼓角導從衣色隨年改易甲子年青丙
丁年赤戊己年黃庚辛年白壬癸年黑有牛角甚長以
角載物至勝二十斛有馬車牛車鹿車國人養鹿如中
國畜牛以乳為酪有桑稜經年不壞多蒲桃其地無鐵
有銅不貴金銀市無租估其婚法婿往女家門外作屋
晨夕灑掃經年女不悅即驅之相悅乃成婚婚禮大抵

與中國同親喪七日不食祖父母喪五日不食兄弟伯叔姑姊妹三日不食設坐為神像朝夕拜奠不制衰經嗣王立三年不親國事俗舊無佛法宋大明二年罽賓國嘗有比丘五人遊行至其國流通佛法經像教令出家風俗遂改慧深又云扶桑東千餘里有女國容貌端正色甚潔白身體有毛髮長委地至二三月競入水則娠六七月產子胸前無乳項後生毛根白毛中有汁以乳子百日能行三四年則成人矣見人驚避偏畏丈夫

欽定四庫全書

南北史合注 卷八十四

十二

食鹹草如禽獸鹹草葉似邪蒿而氣香味鹹梁天監六年有晉安人渡海為風所飄至一島登岸有人居止如中國但語不曉其男人身狗頭聲如吠其食有小豆衣如布築土為牆形圓其戶如竇云

河南宕昌鄧至武興並氐羌地自晉南遷九州分裂此等諸國地分西垂提挈于魏時通江左今採其舊上編於西戎云

河南王者其先出自鮮卑慕容氏初慕容奕洛干有二

子庶長曰吐谷渾嫡曰鹿洛干卒鹿嗣位吐谷渾避之西徙上隴度抱罕出涼州西南至赤水居之地在河南故以為號事詳北史其界東至疊川西鄰于闐北接高昌東北通秦嶺方千餘里蓋古流沙地乏草木少水潦四時恒有冰雪唯六七月雨雹甚盛若晴則風飄沙礫常蔽光景其地有麥無穀有青海方數百里放牝馬其側輒生駒土人謂之龍種故國多善馬有屋宇雜以百子帳即穹廬也著小袖袍小口袴大頭長裙帽女子被

欽定四庫全書

南北史合注 卷八十四

十二

髮為辮後吐谷渾孫葉延頗識書記自謂曾祖奕洛干始封昌黎公吾公孫之子禮以王父字為氏因姓吐谷渾亦為國號至其末孫阿豺始通江左受官爵弟子慕延宋元嘉末又自號河南王慕延卒從弟拾寅立乃用書契起城池築宮殿其小王並立宅國中有佛法拾寅卒子度易侯立易侯卒子休留代立齊永明中以代為使持節都督西秦河沙三州鎮西將軍護羌校尉西秦河二州刺史梁興進代為征西將軍代卒子伏連籌襲

爵位天監十三年遣使獻金裝馬腦鍾二口又表於益

州立九層佛寺詔許之十五年又遣使獻赤舞龍駒及

方物其使或歲再三至或再歲一至地與益州鄰常通

高賈普通元年又奉表獻方物籌卒子呵羅真立大通

三年詔以為寧西將軍護羌校尉西秦河二州刺史真

卒子佛輔襲爵位其世子又遣使獻白龍駒於皇太子

宕昌國在河南國之東益州之西北隴西之地西羌種

也宋孝武世其王梁瑾忍始獻方物梁天監四年王梁

欽定四庫全書

南北史合注 卷八十四

彌博來獻甘草當歸詔以為使持節都督河涼二州諸

軍事安西將軍東羌校尉河涼二州刺史隴西公宕昌

王佩以金章彌博卒子彌泰立大同七年策授父爵位

其衣服風俗與河南畧同

鄧至國居西涼州界羌別種也世號持節平北將軍西

涼州刺史宋文帝時王象屈耽遣使獻馬梁天監元年

詔以至王象舒彭為督西涼州諸軍事進號安北將軍

五年舒彭遣使獻黃耆四百斤馬四匹俗呼帽曰突何

衣服同宕昌

武興國本仇池

南齊書曰仇池四方壁立自然有樓櫓却敵狀高並

數丈有二十二道可攀緣而升東西二門盤道可七

里有岡阜泉源氏於上平地立宮室果園倉庫無

貴賤皆為版屋土牆

楊難當自立為秦王

宋書曰高祖踐祚進氏楊盛車騎大將軍加侍中承

欽定四庫全書

南北史合注 卷八十四

初二年改封武都王以其長子玄為世子盛卒玄立

玄字黃眉雖為藩臣猶奉晉義熙年號善待士為流

舊所懷安南將軍撫有文武知畧玄不能容因其子

殺人并撫誅之文帝以玄為武都王乃奉元嘉正朔

玄卒弟難當廢玄子保宗自立

宋文帝遣裴方明討之難當奔魏兄子文德又聚眾葭

蘆宋因授以爵位

宋書曰前鎮東司馬苻達征西從事中郎任朏等舉

義立保宗弟文德為主分平諸戍文德自號仇池公遣靈板馳告朝廷詔曰近者仇池公表鹵縱逸寇窮仇池將士挫傷民萌塗炭眷言西顧矜慨在懷楊文德世篤忠順糾率義徒奄珍凶醜鋒旗所向殲潰無遺念功惟事良有欣嘉便可遣使慰勞宣示朝旨魏又攻之文德奔漢中

宋書曰時世祖鎮襄陽執文德送京師以失守免官削爵土王師北討起文德為輔國將軍率眾自漢中

欽定四庫全書

南北史合注
卷八十四

十五

西入搖動汧隴文德宗人楊高率陰平武平羣氏據唐魯橋以拒文德水陸俱攻大破之高遁追斬之陰平武平悉平使文德從祖兄頭戍茄蘆荊州刺史南郡王義宣反文德不同見殺世祖追贈征鹵將軍秦州刺史孝建六年以保宗子元和為征鹵將軍以頭為輔國將軍元和繼楊氏正統年小才弱不能綏御所部頭母妻子弟並為鹵執頭至誠奉順無所顧懷朝廷不正元和號位雍州刺史王謨表言頭自元嘉

以來實有忠誠於國自言不顧孝道陳力邊捍未為朝廷所識所希正在西秦假節尔如臣愚見蕃捍漢川使無鹵患頭實有力四千戶荒州殆未足吝元和小弱未可專委數年後必可嗣業若才用不稱則應歸頭若茄蘆不守漢川亦無立理上不許其後立元和為武都王治白水不能自立復奔索鹵

宋書文度作文慶

從弟僧嗣又自立復戍葭蘆卒文德弟文度立

欽定四庫全書

南北史合注
卷八十四

十六

以弟文洪為白水太守屯武興宋世以為武都王武興之國始此難當族弟廣香又攻殺文度自立為陰平王葭蘆鎮主

南齊書曰建元元年詔以廣香反迷歸王復地千里以為督沙州諸軍事沙州刺史尋進征鹵梁州刺史范柏年被誅其將李烏奴懼走入氏中為寇荊州刺史豫章王疑遣兵討之與廣香書曰夫廢興無謬逆順有恒古今共貫賢愚同察梁州刺史范柏年懷挾

鬼熊首鼠兩端既已被伐盤桓稽命遂潛遣李烏奴
叛楊文弘扇誘邊疆荒雜柘年近已梟擒烏奴頻被
摧破計其餘燼行自消夷今遣參軍行晉素大守王
道寶等領銳卒三千迺途風邁浮川電掩又命輔國
將軍三巴校尉明惠照等並簡徒競駕選甲爭馳雍
州水步行次魏興并山東僑舊會於南鄭或汎州墊
江或飛旂劔道腹背颯騰表裏震擊君奕世忠欵深
識理順想即應接共為犄角昔沈攸之資十年之積

欽定四庫全書

南北史合注
卷八十四

七

權百旅之衆師出境而城潰兵未戰而自屠朝無遺
鏃士靡傷瘼况叢尔小豎方之蔑如其取殲殄豈延
漏刻忝以寡昧分陝司藩清氣蕩穢諒惟任職北府
器械山積戈旗林聳勇伐萌茵弗勞洪斧撲彼蚊蚋
無假多力罪止首惡餘無所問賞罰之科具寫如別
愚按疑賢王也故存其言於此

卒子吳立吳卒子崇祖立崇祖卒子孟孫立齊永明中
魏南梁州刺史仇池公楊靈珍據泥垺山歸齊齊武帝

以靈珍為北梁州刺史仇池公文洪卒以族人集始為
北秦州刺史武都王

南齊書曰集始反率氏蜀雜眾寇漢川梁州刺史陰
智伯遣軍禦之不利退保白馬賊萬餘人縱兵火攻
其城柵智伯又遣馬步數千人救援至白馬步數千
人救援至白馬城東數去數里集始等悉力攻之官
軍內外奪擊集始大敗十八營一時奔潰殺獲數千
人集始奔入魏界後復請降

欽定四庫全書

南北史合注
卷八十四

十八

梁天監初以集始為持節都督秦雍二州諸軍事輔國
將軍平羌校尉北秦州刺史武都王靈珍為冠軍將軍
孟孫為假節督沙州諸軍事平羌校尉沙州刺史陰平
王集始卒子紹先襲爵位二年以靈珍為持節督隴右
諸軍事左將軍北涼州刺史仇池王十年孟孫卒詔贈
安沙將軍北雍州刺史子定襲封爵紹先卒子智慧立
大同元年克復漢中智慧遣使上表求率四千戶歸梁
詔許之即以為東益州其國東連秦嶺西接宕昌大姓

有苻氏

此秦主苻登之後耶晉書稱登孫宣奔楊盛當本此
姜氏梁氏言語同中國著烏阜突騎帽長身小袖袍小
口袴皮鞋地植九穀婚姻備六禮知書疏種桑麻出紬
絹布漆蠟椒等山出銅鐵

書云蠻夷猾夏其作梗已舊宋之方盛亦屢興戎役豈
詩所謂蠢爾蠻荆大邦為讐乎今亦編錄以備諸蠻云
爾

欽定四庫全書

南北史合注
卷八十四

十九

荆雍州蠻盤瓠之後種落布諸郡縣宋時因晉故事於
荆州置南蠻雍州置寧蠻校尉領之孝武初罷南蠻併
大府而寧蠻如故蠻民順附者一戶輸穀數斛餘無雜
調而宋民賦役嚴若貧者不復堪命多逃入蠻蠻無徭
役強者又不供官稅結黨連郡動數百千人州郡力弱
則起為盜賊種類稍多戶口不可知也所在多深險居
武陵者有雄溪楠溪辰溪酉溪武溪

宋書作毋溪

謂之五溪蠻而宜都天門巴東建平江北諸郡蠻所居

皆深山重阻人跡罕至前世以來屢為民患少帝景平
三年宜都蠻帥石寧等一百二十三人詣關上獻文帝
元嘉六年建平蠻張維之等五十人七年宜都蠻田生
等一百一十三人並詣關獻見後沔中蠻大動行旅殆
絕天門淩中令宋矯之徭賦過重蠻不堪命十八年蠻
田向求等為寇破淩中鹵掠百姓荆州刺史衡陽王義
季遣行參軍曾孫念討破之免矯之官二十四年南郡

欽定四庫全書

南北史合注
卷八十四

二十

臨沮當陽蠻反縛臨沮令傅僧驥荆州刺史劉道產善
撫諸蠻前後不附者皆引出平土多緣沔為居及道產
亡蠻又叛至孝武出為雍州羣蠻斷道臺遣軍主沈慶
之連年討蠻所向皆平事在慶之傳二十八年正月龍
山雒水蠻寇鈔淩陽縣南縣太守朱曇韶遣軍討之失
利曇韶又遣二千人繼之蠻乃散走是歲淩水諸蠻因
險為寇雍州刺史隨王誕遣使說之又遣軍討沔北諸
蠻叢濁山如口蜀松三柴克之又圍斗錢柏義諸蠻

悉力距戰軍以具裝馬來射大破之孝武大明中建平
蠻向光侯寇暴峽川巴東太守王濟荊州刺史朱脩之
遣軍討之光侯走清江清江去巴東千餘里時巴東建
平宜都天門四郡蠻為寇諸郡民戶流散百不存一明
帝順帝世尤甚荊州為之虛弊云

豫州蠻廩君後也盤瓠及廩君事並具前史西陽有巴
水蘄水希水赤亭水西歸水謂水五水蠻所在並深阻
種落熾盛歷世為盜賊北接淮汝南極江漢地方數千

欽定四庫全書

南北史合注
卷八十四

三十二

里宋元嘉二十八年西陽蠻殺南川令劉臺二十九年
新蔡蠻破大雷戍畧公私舟入湖有亡命司馬黑石逃
蠻中共為寇文帝遣大子步兵校尉沈慶之討之孝武
大明四年又遣慶之討西陽蠻大克獲而旋司馬黑石
徒黨三人一名智黑石號太公以為謀主一名安陽號
燕王一名績之號梁王蠻文山羅等討擒績之為蠻世
財所篡小羅等相率斬世財父子六人豫州刺史王玄
謨遣殿中將軍郭元封慰勞諸蠻使縛送亡命蠻乃執

智安陽二人送詣玄謨孝武使於壽陽斬之明帝初即
位四方皆叛及子劬黨敗於鶻尾西陽蠻田益之田義
之成邗財田光興等起兵攻郢州克之以益之為輔國
將軍都統四山軍事又以蠻戶立宋安光城二郡以義
之為宋安太守光興為光城太守封益之邊城縣王成
邗財陽城縣王成邗財卒子婆思襲

欽定四庫全書

南北史合注
卷八十四

三十二

詳今畧備西域諸國編之于次云
高昌國初闕氏為主後為河西王沮渠牧犍弟無諱襲
破之其王闕奕希柔然無諱據之稱王一世滅於魏其
國人又推麴氏為王名嘉魏授車騎將軍司空公都督
秦州諸軍事秦州刺史金城郡公在位二十四年卒國
人謚曰詔武王子堅嗣魏授使持節驃騎大將軍散騎
常侍都督瓜州刺史西平郡公開府儀同三司高昌王
其國蓋車師故地南接河南東近敦煌西次龜茲北隣

欽定四庫全書

南北史合注
卷八十四

二十三

救勒置四十六鎮交河田地高寧臨川橫截柳婆濬林
 新興寧由始昌篤進白刃等皆其鎮名官有四鎮將軍
 置雜號將軍長史司馬門下校郎中兵校郎通事舍人
 通事令史諮議諫議校尉主簿國人言語與華畧同有
 伍經歷代史諸子集貌類高麗髮垂於背著長身小
 袖袍縵襦袴女髮辮而不垂著錦纈纒絡環釧婚姻有
 六禮其地高燥築土為城架木為屋土覆其上寒暑與
 益州相似備植九穀人多噉麵及牛羊肉出良馬蒲桃
 酒石鹽多草木有草實如蒲蒲中絲如細纒名白疊子國
 人多取之織為布布甚軟白交市用焉有朝烏者且旦
 集王殿前為行列不畏人日出方散去梁大同中子堅
 遣使獻鳴鹽枕蒲桃良馬毼毼等物
 滑國者車師別種漢永建元年八滑從班勇擊北南有
 功勇上八滑為後部親漢侯自魏晉歷宋齊不通中國梁
 天監十五年其王厭帶夷粟陀始遣使獻方物普通元
 年遣使獻黃師子白貂裘波斯錦等物七年又奉表貢

欽定四庫全書

南北史合注
卷八十四

二十四

獻魏居代都滑猶為小國屬柔然後稍強大征波斯盤
 盤罽賓焉耆龜茲疎勒姑墨于闐句般諸傍國開地千
 餘里土地温暖多山川少樹木有五穀國人以麵及羊
 肉為糧其獸有獅子兩足駱駝野驢有角人皆善騎射
 著小袖長身袍用金玉為帶婦女被裘頭上刻木為角
 長六尺以金銀飾之小女子兄弟共妻無城郭甌屋為
 居東向開戶其王坐金林隨太歲轉與妻並坐接客無
 文字以木為契與旁國通則使旁國胡為胡書羊皮為
 紙無職官事天神火神每日則出戶祀神而後食其跪
 一拜而止葬以木為柳父母死其子截一耳莖訖即吉
 言語待河南人譯然後通
 呵跋檀周古柯胡密丹等國並滑旁小國也凡滑旁之
 國衣服容貌皆與滑同普通元年使使隨滑使來貢獻
 方物
 白題國王姓支名史稽殺其先蓋匈奴別種胡漢灌嬰
 與匈奴戰斬白題騎一人是也在滑國東去滑六日行

西極波斯土地出粟麥瓜果食物畧與滑同普通三年遣使獻方物

龜茲者西域舊國自晉渡江不通梁普通二年王尼瑞摩珠那勝遣使奉表貢獻

于闐者西域舊國梁天監九年始通江左遣使獻方物十三年又獻波羅婆步鄣十八年又獻瑠璃毘大同七年又獻外國刻玉佛

渴盤陀國于闐西小國西隣滑國南接罽賓北連沙勒

欽定四庫全書

南北史合注 卷八十四

三十一

所都在山谷中城周迴十餘里國有十二城風俗與于闐類衣吉貝布著長身小袖袍小口袴地宜小麥資以為糧多牛馬駱駝羊等出好氈王姓葛沙氏梁中大同七年始通江左遣獻方物

末國漢世且末國勝兵萬餘戶北與丁零東與白題西與波斯接土人剪髮著氈帽小袖衣為衫則開頸而縫前多牛羊騾驢其王安末深盤梁普通五年始通江左遣使來貢獻

波斯國其先有波斯匿王者子孫以王父字為氏因為

國號國有城周迴三十二里城高四大皆有樓觀城內

屋宇數百千間城外佛寺二三百所西去城十五里有

土山山非過高其勢連接甚遠中有鷲鳥毘羊土人極

以為患國中有優鉢曇花鮮華可愛出龍駒馬地鹹生

珊瑚樹長一二尺亦有琥珀馬腦真珠玫瑰等國內不

以為珍市買用金銀婚法下聘財訖女婿將數十人迎

婦塔著金線錦袍獅子錦袴戴天冠婦亦如之婦兄弟

南北史合注 卷八十四

三十二

便來捉手付度夫婦之禮於茲永畢東與滑國西及南俱與婆羅門國北與泛慄國接梁中大通二年始通江左遣使獻佛牙

北狄種類實繁柔然

南齊梁書曰芮芮國

為族蓋匈奴別種後魏南遷後因擅其地故無城郭隨

水草畜牧以穹廬為居辨髮衣錦小袖袍小口袴深雍

韉其地若寒七月流澌亘河宋昇明中遣王洪軌使焉

引之共謀魏

南齊書曰宋世其國相希利栗解星算數術通胡漢語常言南方當有姓名齊者其人當興

齊建元三年洪軌始至是歲通使求并力攻魏

南齊書曰太祖建元三年芮芮主頻遣使貢獻與上書欲伐魏謂上足下自稱吾

其相國刑基祇羅回表言京房讖云卯金卒草肅應王歷觀圖綿代宋者齊

欽定四庫全書

南北史合注
卷八十四

三五

南齊書載表曰昔晉室將終楚桓竊命竇頰宋武匡濟故能扶衰定傾休否以泰祚流九葉國嗣不繼今皇天降禍于上宋室猜亂于下臣雖荒遠粗聞圖書數難以來星文改度房心受變虛危納社宋滅齊昌此其驗也水運遺屯木德應運子年垂劉穆之記崱嶺有不桢之山京房讖云卯金十六年草肅應王歷觀圖緯休徵非一皆云慶鍾蕭氏代宋者齊適此國使反採訪聖德彌驗天縱之資故能光權定之業濟

悖主之難冥績既著寶命因歸帝無常族歸于有道

計受符革祚久已踐極荒裔領戴莫不引領設未龍

飛不宜冲挹皇芮承緒肇自二儀吳漢殊誠義同唇

齒方欲克期中原龔行天罰振霜旅於并代鳴和鑿

于齊趙然後皇輿遷幸光復中華永敷隣好倖縱齊

魯荒餘歸仰豈不盛哉

又獻獅子皮袴褶

南齊書曰皮如虎皮色白毛短時有賈胡在蜀見之

欽定四庫全書

南北史合注
卷八十四

三五

云此扶掖皮非獅子皮

後稍侵弱永明中

南齊書曰芮芮主求醫工等物世祖詔報曰知須醫

及織成錦工指南車漏刻並非所愛南方治疾與北

土異織工並女人不堪涉遠指南車漏刻此雖有其

器工匠久不復存不副為悞

為丁零所破更為小國而移其居梁天監十四年遣使

獻馬貂裘普通元年又遣使獻方物是後數歲一至大


同七年又獻馬一疋金一斤其國能以術祭天而致風
雪前對皎日後則泥濘橫流故其戰敗莫能追及或於
中夏為之則不能雨問其故蓋以暎云

論曰自晉南渡後介居江左北荒西裔隔礙莫通惟南
徼東邊界壤所接洎宋元嘉撫運爰命干戈象浦之絕
威震冥海於是鞮譯相係無絕歲時以洎齊梁職貢有
序及侯景之亂邊鄙日蹙陳氏基命衰微已甚救首救
尾身其幾何故西賁南琛無聞竹素豈所謂有德則來無
道則去者耶

欽定四庫全書

南北史合注
卷八十四

五九



南北史合注卷八十四

總校官檢

討臣彭元琬

侍讀學士臣保

校對


生

員臣梁寶繩

欽定四庫全書

南北史合注卷八十五

國朝書



明李清撰
南史八十五

劉濟
臧質

蕭謙

南北史合注
卷八十五

沈約

蕭正德 見理附

蕭賁 子邕附

陳伯固

蕭宏

蕭正則

蕭選光

蕭宏

陳叔陵

元凶劉劭字休遠文帝長子帝即位後諒闇中生劭故
秘之元嘉三年閏正月方云劭生自前代人君即位後
皇后生太子唯殷帝乙踐祚正妃生紂至此又有劭
寓按宋之欽宗嫡出生於歲宗立後明之武宗嫡出

生於孝宗立後又獻愍太子嫡出生於毅宗立後皆
嫡皆不利異哉

始生三日帝往視之簪帽甚堅無風而墜於邵側帝不
悅初命之曰邵在文為召刀後惡之改刀為力年六歲
拜為皇太子中庶子二率入直永福省為更築宮制度
嚴麗年十二出居東宮納黃門侍郎殷淳女為妃十三
加元服好讀史傳又愛弓馬及長美鬚眉大眼方口長
七尺四寸親覽官事延賓客意之欲帝必從之東宮置

南北史合注
卷八十五

欽定四庫全書

兵與羽林等十七年邵拜竟陵大將軍彭城王義康竟
陵王誕桂陽侯義融並從二十七年帝將北侵邵與蕭
思話固諫不從魏太武帝至瓜步

宋書曰邵出鎮石頭總統水軍善於撫御

帝登石頭城有憂色邵曰不斬江湛徐湛之無以謝天
下帝曰北伐自我意不關二人但湛等不異耳由是與
江徐不平帝時務本業使宮內皆蠶欲以諷勵天下有
女巫嚴道育夫為刳坐沒入漢官邵姊東陽公主應閭

婢王鸚鵡白公主云道育通靈主乃白帝託云善蠶求
 召入道育云所賜天神當賜符應時主夕卧見流光相
 隨狀若螢火遂入巾箱化為雙珠圓青可愛主及邵並
 信惑之始興王濬素佞事邵並多過失慮帝知之使道
 育祈請欲令過不上聞歌舞呪詛不捨晝夜道育軌云
 自上天陳請必不泄露邵等敬事號天師後遂為巫蠱
 刻玉為帝像埋於含章殿前初東陽公主有奴陳天興
 鸚鵡養為子實與淫通鸚鵡天興及寧州所獻黃門慶

欽定四庫全書

南北史合注 卷八十五

三

國並與巫蠱事邵以天興補隊主主薨鸚鵡膺出嫁邵
 慮言泄與濬謀之嫁與濬府佐吳興沈懷遠為妾不以
 啓帝慮事泄因臨賀公主微言之帝後知天興領隊遣
 閹人奚承祖讓邵曰汝用隊主副盡是奴邪欲嫁者又
 嫁何處劭答曰南第昔屬天興求將驅使視其形容粗
 健使兼隊副下人欲嫁者猶未有處時鸚鵡已嫁懷遠
 矣劭懼書告濬并使報臨賀主上若問嫁處當言未定
 濬答書曰啟此事多日今始來問當是有感發之者計

臨賀故不應翻覆言語自生寒熱也此姥由來挾兩端
 難可孤保正爾自問臨賀冀得審實也若其見問當作
 依違答之天興先署佞人府位不審監上當無此薄頌
 爾急宜捷足殿下已見王未宜依此且令嚴自躬上啓
 聞彼人若為不已政可促其餘命或是大慶之漸凡劭
 濬相與書類如此所言皆為名號謂帝為佞人或以為
 其人以太尉江夏王義恭為佞人東陽主第在西掖門
 外故云南第王即鸚鵡姓躬上啟聞者令道育上天白

欽定四庫全書

南北史合注 卷八十五

四

天神也鸚鵡既適懷遠慮與天興私通事泄請劭殺之
 劭密使人害天興既而慶國謂宣傳往來唯有二人天
 興既死慮將見及乃以白帝帝驚悅即收鸚鵡家得邵
 濬手書皆呪詛巫蠱之言得所埋帝像於宮內道育叛
 亡捕之不得帝詰責劭濬劭濬惶懼無辭唯陳謝而已
 道育變服為尼逃匿東宮濬往京口又以自隨或出止
 民張旰家帝謂義恭曰常見典籍有此謂書傳空言不
 意親親劭南面之日非復我及汝事汝兒子多將來遇

此不幸耳先是二十八年彗星起畢昴入太微掃帝坐
端門滅翼軫二十九年熒惑逆行守氐自十一月霖雨
連雪陽光罕曜時道士范村脩練行術是歲自言亡期
如期而亡既殯義恭疑其仙使開棺視之首如新刻血
流于背帝聞而惡之三十年正月大風飛霰且雷帝憂
有禍發輒加邵兵東宮實甲萬人

資治通監考異曰按二十九年劭濬平蠱事已發豈
有因十二月明年正月災異更加劭兵理宋畧止云

欽定四庫全書

南北史合注
卷八十五

五

東宮實甲萬人為是

其年二月濬自京口入朝當鎮江陵復載道育還東宮
欲將西上有告帝云京口民張昨家有一尼服食出入
征北內似是嚴道育帝使掩得二婢云道育隨征北還
都帝謂劭濬已斥遣道育而猶與往來惆悵駭須檢
覆廢邵賜濬死初濬母卒命潘淑妃養為子

愚按前摠叙文帝諸子內又云潘淑妃生濬何也宜
云不知母氏

淑妃愛濬濬心不附妃妃被寵帝以謀告之妃以告濬
濬報劭因有異謀每夜饗將士或親自行酒密與腹心
隊主陳淑兒齋帥張超之任建之謀之道育二婢將至
其月二十一日夜詐作詔云魯秀謀反汝可平明率眾
入因使超之等集素所養士二千餘人皆被甲云有所
討宿召前中庶子右軍長史蕭斌及左衛率表淑中書
舍人殷仲素左積弩將軍王正見並入告以大事自起
拜斌等因流涕並驚愕明且劭以朱服加戎服上乘畫

欽定四庫全書

南北史合注
卷八十五

六

輪車與蕭斌同載衛從如常入朝儀從萬春門入舊制
東宮隊不得入城劭語門衛云受詔有所收討令後速
來張超之等數十人馳入雲龍東中華門及齋閣拔及
徑上合殿帝其夜與尚書僕射徐湛之屏人語至旦燭
猶未滅門階戶席並無侍衛帝見超之以几自擲超之
行弑帝五指俱落并殺湛之劭進至合殿中閣見帝已
崩出坐東堂蕭斌執刀侍直呼中書舍人顧瑕瑕懼不
時出及至問曰欲共見廢何不早啟未及答斬之遣人

於崇禮閣殺吏部尚書江湛文帝左細仗主卜天與攻
劾於東堂見殺又使人入殺潘淑妃剖其心觀其邪正
使者阿旨答曰心邪劾曰邪佞之心故宜邪也又殺文
帝親信左右數十人急召始興王濬率眾屯中堂劾即
偽位百僚至者裁數十人乃謂書曰徐湛之弑逆吾勒
兵入殿已無所及號恍惚肝心破裂今罪人斯得元
凶克殄可大赦改元為太初素與道育所定也蕭斌曰
舊踰年改元劾以問侍中王僧綽僧綽曰晉惠帝曰位

欽定四庫全書

南北史合注
卷八十五

七

便改年劾喜而從之初使蕭斌作詔斌以不文乃使僧
綽始文帝未崩前一日甲夜太史奏東方有急兵其禍
不測宜列萬人兵於太極前殿可以消災不從及劾弑
逆聞而數日幾誤我事乃問太史令曰我得幾年對曰得
十年退而語人曰十旬耳劾聞而怒毆殺之即位訖便
稱疾還入永福省然後還太行皇帝升太極殿以蕭斌
為尚書僕射何尚之為司空太行大劾辭疾不敢出
先給諸處兵仗悉收還武庫遣人謂魯秀曰徐湛之常

欲相危我已為卿除之使秀與屯騎校尉鹿秀之對掌
軍隊以侍中王僧達為吏部尚書司徒左長史何偃為
侍中成服日劾登殿臨靈號慟不自持博訪公卿詢求
治道遣使分行四方分浙江以東五郡為會州省揚州
立司隸校尉以殷冲補之以大將軍江夏王義恭為太
保司徒南譙王義宣為太尉荊州刺史司興王濬進號
驃騎將軍王僧綽以先豫廢立見殺長沙王瑾第楷臨
川王燁桂陽侯覲新渝侯珩並以宿恨死禮官希旨諡

欽定四庫全書

南北史合注
卷八十五

八

文帝不敢盡美僅為中宗景皇帝
愚按武帝僅稱高祖文帝非創業首君何得反稱太
祖孝武改景為文是也改中宗為太祖亦非也
及聞南譙王義宣隨王誕等起義師悉聚諸王於城內
移江夏王義恭住尚書下舍分義恭諸子住侍中下省
四月立妻殷氏為皇后孝武撤至即自謂素習武事謂
朝士曰卿等助我理文書勿厝意戎陣若有寇難吾當
自出惟恐賊酋不敢動耳中外戒嚴禁孝武世子於侍

中省南燕王義宣諸子於太倉空屋劬使濬與孝武書
曰

宋書載濬書前段曰聞弟忽起狂謀阻兵反噬縉紳
忿嘆義大激怒主上自登宸極威澤薰宣人懷甘死
物競含生弟蒙眷遇著自少長而信惑奸偽忘茲恩
友此之不義人鬼同疾今水步諸軍悉已備辦

上親御六師太保文執鉞臨統吾與烏羊相尋即道所
以淹電綏運猶冀弟迷而知返耳聖恩每厚法師令在

欽定四庫全書

南北史合注
卷八十五

九

殿內住想弟欲知消息故及烏羊者南平王鑠法師孝
武世子小名也劬欲殺三鎮士庶家曰江夏王義恭何
尚之說曰凡舉大事不顧家口且多驅逼今忽誅其餘
累政足堅彼意耳劬乃下書一無所問濬及蕭斌勸劬
勸水軍自上決戰江夏王義恭何尚之慮義兵倉卒舟
舫陋小不宜水戰乃進策曰若今遠出梁山則京師空
弱東軍乘虛容能為患不如養銳待期
宋書載義恭曰割棄南岸柵斷石頭此先朝故事不

憂不破

劬善其議蕭斌厲色曰南中郎二十年少能建如此大
事豈復可量

宋書又載斌曰三方同惡勢據上流形勢如此實非
小敵惟宜及人情尚可決力一戰端坐臺城何由可
久

劬不納疑朝廷舊臣不為用厚撫王羅漢魯秀悉以兵
事委之多賜珍玩美色以悅其志羅漢先為南平王鑠

欽定四庫全書

南北史合注
卷八十五

十

右軍參軍劬以其有將用故以齊委之或勸劬保石頭
城劬曰昔人所以固石頭俟諸侯勤王耳我若收此誰
當先救唯應力戰決之日日自出行軍慰勞將士使有
司奏立子偉之為皇太子

宋書曰龐秀之自石頭先襲南奔人情由是大震
及義軍至新亭劬登朱雀門躬自督戰將士懷劬重賞
皆為力戰將克而魯秀鳴退故軍乃止為柳元景等所
乘故大敗

宋書曰劭又率腹心同惡自來攻壘元景復破之劭走還朱雀門蕭斌臂中流矢

褚湛之攜二子與檀和之同歸順劭懼走還臺城其夜魯秀又南奔二十五日江夏王義恭單馬南奔劭以輦迎蔣侯神像於宮內乞恩拜為大司馬封鍾山郡王蕭侯為驃騎將軍使南平王鐔為祝文罪狀孝武二十七日臨軒拜子偉之為皇太子百官皆戎服劭獨袞衣下書大赦唯孝武劉義恭義宣誕不在原例五月

欽定四庫全書

南北史合注 卷八十五

十一

宋書曰劭兵敗於曲阿遣人焚都水西漿及左尚方決破柘岡方山埭以絕東軍又緣淮豎船船為樓多設大弩又使柵斷班瀆白石諸水口男丁既盡召婦女親役

三日魯秀等攻大航鈎得一船王羅漢昏酣作妓聞官軍已度驚放仗歸降是夜劭閉守六門於門內鑿壘立柵以露車為樓城內沸亂將吏並踰城出奔劭使詹叔免焚輦及袞冕服蕭斌聞大航不守惶窘不知所為宣

令所統皆使解甲尋戴白幡來降即於軍門伏誅四日劭腹心白直諸同逆先屯閭闔門外並走還入殿程天祚與薛安都副譚金因乘之即得俱入咸質從廣莫門入同會太極殿前即斬太子左衛率王正見建平東海

等七王並號哭俱出劭穿西垣入武庫井中副隊高禽執之濬率左右數十人與南平王鐔俱出西明門將南奔遇江夏王義恭于越城濬下馬曰南中郎今何所作義恭曰已君臨萬國又稱字曰虎頭來得無晚乎義恭

欽定四庫全書

南北史合注 卷八十五

十一

曰恨晚又曰故當不死義恭曰可詣行闕請罪又曰未審猶能得一職自效否義恭又曰此未可量勒與俱歸於馬上斬首濬字休明將產之夕有鵬鳴於屋上聞者惡之元嘉十三年八歲封始興王濬少好文籍資質端妍養母潘淑妃有盛寵時六宮無主淑妃專摠內政濬人才既美母又至愛帝甚所留心與建平王宏侍中王僧綽中書郎蔡興宗等並以文義往復初元皇后性忌以叔妃見幸恚恨致崩故劭深病妃及濬濬慮將來受

禍乃曲意事劬與之遂善多有過失屢為帝所讓憂懼乃與劬共為巫蠱後出鎮京口

宋書曰濬出鎮京口聽將揚州文武二千人自隨後還朝廬陵王紹以疾辭解揚州濬謂必歸已而帝以授南譙王義宣濬甚不悅

乃因負外散騎侍郎徐爰求鎮江陵又求助於尚書僕射徐湛之而尚書令何尚之等咸謂濬太子次第不應遠出帝以上流之重宜有至親故以濬為衛將軍開府

欽定四庫全書

南北史合注 卷八十五

十三

儀同三司荊州刺史加都督領護南蠻校尉濬入朝遣還京口為行留處分至京口數日而巫蠱事發時二十九年七月也帝悅歎彌日謂淑妃曰太子圖富貴更是一理虎頭復如此非復思慮所及汝母子豈可一日無我耶

宋書曰上使左右朱法瑜密責濬辭甚哀切又賜書讓之濬惶懼不知所答濬還京本暫去上怒不聽歸每夕輒開便門微行上聞殺其嬖人楊承先

明年荊州事方行二月濬還朝十四日臨軒受拜其日

嚴道育事發明旦濬入謝帝容色非常其夕即加詰問濬惟謝罪潘淑妃抱濬泣曰汝始呪詛事發猶冀刻已思愆何意忽嚴嚴道育今日用活何為可送藥來吾當先自取盡不忍見汝禍敗濬奮衣去曰天下事尋自判必不上累劬入弑之旦濬在西州府舍人朱法瑜曰臺內叫喚宮門皆閉道上傳太子反未測禍變所至濬陽驚曰今當奈何法瑜勸入據石頭濬未得劬信不知

欽定四庫全書

南北史合注 卷八十五

十四

事之濟否騷擾不知所為將軍王慶曰今宮內有變未知主上安危預在臣子當投袂赴難憑城自守非臣節也濬不聽乃從南門出徑向石頭依而劬遣張超之馳馬召濬濬問狀訖即戎服乘馬而去法瑜固止濬濬不從至中門王慶又諫不宜從逆

宋書載慶又諫曰太子反逆天下怨憤公但當堅閉城門坐食積粟不過三日凶黨自離情事如此今豈宜云

濬曰皇太子令敢復言者斬及入見劭勸殺荀赤松等
劭謂濬曰潘淑妃遂為亂兵所害濬曰此是下情由來
所願其悖逆如此劭將敗勸劭入海輦珍寶繒帛下舟
及劭入井高禽於井出之劭問天子何在禽曰至尊近
在新亭將劭至殿前臧質見之慟哭劭曰天地所不履
載丈人何為見哭質因辯其逆狀答曰先朝當見枉廢
不能作獄中囚問計於蕭斌斌見勸如此又語質曰可
能乞遠徙否質曰主上近航於南自當有處分縛劭馬

欽定四庫全書

南北史合注
卷八十五

十五

上防送軍門及至牙下據鞍顧望太尉江夏王義恭與
諸王共臨視之義恭曰我皆逆歸順有何大罪頓殺十
二免劭曰殺諸弟一事有負阿父江湛妻庾氏乘車罵
之龐秀之亦加請讓劭厲聲曰汝輩復何煩爾先殺其
四子語南平王繇曰此何有哉乃斬于牙下臨刑歎曰
不圖宋室一至於此劭濬及其子並梟首大航暴尸于
市劭妻殷氏賜死廷尉臨刑謂獄丞江恪曰汝家骨肉
相殘何以枉殺無罪人恪曰受拜皇后非罪而何殷氏

曰此權時耳當以鸚鵡為后也濬妻褚氏丹揚尹湛之
之女湛之南奔之始即見離絕故免誅餘子女妾媵並
於獄賜死投劭濬尸首於江

魏書島夸傳載時人語曰遥望建康城小江逆流縈
前見子弑父後見弟殺兄

其同逆王羅漢等皆伏誅張超之聞兵入遂走至合殿
故基正於御床之所為亂兵所殺剖腹剝心齧割其肉
諸將生啖之焚其頭骨時不見傳國璽問劭云在嚴道

欽定四庫全書

南北史合注
卷八十五

十五

育處就取得之道育鸚鵡並都街鞭殺焚其尸於石頭
四望山揚灰于江毀劭東宮所住齋汙猪其處封高禽
新陽縣男追贈潘淑妃為長寧國夫人豈守冢偽司隸
校尉殷冲丹陽尹弘並賜死冲為劭草立符文又妃
叔父弘為劭簡配兵士盡其心力故也

宋書曰弘天水冀人司州刺史冲弟為文帝所委任
先以衛將軍入直至西掖門聞宮中有變率城內禦
兵至閣道下及聞劭入惶怖通放求受處分

范粵字蔚宗順陽人父泰見前母如廁產粵額為瘡傷故以瘡為小字出繼從伯弘後少好學博涉經史善為文章能隸書曉音律為秘書丞父憂去職服闋歷尚書吏部郎元嘉元年彭城太妃薨將葬祖夕僚故並集東府粵與司徒左徙屬王深及弟司徒祭酒廣夜中酣飲開北牖聽挽歌為樂彭城王義康大怒左遷宣城太守不得志乃刑象家後漢書為一家作於屈伸榮辱之際未嘗不致意遷長沙王義欣鎮軍長史兄暲為宜都太

欽定四庫全書

南北史合注 卷八十五

七

守嫡母隨暲在官及亡報之以疾粵不時奔赴及行又攜妾自隨為御史中丞劉損所奏文帝愛其才不罪也服闋累遷左衛將軍太子詹事粵長不滿七尺肥黑秃眉鬢善彈琵琶為能新聲帝欲聞之屢諷以微旨粵偽若不曉終不肯彈帝嘗宴欲歡遠謂粵曰我欲歌卿可彈粵乃奉旨帝歌畢粵亦止絃初魯國孔熙先博學有縱橫才志文史星算無不兼善為負外散騎侍郎不為時知久不得調初熙先父默之為廣州刺史以賊下

廷尉大將軍彭城王義康保持之故免及義康被黜先密懷報効以粵意志不滿欲引之而熙先素為粵所重無因進說粵孫謝綜雅為粵知熙先藉嶺南遺財家甚富乃傾身事綜始與綜諸弟共博故為拙行以物輸之日夕往來情意稍款綜乃引熙先與粵戲熙先故為不敵前後輸粵物甚多粵既利其財又愛其文藝詞辨遂與中莫逆熙先始以微言動粵粵不回粵素有閨庭論議朝野所知故門胄雖華而國家不與姻娶乃以此激

欽定四庫全書

南北史合注 卷八十五

八

之曰丈人若謂朝廷相待厚何故不與婚為是門戶不得邪人作犬豕相遇而丈人欲為之死不亦惑乎粵默然意乃定時粵與沈演之並為帝知待母被見多同粵若先至必待演之演之先至常獨被引粵又以此為怨粵累經義康府佐見待素厚及宣城之授意好牽離綜為義康大將軍計室參軍隨鈞豫章綜還申義康意於粵求解晚隙復敦往好粵既有逆謀欲探時旨乃言於帝曰臣歷觀二漢故事諸藩王政以妖詛幸災便正大

逆之罰况義康姦心覺跡彰著遐邇而至今無恙大梗
常存將成亂階帝不納熙先素善天文云帝必以非道
晏駕由骨肉相殘而江州應出天子以為義康當之綜
父迷亦為義康所遇綜弟約又義康女夫故帝使綜隨
從南上既為熙先贊說亦有酬報之心廣州人周靈甫
有家兵部曲熙先以六十萬錢與之使於廣州合兵靈
甫一去不及大將軍府史仲承祖義康舊所信念屢銜
命下都亦潛結腹心現有異志聞熙先有誠密相結納

欽定四庫全書

南北史合注
卷八十五

元

丹陽尹徐湛之素為義康所愛雖為舅甥恩遇子弟承
祖因此結事湛之告以密計承祖南下申義康意於蕭
思話及粵云本欲與蕭結婚恨始意不果與范本情不
薄中間相失傍人為之耳有法畧道人先為義康所養
粗被知待又有王國寺尼法靜出入義康家皆感激舊
恩規相拯拔並與熙先往來使法畧罷道法畧本姓孫
改名景玄以為臧質寧遠參軍熙先善療病兼能診脉
法靜妹夫許耀領隊在臺宿衛殿省嘗有疾因法靜就

熙先乞療得損因成周旋熙先以耀膽幹因告逆謀耀
許為內應豫章胡藩子遵世與法靜甚款亦密相酬和
法靜南上熙先遣婢采藻隨之付以牋書陳說圖識法
靜還義康餉熙先銅七銅鑷袍段碁奩等物熙先慮事
泄醜采藻殺之湛之又謂暉等臧質見與異常質與蕭
思話款密二人並受大將軍眷遇必無異同不憂兵刃
不足但當勿失機耳乃備相署置湛之為撫軍將軍揚
州刺史粵中軍將軍南徐州刺史熙先左衛將軍餘皆

欽定四庫全書

南北史合注
卷八十五

元

有選擬凡素所不善及不附義康者又有別簿並入死
目熙先使弟休先豫為檄文言賊臣趙伯符肆兵犯陣
禍流儲宰

宋書又曰伯符罪百浞灌過十玄莽率土叩心華夷泣血
乃奉戴義康

宋書又曰湛之粵等義痛其心事傷其目投命奮戈
即日斬伯符及其黨而普天無主羣萌莫繼彭城王
體自高祖龍潛鳳棲於茲方稔蒼生饑德德兆渴化

豈惟東征有鷓鴣之歌陝右有弗剪之恩哉正位辰極非王而誰

又以既為大事宜須義康意旨乃作義康與湛之書宣示同黨二十二年九月征北將軍衡陽王義季右將軍南平王鐸出鎮帝於虎帳岡祖道粦等期以其日為亂許暉侍帝扣刃日粦粦不敢視俄而坐散差互不得發十一月湛之上表告狀

欽定四庫全書

南北史合注 卷八十五

三

宋書載表曰臣與范粦無舊中喬門下與之隣省漸成周旋比年以來自謂任遇未高遂生怨望非惟攻伐朝士乃上議朝廷下及藩輔驅扇同異恣口肆心近負外散騎侍郎孔熙先忽令大將軍府吏仲承祖騰粦及謝綜等意欲收合不逞現有祈建以臣昔蒙義康即盼又去歲羣小為臣妄生風塵謂必嫌懼深見勸誘兼云人情樂亂機不可失識緯天文並有徵驗粦尋自來復具陳此於是悉出書檄書選事及同惡人名手墨翰跡謹封上呈凶悖之甚古今罕比由

臣聞於交士聞此逆謀臨啟震惶荒情無措詔曰范粦素無行檢但以才藝可施頻加榮爵遂參清顯不識思過猶懷怨憤每存容養冀能後革不謂同惡相濟狂悖至此便可收檢依法窮詰

於是悉出檄書選事及同惡人名手迹詔收綜等並皆款服惟粦不首帝頻使窮詰猶未服復遣問曰熙先近在華林門外寧欲面辨之乎粦窮乃曰熙先苟誣引臣臣臣當如何熙先聞粦不服笑謂殿中將軍沈邵之曰

欽定四庫全書

南北史合注 卷八十五

三

允諸處分符檄書疏皆粦所造及改定云何方作此抵蹋耶帝示以粦墨迹粦乃引罪明日送粦廷尉入獄然後知為湛之所發熙先望風吐款辭氣不撓帝奇其才使謂曰以卿之才而滯於集書省理應有異志此乃我負卿也熙乃於獄中上書陳謝

宋書載熙先於獄中上書曰囚小人猖狂徒識意氣小感不料逆順大方與弟休先首為逆謀蓋膾脯醢無補尤戾陛下量苞天海錄其一介之節猥垂優逮

之詔恩非望始沒有遺榮終古以來未有斯比因雖
身陷禍逆名節俱喪然少也慷慨竊慕烈士遺風但
墜崖之木事絕升躋覆盆之水理垂收汲方當身膏
斧鉞遺誠將來若使魂而有靈結草非遠然區區丹
抱貪及視恩少得申暢自惟性愛羣書心解數術莫
不窮攬究其幽微考論既往誠多審驗謹畧陳所知
條牒如故別狀願弗遺棄存之中書若囚死後或可
追存庶九泉之下少塞釁責

欽定四庫全書

南北史合注
卷八十五

五

并陳天文占候誠帝有骨肉相殘之禍其言深切曷後
與謝綜等得隔壁遙問綜曰疑誰所告綜曰不知曷乃
稱徐湛之小名曰是徐仙童也在獄為詩曰禍福本無
兆性命歸有極必至定前期誰能延一息在生已可知
來緣儘無識好醜共一丘何足異枉直豈論東陵上寧
辨首山側雖無嵇生琴庶同夏侯色寄言生存子此路
行復即帝有白團扇甚佳送曷令書詩賦美句曷受者
援筆書曰去白日之昭昭襲長夜之悠悠帝循覽悽然

曷本謂入獄便誅而帝窮其獄遂經二旬曷便有生望
獄吏因戲曰外傳唐事或當長繫曷聞之驚喜綜照先
笑之曰唐事嘗昔論事每攘袂瞋目及在西池射堂上
躍馬顧盼自謂一世之雄而今援攘紛紜畏死乃爾設
令主上哀憐賜以性命人臣圖主何顏可以生存曷謂
衛獄將曰惜哉埋如人對曰不忠之人亦何足惜曷曰
大將言是也及將詣市曷最在前至獄門顧謂綜曰今
日次第當以位邪綜曰賊帥當為先在道語笑初無慚

欽定四庫全書

南北史合注
卷八十五

五

恥至市問綜曰時欲至未綜曰勢不復久曷既食又苦
勸綜綜曰此異疾焉何事強飯曷家人悉至市監刑賊
司問曰須相見否曷綜曰家人已來幸得相見將不楚
別綜曰別與不別亦何所存來必當號泣正足亂人意
曷曰號泣何關人向見道邊親故相瞻望吾意故欲相
見於是呼前曷妻先撫其子曰罵曷曰君不為百歲阿
家不感天子恩遇身死固不足塞罪奈何枉殺子孫曷
乾笑云罪至而已曷所生母對泣曰主上念汝無極汝

曾不感恩又不念我老今日奈何仍以手擊鬢頭及頰
鬢妻云罪人也阿家莫憶念及妓妾來別鬢乃悲泣流
連綜曰鬢殊不及夏侯色鬢收淚而止綜母以子弟自
陷逆亂獨不出視鬢語綜曰姊今不來勝人多也鬢轉
醉子藹亦醉取地土及果皮擲鬢呼為別駕數聲在鬢
問曰汝腹我邪藹曰今日何緣復腹但父子同死不能
不悲耳鬢常謂死者神滅欲著無鬼論至是與徐湛之
書當相訟地下其謬亂如此又語人寄語何僕射天下

欽定四庫全書

南北史合注
卷八十五

五

决無佛鬼若有靈自當相報收鬢家樂罷服玩並皆珍
麗妓妾亦欲歸母居止單陋惟有一厨或推薪弟子冬
無被叔父單布衣鬢及黨與並伏誅時年四十八謝綜
弟緝徙廣州藹子魯連吳興昭公主外孫請全生命亦
得遠徙孝武即位乃還鬢性精微有思致觸類多善衣
裳罷服莫不增損制度世人皆法學之撰和向方其序
曰麝本多忌過分必害沈實易和盈斤無傷零霍虛燥
詹唐粘濕甘松蕪合安息鬱金捺多和蘿之屬並被珍

外國無取中土又棗膏昏鈍甲煎淺俗非惟無助於馨
烈乃當彌增於尤疾也此序所言悉以比類朝士麝本
多烈比度炳之零藿虛燥比何尚之詹唐粘濕比沈演
之棗膏昏鈍比年玄保甲煎淺俗比徐湛之甘松蕪合
比慧琳道人沈實易和以自比也鬢獄中與諸生姪書
以自序其畧曰吾少嬾學問年三十許始有向耳自爾
以來轉為心化

欽定四庫全書

南北史合注
卷八十五

五

宋書曰往往有微解言乃不能自盡為性不尋注書
心氣惡小苦思便憤悶口機必不調和以此無談功
至於所通解處皆自得之胸懷
宋書曰帝恥作文士又患其事盡於形情急於藻義
牽其旨韻移其意雖時有能者多不免此累政可類
工巧圖績竟無得也
常謂情志所託故當以意為主以文傳意以意為主則
其旨必見以文傳意則其辭不流然後抽其芬芳振其
金石耳觀古今文人多不全于此處年少中謝莊最有

其分手筆差易於文不拘韻故也吾思乃無定方但多公家之言少於事外遠致以此為恨亦由無意於文名故也本未開史書政恒覺不可解耳既造後漢轉得統緒詳觀古今著述及評論殆少可意者班氏最有高名既任情無例惟志可推耳博瞻可不及之整理未必愧也吾雜傳論皆有精意深旨

宋書曰既有裁味故約其辭句

至循吏以下及六夸諸序論筆勢縱放實天下奇作其

欽定四庫全書

南北史合注
卷八十五

元

中合者往往不減過秦篇嘗共比方班氏所作非但不愧之而已欲編作諸志前漢所有者悉令備雖事不必多且使見文得盡又欲因事就卷內發論正一代得失意復不果贊自是吾文傑思無一字空設奇變不窮同舍異體乃自不知所以稱之此書行故應有賞音者紀傳例為舉其大畧耳細意甚多自古體大思精未有此也恐世人不能盡之多貴古賤今所以稱情狂言耳吾於音樂聽功不及自揮但所精非雅聲為可恨然至於

一絕處亦復何異邪其中體趣言之不盡絃外之意虛響之音不知所從而來亦嘗以授人士庶中未有一毫

似者此永不傳矣吾書雖小有意必勢不快餘竟不成就每愧此名譽自序並實故存之藹幼而整潔衣服竟歲未嘗有塵點死時年二十粵少時兄晏常云此免進利終破門戶果如其言初何尚之處銓衡自謂天下無滯才及熙先就拘帝詰尚之曰使孔熙先年三十猶作散騎侍郎那不作賊熙先死後又謂尚之曰孔熙先

欽定四庫全書

南北史合注
卷八十五

元

有美才地胄猶可論而翳迹仕流豈非時匠失乎尚之曰臣昔待罪選遭誠無以濯汙揚清然君子有智能猶鷓鴣有文采俟時振羽何患不出雲上若熙先雖蘊文采自棄汙泥終無論矣帝曰昔有良才而不遇知己者何嘗不遺恨於後哉

愚論曰世皆知刀鋸可以殛逆耳獨文帝獎惜數言被以刀鋸中華袞而幾令熙先且感且慚且追恨無着伊七尺處此華袞所以更毒於刀鋸也或曰熙先

後既伏誅矣予白毒不在誅

滅質字含文南蘭陵人父熹另見質少好鷹犬善捕博
意錢之戲長六尺七寸出面露口頰頂拳髮初為世子
義符中軍叅軍嘗詣護軍趙倫之倫之名位已重不相
接質憤然起曰大丈夫各以老嫗作門戶何至以此中
相輕倫之慚謝質拂衣去後為江夏王義恭撫軍叅軍
以輕薄無檢為文帝所嫌徙給事中會稽長公主每為
之言乃出為建平太守甚得蠻楚心歷巴東建平三郡

欽定四庫全書

南北史合注
卷八十五

五

太守吏民便之質年始出三十屢居名郡涉獵文史尺
牘便敏有氣幹好言兵帝謂可大任以為徐兗二州刺
史加都督在鎮奢凌爵命無章為有司所糾遇赦與范
粲徐湛之等善粲謀反量質必與同會事發復為義興
太守二十七年遷南譙王義宣司空司馬南平內史未
之職會魏太武帝圍汝南城主陳憲固守告急帝遣質
輕往壽陽與安蠻司馬劉康祖等救憲魏人退走
宋書曰使質伐汝南山蠻大破之坐枉殺隊主又納

面首生口不送臺免官

後太武率大眾數十萬攻彭城以質為輔國將軍北救
始至盱眙

宋書曰質為輔國將軍率萬人北救始至盱眙已
過淮冗從僕射胡崇之領質府司馬崇之副太子積
弩將軍毛熙祚亦受統於質盱眙城東有高山質慮
鹵據之使崇之與胡澄之二軍營山上質營城南鹵
攻二營崇之等力戰不敵衆散並為鹵所殺鹵又攻

欽定四庫全書

南北史合注
卷八十五

五

熙祚熙祚所領北府精兵殺賊甚多賊垂退會熙祚
被創死軍遂散亂質按兵不敢救一時覆沒三營既
敗其夕質軍亦奔散棄輜重罷甲單將七百人奔盱
眙
太武已過淮二十八年正月太武自廣陵北返悉力攻
盱眙
宋書曰鹵初南出後無資糧惟以抄掠為命至是抄
掠無所得人馬饑困盱眙有積粟欲以為歸資既

破崇之等一攻城不拔便引衆南向城內增脩守備莫不完嚴

就質求酒質封漈便與之太武怒甚築長圍一夜便合宋書曰鹵開攻道趣城東北運東山土石填之又恐城內乘水路遁乃引大舟欲於軍山作浮橋以絕淮道城內乘艦逆戰破之明且鹵更方舫為桁桁上各嚴兵自衛城內更擊不能禁遂於軍山立桁水陸路並斷與質書曰吾今所遣關兵盡非我國人城東北

欽定四庫全書

南北史合注 卷八十五

三

是丁零與胡南是三秦氏羌丁零死可滅常山趙郡賊胡死滅并州賊氏羌死滅關中賊卿若殺之無所不利

質報太武書云爾自恃四脚屢犯國疆不聞童謡言邪鹵馬飲江水佛狸死猶年冥期使然非後人事寡人受命相滅期之白登師行未遠爾自送死豈容復令爾饗有秦乾哉假令寡人不能殺爾爾由我死爾若有幸得為亂兵所殺爾若不幸則生相鎮縛載以一驢負送都

市

宋書曰我本不啻全若天地無靈力屈于爾蕞之粉之屠之裂之未足謝本朝

爾識智及衆豈能勝苻堅邪頃年展爾陸梁者是爾未飲江太歲未卵故耳

宋書曰春雨已降四方大衆雲集爾但安意攻城莫走糧今缺乏者告之當出廩相飴得所送刀劍欲令我揮之爾身耶

欽定四庫全書

南北史合注 卷八十五

三

時魏地童謡曰輶車北來如穿雉不意鹵馬飲江水鹵主北歸石濟死鹵欲渡江天不徙故答書引之太武大怒乃作鐵牀於上施鐵鑊破城得質當坐之此上質又與魏軍書寫臺格購斬太武封萬戶侯賜布絹各萬疋魏以鈎車鈎垣樓城內繫絙數百人叫呼引之車不能退質夜以木桶盛人懸出城外裁鈎獲之明日又以衝車攻城土堅密每種落下不過數斗魏軍乃肉薄登城墜而復升莫有退者殺傷萬計死者與城平如此三旬

死者過半

宋書曰彭城斷其歸路京邑遣水軍自海入淮且疾疫死者甚衆

太武乃解圍歸帝嘉質功以為寧蠻校尉雍州刺史監四州諸軍事明年帝又北侵使質率見刀向潼關質頓兵不肯時發又顧戀妻棄軍營墨單馬還城散用臺庫見錢六七百萬為有司所糾帝不問元凶弒立以質為丹楊尹質家遣門生師顛報質且言文帝崩問質使

欽定四庫全書

南北史合注 卷八十五

三

告司空義宣及孝武帝而自率衆五千馳下討逆自陽口進江陵見義宣時質諸子在都聞質舉義並逃亡義宣始得質報即日舉兵馳信報孝武板進質號征北將軍孝武即位加質車騎將軍開府儀同三司都督江州諸軍事使質自白下步上薛安都程天祚等亦自南掖門入與質同會太極殿庭生擒元凶仍使質留守朝堂封始興郡公之鎮躬千餘乘部伍前後百餘里六平乘並施龍子幡時帝自攬威權而質以少主過之刑政慶

賞不復諮稟朝廷

宋書曰盆口鈎圻米輒散用之臺符屢加檢詰質漸猜懼

自謂人才足為一世英傑始開國禍便有異圖以義宣凡聞易制欲外相推奉以成其志及至江陵便致拜稱名質於義宣雖為兄弟而年近六十歲義宣驚曰君何意拜弟質曰事中宜然時義宣已推崇帝故計不行每慮事泄及至新亭又拜江夏王義恭義恭愕然問質所

欽定四庫全書

南北史合注 卷八十五

三

以質曰天下屯危禮異常日前在荊州亦拜司空會義宣有憾於帝質因此密信說誘陳朝廷得失又謂震主之威不可持久

宋書載質言曰今專據閩外地險兵強待疑不決則後機致禍

質女為義宣子採妻謂質無復異同納其說且義宣腹心將佐蔡超民等咸有富貴之願又勸義宣義宣時未受丞相質子敦為黃門侍郎奉詔敦勸道經尋陽質令

敦更說義宣義宣意乃定馳報豫州刺史魯爽期孝建
元年秋同舉爽失旨即起兵遣人至都報弟瑜瑜席卷
奔叛瑜弟弘為質府佐帝遣報質於是執臺使狼狽舉
兵

南史作孝武馳使報質誅弘語意不明今改從宋書
宋書載表曰臣聞執藥隨親非情謬於甘苦揮斤斬
毒豈忘痛於肌膚蓋以先疑後順忠馬必往忍小存
大雖愛必從丞相臣義宣熱越齊晉望崇魯衛而惡

欽定四庫全書

南北史合注
卷八十五

三五

直醜正實繁有黨乃成紫殿朱交問忠輔豈不由凶
醜相扇志肆讒惑陛下垂慈狎達不稍惟義遂令負
宸席圖蔽於流議投杼市虎成於十夫登古揆今實
懷危逼臣誠庸懦奉教前朝雖惡緇衣好賢之美敢
希卷伯惡惡之情固已藉風聽而宵憤撫短策而馳
念今奉旨前邁星言啟行臣本凡瑣謬班槐鼎豈應
微功非冀更希異寵直以蔓草難除去惡宜速是以
無顧險吝志清君側伏願陛下先鑒元輔匪躬茂節

末錄庸瓊奉國微誠昭戮馬劍顯肆市朝則結旌向
國全鋒凱歸表感慨涕言無已

馳報義宣帝遣撫軍將軍柳元景統豫州刺史王玄謨
等屯梁山洲內岸築偃月壘水陸待之元景檄書宣告
宋書載檄曰減質少負疵繫衣冠不畜殊利誣天著
於觸事云歲義舉雖豫誠款而淹留西楚私相崇戴
奉書致命形於心迹新亭之捷大難已夸凶命假存
懸在唇刻質猶復盤桓徂巷後騎陳師勞不足甄定

欽定四庫全書

南北史合注
卷八十五

三五

於朝議而虛張功伐扇動怨辭山海弘量苞荒藏疾
錄其一介之心掩其不逞之釁優崇溢寵莫與為疇
自恣醜薄罔知涯涘干謁陳聞曾無紀極國士解心
有識莫附何文敬趣走廝養天性愚狡質迷其姦諛
寘懷委仗遂外擅威刑內遊房室質生與譽俱不可
詳究濯髮數罪曾何足言丞相威重位尊宗國倚賴
弗見逆順之訓遂遠忽世祀近受欺構伏納姦疏還
誅社稷日者賊劬未擒凶威猶彊將毀其私墳戮其

諸子垂賴義舉解倒懸之急論思叙德造育為重怙
亂疑功未聞其比僕家北邊氣激衝襟眺三湘而永
慨望九江而遐憤若使身死國康誓在殞命况仰稟
聖畧俯鞠義徒萬全之形愚夫所照薛竟陵控率突
騎陸道步馳檀右衛申右率垣游擊整勒銳師飛輪
構路王豫州方舟繕甲久已前驅僕訓卒利兵凌波
電進沈鎮軍蕭安南接舳連旌首尾風合並旄鉞臨
塗雲驅齊引羣兵競邁秘駕徐啟八鑿搖響五牛舒

欽定四庫全書

南北史合注
卷八十五

三十三

旆千乘雷動萬軸雲回以上臨下易於轉負加以三
謀協從七緯告慶幽顯同心昭然易覩諸君或世荷
恩幸或身聞教義當知君臣大節誓不可犯冠屨至
誨難用倒設履安奉順聲泰事全孰與附逆居危身
害名醜慈親垂白受戮弱子嬰孩就誅所以有詔遲
回未震雷霆者正為諸君身拘寇手或懷乃心今而
不變後悔何及受檄之日心馳賊庭
而義宣亦相次繼至江夏王義恭與義宣書有曰昔桓

玄惜兵殷仲堪有似今日義宣由此與質相疑質進計
曰今以萬人取南州則梁山中絕萬人綴玄謀必不敢
輕動質浮舟外江直向石頭此上畧也義宣將從之
宋書載義宣腹心劉湛之曰質求前馳此志難測不
如盡銳攻梁山事克然後長驅萬安計也質遣將攻
臨西壘欲仍攻東城

義宣容顏樂之說義宣曰質若復拔東城則大功盡歸
之矣宜遣麾下自行義宣遣腹心劉湛之就質陳軍城
南玄謨留羸弱守城悉精兵出戰薛安都騎軍前出垣
護之督諸將繼之乃大潰質求義宣欲計事密已出走
矣質不知所為亦走至尋陽楚府舍載妓妾入南湖摘
蓮噉之追兵至以荷覆首沉於水出鼻軍士鄭俱兜望
見射之中心兵刃亂至腹胃纏縈水草隊主裴應斬質
傳首建鄴錄尚書江夏王義恭等奏依漢王莽事漆其
首藏於武庫詔可質諸子黨與皆伏誅

欽定四庫全書

南北史合注
卷八十五

三十三

魯與小字女生扶風郿人祖宗之仕晉官至南陽太守

義熙元年起義以攻為雍州刺史宋武討劉毅與宗之同會江陵封南陽郡公自以非宋武舊隸屢建大功有自疑志會司馬休之見討猜懼因與休之北奔

宋書曰宗之善於撫御士民皆為盡力衛送出境

盡室入秦姚氏頃之病卒父軌一名象齒便弓馬膂力絕人為竟陵太守隨父入姚氏及宋武定長安軌休之北奔魏魏以軌為荊州刺史襄陽公鎮長社孝武鎮襄陽軌遣親人程整奉書規欲歸南以殺劉康祖徐湛之

欽定四庫全書

南北史合注 卷八十五

五

父不敢歸文帝累遣招納許以為司州刺史與少有武藝魏太武知之常置左右及軌卒與代為荊州刺史襄陽公鎮長社麤中使酒數有過失太武怒將誅之與懼密懷歸南計次第秀小字天念頗有意畧仕魏以軍功為中書郎封廣陵侯或告太武勳人欲反復遣秀檢察并焚後趙主石虎殘餘官殿秀常乘驛往返以病遲還為太武所詰秀復恐懼太武尋南攻因從渡河先是廣平人程天祚為殿中將軍有武力元嘉二十七年助成

彭城為魏軍所獲以善針術深被太武賞愛封南安公常置左右恒勸秀南歸秀納之及太武北還與俱來奔

宋書索盧傳曰天祚為鹵主拓拔燾所愛天祚因其沉醉偽若受使督切後軍者所至輕罰羣鹵莫敢問因得逃歸又載與南平王鐸書曰與秀得罪本朝負鸞三世生長絕域還國無因近係南雲傾屬東日如痿人思步盲者望明嵩霍咫尺江河非遥存庚堊

欽定四庫全書

南北史合注 卷八十五

四十

塞隔同天地痛心疾首晝慨宵悲願垂援拯以慰虔望老弱百口先遣歸庇

文帝悅以與為司州刺史秀為滎陽潁川二郡太守是歲元嘉二十八年也魏毀其墳墓明年四月入朝時太武已崩帝更謀經畧五月遣與秀及程天祚等出許洛王玄謨攻碣磔不拔敗退與亦收衆南還三十年元凶劬弒逆南譙王義宣起兵入討與與雍州刺史滅質俱詣江陵事平以與為豫州刺史加都督至壽陽便曲意

賓客爵命士人畜仗聚馬如寇將至劭之為逆也秀在建鄴劭謂秀曰我為卿誅徐湛之矣方相委任以秀為右將軍使攻新亭秀命打退軍鼓因此歸順孝武即位以為司州刺史加都督領汝南太守

宋書曰爽與義宣及質相結已久義宣亦欲資其勇力情契甚至

孝建元年二月義宣與爽謀反報秋當同舉爽狂酒乘謬即日便起兵使其眾戴黃標稱建平元年竊造法服

欽定四庫全書

南北史合注 卷八十五

四十一

義宣質聞爽已處分便狼狽同反爽於是送所造輿服詣江陵板義宣及質等文曰丞相劉今補天子名義宣車騎臧今補丞相名質平西未令補車騎名脩之皆板到奉行義宣駭愕爽所送法物並留竟陵蹕不聽進使爽直出歷陽自采石濟軍與質水陸俱下左軍將軍薛安都與爽相遇刺殺之傳首建鄴進平壽陽子弟並伏誅

蕭詵字彥孚高帝絕服拔子父仙伯桂陽國叅軍宋元

微末武帝在郢欲知都下消息高帝遣詵就武帝宣傳謀計留為腹心昇明中為武帝中軍刑獄叅軍南東莞

太守以勞封安復縣男建元初武帝在東宮詵領宿衛

高帝殺張景真武帝令詵啟乞景真命高帝不悅詵懼

而退武帝即位除步兵校尉南蘭陵太守領御仗主爵

內兵仗悉委付之心營密事皆使叅掌為左中郎將後

軍將軍太守如故帝卧疾延昌殿詵在左右宿直帝崩

遺敕詵領殿內事如舊鬱林即位深委信詵每請急

欽定四庫全書

南北史合注 卷八十五

四十二

宿出帝通夕不能寐詵還乃安轉衛軍司馬兼衛尉丁

母憂敕還本位守衛尉明帝輔政

南齊書曰明帝有所匡諫惟遣詵及蕭坦之選進乃

得聞達

詵回附明帝勸行廢立密召諸王典籤語之不許諸王

外接人物詵親要日久衆皆憚而從之鬱林被廢日初

聞外有變猶密為手敕呼詵其見信如此

或問王晏蕭坦之與詵同事同志何獨列詵賊臣予

曰以鬱林呼諶定之負心哉此賊也

諶性險無護身計及廢帝日領兵先入後宮齊內伏身素隸服諶莫有動者海陵立轉中領軍進爵為公申伏五十人入直殿內月十日還府建武元年轉領軍將軍左將軍南徐州刺史給扶進爵衡陽郡公明帝初許事克用諶為揚州及有此授諶恚曰見炊飯推以與人王晏聞之曰誰復為蕭諶作既筋者諶恃勲重于豫朝政帝新即位遣左右要人於外聽察具知諶言深相疑阻

欽定四庫全書

南北史合注 卷八十五

四三

二年六月帝幸華林園宴諶及尚書令宴等數人盡歡坐罷留諶晚出至華林閣伏身執還入省帝遣左右莫智明數諶曰隆昌之際非卿無有今日今一門二州兄弟三封朝廷相報政可極此卿恒懷怨望乃云炊飯已熟合既與人邪今賜卿死諶謂智明曰天去人亦復不遠我與至尊殺高武諸王是卿傳語來去我今死還取卿矣勅收付廷尉殺之至秋智明死見諶為崇諶好左道吳興沈文獻相諶云不減高諶帝喜曰相感卿意無

為人言至是文獻伏誅諶兄誕字彥偉永明中為建康

令與秣陵令司馬迪之同乘行車前道四卒左丞沈昭畧奏凡有鹵簿官共不乘得兼列騶寺請免誕等官詔贖論誕興元年歷徐司一州刺史明帝立封安復侯徵為左衛將軍帝欲殺諶以誕在邊鎮拒魏故未及行魏軍退六旬諶誅遣梁武為司州別使誅誕子稜妻江淹女字才君聞諶死曰蕭氏皆盡安何用生慟哭而絕諶弟誅字彥生與諶同豫廢立封西昌侯位太子左衛

欽定四庫全書

南北史合注 卷八十五

四三

率誅諶之日輔國將軍蕭季敬啟求收誅深加排苦乃至手相推辱誅徐曰已死之人何足至此君不憶相提拔時邪幽寔有知終當相報季敬麤猛無行善於彌縫高帝時為諶所獎說故累為郡守在政貪穢諶輒掩之後為廣州刺史白日見誅將兵入城收之少日果為西江都護周世雄所襲軍敗奔山中為蝮所噬肉都盡而死慘楚備至後為村人所斬論者以為有天道誣誅本宜另傳以其皆坐諶死故仍南史不改

蕭遙光字元暉高帝長兄道生孫也父鳳遙光生而雙疾高帝謂不堪奉祭祀欲封其弟武帝諫乃以遙光襲爵位中書郎明帝輔政以遙光猶子誅賞諸事唯與其謀議遙光勸明帝併殺高武諸子弟皆見從建武元年刺史揚州三年進號撫軍將軍好吏事頗多慘害以足疾不得同朝例常乘輿自望賢門入每與帝久密言畢帝索香火明日必有所誅太子不悅學唯曼遊是好朝議令蔡仲熊為太子講禮未半遙光從容曰文義之事

欽定四庫全書

南北史合注 卷八十五

四十五

此士大夫以為伎藝欲求官耳皇太子何用講為帝以為然乃停講永太元年即本號為大將軍給油絡軍

南齊書曰明帝以親近年少憎忌高武子孫欲并誅之遙光計畫參議當以次施行

帝不豫遙光數入侍疾帝疾漸甚河東王鉉等七王一夕見殺遙光意也帝崩遺詔加遙光侍中中書令給扶永元元年給班劍二十人即本號開府儀同三司遙光多忌人有餉履者以為戲已被嫌責劉繪嘗為牋云

智不及葵亦以忤旨既輔東昏潛結江拓兄弟謀自樹立弟遙欣在荆楚擁兵居上流密相影響遙光當據東府號令使遙欣急下潛謀將發而遙欣病沒江拓被誅東昏召遙光入殿告以拓罪遙光懼還省便陽狂號哭自此稱疾不復入臺先自遙光行還入城風飄儀織出城外遙光弟遙昌先卒壽春豫州部曲皆歸遙光及遙欣喪還葵武進停東府前渚荆州眾力送者甚盛東昏誅江拓後慮遙光不自安欲轉為司徒還弟召入喻旨

欽定四庫全書

南北史合注 卷八十五

四十六

遙光慮見殺收集荆豫二州部曲於府東門眾頗怪其異莫知其指趣也遙光召親人丹陽丞劉渥及城局參軍劉宴中兵參軍曹樹生等并儲槍楚欲以討劉暄為名夜遣數百人破東冶出囚尚方取伏又召驍騎將軍垣厯生厯生隨信至便勸遙光率城內兵夜攻臺輦從火城門曰公但乘輦隨後反掌可得遙光意疑不敢出天稍曉遙光戎服至廳事停輦處分上伏登城行賞賜厯生復勸出軍遙光不肯望臺內自變及日出臺軍稍

至遙光於是戒嚴赦都下領軍蕭坦之屯湘宮寺鎮軍司馬曹虎屯青溪大橋太子右率左興盛屯東府門東籬門眾軍圍東城遙光遣垣厯生從西門出戰臺軍屢北殺軍主秦天愛初遙光問諸議參軍蕭暢暢正色拒不從既而暢與撫軍長史沈昭畧奔臺人情大沮又垣厯生從南門出戰為曹虎所擒謂虎曰卿以主上為聖明梅茹為賢相則我當死且我今死卿明亦死遂殺之遙光聞厯生見護大怒於牀上自竦踊使殺厯生兒

欽定四庫全書

南北史合注 卷八十五

四十一

南齊書載垣厯生棄稍降虎不知南史何以改作被擒若果被擒又言之侃侃遙光何以殺厯生兒當從齊書

其晚臺軍射火箭燒東北角樓至夜城潰遙光還小齊帳中著衣袷坐秉燭自照令人反拒齋閣皆重閉左右並踰屋出臺軍主劉國寶時當伯等先入遙光聞外兵至吹滅火扶匍下牀軍人排閣入於暗中牽出斬之遙光舉事四日而敗

梁元帝金樓子曰遙光將敗都不識人孫樂祖曹樹生心腹委任乃問樂祖是誰樹生曰是樂祖復問卿是誰樹生以名答時諸名士皆在側見其不識人沈昭畧昭光等一時皆去

舉事之夕月蝕識者以月為大臣蝕而既必滅之道未敗夕城內皆夢郡蛇緣城四出各共說之咸以為異臺軍入城焚屋宇且盡遙光幼時甚貞正明帝傾意待之東昏為兒童時帝使與遙光共齋居止呼遙光為安兄

欽定四庫全書

南北史合注 卷八十五

四十二

恩情甚至及遙光誅後東昏登舊宮土山望東府愴然呼曰安兄乃嗚咽左右不忍視其見思如此

南齊書曰詔斂葬遙光屍原其諸子又齊書五行志曰初永元二年童謠曰洋洋千里流流嬰東城頭烏馬烏衣袴三更相想脚踏不得起誤殺老姥子千里流者江祐也東城跛脚遙光也遙光夜舉事垣厯生著烏皮袴褶往奔之老姥子孝字之象徐孝詞也天下知名之士劉渢渢弟謙陸閑閑子絳司馬端崔慶

遠皆坐誅

南齊書曰端河內人為遙光掌書記曹虎謂之曰君是賊否端曰僕荷始安厚恩今死甘心虎不殺執送臺徐世標殺之渢另見 或問於予曰遙光與鷲異乎予曰同鷲已成之遙光遙光未成之鷲若遙光亦幸而成其不以鷲子若孫為道成子若孫而盡歸屠剪者幾希何也皆鷲教故賊遙光即賊鷲

沈約字休文吳興武康人父璞另見約十三遭家難潛

欽定四庫全書

南北史合注 卷八十五

四十九

竄會赦乃免既而流寓孤貧篤志好學晝夜不釋卷母恐其以勞生疾常減油滅火而晝之所讀夜輒誦之遂博通羣籍善屬文濟陽蔡興宗聞其才而善之及為郢州引為安西外兵參軍兼記室興宗常謂諸子曰沈記室人倫師表宜善師之齊文惠太子入居東宮為步兵校尉管書記直永壽省校四部圖書時東宮多士約特被親遇每旦入見景斜方出時王侯到宮或不得進約每以為言太子曰吾生平倦起是卿所悉得卿談論然

後忘寢鄉欲我夙興可恒早入遷太子家令後為司徒

右長史黃門侍郎時竟陵王子良招士約與蘭陵蕭琛琅邪王融陳郡謝朓南郡范雲樂安任昉等皆游焉世號得人齊明帝即位遷園子祭酒帝崩政歸冢宰尚書令徐孝嗣使約撰定遺詔永元中為司徒左長史進號征鹵將軍南河清太守初梁武在西邸與約游舊建康城平引為驃騎司馬時勲業既就天人允屬約嘗扣其端武帝不應佗日又進曰今與古異不可以淳風期萬

欽定四庫全書

南北史合注 卷八十五

五十一

物士大夫攀龍附鳳者望望有尺寸之功以保其福祿今童兒牧豎悉知齊祚之終且天文人事表革運之微識云行中水作天子此又歷然在記天心不可違人情不可失帝曰吾方思之約曰公初起兵樊沔此時慮思今王業已就何所復思昔武王伐紂始入民即曰吾君武王不違民意亦無所思公自至京邑已移氣序比於周武遲速不同若不早定大業脫一人立異便損威德且人非金石時事難保豈可以建安之封遺之子孫若

天子還都公卿在位則君臣分定君明臣忠豈復有人方同公作賊梁武然之約出召范雲告之雲對畧同約旨梁武曰智者乃爾暗同卿明早將休文更來雲出語約約曰卿必待我雲許諾而約先期入梁武令草其事約乃出懷中詔并諸選置梁武初無所改俄雲自外入至殿門不得入徘徊壽光閣外但云咄咄約出雲問曰何以見處約舉手向左雲笑曰不乘所望有頃梁武召雲謂曰生平與沈休文羣居不覺有異人處今日才智

欽定四庫全書

南北史合注 卷八十五

五

縱橫可謂明識雲曰公今知約不異約今知公梁武曰成我帝業者卿二人也梁受禪為尚書僕射封建昌縣侯又拜約母謝為建昌國太夫人奉策日吏部尚書范雲等二十餘人咸來致拜朝野以為榮俄邊右僕射天監二年遭母憂輿駕親出臨弔以約年哀不宜致毀遣中書舍人斷客節哭起為鎮軍將軍丹陽尹置佐史服闋遷侍中右光祿大夫領太子詹事奏尚書八條事九年累轉左光祿大夫初約久處端揆有志台司論者咸

謂為宜而帝終不用乃求外出又不見許與徐勉素善遂以書陳情於勉言已老病百日數旬草帶常鹿移孔以手握臂率計月小半分欲謝事求歸老之秩勉為言於帝請三司之儀弗許但加鼓吹約性不飲少嗜慾雖時遇隆重而居處儉素立宅東曰矚望郊阜常為郊居賦以序其事尋加特進遷中軍將軍丹陽尹侍中特進如故十二年卒官年七十三謚曰隱約左目重瞳子腰有紫志聰明過人好墳籍聚書至二萬卷都下無比少

欽定四庫全書

南北史合注 卷八十五

五

孤貧丐于宗黨得米數百斛為宗人所侮覆米而去及責不以為憾用為郎部傳嘗侍宴有妓師是齊文惠宮人帝問識坐中客否曰唯識沈家令約伏地流涕帝亦悲為之罷酒約歷仕三代該志舊章博物洽聞當世取則謝玄暉善為詩任彥升工於筆約兼有之然不能過自負高才昧於榮利乘時射勢頗累清談及居端揆稍弘止足每進一官輒殷勤請退終不能去論者方之山濤用事十餘年未嘗有所薦達政之得失唯唯而已初

武帝有憾於張稷及卒因與約言之約曰左僕射出作邊州刺史已往之事何足復論帝疑約以婚家相庇怒曰卿言如此是忠臣邪乃輦歸內殿約懼不覺帝起猶坐如初及還未至牀憑空頓於戶下因病薨齊和帝劔斷其舌初武帝欲以南海為巴陵國徒和帝居之約曰魏武所言不可慕虛名而受實禍因遇弒見和帝紀至是召巫視之巫言如夢乃呼道士奏亦章於天稱禪代不由己出先此約嘗侍宴會豫州獻粟徑寸半帝奇之

欽定四庫全書

南北史合注 卷八十五 五三

問粟事多少與約各疏所意少帝三事約出為人曰此護前不讓即羞死帝以其言不遜欲抵其罪徐勉固諫乃止及疾帝遣主書黃穆之專知省視穆之夕還增損不即啟聞懼罪竊取赤章事因上省醫徐瑒以聞又積前失帝大怒中使譴責者數約懼遂卒有司謚曰文帝曰懷情不盡曰隱故改為隱約少時常以晋代一代竟無全書言二十許便有撰述意宋泰始初征西將軍蔡興宗為啟明帝敕許之自此踰二十年所撰書方就凡

一百餘卷條流雖舉而採綴未周永明初遇盜失第五帙又齊建元四年被救撰宋史永明二年又兼著即撰次起居注五年春又被救撰宋書六年二月畢功表上之其所撰國史為齊紀二十卷天監中又撰梁武紀十四卷又撰爾言十卷謚利十卷文章志三十卷集一百卷皆行於世又撰四聲譜以為在昔詞人累千載不悟而獨得冒襟窮其妙旨自謂入神之作武帝雅不好焉嘗問周捨曰何謂四聲捨曰天子聖哲是也然帝竟不甚遵用

欽定四庫全書

南北史合注 卷八十五 五三

予於導纂范雲僅改置倖傳夸之媚于僉人以示愧而獨於約則徑改賊臣傳以夸王偉謂侯景尚未弒簡文而傳教弒與梁武初未弒和帝而約教弒等耳或曰約才人與范曄同宜憐雖然竟絕矣以大逆絕

蕭宏字宣達文帝第六子長八尺美鬚眉容止可觀任齊為北中郎桂陽王寶貞功曹史兄懿之難兄弟皆被

收道人釋惠思藏宏及梁武師下宏至新林奉迎

梁書曰高祖在雍州嘗懼諸弟及禍謂南平王偉曰

六弟明於事理必先還臺及信至果如所策

天監元年封臨州郡王位揚州刺史加都督四年武帝

詔宏都督諸軍侵魏宏以帝介弟所領皆器械精新軍

容甚盛北人以為百數十年所未有軍次洛口前軍克

梁城宏部分乖方多違朝制諸將欲乘勝深入宏聞魏

援近畏懦不敢進召諸將議旋師呂僧珍曰知難而退

欽定四庫全書

南北史合注 卷八十五

五十五

不亦善乎宏曰然柳悛曰我大衆所臨何城不服何謂

難乎裴邃曰是行也固敵是求何難之避馬仙琕曰王

安得亡國之言天子掃境內屬王有前死一尺無却生

一寸昌義之怒鬚盡磔曰呂僧珍可斬豈有百萬之師

輕言可退何面目見聖主乎朱僧勇胡辛生拔劍起曰

欲退自退下官當前向取死議者已罷僧珍謝諸將曰

殿下昨來風動意不在軍恐大致沮喪欲使全師而反

又私裴邃曰王非止全無經畧庸怯過甚吾與言軍事

畧不相入觀此形勢豈能成功宏不敢使違羣議停軍

不前魏人知其不武遣以巾幘北軍歌曰不畏蕭娘與

呂姥但畏合肥有韋虎虎謂韋廩也僧珍歎曰使始興

吳平為元帥我相毗輔中原不足平今敵人見欺如此

乃議遣裴邃分軍取壽陽大衆停洛口宏固執不聽乃

令軍中白人馬有前行者斬自是軍政不和人懷憤怒

魏奚康生馳遣楊大眼謂元英曰梁人自克梁城已後

久進軍其勢可見當是懼我王若進據洛水彼自奔敗

欽定四庫全書

南北史合注 卷八十五

五十六

英曰蕭臨川雖駭其下有將常裴之屬亦未可當望

氣者言九月賊退今且觀形勢未可便與交鋒張惠紹

次下邳號令嚴明所至獨克下邳人多欲來降惠紹曰

我若得城諸卿皆國人若不能破賊徒令公等失鄉非

朝廷弔民本意今且安堵復業勿妄自辛苦降人咸悅

九月洛口軍潰宏棄衆走

梁書曰會征役久有詔班師殊為不實

其夜暴風雨軍驚宏與數騎逃亡諸將求宏不得衆散

而歸棄甲投戈填溝水陸損棄病者強壯僅得脫身宏乘小舟濟江夜至白石壘款城門求入臨汝侯淵猷登城謂曰百萬之師一朝奔潰國之存亡未可知也恐姦人乘間為變城門不可夜開宏無辭以對乃絕食饋之惠紹聞洛口敗亦退軍六年遷司徒領太子太傅十一年正月兩遷至太尉其年冬以公事左遷又遷揚州刺史十二年加司空十五年所生母陳太妃薨去職

梁書曰宏與母弟南平王偉侍疾並衣不解帶每二

欽定四庫全書

南北史合注 卷八十五

五

宮參問輒對使涕泣乃太妃薨水漿不入口五月初

齊之末年宏避難潛伏與太妃異處每遣使參問起

居或謂宏曰逃難須密不宜往來宏啣淚對曰乃可

無我此事不容暫廢 觀宏後悖逆如此恐梁書飾

辭宜南史削之

尋起為中書監驃騎大將軍揚州刺史如故宏妾弟吳

法壽性麤狡恃宏無所畏忌輒殺人其家訴之奉敕嚴

捕法壽在宏府內無如之何帝勅宏出之即日償辜南

司奏免宏司徒驃騎揚州刺史帝注曰愛宏者兄弟私

親免宏者王者正法所奏可宏自洛口敗常懷愧憤都

下每有竊發輒以宏為名屢為有司所奏帝每贖之十

七年帝將幸光宅宇有士伏於驃騎航待帝夜出帝將

行心動乃於朱雀航過事發稱為宏所使帝泣謂宏曰

我人才勝汝百倍當此有恐顛墜汝何為者我非不能

為周公漢文念汝愚故宏頓首曰無是無是於是以罪

免而縱恣不悛奢侈過度修第擬於帝宮後庭數百千

欽定四庫全書

南北史合注 卷八十五

五

人皆極天下之選所幸江無畏服玩侖於齊東昏潘妃

寶屨直千萬好食鱸魚頭常日進三百其佗珍膳盈溢

後房食之不盡棄諸道路江本吳氏女世有國色親從

子女徧游王侯後宮男免兄弟九人

北監本男免作難免皆不甚可解

因權勢橫於都下宏未幾復為司徒普通元年遷太尉

揚州刺史侍中如故七年四月薨自疾至薨輿駕七出

臨視詔贈侍中大將軍揚州牧假黃鉞并給羽葆鼓吹

一部增班劍為六十人謚靖惠宏以介弟之貴無佗量能恣意聚斂庫室垂百間在內堂後闈齋甚嚴有疑是鎧仗者密以聞帝友于甚厚殊不悅宏愛妾江氏寢膳不能暫離帝佗日送盛饌與江曰當來就汝惟宴唯携布衣之舊射聲校尉立佗御往與宏及江氏夫飲半酣後謂曰我今欲履行汝後房便呼後閣與徑往屋所宏恐帝見其賄貨顏色佈懼帝彌言是仗屋屋檢視宏性愛錢百萬一聚黃勝標之千萬一庫懸一紫標如此三

欽定四庫全書

南北史合注 卷八十五

五九

十餘間帝與佗御屈指計見錢三萬餘屋貯布絹絲綿漆案紵蠟朱沙黃屑雜貨但見滿庫不知多少帝始知非仗大悅曰阿六汝生活大可方更劇飲至夜舉燭還兄弟情方更敦睦宏都下有數十邸出懸錢立券每以田宅邸店懸上文券期訖便驅券主奪其宅都下東土百姓失業非一帝後知制懸券不得復驅奪自此後貧賤方不失居業晉時有錢神論豫章王綜以宏貪吝遂為錢愚論其文甚切帝知以激宏宣旨與綜曰天下文

章何限那忽作此雖令急毀而流布已遠宏深病之聚斂稍改宏又與帝女永興公主私通遂謀弑逆許事捷立為皇后帝嘗為三日齋諸主並豫永興乃使二僮衣以婢服僮踰闕失履閣師疑之密言於丁貴嬪欲上言懼或不信乃使宮帥圍之帥令納輿人八人纏以純綿立於幕下齋坐散主果請問帝許之主升階而僮先趣帝後八人抱擒之帝驚墜於宸搜僮得刀辭為宏所使帝秘之殺二僮於內以漆車載主出主恚死帝竟不臨

欽定四庫全書

南北史合注 卷八十五

五九

之 愚按梁書不載此事若其有之漬倫賊君二人當得何罪乃可聽其自死耶梁之無法不得俟景亂而知其亡矣 帝諸女臨安安吉長城三主並有文才而安吉最得令稱宏性好內樂酒沈酒聲色侍女千人皆極綺麗慎衛寡方故屢致降免宏子十人許可知者七人長子正義嗣另見第正德少凶慝招聚亡命破冢屠牛蕪好弋獵

齊建武中梁武亂嗣未立養以為子及平建康生昭明太子正德還本天監初封西豐縣侯累遷吳郡太守正德自謂應居儲嫡心常怏怏每形於言普通三年以黃門侍郎為輕車將軍置佐史頃之奔魏初去之始為詩一絕內火籠中即詠竹火籠曰楨榦屈盡蘭麝氛氳銷欲知懷炭日正是履冰朝至魏稱是被廢太子時齊蕭寶夤先在魏乃上表魏帝曰豈有伯為天父作揚州棄彼密親遠投佗國不若殺之魏既不禮正德乃殺一小

欽定四庫全書

南北史合注 卷八十五

五

兒稱為己子遠營葬地魏人不疑又自魏逃歸見於文德殿至庭叩首帝泣誨之特復本封正德志行無悛常公行剝掠時東府有正德及樂山侯正則潮溝有董當門子暹世謂之董世子南岸有夏侯夔世子洪此四凶者為民巨蠹多聚亡命黃昏每殺人於道謂之打稽時熟豪子弟多縱恣以淫盜屠殺為業父祖不能制尉邏莫能禦車服牛馬號西豐駱馬樂山烏牛董暹金帖織成戰襖直七百萬後正則為叔殺沙門徒嶺南死洪為

其父夔奏繫東治死於徙暹坐與永陽王妃王氏亂誅三人既除民間少安正德淫虐不革六年為輕車將軍隨豫章王綜比侵正德輒棄軍走為有司所奏下獄帝復詔曰汝以猶子情兼常愛故越汝兄剖符連郡往年任蜀昵近小人猶為少年情志未定更於吳郡殺戮無辜劫盜財物怙然無畏及還京師專為遁逃乃至江乘要道湖頭斷路遂使京邑士女早閉宴開又奪人妻妾畧人子女徐教非直失配乃橫死道路王伯教列卿之

欽定四庫全書

南北史合注 卷八十五

五

女誘為妾勝我每加掩抑翼汝自新了無悛革遂匹馬奔亡志懷反噬遣信尉問翼汝能還果能來歸遂我夙志謂汝不好文史志在武功令汝董戎前驅豈謂汝狠心不改包藏禍胎志欲覆敗國計以快汝心今當宥汝以遠教所在給汝粟餼王新婦及汝兒見理等當停太尉間汝餘房累悉許同行於是免官削爵土徙臨海郡未至徙所道追赦之八年復封爵正德比還求交朱異帝既封昭明諸子異言正德失職大通四年封臨賀郡

王後為丹陽尹坐所部多劫復為有司所奏去職出為南兗州在任苛刻民不堪命廣陵沃壤為荒至人相食噉既累試無能從是黜廢轉增憤恨乃陰養死士常思國變聚蓄米粟宅內五十間室並以為倉自征鹵亭至方山悉畧為墅蓄奴僮數百皆黥其面太清二年秋侯景反知其有姦心景黨徐思玉在北與正德相知景遣思玉至建鄴具以事告又與正德書曰今天子年尊姦臣亂國以景觀之計日必敗大王屬當儲武中被廢辱

欽定四庫全書

南北史合注 卷八十五

五

天下忿慨豈得顧此私情棄茲億兆景雖不武實思自奮正德得書大喜曰景意暗與入同天贊我也遂許之及景至正德潛運空舫詐稱迎荻以濟景朝廷未知其謀以正德為平北將軍也朱雀航景至正德乃北向望闕三拜跪辭啟欵流涕引賊入宣陽門與景交揖馬上退據左衛府先是其軍並著絳袍袍裏皆碧至是悉反之賊以正德為天子號正平元年初童謡有之故以應也又世人相恨必稱正平耳正德乃以長子見理為太

子以女妻妻景為丞相與約曰平城日不得全二宮又令畿內王侯三日不出者誅之及臺城開正德率眾揮刃欲入賊先使其徒守門故正德不果乃復太清號降正德為侍中大司馬

魏書島夷傳曰景令正德通啟云前為景所擒使攝四海辭不獲免權搃萬機令景既入輔乞解借濫以王還却

正德入問訊拜且泣帝曰恨其泣矣何嗟及矣正德知

欽定四庫全書

南北史合注 卷八十五

五

為賊所賣深自咎悔密書與鄱陽嗣王範期以兵入賊遮得書矯詔殺之先是正德妹長樂主適陳郡謝禧正德姦之焚主第縛一婢加玉釧於手以金寶附身聲云主焚死檢取婢屍并金主葬之仍與主通呼柳夫人讀至此令人追恨而父宏通永興公主事也

生二子日月稍久風聲漸露後黃門郎張津有一雉媒正德見而奪之尋會重雲殿為淨供皇儲以畢集津於眾中叱罵曰張津雉媒非長樂主何可畏奪皇太子恐

帝聞之令武陵王紀和止之乃休及出送雉媒還之後
 梁室傾覆既由正德民間至聞臨賀郡名亦不欲道童
 謠云寧逢五虎入市不欲見臨賀父子其惡之如是見
 理性甚光麗長劍短衣出入塵里不為宗室所畜及肆
 逆甚得志招聚羣盜每夜輒劫大航為流所中死正德
 弟正則天監初以王子封樂山侯累遷太子洗馬舍人
 恒於第內私械百姓令養馬又盜鑄錢大通二年坐匿
 劫盜削爵徙鬱林帝敕廣州日給酒肉南中官司猶處
 欽定四庫全書

南北史合注 卷八十五

室

邕都官尚書專權陵後朝政居嘗晝卧見柳敬禮蕭勸
 入室毆之責驚起乞恩俄賊惡翻覆殺之
 始興王叔陵考宣第二子梁承聖中生於江陵魏克江
 陵考宣遷關右叔陵留穰城考宣以後主及叔陵為質
 天祐三年隨後主還朝封康樂縣侯叔陵少機辨有聲
 名強梁無所推屈大建元年封始興王奉昭烈王祀位
 都督江州刺史時年十六政自出僚佐莫預性嚴刻
 部下懾憚諸公子姪及罷縣令長皆逼令事己豫章內
 部下懾憚諸公子姪及罷縣令長皆逼令事己豫章內
 欽定四庫全書

南北史合注 卷八十五

室

以侯禮正則悲怨諸父與西江督護靳山顧通室招誘
 亡命將襲番愚未及期事發遂鳴鼓會眾將攻州城刺
 史元景仲命長史元孝深討之正則敗逃於廁村人縛
 送之詔斬於南海有司請絕屬籍收妻子詔聽絕屬籍
 妻子特原弟正立另見正立子賁性躁薄正德為侯景
 所立賁出投之專監造攻其以攻臺城常為賊耳目南
 康嗣王會理謀襲景賁與中宿世子子邕告之賊矯封
 賁竟陵王子邕隨郡王並改姓侯氏賁為宗正之卿子

史錢法成詣府進謁即配其子季卿將領馬仗季卿慚
 不時至叔陵大怒侵辱法成法成憤怨自縊州縣非其
 部內亦徵攝案治之朝貴及下吏有乖忤者輒誣奏其
 罪陷以重辟四年遷都督湘州刺史諸州鎮聞其至皆
 震恐股慄叔陵日益橫征伐夸矜所得皆入己絲毫不
 以賞賜徵求役使無有紀極夜常不卧執燭達曉呼召
 賓客說民間細事戲謔無所不為性不飲唯多置餚餼
 晝夜食嗽自旦至中方寢曹局文案非呼不得輒白笞

罪者皆繫獄動數年不省視瀟湘以南皆逼為左右廛里無遺者脫中有逃竄輒殺其妻子州縣無敢上言孝宣弗之知九年除都督揚州刺史十年至都加扶給油幢車叔陵居東府事務多涉省閤執事之司承意順旨即諷帝進用微忤必抵大罪重者至殊死道路藉藉皆言其有非常志叔陵脩飾虛名每入朝常於車中馬上執卷讀書高聲長誦揚揚自若歸坐齋中或自執斧斤為木狝百戲又好游冢墓間遇有塋表主名可知者輒

欽定四庫全書

南北史合注 卷八十五

六

命左右發掘取其石誌右踞并骸骨肘脰持為玩弄藏之府庫民間少妻處女微有色並即逼納十一年丁所生母彭氏憂去職頃之起為本職晉世王公貴人多葬梅嶺及彭氏卒叔陵啟求梅嶺葬之乃發故太傅謝安墓啟安柩葬母初喪日偽為哀毀自稱刺血寫涅槃經未及十旬乃日進甘膳又私召左右妻女與姦所作尤不軌浸淫上聞帝責御史中丞王政不舉奏免政官又黜其典籤親事仍加鞭笞帝素愛叔陵不絕以法但責

讓而已服闋又為侍中中軍大將軍及帝不豫後主諸王並入侍疾叔陵陰有異志命典藥史礪切藥刀及倉卒之際又命左右取劔左右不悟乃取朝服所佩木劔進叔陵怒

陳書叔堅傳曰叔堅在側聞之疑有變伺其所為

及翌日小飲後主哀頓俯伏叔陵以剗藥刀斫後主中項太后馳來救叔陵又斫太后數下後主乳媪樂安君吳氏時在太后側自後掣其肘後主因得起叔陵仍持

欽定四庫全書

南北史合注 卷八十五

六

後主衣後主自奮得免長沙王叔堅以手搯叔陵奪去其刀仍牽其柱以其褶袖縛之棄池水中將殺之間後主曰即畫之為有待也時吳媪已扶後主避賊叔堅求後主所在將受命叔陵多力因奮得脫突出雲龍門馳車還東府呼其甲士斷青溪橋道放東城因充戰士又遣人往新林追所部兵馬仍自被甲著白帽登城西門招募百姓散金銀以賞賜召諸王將帥無應者惟新安王伯固聞而越之叔陵聚兵僅得千人欲據城保守時

衆軍並緣江防守臺內空虛叔堅白太后使太子舍人
司馬申急召右衛將軍蕭摩訶將兵至府西門叔陵事
急遣記室韋諒送鼓吹與摩訶謂曰事捷以公為台島
摩訶始報曰須王心齊節將自來方敢從命叔陵即遣
戴溫潭驕麟二人詣摩訶摩訶執送臺斬於閣道下持
其首徇東城仍懸朱雀門叔陵知不濟遂入沉其妃張
氏及寵妾也人於井中叔陵有部下兵先在新安於是
率人馬數百自小航渡欲趣新林以舟艦入北行至白

欽定四庫全書

南北史合注
卷八十五

元

楊路為臺軍所邀伯固見兵至旋入巷叔陵拔刀追之
伯固復還叔陵部下多棄甲潰散摩訶馬客陳智深迎
刺叔陵仆地闍豎王飛禽抽刀斫之數十下馬客陳仲
華就斬其首送於臺自寅至己定尚書八坐奏請依宋
世故事流尸江中汙渚其室并毀其所生彭氏墳廟還
謝氏塋後主從所奏叔陵諸子即日並賜死
陳新安王伯固文帝第五子生而龜背目通睛揚白形
狀眇小而俊辯善言論天嘉六年立為新安郡王太建

七年累遷都督南徐州刺史伯固性嗜酒不好積聚所
得祿俸用度無節酣醉後多所乞丐於諸王中最貧孝
宣每矜之特加賞賜性輕率好行鞭撻在州不知政事
日出田獵或乘輿興至草間輒呼民下從游動至旬日
所捕麋鹿多使生致帝頗知之遣使責讓者數矣十年
為國子祭酒頗知玄理而墮業無所通至於禮尚問難
往往有奇意為政嚴苛國學有墮游不脩習者重加擯
楚生徒懼之學業頗進十三年為都督揚州刺史後主

欽定四庫全書

南北史合注
卷八十五

元

初在東宮與伯固甚親狎伯固又善朝諛帝每宴集多
引之叔陵在江州心害其寵陰求瑕疵將中以法及叔
陵入朝伯固懼罪諂求其意
愚按伯固此事與宋始興王濬論太子劾同
乃共訛毀朝賢歷詆文武雖者年高位皆面折無所畏
忌伯固性好射雉叔陵又好發塚出游田野必偕行情
好大協遂謀不軌伯固侍禁中每有密語必報叔陵奔
東府遣使告之伯固單馬馳赴助叔陵指麾知事不捷

便欲走會四門已閉不得出因趨白楊道臺馬容至為
亂兵所殺尸於昌館門時年二十八詔特許以庶人禮
葬子及所生王氏並宥為民國除



欽定四庫全書

南北史合注
卷八十五

七

南北史合注卷八十五

總校官檢 討臣 彭元琬
侍讀學士 臣 王 保
校對生 員 臣 梁寶繩

欽定四庫全書

南北史合注卷八十六

明 李清 撰

南史八十六

留異

陳寶應

侯景字萬景魏懷朔鎮人少而不羈魏末北方大亂乃

欽定四庫全書

南北史合注 卷八十六

事邊將爾朱榮甚見器重初學兵法於榮部將慕容超

宗未幾超宗每詢問焉後以軍功

梁書曰景以私衆見榮榮甚奇之委以軍事會葛榮

南逼榮自討命景先驅至河內擊葛榮大破之

為定州刺史始東魏相高歡微時與景甚相友好及歡

誅爾朱氏景以衆降仍為歡用

梁書曰景性殘酷馭軍嚴整然所得財寶皆班賜將

士故咸為之用所向多捷

稍至吏部尚書非其好也每曰何當離此反故紙邪尋封濮陽郡公

資治通鑑曰高歡與宇文泰戰于沙苑將濟河景曰

今茲舉兵形勢極大萬一不捷猝難收斂不如分為

二軍相繼而進前軍若勝後軍合力前軍若敗後軍

承之歡不從以渭曲葦深欲火之景曰當生擒黑獺

以示百姓若衆中焚死誰復信之歡從之竟以戰敗

歡敗于沙苑景謂歡曰宇文泰恃戰勝今必致怠請以

欽定四庫全書

南北史合注 卷八十六

數千勁騎至關中取之歡告妃婁氏曰彼若得泰亦將

不歸得泰失景於事奚益歡乃止後為河南道大行臺

位司徒又言於歡曰向恨不得泰今請兵三萬橫行天

下要須濟江縛取蕭衍老公作太平寺主歡壯其言使

擁兵十萬專制河南仗任若已半體景右足短弓馬非

其長唯以智謀時歡部將高昂彭樂皆雄勇冠時唯景

常輕之言似豕突爾勢何所至及將鎮河南請于歡曰

今握兵在遠姦人易生詐偽大王若賜以書請異於他

者許之每與景書別加徽點雖子弟弗知及歡疾篤

梁書曰歡疾篤謂子澄曰侯景狡猾多計反覆難知

我死必不為汝用

其世子澄矯書召之景知偽

愚按高歡疾篤時見澄色憂諄諄畫制景策豈於加

點事獨不道破乃資治通鑑云景得書無點辭不至

何也歡忘之耶吾未敢信

懼禍因用王偉計乃以太清元年二月遣其行臺郎中

欽定四庫全書

南北史合注
卷八十六

三

丁和上表求降

梁書載表曰高澄天性險忌觸類讒嫉累信見召懼

讒畏戮拒而不返遂觀兵汝穎擁旆周韓舉函谷以

東瑕丘以西歸誠聖朝惟青徐數州僅須折簡一驛

走來不煩經略黃河以南南臣之所掌易同反掌若齊

宋一平徐事燕趙

帝召羣臣議之尚書僕射謝舉等皆議納景非便武帝

不從初帝以是歲正月乙卯讀佛經於善言殿謂左右

黃慧弼曰我昨夢天下太平爾識之及和至校景實以

正月乙卯日定計帝由是納之封景河南王大將軍使

持節督河南北諸軍事大行臺承制如鄧禹故事高澄

嗣事為勃海王

資治通鑑曰澄遣武衛將軍元柱將數萬衆晝夜兼

行襲景過景於潁川柱等大敗景以梁師未至退保

潁川

遣其將慕容紹宗圍景於長社景急乃求割魯陽長社

欽定四庫全書

南北史合注
卷八十六

四

東荆北兗請救于西魏

資治通鑑曰景恐上責之遣中兵參軍柳昕奉啟以

為王旅未接死亡交急遂求援關中臣既不容於高

氏豈見容於宇文但螿手解腕事不得已今以四州

為餌敵資已令宇文遣人入守自豫州以東齊海以

西悉臣控壓現有之地盡歸聖朝懸瓠項城徐州南

兗事須迎納願陛下速救境上各置重兵與臣影響

不使差互上報之曰大夫出境尚有所專况始創奇

謀將建大業理須隨以應卿誠心有本何假辭費

魏遣五城王元慶等率兵救之紹宗乃退景復請兵於
司州刺史羊鴉仁遣長史鄧鴻率兵至汝水慶軍夜遁
鴉仁乃據懸瓠時景將蔡道遵北歸言景有悔過志高
澄信之乃以書喻景若還許以豫州刺史終其身所部
文武更不追攝闔門無恙并還寵妻愛子景報書而不
從

梁書載景書曰僕鄉曲布衣出身為國綿歷二紀富

欽定四庫全書

南北史合注
卷八十六

五

貴當年今北面相抗何哉實以妻子在宅無事見圍

專欲屠剪隕軀非義身名並滅故耳尊王在昔見與
比肩共獎帝室雖形勢參差寒暑小異丞相司徒雁
行而已福祿官榮自是天爵勞而後授理不相干欲
求吞炭何其謬也魏德雖衰天命未改祈恩私第何
足關言今梁道雍熙招携以禮被戮文廢之好爵
吳楚剽勁帶甲千羣吳兵翼馬控弦十萬兼僕所部
義勇如林此而為弱孰足為強書稱士馬精新尅日

齊舉指期盪滅徒知北方之力爭未識西南之合從

彼既嗤僕愚迷此亦笑君晦昧今已引二邦揚旌北
討熊豹齊奮克復中原荆襄廣頽已屬關右項誠懸
瓠亦奉南朝幸自取之何勞恩賜復尋來書云僕妻
子悉拘司寇當是見疑褊心未識大趣昔王陵附漢
母在不歸太上囚楚乞羹自若矧伊妻子而可介意
脫謂誅之有益欲止不能殺之無損徒復坑戮家累
在君何關僕也昔與盟王事等琴瑟護人間之翻為

欽定四庫全書

南北史合注
卷八十六

六

仇敵撫弦搦矢不覺傷懷裂帛返書知何能述

澄知景無歸志

三國典略曰澄徵問景於梁與景書而謬其辭云本
使景佯叛欲與圖西魏西人知之故景更圖南漏其
書於梁梁人亦不信也

乃遣軍相繼討景帝聞鴉仁已據懸瓠遂命羣師指授
方畧大舉攻東魏以貞陽侯蕭淵明為都督淵明軍敗
見俘紹宗攻潼州刺史郭鳳棄城走景乃遣其行臺左

丞王偉左民郎王則詣闕獻策請元氏子弟立為魏王

資治通鑑載偉等言曰鄴中文武合謀召臣共討高

澄事泄澄幽元善見於金墉殺諸元六十餘人河北

物情俱念其主請元氏一人以從民望則陛下有繼

絕之名臣有立功之望河之南北為聖朝邦莒國之

男女為大梁臣妾

詔遣太子舍人元貞為咸陽王須渡江許即位以乘輿

之副資給之高澄又遣慕容紹宗追景景退保渦陽

欽定四庫全書

南北史合注
卷八十六

七

三國典畧曰景與段韶夾渦而軍韶潛于上風縱火

景眾騎入水出而却走火不復燃

使謂紹宗曰欲送客邪將定雄雌邪紹宗曰將決戰遂

順風以陣景閉壘頃之乃出紹宗曰景多詭好乘人背

使備之果如其言景命戰士皆被短甲短刀但祇視斫

人脛馬足遂敗紹宗軍裨將斛律光尤之紹宗曰吾戰

多矣未見此賊之難爾其當之光被甲將出紹宗戒之

曰勿渡渦水既又為景敗

資治通鑑曰光與張恃顯陣于水北光輕騎射之景

臨渦水謂光曰汝求勲而來我懼死而去我汝之父

友何為射我汝豈自解不度水南必紹宗教汝光無

以應景使其徒田遷射光矢洞胸光易馬隱樹又中

之退入于軍景擒恃顯既而捨之光走入譙城

紹宗謂曰定何如也相持連月景食盡誑其眾謂家口

並見殺眾皆哭之紹宗遣謂曰爾等家並完乃被髮向

北斗誓之景士卒並北人不樂南渡其將暴顯等各率

欽定四庫全書

南北史合注
卷八十六

八

所部降紹宗景軍潰散喪甲士四萬人馬四千疋輜重

萬餘輜乃與腹心數騎自硤石濟淮稍收散卒得馬步

八百人南過小城城人登陴詔之曰跛脚奴何為景怒

破城殺言者而去晝夜兼行追軍不敢逼使謂紹宗曰

景若就擒公復何用紹宗乃縱之既莫適所歸馬頭成

主劉神茂為韋黯不容因是踣馬乃馳謂景曰壽陽去

此不遠城池險固韋黯是監州耳王若次近郊彼必郊

迎因而執之可以集事得城後徐以啟聞朝廷喜王南

歸必不責也景執其手曰天教也及至黠授甲登陴景謂神茂曰事不諧矣對曰黠懦而寡智可說下也乃遣豫州司馬徐思玉夜入說之黠乃開門納景景執黠數之將斬黠久乃見釋乃遣于子悅馳以敗聞自求貶削優詔不許復求資給即授南豫州刺史本官如故帝以景兵新破未忍移易故以鄱陽王範為合州刺史即鎮合肥魏人攻懸瓠懸瓠糧少羊鴉仁去懸瓠歸義陽魏人入懸瓠更求和親帝召公卿謀之張綰朱异成請許

欽定四庫全書

南北史合注 卷八十六

九

之景聞未信乃偽作鄴人書求以貞陽侯淵明易景帝將許之舍人傅岐曰侯景以窮歸義棄之不祥且百戰之餘寧肯束手受繫謝舉未異曰景奔敗之將一使力耳帝從之復書曰貞陽旦至侯景夕反景謂左右曰我知吳兒老公薄心腸又請娶于王謝帝曰王謝門高非偶可訪朱張以下景恚曰會將吳兒女配奴王偉曰今坐聽亦死舉大事亦死王其圖之於是遂懷反計屬城居人悉占募為軍士輒停責市估及田租民間子女悉

配將士又啟求錦萬疋為軍人袍中領軍朱異議御府錦署止充領賞不容供邊用請送青布給之又以臺所給仗多不能精啟請東冶鍛工欲更營造救並給之初景自馮陽敗後多所徵求朝廷含弘未嘗拒絕是時貞陽侯淵明遣使還梁述東魏請追前好許放還帝覽之流涕乃報淵明啟當別遣行人帝亦欲息兵乃與魏和通景聞之懼馳啟固諫

欽定四庫全書

南北史合注 卷八十六

十

資治通鑑載啟曰高氏心懷鳩毒怨盈北土人願天從歡身殞越子澄嗣惡討滅待時所以昧此一勝者蓋天蕩澄心以盈凶毒耳澄苟行合天心腹心無疾又何亟亟奉璧求和豈不以秦兵扼其喉胡騎迫其背故甘辭厚幣取安大國臣聞一日縱敵數世之患何惜高澄一豎以棄億兆之心竊謂北魏安強莫過天監之始鍾離之役匹馬不歸當其強也陛下尚伐而取之及其弱也反慮而和之舍已成之功縱將死之酋使其假命強梁以遺後世非直愚臣扼腕實亦

志士痛心昔伍員奔吳楚邦卒滅陳平去項劉氏用
興臣雖才劣古人心同往事誠知高澄忌費在崔惡

會居秦求盟請和冀除其患若臣死有益萬殞難辭

惟恐千載有穢良史及遣使弔澄景又啟曰臣與高

氏釁隙已深仰憑威靈冀雪仇恥今陛下復與高氏

連和使臣何地自處乞申後戰宣暢皇威上報之曰

朕與公大義已定豈有成而相納敗而相棄今高氏

有使求和朕亦更思偃武進退之宜國有常制公宜

欽定四庫全書

南北史合注
卷八十六

十二

清靜自居景又啟曰臣今蓄糧聚眾秣馬潛戈指日

計期克清趙魏不願軍出無名故以陛下為主耳今

陛下棄臣邈外南北復通將恐微臣之身不免高氏

之手上又報之曰朕為萬乘主豈可失信一物想公

深得此心不勞再啟也 愚按貞陽侯淵明易侯景

事通鑑載於此數啟後宜從通鑑

帝不從爾後表疏跋扈言辭不遜又聞遣伏挺徐陵使

魏不知所為元貞知景異志屢啟還朝景謂曰將定江

南何不少忍貞益懼奔還建鄴具以事聞
通鑑曰上以貞為始興內史亦不問景

景又招司州刺史羊鴉仁同逆鴉仁錄送其使時鄱陽

王範鎮合肥及鴉仁俱累啟稱景有異志朱异曰侯景

數百叛酋何能為抑並役不奏聞景姦謀益果乃上言

曰高澄狡獪寧可全信陛下納其詭語求與連和臣亦

竊笑臣行年四十有六未聞江左有佞邪之臣一旦入

朝乃致踟躕寧堪粉骨投命雖門請乞江西一境受臣

欽定四庫全書

南北史合注
卷八十六

十二

控督如其不許即領甲臨江上向闕越非惟朝廷自恥

亦三公盱眙帝使朱异宣答景使曰譬如貧家畜十客

五客尚能得意朕惟有一客致有忿言亦朕失也景又

知臨賀王正德怨望朝廷密令要結正德許為內應二

年八月景遂發兵反於豫州城內集其將帥登壇歃血

是日地大震於是以誅中領軍朱异少府卿徐麟太子

左率陸驗制局監周石珍為辭且言姦臣亂政請帶甲

入朝先攻馬頭木柵執太守劉神茂戍主曹瓌等帝聞

之笑曰是何能為吾折筆答之耳乃殺斬景者不問南
 北人同賞封二千戶兼一州刺史其人係主帥欲還北
 不須州者賞絹布二萬以禮發遣於是詔合州刺史鄱
 陽王範為南道都督徐州刺史封山侯正表為北道都
 督司州刺史柳仲禮為西道都督通直散騎常侍裴之
 高為東道都督同討景景濟自歷陽又令侍中開府儀
 同三司邵陵王綸持節董督眾軍景聞之謀於王偉偉
 曰莫若直掩揚都臨禍反其內大王攻其外天下不足
 欽定四庫全書

南北史合注 卷八十六 十三

定也兵聞拙速不聞工遲今便須進路不然邵陵及人
 九月景發壽春聲云游獵人不覺也留偽中軍大都督
 王貴顯守壽春出軍偽向合肥遂襲譙州助防董紹先
 降之執刺史豐城侯泰帝聞之遣太子家令王質率兵
 三千巡江邊防景進攻歷陽太守莊鐵鐵遣弟均夜斫
 景營戰沒鐵母愛其子勸鐵降景拜其母鐵乃勸景曰
 急則應機緩則致禍
 資治通鑑載鐵言曰國家承平年久人不習戰聞王

舉兵內外震駭宜乘此際速趨建康可立成大功若
 使朝廷徐得為備內外小安遣羸兵千人直據采石
 雖精甲百萬其何能濟
 景乃使鐵為導是時鎮戍相次啟聞朱异尚曰景必無
 渡江志蕭正德先遣大舟數十艘偽戴荻實擬濟景景
 至江將渡慮王質為梗俄質被追為丹陽尹無故自退
 景聞未信密遣覘之謂使曰質若退折江東樹枝為驗
 覘人如其言返景大喜曰吾事辦矣乃自采石濟江馬
 欽定四庫全書

南北史合注 卷八十六 十四

數百匹兵八千人都下弗覺景即分襲姑熟執淮南太
 守文成侯寧遂至慈湖南津校尉江子一奔遂建鄴皇
 太子見事急入啟帝曰請以事垂付願不勞聖心帝曰
 此自汝事何更問為太子仍停中書省指授內外擾亂
 相劫不復通詔以揚州刺史宣城王大器為都督內外
 諸軍事都官尚書羊侃為軍師將軍副之遣南浦侯持
 守東府城西豐公大春守石頭輕車長史謝禧始興太
 守元貞守白下既而景至朱雀航遣徐思玉入啟乞帶

甲入朝除君側之惡請遣了事舍人出相領解實欲觀

城中虛實帝遣中書舍人賀季主書郭寶亮隨思玉勞

景於板橋景北面受救季曰今日之舉何以為名景曰

欲為帝耳王偉進曰朱异徐麟譖亂政欲除姦臣耳

景既出惡言留季不遣寶亮還宮先是大同中童謠曰

青絲白馬壽陽來景馮陽之敗求錦朝廷給以青布及

是皆用為袍米色尚青景乘白馬青絲為轡欲以應謠

蕭正德屯丹陽柳至是幸所部與景合建康令庾信率

欽定四庫全書

南北史合注
卷八十六

十五

兵千餘人屯航北及景至徹航始除一船見賊軍皆若

鐵面

資治通鑑曰信方食甘蔗有飛矢中門柱信手甘蔗

應弦而落

遂棄軍走南塘游軍復閉航度景皇太子以所乘馬授

王質配精兵三千使援庾信質至領軍府與賊遇未陣

便奔景乘勝至闕下西豐公大春棄石頭城走景遣其

儀同于子悅據之謝禧元貞亦棄白下城走景遣百道

攻城

資治通鑑曰鳴鼓吹脣喧聲震地

縱火焚大司馬東西華諸門城中倉卒未有備乃鑿門

樓下水沃火久方滅

三國典略曰景焚大司馬門後閣舍人高善寶以私

金千兩賞戰士直閣將軍宗思領將士數十人出城

外灑水久之火滅

賊又斫東掖門將入羊侃鑿門扇刺殺數人賊乃退又

欽定四庫全書

南北史合注
卷八十六

十六

登東宮牆射城內至夜簡文募人出焚東宮臺殿遂盡

所聚圖籍數百厨一皆灰燼先是簡文夢有人畫作秦

始皇云此人復焚書至是驗景又火城西馬廐士林館

太府寺明日景又作木驢數百攻城城上擲以石並皆

碎破賊又作尖頂木驢狀以槓石不能破乃作雉尾炬

灌以膏蠟叢擲焚之賊攻既不克士卒死者甚多乃止

攻築長圍絕內外又啟求誅朱异陸驗徐麟周石珍等

城內亦射賞格出外有能斬景首授以景位并錢一億

萬布絹各萬疋女樂二部莊鐵慮累不克乃奔歷陽給
言景已為臺軍梟首國家使我歸鎮景城守郭駱懼棄
城走壽陽鐵得入城遂奉其母奔尋陽十一月景立蕭
正德為帝即偽位居於儀賢堂改年正平識者以為正
德卒當平殄也景自為相國天柱將軍又攻東府城設
百尺樓車鈎城堞盡落城陷景使其儀同盧暉略率數
十人持長刀夾城門悉驅城內文武裸身而出交兵殺
之死者三千餘人南浦侯推是日遇害

欽定四庫全書

南北史合注
卷八十六

十七

資治通鑑曰景載其屍聚於杜姥宅遙語城中人曰
若不早降當如此

景使正德子見理及暉略守東府城初景至都便唱云
帝已晏駕雖城中亦以為然簡文慮人情有變乃請駕
巡城帝將登城陸驗諫曰陛下為萬乘之重豈可輕脫
因泣下帝深感其言乃幸大司馬門城上聞蹕聲皆鼓
譟軍人莫不屑涕士民乃安景又於城東西各起土山
臨城城內亦作兩山應之簡文以下皆親畚鍤初景至

便望克定建鄴號令甚明不犯士民既攻不下人心離
沮又恐後軍總集眾必潰散乃縱兵殺掠交尸塞路富
室豪家恣意哀剝子女妻妾悉入軍營又募北人先為
奴者並令自拔賞以不次朱异家黥奴乃與其儕踰城
投賊景以為儀同使至闕下以誘城內乘馬披錦袍詔
曰朱异五十年任宦方得中領軍我始事侯王已為儀
同於是奴僮競出盡皆得志

欽定四庫全書

南北史合注
卷八十六

十八

資治通鑑曰朱异遺景書為陳禍福景報書并告城
中士民以為梁自近歲以來權幸用事割剝齊民以
供嗜欲如曰不然公等試觀今日國家池苑王公第
宅僧尼寺塔及在位庶僚姬妾百室僕從數千不耕
不織錦衣玉食不奪百姓從何得之僕所以趨赴闕
廷指誅權佞非傾社稷今城中望四方入援僕觀王
侯諸將志在全身誰能竭力致死與吾爭勝負哉長
江天險二曹所嘆吾一葦航之日明氣淨幸各三思
自求元吉景又表東魏主曰臣進取壽春暫欲停憩

而蕭衍識此運終自辭寶位臣軍未入其國已投同
泰捨身去月二十九日已屆建康江海未蘇干戈暫
止永言故鄉人馬同戀尋當整轡以奉聖顏臣之母
弟久謂屠滅近奉明敕始承猶在斯乃陛下寬仁大
將軍思念臣之弱劣如何仰報今輒齋啟迎母弟妻
兒伏願聖慈特賜裁放 愚按景南北兩啟必皆王
偉代草予故備錄之以著其謫云

景食石頭常平倉既盡便掠居民爾後米一升值七八

欽定四庫全書

南北史合注
卷八十六

十九

萬錢人相食有食其子者又築土山不限貴賤晝夜不
息亂加毆捶疲羸者殺以填山哭聲動天地百姓不敢
藏隱並出從之旬日間衆至數萬景儀同范桃棒密貪
重賞求以甲士二千人來降以景首應購遣文德主帥
前白馬游軍主陳昕夜踰城入密啟言狀簡文以啟帝
帝大悅使桃棒事定許封河南王鑄銀券與之簡文恐
其詐猶豫不決帝怒曰受降常理何忽致疑朱異傳岐
同請納之

資治通鑑載二人言曰桃棒降必非謬桃棒既降賊
景必驚乘此擊之可大破也

簡文曰吾堅城自守所望外援外援若至賊豈足平若
開門納桃棒桃棒之意尚難知一旦傾危悔無及矣桃
棒又曰今止將所領五百餘人若至城門自皆脫甲乞
朝廷賜容事濟時保擒侯景簡文見其言愈疑之朱異
以手撻脅曰今年社稷去矣俄桃棒軍人魯伯和告景
並烹之

欽定四庫全書

南北史合注
卷八十六

二十

愚按桃棒不遠之復宜與陳昕俱改節義所以改昕
不改桃棒猶以密貪重賞見利非見義故也
至是郢陵王綸率西豐公大春新塗公大成永安侯確
南安鄉侯駿前譙州刺史趙伯超武州刺史蕭弄璋步
兵校尉尹思合等馬步二萬發自京口直據鍾山景黨
大駭咸欲逃散分遣萬餘人拒戰綸大破之於愛敬寺
下景初聞綸至懼形于色及軍敗還尤言其善愈恐命
具舟石頭將北濟任約曰去鄉萬里走欲何之戰若不

提君臣同死草間乞活約所不為景乃留宋子仙守壁
自將銳卒拒綸陣於覆舟山北與綸相持會暮景退還
南安侯駿率數十騎挑之景回軍駿退時趙伯超陣於
玄武湖北見駿退亦率軍走衆軍潰亂遂敗績綸奔京
口是日鄱陽世子嗣裴之高至後渚結營蔡洲景分軍
屯南岸

資治通鑑曰景悉驅居民于水北焚其廬舍大街居
民掃地頓盡

欽定四庫全書

南北史合注
卷八十六

三

十二月景造諸攻具及飛樓撞車登城車鈞堞車階道
車火車並高數丈車至二十輪陳于關前百道攻城以
火焚城東南隅大樓因火勢攻城

資治通鑑曰材官吳景有巧思於城內構地為樓火
纜滅新樓即立賊以為神

城上亦擲雉尾炬悉火其攻具賊乃退是時景土山成
城內亦築土山成太子宣城王以下皆親負土執畚鍤
以太府卿韋黯守西土山左衛將軍柳津守東土山

起芙蓉層樓高四丈飾以錦屬捍以烏筍山峯相近慕
敢死士厚衣袍鎧名曰僧騰客配二山交稍以戰鼓叫
沸騰昏旦不息土山攻戰既苦人不堪命柳津命作地
道以取其土外山崩壓賊且盡賊又作蝦蟇車運土石
填壑戰士升之樓車四面並至城內飛石碎其車賊死
積于城下

資治通鑑曰又於城內作飛橋懸罩二土山上景衆
見飛橋迴出崩騰而走

欽定四庫全書

南北史合注
卷八十六

三

賊又掘城東南角城內作迂城形如却月以捍之賊乃
退棄土山不復修自焚其攻具材官將軍宋巖降賊因
為立計引玄武湖水灌臺城關前御街並為洪波矣又
火南岸居民營寺莫不咸盡司州刺史柳仲禮衛州刺
史韋聚南陵太守陳文徽宣猛將軍李孝欽等皆來赴
援鄱陽世子嗣裴之高又濟江柳仲禮營朱雀航南裴
之高營南苑韋聚營青塘陳文徽李欽也丹陽郡鄱陽
世子嗣營小航南並緣淮造柵及旦景方覺乃登禪靈

寺門樓望之見韋聚營壘未合度兵擊之聚敗景斬聚首徇城下柳仲禮聞聚敗不遠貫甲與數十人赴之遇賊斬首數百投水死者千餘人仲禮深入馬陷泥亦被重創自是賊不敢濟岸

資治通鑑曰仲禮亦氣衰不敢復言戰

邵陵王綸又與臨城公大連等自東道集于南岸荊州刺史湘東王繹遣世子方等兼司馬吳曄天門太守樊文皎赴援營於洲子岸前高州刺史李遷任前司州刺

欽定四庫全書

南北史合注
卷八十六

三五

史羊鴉仁又率兵繼至既而鄱陽王世子嗣永安侯確羊鴉仁李遷任樊文皎率眾渡淮攻破賊東府城前柵遂營于青溪水東景遣其儀同宋子仙緣水西立柵相拒景食稍盡人相食者十五六初援兵至北岸眾號百萬士民扶老携幼以候王師纔過淮便競剝掠徵責金銀列營而立至相疑貳邵陵王綸柳仲禮甚於雠敵臨城公大連永安侯確逾于水火咸無戰心賊黨有欲自拔者聞之咸止

魏書島夸傳曰行每募人出戰初或暫勝後必奔敗景每宣言城中非無菜但無醬耳以戲侮之

賊之始至城中纔得固守平蕩之事期望援軍既而中外斷絕有羊車兒獻計作紙鴉繫以長繩藏於中簡文出太極殿前因此西北風放之以其書達羣賊賊之謂是厭勝之術又射下之其危急如此

資治通鑑曰援軍募人能入城送啟者鄱陽世子嗣左右李朗請先受鞭詐為得罪叛投賊因得入城

欽定四庫全書

南北史合注
卷八十六

三四

中方知援兵四集舉城歡噪上以朗為直問將軍賜金遣之朗緣鍾山後宵行晝伏積日乃達

是時城中圍逼既久腩味頓絕簡文上厨僅有一肉之膳軍士煮弩燻鼠捕雀食之殿堂舊多鴿羣聚至是賊馬初宮門之閉公卿以食為念男女貴賤並出負米得四十萬斛收諸府藏錦帛五十億萬並聚德陽堂魚鹽採樵所取蓋寡至是乃壞尚書省為薪撤薦剉嗣馬盡又食餘馬御甘露厨有乾苔味酸鹹分給戰士軍人屠

馬于殿省間鬻之雜以人肉食者必病賊又置毒水竇於是稍行腫滿之疾城中疫死大半

魏書島夸傳曰軍人共於德陽殿前立市屠一牛得絹三千疋賣一犬得錢二十萬雀鼠皆盡死者相枕初有盜取其池魚者行猶大怒敕付廷尉既而宿昔俱盡

初景未渡江魏人遺檄極言景反覆猜忍又言帝飾智驚愚將為景敗

欽定四庫全書

南北史合注 卷八十六

二十五

魏書通鑑載杜弼檄曰我皇魏之垂統也駕雲車而自北策龍御以圖南方志所不傳荒經所不綴莫不繩谷釣山依風托水惟彼吳越獨阻聲教偽主蕭行矯情飾詐事非一緒毒螫滿懷妄敦戎業躁競盈胸謬治清靜至乃大興寺塔廣繕臺堂昭陽倒景垂珠啣壁崢嶸刻削千門萬戶鞭撻疲民盡其筋骨延壞運石悲歌掩途死而可折甘同仙化知淺謀疎曾不自揆過桐栢之流翻為已害子亡齊之盾忽為戎首

至於廢捐寵嫡崇樹愚子疾視扼腕二紀於茲所幸

元首懷舞戚之風上宰薄兵車之會遂解繫南冠喻以好睦舟車遵溯川陸光華反肉還童不待羊陸雖嘉謀長算爰自我始罷戰息民彼獲其利侯景負恩棄德身為亂階委慈母如脫屣棄少弟如遺土羣子陸陸妻妾成行慕姜兒與言蒺伯春宛轉比之梟獍異類同醜及遠托關隴委命寇逆寶炬定君臣之分黑獺結兄弟之親授以名器救其重圍俄而背德親

欽定四庫全書

南北史合注 卷八十六

二十六

尋干戈釁惡禍盈側首無托以金陵逋逃之數江南流遇之地甘辭卑禮詭言浮說叛豎救命豈將擇音偽朝大小幸災忘義逐雀去草曾不是圖竊寶叛邑椒蘭比好人而無禮其能國乎蓋物無定才事無定勢是以吳侵齊境遂得句踐之師趙納韓地終有長平之役况乃鞭撻疲民侵軼徐部築壘擁川舍舟微利是以援枹秉麾之將投距超石之士含怒作色如赴私仇鋒刃暫交土崩瓦解擗指舟中衿甲鼓下同

宗異姓縲絏相望曲直既殊強弱不等獲一人而失一國見黃雀而忘深阱誠既往難速猶將來可追若景位班三事邑啟萬家揣身量分久當知足而周章向背離披不已夫豈徒然意亦可見彼乃授以利器誨以慢藏使其勢得容姦時堪乘便今見南風不競天亡有徵老賊奸謀將復作矣然摧堅強者難為力摧枯朽者易為功計景雖非孫吳猛將燕趙精兵猶是久涉行陳曾習軍旅豈同剽輕之師不比危脆之

欽定四庫全書

南北史合注 卷八十六

二十一

衆拒此則作氣不足攻彼則為勢有餘終恐尾大於身腫粗於股倔強不掉狼戾難馴呼之則反速而釁小不徵則叛遲而禍大遙望廷尉不肯為臣自據淮南亦欲稱帝但恐楚國亡猿禍延林木城門失火殃及池魚橫使江淮士子荆揚人物死亡矢石夭折露霧且偽主操行無聞輕險有素年既老矣耄又及之災異降於上怨讟興於下恃險躁風俗任輕薄子孫朋黨路開兵權在外必將禍生骨肉釁起腹心強弩

衝城長戈指闕徒探雀穀無救府藏之虛空請熊蹯詎延晷刻之命外崩中潰今實其時鷸蚌相持我乘其敝當使鍾山渡江青蓋入洛荆棘生建鄴之宮麋鹿遊姑蘓之館若吳之王孫蜀之公子歸歎軍門委命下吏當授客卿之秩特加驃騎之號凡百君子勉求多福 愚按魏書所載與通鑑前後差異今合摘之如此

欽定四庫全書

南北史合注 卷八十六

二十一

至是禍敗之狀皆如所陳南人咸以為讖時景軍亦飢不能復戰東城有積粟其路為援軍所斷且聞湘東王下荊州兵彭城劉邈說景曰大軍頓兵已久攻城不拔今衆軍雲集未易可破如聞軍糧不支一月運漕路絕野無所掠嬰兒掌上信在于今未若乞和全師而反景乃與王偉計 資治通鑑載偉言曰今臺城不可猝拔吾軍乏食且偽請和以緩其勢東城之米足支一年因求和之際運米入石頭然後伺懈擊之一舉可取也

遣任約至城北拜表偽降以河南自效帝曰吾有死而已寧有是議且賊凶逆多詐此言何可信既而城中日蹙簡文乃請于帝曰侯景圍逼既無勤王之師今欲許和更思後計帝大怒曰和不如死簡文曰城下之盟乃是深恥白刃交前流矢不顧帝遲回久之曰爾自圖之無令取笑千載乃聽之景請割江右四州地并求宣城王大器出送然後解圍濟江仍許遣其儀同于子悅左丞王偉入城為質中領軍傅岐議以宣城嫡嗣有輕言

欽定四庫全書

南北史合注
卷八十六

三九

者劍之乃請石城公大款出送詔許之遂設壇西華門外遣尚書僕射王克兼侍中上甲鄉侯韶兼散騎常侍蕭瑳與于子悅王偉等登壇共盟右衛將軍柳津出西華門下景出其柵門與津遙對刑牲歃血南兖州刺史南康嗣王會理前青冀二州刺史湘潭侯退西侯世子或率眾三萬至馬卬洲景慮北軍自白下而上斷其江路請悉勒聚南岸救遣北軍並進江潭苑景又啟稱永安侯確趙威方頻隔柵詔臣云天子自與爾盟我終當

逐汝乞召入城即進發救並召之景遂運東城米于石頭食乃足又啟云西岸信至高澄已得壽春鍾離無處安足權借廣陵譙州須征得壽春鍾離即以奉還朝廷資治通鑑曰景又言援軍既在南岸須于京口渡江太子並答許之

時荊州刺史湘東王繹師于武城河東王譽次巴陵前信州刺史桂陽王懋頓江津並未之進既有救班師繹欲旋中記室參軍蕭賁曰景以人臣舉兵向闕今若放

欽定四庫全書

南北史合注
卷八十六

三

兵未及渡江童子能斬之必不為也大王以十萬之師未見賊而退若何繹不悅賁骨鯁士每恨繹不入援嘗與繹雙六食子未下賁曰殿下都無下意繹深為憾遂因事害之

愚按梁有數蕭賁其一以告南康王會理圖侯景為景先封後殺者又其一齊竟陵王子良孫為繹法曹參軍以譏刺繹所作檄餓死獄中者疑兩參軍即一人記事或訛耳

景既知援軍號令不一終無勤王之效又聞城中死疾轉多當有應之既却外兵又得城東米王偉說景曰王以人臣舉兵背叛圍守宮闕已盈十旬逼辱妃主陵穢宗廟今日持此何處容身願且觀變景然之乃表陳武帝十失

梁書載景啟曰陛下往因世季光宅江表勅勞治道享年長久人主藝業莫之與京然名與寔爽請一二陳之陛下與高氏通和年踰一紀必將分災恤患寧

欽定四庫全書

南北史合注
卷八十六

三十一

可納臣一介之使貪臣汝穎之地便絕好河北檄詈高澄揚兵擊鼓侵彭宋夫敵國相伐聞喪則止匹夫之交托孤寄命豈有萬乘之主見利忘義其失一也臣與高澄有仇歸身有道陛下授以上將任以專征方欲挂旆萬華懸旌冀趙而陛下欲分其功不能賜任使臣擊河北欲自舉徐方遣庸懦貞陽裁見旌鼓鳥散魚潰使臣狼狽失據妻子為戮寔陛下負臣之深其失二也臣作牧壽州方欲收合餘燼厲甲候戰

雪渦陽之恥陛下喪其精魂無復守氣便信貞陽謬啟復求通和臣頌陳執疑閉不從童子猶羞翻覆況在人君二三其德其失三也畏懦逗留軍有常法貞陽積甲數萬器械山積不能拒敵身受囚執以帝之猶子而面縛敵庭宜絕其屬籍以繫征鼓乃憐彼苟存欲以微臣規相貿易人君之法當如是哉其失四也懸瓠大藩古稱汝穎羊鴉仁無故棄之曾無嫌責使還居北司鴉仁棄之不為罪臣得之不為功其失

欽定四庫全書

南北史合注
卷八十六

三十二

五也臣渦陽退衄非戰之罪寔陛下君臣見誤乃還壽春祇奉彌謹鴉仁自知棄州內懷懸懼啟臣欲反陛下曾無辨究默而信納豈有坐人莫大之罪而可並肩事主者其失六也趙伯超拔自無能任居方伯朱异之徒積受金貝遂比胡趙為關張誣掩天聽韓山之之役女妓自隨裁聞敵鼓與妾俱逝不獨貞陽論罪應誅還處州任伯超無罪臣功何論賞罰無章其失七也臣任壽陽助戎裴之悌等憚臣檢制無故

道歸又啟臣欲反陛下不責其違命離局反受浸潤處臣如此使何地自安其失八也臣歸身有道罄竭忠規每有陳奏恒被抑遏朱异專斷軍旅周石珍總尸兵仗陸驗徐驎典司谷帛皆明言求貨非命不行臣無賄於中恒被抑折其失九也鄱陽鎮合肥臣以藩枝每相祇敬乃或聲言臣反或啟臣纖介招携當須以禮忠烈何以堪此其失十也昔韓信雄傑亡項霸劉末為女子所烹方悔蒯通之說臣每覽書傷心

欽定四庫全書

南北史合注 卷八十六

三十三

竊笑之豈容遵彼覆車以快陛下佞臣之手是以興甲晉陽直濟長江陳枉直而指臧否誅君創惡人清國朝糝政然後還守藩服以保忠節 資治通鑑所載又不同有曰陛下崇虛飾誕惡聞實錄以妖怪為嘉禎以天譴為無咎敷演六藝排擯前儒王莽之法也以鐵為貨使輕重無當公孫之制也爛羊鑄印朝章鄙雜更始趙論之化也豫章以所天為血仇邵陵以父存而寇布石虎之風也修建浮圖百度糜費使

四民飢餓姚興之代也又言建康宮室崇侈陛下惟與主書參斷萬機政以賄成諸奄豪盛眾僧殷實皇太子珠玉是好酒色是耽吐言止于輕薄賦課不出桑中邵陵所在殘破湘東羣下貪縱南康之屬皆如沐猴而冠親為孫侄位則藩屏臣至百日誰肯勤王此而靈長未之有也昔鬻拳兵諫王卒改善伏願小懲大戒放讒納忠使臣無再舉之憂陛下無嬰城之辱

欽定四庫全書

南北史合注 卷八十六

三十四

三年三月丙辰朔城內設壇於太極殿前使兼太宰尚書僕射王克等告天地神祇以景違盟舉烽鼓諫初城圍日男女十餘萬貫甲者三萬至是疾疫且盡守堦者止二三千人並悉羸懦橫屍滿路無人埋瘞 魏書島夷傳曰死者相繼無復板木乃剝柱為柩 亮氣熏數里爛汁滿溝洫 資治通鑑曰高祖之末建康士民服食器用爭尚豪華糧無半年之儲常資四方委輸自景作亂道路斷

絕數月之間人至相食猶不免餓死存者百無一二
於是羊鴉仁柳仲禮鄱陽世子嗣進軍東府城北柵壘
未立為景將宋子仙所敗送首闕下景又遣于子悅乞
和城內遣御史中丞沈浚至景所景無去意浚因責之
景大怒即決石闕前水百道攻城晝夜不息丁卯邵陵
王世子子堅帳內白雲朗董勛華於城西北樓納賊五
鼓賊四面飛梯衆悉上永安侯確與其兄堅力戰不能
却乃還見文德殿言狀須臾景先使王偉儀同陳慶入

欽定四庫全書

南北史合注
卷八十六

三五

殿陳謝曰臣既與高氏有隙歸投陛下每啟皆不獲達
所以入朝而姦佞懼誅深見推拒連兵多日罪合萬誅
帝曰景今何在可召來景入朝以甲士五百人自衛帶
劍升殿拜訖帝神色不變使引向三公榻坐謂曰卿在
戎日久無乃為勞景默然又問卿何州人而來至此妻
子不得相見今猶在北耶又不對其從者任約代對曰
臣妻子皆為高澄所屠惟以一身歸陛下又問初渡江
幾人景曰千人圍臺城幾人曰十萬今有幾人曰率土

之內莫非已有帝僂首不言景出謂其廂公王僧貴曰
吾常據鞍對敵矢刃交下而意氣安緩了無怖心今見
蕭公使人自慙豈非天威難犯吾不可再見出見簡文
于永福省簡文坐與相見亦無懼色初簡文寒夕詩云
雪花無有蒂冰鏡不安臺又詠月云飛輪了無轍明鏡
不安臺後人以為詩識謂無蒂者是無蒂不安臺者臺
城不安輪無轍者以邵陵名綸空有赴援名也既而景
屯兵西州使偽儀同陳慶以甲防太極殿悉圍掠乘輿

欽定四庫全書

南北史合注
卷八十六

三五

服玩後宮嬪妾收主侯朝士送永福省撤二官侍衛使
王偉守武德殿于子悅屯太極東堂矯詔大赦自為大
都督都督中外諸軍錄尚書事其侍中使持節大丞相
王如故先是城中積屍不暇埋瘞又有已死未斂或將
死未絕景悉令焚之臭聞十餘里尚書外兵郎鮑正疾
篤賊曳出焚之宛轉火中久方絕景又矯詔征鎮收守
各復本位諸軍並散降蕭正德為侍中大司馬百官皆
復職帝雖外迹不屈意猶忿憤景欲以宋子仙為司空

帝曰調和陰陽豈在此物景又請以文德主帥鄧仲為城門校尉帝曰不置此官簡文重入秦帝怒曰誰令汝來景聞亦不敢逼甚憚之後每徵求多不稱旨御膳亦被裁抑遂懷憂憤五月感疾餒崩于文德殿景秘不發權殯昭陽殿自外文武咸莫知二十餘日方升梓官於太極前殿

予論曰世皆言梁武納侯景為失策而吾獨謂未盡失不記魏明元與宋武交聘而一聞武殞即追執使

欽定四庫全書

南北史合注
卷八十六

三十一

者親率兵取河南乎梁武背東魏和以納景降亦祖而家背宋故事耳獨惜梁武不能自將且不能將將夫所謂將將必其將知深勇況能先制景而後能以制景兼制東魏彼梁武猶子貞陽侯淵明一統稭子耳昔梁用臨川王宏禦魏而畏魏如虎貽誚蕭娘若昏醉如淵明是再見蕭娘也況又佐以善適趙伯趨為呂燒續其敗而俘以此然則當日誰將惟羊侃耳夫侃去魏歸梁與景志殊而迹同在北則雄名固為

景所惜在南則赤心亦為景所欽且他日居圍城中猶能出奇無方使景屢攻屢摧侃亡斯城破寧有長於防城而短於禦敵者若梁武不將淵明將侃則景必垂頭弭耳惟所指揮制景乃制東魏況東魏所恃者一慕容紹宗耳侃景合力而紹宗孤智若紹宗破則北土震矣且是時大將軍高澄恃甚詈主毆君無人臣禮若梁武檄數澄罪謂吾不背歡背澄詎曰無名斯時也因景所納東魏土之半長驅入鄴君臣並俘奏凱南還燕趙服而關隴搖矣然後待宇文黑獺死徐吞西魏為一家使後世誦大一統者不言隋文自北并南而言梁武自南并北詎不為江左吐氣故吾謂梁武納景非失策而不將侃以將淵明為失策而不將侃以將淵明為失策也何以知之則又於淵明敗後侃結陳徐還知之惜也僅用以救敗而不用以制勝

欽定四庫全書

南北史合注
卷八十六

三十二

迎簡文即位及葬修陵使衛士以大釘於要地釘之欲

令後世絕滅矯紹赦北人為奴婢者其收其力用時東揚州刺史臨城公大連據州吳興太守張暉據郡自南陵以上並各據守景制命所行唯吳郡以西南陵以北六月景殺蕭正德於永福省封元羅為西秦王元景襲為陳留王諸元子弟封王者十餘人

資治通鑑曰簡文大寶元年五月景以元思虔為東道大行臺鎮錢塘

以柳仲禮為使持節大都督隸大丞相參戎事十一月

欽定四庫全書

南北史合注
卷八十六

三十九

百濟使至見城邑邱墟號泣於端門外行路見者莫不灑泣景聞大怒收小莊嚴寺禁不聽出入大寶元年正月景矯詔自加班劍四十人給前後部羽葆鼓吹置左右長史從事中郎四人三月甲申景請簡文禊宴於樂游苑帳飲三日逆黨咸以妻子自隨皇太子以下並令馬射中者賞以金錢翼日向晨簡文還宮景拜伏苦請簡文不從及發景即與溧陽公主共據御牀南面並坐資治通鑑曰景納上女溧陽公主主有色景甚愛之

羣臣文武列坐侍宴四月辛卯景又召簡文幸西州簡文御素輦侍御四百餘人景眾數千浴鐵翼衛簡文至西州景等迎拜帝冠下屋白紗帽服白布袿襦景服紫紬褶上加金帶與其偽儀同陳慶索超世等西向坐溧陽公主與其母范淑妃東向坐帝聞絲竹悽然下泣景起謝曰陛下何不樂帝為強笑曰丞相言索超世聞此以為何聲景曰臣且不知豈獨超世帝命景起舞景即下席應弦而歌帝顧命淑妃淑妃固辭乃止景又上禮

欽定四庫全書

南北史合注
卷八十六

四十一

遂逼帝起舞酒闌坐散帝抱景于牀曰我念丞相景曰陛下如不念臣臣何至此帝索筌蹄曰我為公講命景離席使其唱經景問超世何經最小超世曰惟觀世音小景即唱爾時無盡意菩薩帝大笑夜乃罷時江南大飢江揚彌甚早蝗相係年穀不登百姓流亡死者塗地父子携手共入江湖或弟兄相要俱緣山岳艾實荇花皆罄草根木葉為之凋殘雖假命須臾亦終死山澤其絕粒久者烏面鵠形俯伏牀帷不出戶牖莫不衣羅綺

懷金玉交相枕藉待命聽終千里絕烟人跡罕見白骨成聚如丘隴焉而景虐於用刑酷忍無道於石頭立大碁確有犯法者擣殺之又禁人偶語不許火醮有犯則刑及外族其官人任兼閫外者位必行臺入附凶徒者並稱開府其親寄隆重則號曰左右廂公勇力兼人名為庫真部督七月景又矯詔自進位相國封太山等二十郡為漢王入朝不趨贊拜不名劔履上殿依漢蕭何故事十月景又矯詔自加宇宙大將軍都督六合諸軍

欽定四庫全書

南北史合注 卷八十六

四十一

事以詔文呈簡文簡文大驚曰將軍乃有宇宙之號乎初武帝既崩景立簡文升重雲殿禮佛為盟曰臣乞自今兩無疑貳臣固不負陛下陛下亦不得負臣及南康王會理圖景景稍猜懼謂簡文欲謀之王偉因搆扇資治通鑑曰景嬖溧陽公主妨于政事王偉屢謙景以告主主有惡言偉恐為所讒因勸景除帝遂懷逆謀矣二年正月景以王克為太宰宋子仙為太保元羅為太傅郭元建為太尉張化仁為司徒任約為

司空于慶為太師統奚斤為太子太傅時靈護為太子太保王偉為尚書左僕射索超世為右僕射跨水築城於大舩名曰捍國四月景遣宋子仙襲陷郢州刺史方諸景乘勝西上號二十萬聯旗千里江左以來水軍之盛未有也孝元聞之謂御史中丞宗懷曰賊若分守巴陵鼓行西上荆郢殆危此上策也身頓長沙徇地零桂運糧以至洞庭非吾有此中策也擁眾江口連攻巴陵銳氣盡於堅城士卒飢於半菽此下策也吾安枕而卧無所多憂及次巴陵王僧辯沈舟卧鼓若將已適景遂圍城孝元遣平北將軍胡僧祐與居士陸法和大破之擒其將任約景乃夜遁還都左右有泣者景命斬之王僧辯乃東下自是眾軍所至皆捷先是景每出師戒諸將曰若破城邑須淨殺却使天下知吾威名故諸將以殺人為戲笑士民雖死不從之是月景廢簡文幽於永福省迎昭明太子嫡孫豫章王棟即皇帝位升太極前殿大赦改元天正初景既平建鄴便懷篡奪以四方須

欽定四庫全書

南北史合注 卷八十六

四十二

定故未自立既而巴陵失律江郢喪師猛將外殲雄心
內沮便欲速僭大號又王偉云自古移鼎必須廢立故
景從之其太尉郭元建聞之自秦郡馳還諫曰主上仁
明何得廢之景曰王偉勸吾元建固陳不可

梁書載元建言曰四方之師所以不至正為二宮萬
福若遂行弑逆結怨海內事機一去雖悔無及 資
治通鑑曰吾挾天子令諸侯猶恐不濟無故廢之適
以自危何安之有

欽定四庫全書

南北史合注
卷八十六

四三

景意遂回欲迎簡文復位以少帝為太孫王偉固執不
可乃止景以哀太子妃賜郭元建元建曰豈有皇太子
妃而降為人妾乎竟不與相見景司空劉神茂儀同尹
思合劉歸義王暉等據東陽歸順十一月景矯少帝詔
自加九錫漢國置丞相以下百官陳備物於庭忽有烏
似山鵲翔于景冊書上赤足丹脣部下左右所無賊徒
悉驚駭競射不能中

三國典略曰景將拜受冊命夜有鶴鳴于太極殿

上景深以為惡自控弦伺之

景又矯少帝詔追崇其祖為大將軍父為大丞相自加
冕十有二旒建天子旌旗出鷲入蹕乘金根車駕六馬
備五時副車置旄頭雲罕樂備八佾鐘虞宮懸之樂一
如舊儀尋又矯少帝詔禪位使偽太宰王克奉璽紱于
已先夕景宿大莊嚴寺即南郊柴燎于天升壇受禪大
風拔木旂蓋盡偃文物並失舊儀既唱警蹕識者以為
名景而言警蹕非久祥也景聞惡之改為備蹕人又曰

欽定四庫全書

南北史合注
卷八十六

四四

備於此便畢矣有司乃奏改永蹕以轎車牀載鼓吹索
駝負犧牲輦上置筌蹄垂足坐馬

南史轎車牀作廣柳車又輦上置下無筌蹄二字語
意不明今依梁書補正

景所帶劍水精標無故墮落手自拾取甚惡之將登壇
有兔自前而走俄失所在又白虹貫日三重日青無色
將登太極殿醜徒數萬同共吹脣唱吼而上及升御牀
牀足自陷大赦改元太始方饗羣臣中會起觸展墜地

隋書五行志曰景升圓丘行不能正履識者知其不免

封少帝為淮陰王幽之改梁律為漢律改左民尚書為殿中尚書五兵尚書為七兵尚書直殿主帥為直寢景三公之官動置十數儀同尤多或匹馬孤行自執羈紲以宋子仙郭元建張化仁任約為佐命元功並加三公位王偉索超世為謀主于子悅彭儒主擊斷陳慶呂季略盧暉略于和史安和作爪牙尤為民毒其餘王伯醜

欽定四庫全書

南北史合注 卷八十六

四十五

任延和等復有數十人至梁人為景用盡心竭力者則故將軍趙伯超前制局監姬石珍內監嚴亶邵陵王記室伏知命若太宰王克太傅元羅侍中殷不害太常姬弘正等雖官尊止從人望非腹心任也景祖名乙羽周及篡以周為廟諱故改周弘正石珍姓姬王偉請立七廟景曰何謂七廟偉曰天子登七世祖考故置七廟并請七世諱敕太常具祭禮景曰前世吾不復憶唯阿爺名標且在朔州伊那得來噉衆聞咸笑之景黨有知景

祖名乙羽周者自外悉王偉制其名位以漢司徒侯霸為始祖晉徵士侯瑾為七世祖尊祖周為大丞相父標為元皇帝時景修飾臺城及朱雀宣陽等門童謠曰的頭烏拂朱雀還與吳

童謠云云 三國典略曰景飾朱雀門有白頭烏萬餘集門樓故

又曰脫青袍著芒屨荊州天子挺應著時都下王侯庶姓五等廟樹咸見殘毀唯文宣太后廟四周栢獨鬱茂

欽定四庫全書

南北史合注 卷八十六

四十六

及景纂修南郊路偽都官尚書呂季略說景今伐此栢立三橋始斫南面十餘株再宿悉生便長數尺時既冬月翠茂若春賊大驚惡之使悉斫殺識者以為昔僵柳起于上林乃表漢宣之興今廟樹重青必彰陝西之瑞又景牀東邊香爐無故墮地景呼東西南北皆為廟景曰此東廂香爐那忽下地議者以為湘東軍下之徵景二年謝荅仁攻東陽

資治通鑑曰謝荅仁攻神茂程靈洗張彪將勒兵救

之神茂欲專其功不許營于下淮或謂神茂曰賊長于野戰下淮地平四面受敵不如據七里瀨賊必不能進神茂不從其徧禪多北人不與同心別將王暉等據外營降于荅仁劉歸義尹思合等棄城走神茂遂孤危

劉神茂降送建康景為大劉確先截其足寸寸斬之至首方止使眾觀以示威王僧辯軍至蕪湖城主張黑宵遁

欽定四庫全書

南北史合注 卷八十六

四七

資治通鑑曰景懼下詔赦蕭繹王僧辯眾皆笑之

侯子鑿率步騎萬餘人度州并引水軍俱進僧辯逆擊大破之景聞大懼涕下覆面引衾卧良久方起數曰叱叱誤殺乃公初景為丞相居西州將率謀臣朝必集行列門外謂之牙門以次引進賚以酒食言笑談論善惡必同及暮後恒坐內不出舊將稀見其面咸有怨心至是登烽火樓望西師見一人以為十人大懼僧辯及諸將遂于石頭城步上連營立柵至落星墩景大恐

遣掘王僧辯父墓剖棺焚其屍僧辯等進營石頭城北景列陣挑戰

資治通鑑曰景棄稍執刀左右衝陣陣不動

僧辯大破之景既退敗不敢入宮斂其散兵屯闕下

資治通鑑曰景召王偉責之曰爾勸我為帝今日誤

我偉不能荅

將欲逃去王偉按劍攬轡諫曰自古豈有叛天子今宮

中衛士尚足一戰寧可便走景曰我在北戰抗賀拔勝

欽定四庫全書

南北史合注 卷八十六

四八

敗葛榮揚名河朔與高王一羣人來南直渡大江取臺城如反掌又攻邵陵王綸于北山破柳仲禮于南岸皆爾所親見今日之事恐是天亡爾好守城當復一決仰觀石闕遙巡歎息久之乃以皮囊盛二子挂馬鞍與其儀同田遷范希榮等百餘騎東奔王偉遂委臺城竄逸侯子鑿等奔廣陵王克開臺城門引裴之橫入宮縱兵蹂掠是夜遺燼焚太極殿及東西堂延閣秘書署皆盡羽儀輦路無遺王僧辯命武州刺史杜崩救火火滅僅武

德五明重雲殿及門下中書尚書省得免僧辯迎簡文
 梓宮升朝堂三軍縞素踊于哀次命侯瑱裴之橫東追
 賊火偽神主于宣陽門作神主于太廟收圖書八萬卷
 歸江陵杜崩守臺城都下戶口百遺一人大航南岸極
 目無煙老小相扶競出纜渡淮王琳杜龕軍人掠之甚
 于寇賊號叫徹石頭僧辯謂為有變亟登城問故亦不
 禁也僉以王師之酷甚于侯景君子以是知僧辯不終
 初景圍臺城援軍三十萬兵士望青袍則氣消膽奪及
 欽定四庫全書 南北史合注 卷八十六 四元

赤亭之役胡僧祐以羸卒一千破任約精兵二萬轉戰
 而東前無橫陣既而侯瑱追及景衆未陣皆舉幡乞降
 景不能制乃與腹心人數十單舸走推墮二子於水自
 泥漬入海至胡豆洲前太子舍人羊鯤殺之送于王僧
 辯

鯤本傳作鷓殺景事詳見鷓傳

景長不滿七尺長上短下眉目疎秀廣額高顴色赤少
 鬚低眈屢顧聲散識者曰此謂豺狼之聲故能食人亦

當為人食既南奔魏大將軍高澄命先剝景妻子面皮
 以大鐵鑊盛油煎殺之女入宮為婢男三歲者並下蠶
 室後齊文宣夢獼猴坐御牀乃並煮景子於鑊其子在
 北者殲馬景性情忍好殺戮恒以手刃為戲方食斬人
 于前言笑自若口不輟食或先斷手足割舌削鼻經日
 乃殺之自篡立後時著白紗帽而尚披青袍頭插象牙
 梳牀上常設胡牀及筌蹄著靴垂足坐或跋戶限或走
 馬遶遊彈射鷓鳥自僭位王偉不許輕出鬱快更成失
 欽定四庫全書 南北史合注 卷八十六 五

志曰吾無事為帝與受擯不殊及聞義師轉近猜忌彌
 深牀前蘭綺自遠然後見客每登武帝所常幸殿若有
 芒刺在身恒聞叱咄者又處宴居殿一夜驚起若有物
 扣其心自是凡武帝所常居處並不取處多在昭陽殿
 廊下所居殿屋常有鷓鷯鳥鳴呼景惡之每使人窮山
 野捕鳥景所乘白馬每戰將勝輒躑躅嘶鳴意氣駿逸
 其有奔竄必低首不前及石頭之役精神沮喪卧不肯
 動景使左右拜請或加箠策終不肯進始景左足上有

肉瘤狀似龜戰應克捷瘤則隱起分明如不勝瘤則低
至敗瘤則隱陷肉中天監中沙門釋寶誌曰掘尾狗子
自發狂當死未死噙人傷須臾之間自滅亡起自汝陰
死三湘又曰山家小兒果攘臂太極殿前作虎視狗子
景小字山家小兒猴狀景遂覆陷都邑毒害皇家起自
懸瓠郎昔之汝南巴陵有地名三湘景奔敗處景常謂
人曰侯字人邊作主下作人此明是人主也臺城既陷
武帝嘗語人侯景必得為帝但不久耳破侯景字成小

欽定四庫全書

南北史合注
卷八十六

五十一

人百日天子為帝當得百日案景以辛未年十一月十
九日篡位壬申年三月十九日敗得一百二十日而景
以三月一日便往姑熟計在宮殿僅滿十旬先後言竟
驗又大同中太醫令朱軌嘗直禁省無何夢犬羊各一
在御座覺而告人曰犬羊非佳物今據御座將有變乎
既而天子蒙塵景登正殿及將敗有僧通道人者意性
若狂飲酒啜肉不異凡等世間游行數十載姓名鄉里
人莫能知初言隱伏久方驗人呼為閻梨景甚信敬之

廣古今五行記曰揚州未陷通多拾無數死魚首積
西明門外又拔青草荆棘植之市里及景渡江先屠
東門一城置頭於西明門外為京觀井里荒蕪景又
惡通言說得失欲害而憚之乃遣將子子悅將武士
四人往侯謂如預知則弗害不知則捉之子悅先入
通逆謂曰汝來殺我耶子悅拜云不敢馳報景景乃
已

欽定四庫全書

南北史合注
卷八十六

五十二

景常於後堂與其徒共射時僧通在坐奪景弓射景陽
山太呼云得奴方已景後宴集其黨又召僧通僧通取
肉楹鹽以進景問曰好否景答所恨大賊僧通曰不賊
則爛及景誅僧辯截其二手送齊文宣而傳首江陵果
以鹽五斗置腹送建康暴尸于市士民爭取屠膾羹食
皆盡溧陽公主亦預食焉

梁典畧曰并烹溧陽公主與此不同當從本史 愚
問溧陽公主未知食景肉後嫁乎守乎獨念不更二
夫為閻閻常經而惟溧陽不更逆景愈醜更矣乎曰

亦不可簡文祇則主殉或曰彼唐程氏女其父兄死於盜掠已去已隱忍十餘年手刃盜而聞祭不聞殉者非與夫能復仇于失身後則不嫁勝嫁惟自律何必死而不能復仇于辱身後則嫁與不嫁皆不可惟有死噫溧陽安居此典畧所以有并烹溧陽公主之說也

已焚骨揚灰曾罹其禍者以灰和酒飲之首至江陵孝

元命臬于市三日煮而漆之以付武庫先是江陵人謠

欽定四庫全書

南北史合注 卷八十六

五三

曰苦竹町市南有好井荊州軍殺侯景及景首至孝元付認議參軍李季長宅宅東即苦竹町也既加鼎鑊即用市南水景儀同謝荅仁行臺趙伯超降于侯瑱生擒賊行臺田遷儀同房世貴蔡壽樂領軍王伯醜凶黨悉平斬房世貴於建康市餘黨送江陵初郭元建以有禮於皇太子妃將降侯子鑿曰此小惠也不足自全且我曹梁仇讐何顏復見其主與子鑿俱奔齊王偉頴川人父畧仕魏為許昌令偉學通周易雅高辭采仕魏為行

臺郎時侯景叛後高澄以書招之偉為景報澄書文甚美澄覽書曰誰作左右稱為偉文澄曰才如此何由不早使知邪偉既協景謀其文檄並偉所製及行篡逆皆偉創謀也景敗與侯子鑿俱走相失潛匿草中直瀆成主黃公喜擒送之見王僧辯長揖不拜執者促之偉曰各為人臣何事相敬僧辯謂曰卿為賊相不能死節而求活草間顛而不扶安用彼相偉曰廢興時也工拙在人向使侯帝早從偉言明公豈有今日之勢僧辯大笑

欽定四庫全書

南北史合注 卷八十六

五四

意甚異之命出以徇偉曰昨及朝行八十里願借一驢代步僧辯曰汝方傳首萬里何十里哉偉笑曰乃吾心也前尚書左丞虞隲嘗見辱於偉遇而唾其面曰死國復能為惡乎偉曰君不讀書不足與語隲慙而退及呂季略周石珍嚴璽俱送江陵偉尚望見全於獄為詩贈孝元下要人曰趙臺能為賊鄒揚解獻書何惜西江水不救轍中魚又上五百字詩于帝帝愛其才將捨之朝士多忌乃請曰前日偉作檄文有異辭句孝元求而視

之檄云項羽重瞳尚有烏江之敗湘東一目寧為四海所歸

四海一作赤縣

帝大怒使以釘釘其舌於柱刺其腸顏色自若仇家醫其肉俯而視之至骨方刑之石珍及亶並夷三族

趙伯超父革初至建鄴王僧辯謂曰卿荷國重恩遂復同逆對曰當今禍福恩在明公僧辯又顧謝答仁曰聞卿是侯景梟將根不與卿交兵答仁曰公英武蓋世答

欽定四庫全書

南北史合注 卷八十六

五十五

仁安敢仰敵僧辯大笑答仁以不失禮於簡文見甯伯超及伏知命俱餓死江陵獄彭儁亦生獲破腹抽出其肝藏儁猶不死乃斬之

留異東陽長山人世為郡著姓異善自居處言語醜藉為鄉里雄豪多聚惡少陵侮貧賤守宰皆患之仕梁為晉安安固二縣令侯景之亂還鄉里召募士卒太守沈巡援臺讓郡於異異使兄子超監知郡事率兵隨巡出都及城陷異隨梁臨城公大連大連委以軍事異性殘

暴無遠略私樹威福眾並患之會景將宋子仙濟浙江異奔還鄉里尋以眾降子仙子仙以為鄉導令執大連邵陵王綸聞之曰姓作去留之留名作同異之異理當

同於逆虜侯景署異為東陽太守收其妻子為質行臺劉神茂建義拒景異外同神茂而密契於景及神茂敗被景誅異獨獲免景平後王僧辯使異慰勞東陽仍糾合鄉里保陽巖阻州郡憚焉魏克荊州王僧辯以異為東陽太守陳文平定會稽異雖有糧饋而擁擅一郡威

欽定四庫全書

南北史合注 卷八十六

五十六

福在已紹泰二年以應接功除縉州刺史領東陽太守以陳文帝長女配異第三子貞臣即後封豐安公主者也陳永定三年徵異為南徐州刺史遷延不就文帝即位改授縉州刺史領東陽太守異頌遣其長史王漸為使入朝漸每言朝廷虛弱異信之恒懷兩端與王琳潛通信使及琳敗帝遣左衛將軍沈恪代異為郡實以兵襲之異與恪戰敗上表啟遜謝時朝廷方事湘郢且羈縻之異知終見討乃使兵戍下淮及建德以備江路湘

州平帝乃下詔揚其罪惡

陳書載詔曰異進謝羣龍自躍于千里退懷首鼠恒持於百心賜以名爵敦以國姻倘望懷音猶能革面乃結附凶渠惟欣禍亂雖復遣家入質子陽之態轉道侍子還朝隗囂之心方識罪止異身餘無所問使司空侯安都討之異與第二子忠臣奔陳寶應及寶應平并擒異送都斬建康市子姪並伏誅惟第三子貞臣以尚主獲免

欽定四庫全書

南北史合注 卷八十六

五十七

陳寶應晉安侯官人世為閩中著姓父羽有材幹為一郡之雄豪寶應性反覆多變詐梁時晉安數反累殺郡將羽初並扇惑合成其事後復為官軍鄉導破之一郡兵僅於前已出侯景之亂晉安太守賓化侯蕭雲以郡讓羽羽年老但主郡事令寶應典兵時東境飢饉會稽尤甚死者十七八而晉安獨豐沃

陳書曰寶應自海道寇臨安永嘉會稽餘姚諸暨又載粟貿易多改工帛子女其能致舟乘者並奔歸之

士眾強盛侯景平梁孝元固以羽為晉安太守陳武輔政羽請歸老求傳郡於寶應許之及受禪授閩州刺史領會稽太守文帝嗣位加其父光祿大夫仍命宗正錄其本系編為宗室寶應娶留異女為妻侯安都討異寶應遣師助之又資周迪兵糧出寇臨川及都督章昭達破迪帝因命討寶應詔宗正絕其屬籍寶應據安湖際逆拒昭達昭達深溝高壘不與戰但命軍士伐木為障俄水盛乘流放之突其水柵仍水步簿之寶應眾潰執

欽定四庫全書

南北史合注 卷八十六

五十八

送都斬建康市

論曰侯景起于邊服備嘗艱險自北而南行多狡算時江表之地不見干戈梁武以耄期之年溺情釋教外弛藩籬之固內絕防閑之心不備不虞難以為國加以姦回在側貨賄潛通景因機騁詐肆行矯隱王偉為其謀主飾以文辭武帝溺於知音感茲邪說遂使乘桁直濟長江喪其天險揚旌指闕金墉亡其地利生靈塗炭宗社丘墟於是村屯峭壁之豪郡邑巖穴之長恣陵侮而

為暴資剽掠以為雄陳武應期撫運戡定安輯留異不顧婚姻陳寶應自絕屬籍雖逢興運未改迷塗志在亂常自致大戮宜矣

愚為之論曰南史所編賊臣傳一卷皆記當時叛逆之臣則內之與外何殊然誰為賊臣俾斧鉞之誅得伸於後世蕭道成弒宋順蕭齊弒鬱林海陵二君則賊陳霸先及王僧辯以廢梁敬為辭而既篡復弒則尤賊獨蕭衍初意以南海置齊和猶善而卒聽沈約言以弒無有初心可原等賊也雖然此輩不以賊臣幸乎嚴於臣而恕於君曰否否書廢書弒者史諱而予揭亦既凜凜帝紀矣臣之固賊君而亦賊何窮焉或曰李延壽著南北史北詳南略獨北史無賊臣傳何居曰是乃所以扶南而抗北也臣得其罪斯可以君正其名

南北史合注卷八十六

欽定四庫全書

南北史合注 卷八十六

五十九

欽定四庫全書

南北史合注卷八十七

明 李清 撰

魏本紀第一

北史一

魏之先出自黃帝軒轅氏黃帝子曰昌意昌意少子受封北國有大鮮卑山因以為號其後世為君長統幽都之北廣漠之野畜牧遷徙射獵為業淳朴簡易不為文字刻木結繩而已時事遠近人相傳授如史官紀錄黃

欽定四庫全書

南北史合注 卷八十七

一

帝以土德王北俗謂土為拓后為跋故以為氏其裔始均仕堯時逐女魃於弱水北人賴其勳舜命為田祖歷三代至秦漢獯鬻獫狁山戎匈奴之屬累代作害中州而始均之裔不交南夏是以載籍無聞積六七十代至諱毛者立

魏收魏書曰毛聰明將畧遠近所推

統國三十六大姓九十九威振北方道武帝即位追尊成皇帝追尊自毛始毛俎貸立貸俎觀立觀俎樓立樓俎

越立越俎推寅立推寅南遷大澤方千餘里厥土昏冥
 沮如謀更南徙未行而俎利立利俎俟立俟俎肆立肆
 俎機立機俎蓋立蓋俎僧立僧俎隣立時有神人言此
 土荒遐宜徙建都邑隣年老乃以位授子詰汾命南移
 山谷高深九難八阻欲止有神獸形似馬聲類牛導引
 歷年乃出始居白奴故地其遷徙策畧多出推寅隣二
 主故時人並號推寅蓋俗然鑽研之義初詰汾嘗田于
 山澤歛見輜駟自天下既至見美婦人自稱天女受命
 欽定四庫全書

南北史合注
卷八十七

相偶旦日請還期年周時復會於此言終而別去如風
 雨及暮詰汾至先田處果見天女以所生授之曰此君
 之子當世為帝王語訖而去即力微也故時人諺曰詰
 汾無婦家力微無舅家
 愚按詰汾力微上俱有皇帝二字時未稱皇帝安得
 有此稱去之

詰汾俎力微立其後道武稱帝追尊貧曰節皇帝觀曰
 莊皇帝樓曰明皇帝越曰安皇帝推寅曰宣皇帝利曰

景皇帝俟曰元皇帝肆曰和皇帝機曰定皇帝蓋曰僖
 皇帝僧曰威皇帝隣曰獻皇帝詰汾曰聖武皇帝至力
 微始稱祖始祖神元皇帝諱力微元年歲在庚子先是
 西部內侵依於沒鹿迴部大人實賓神元有雄傑之度
 後與賓攻西部賓軍敗失馬步走神元使以所乘駿馬
 給之賓歸求馬主神元隱而不言賓後知大驚將分國
 之半奉神元不受乃進其愛女賓猶思報德乃從神元
 所欲徙所部北居長川積數年舊部人咸來歸附及賓

南北史合注
卷八十七

臨終戒其二子使謹奉神元其子不從乃陰謀逆神元
 召殺之盡并其眾諸部大人悉服控弦之士二十餘萬
 三十九年遷於定襄之定樂四月祭天諸部君長咸來
 助祭唯白部大人觀望不至微而修之遠近肅然神元
 乃告諸大人與晉和親

魏書載神元言曰我觀前世凶奴冒頓輩貪財掠邊
 民雖有所得而死傷不足相補更招寇仇百姓塗炭
 非長計也

四十二年遣子沙漠汗如晉且觀風土是歲曹魏景元二年也沙漠汗以國長子留洛陽

魏書曰始祖與鄰交好篤信推誠不為倚伏以邀一時之利寬裕任真遐邇歸附

後以父春秋已高求歸晉武帝具禮護送五十六年沙漠汗復如晉其冬還國晉征北將軍衛瓘以沙漠汗雄異恐為後患請留不遣復請以金錦賂國大人令致間

隙

欽定四庫全書

南北史合注
卷八十七

魏書曰國之執事及外部大人皆受重貨

五十八年方遣還神元使諸部大人詣陰館迎之酒酣沙漠汗仰視飛鳥飛九落之時國俗無彈眾大驚相謂曰太子被服南夏兼奇術絕人若繼國統變易舊俗吾等必不得志乃謀危害沙漠汗竝先馳還白太子引空弓而落飛鳥似得晉人異法自沙漠汗在晉後諸子愛寵神元頗有所惑及聞諸大人請因曰當便除之於是諸大人馳諸塞南矯言沙漠汗

魏書曰帝身長八尺英姿瓌偉在晉日朝士大夫多與親善雅為人物歸仰

其年神元不豫烏丸王庫賢親近任勢先受瓊貨欲沮動諸部因於庭中礪鉞斧曰上恨汝曹讒殺太子欲盡收諸大人長子殺之大人皆信各各散走神元尋殂凡享國五十八年年一百四歲其後道武稱帝上廟號及謚子悉鹿立時諸部離叛立九年殂弟綽立七年殂

魏書曰帝雄武有智畧威德復舉

欽定四庫全書

南北史合注
卷八十七

沙漠汗少子弗立政崇寬簡百姓懷服一年殂神元子祿官立九年分國為三部一居上谷北濡源西東接宇文部自統之一居代郡之參合陂北使沙漠汗長子猗屯統之一居定襄之盛樂故城使猗屯弟猗盧統之自神元以來與晉和好

魏書曰百姓又安財畜殷實控弦騎士四十餘萬是歲猗盧始出并州遷雜胡北徙雲中五原朔方又西渡河擊匈奴烏丸諸部自杏城以北八十里迄長城原

夾道立竭與晉分界二年葬沙漠汗及妃封氏初弗政
欲改葬弗果而殂至是述成前意三年猗屯渡漠北巡
因西畧諸國凡積五歲諸部降附者三十餘國猗屯英
傑魁岸馬不能勝常乘安車駕大牛牛角容一石帝曾
中盡嘔吐之地仍生榆參合陂土無榆故時人異之十
年匈奴別種劉淵

愚按唐高祖名淵故唐人避之書淵為元海今正之
餘倣此

欽定四庫全書

南北史合注
卷八十七

六

反晉於離石自號漢王并州刺史司馬騰來請師猗屯
與猗盧大舉以助之大破淵衆於西河上黨猗屯與騰
盟於汾東而還乃使輔相衛雄段繁於參合陂西累石
為亭樹碑以記行焉十一年

魏書曰淵攻司馬騰請師帝以輕騎數千救之斬淵
將秦母賈淵南走蒲子

晉假猗屯大單于金印紫綬是歲猗屯卒猗屯統部凡
十一年後定襄侯衛操樹碑於大邦城以頌功德子普

根代立十三年祿官沮猗總攝三部為一統猗盧天
姿英峙勇畧過人元年劉淵僭帝號自稱大漢三年晉
并州刺史劉琨遣子導為質乞師

魏書曰白部大人叛入西河鐵弗劉虎舉衆於鴈門
以應之攻琨新興鴈門

猗盧使弟子鬱律助琨破白部大人次攻鐵弗劉虎

魏書曰屠其營落虎收餘燼西走渡河窟居朔方愚
按唐太祖名虎故唐人諱虎為武今正之餘倣此

欽定四庫全書

南北史合注
卷八十七

七

晉懷帝進猗盧大單于封代公公以封邑去國縣遠從
琨求句注陁北地琨乃徙馬邑陰館樓煩繁峙崞五縣
人于陁南更立城邑盡獻其地東接代郡西連西河朔
方數百里公徙十萬家充之

魏書曰劉琨又遣使請救洛陽帝遣騎二萬助之東
海王司馬越辭以洛陽飢乃還是年漢劉淵卒于聰
僭立又載四年劉琨牙門將邪延據新興叛招入聰
公遣軍討之聰退走五年劉琨遣使乞師討聰及石

勒公許之會聰遣其子粲襲晉陽宮琨父母據其城
琨來告難公遣長子六脩猗苞子普根及衛雄范班
姬澹等為前鋒公親統大衆二十萬後繼衆懼焚輜
重突圍走縱騎追之斬其將劉儒劉豐簡令張平邢
延伏尸數百里琨來拜謝固請進軍公曰吾不早來
致卿父母見害誠以相愧今卿已復州境然吾遠來
士馬疲弊且待再舉賊奚可盡乎饋琨馬牛羊各千
餘車百乘又留精銳戍之而還是年晉雍州刺史賈

欽定四庫全書

南北史合注
卷八十七

八

疋京兆太守韋鼎以晉懷帝為劉聰所執共立懷帝
兄子秦王業為太子於長安

六年城盛樂以為北都脩故平城以為南都公登平城
西山觀望地勢乃更南百里於灑水之陽黃瓜堆築新
平城晉人謂之小平城使子六脩鎮之統領南八年晉
晉愍帝進公為代王置官屬食代常山二郡先是國俗
寬簡至是明刑峻法諸部人多以違命得罪凡後期者
皆舉部僇之或室家相携悉赴死所人問何之曰當就

誅其威嚴若此九年王召六脩不至怒討之失利遂為
六脩所弒普根先守外境聞難來攻六脩滅之普根立
月餘卒普根子始生猗苞妃立之又卒後道武稱帝追
尊沙漠汗為文皇帝悉鹿為章皇帝綽為平皇帝弗為
思皇帝祿官為昭皇帝苞為桓皇帝猗廬為穆皇帝
至鬱律復稱祖太祖平文皇帝諱鬱律弗子資質雄壯
甚有威畧元年歲在丁丑二年劉虎據朔方來侵西部
王大破之西兼烏孫故地東吞勿吉以西控強士馬將

欽定四庫全書

南北史合注
卷八十七

九

百萬是歲晉愍帝為漢劉聰所弒元帝即位江南劉曜
僭帝位改號趙王聞晉愍遇害顧謂大臣曰今中原無
主天其資我乎曜遣使請和王不納三年石勒自稱趙
王是為後趙遣使請和願為兄弟斬其使絕之五年晉
元帝遣使韓暢加崇爵服王絕之講武有平南夏志猗
妃以王得衆心恐不利己子遂弒王

本史曰桓后惟氏生三子長普根次惠帝次煬帝性
猛忌平文之崩后所為也

大人死者數十人後道武稱帝上廟號及謚倚奄中子
 賀儔立以五年為元年王未親政事太后臨朝遣使與
 石勒通和時謂女國使四年王始臨朝以諸部人情未
 悉款順乃築城於東木根生徙都之五年殂弟紇那立
 以五年為元年三年後趙石勒遣石虎寇邊部王禦之
 不利遷於大寧時平文長子翳槐居於舅賀蘭部王遣
 使求之賀蘭部帥藹頭擁護不遣王怒召宇文部并力
 擊藹頭宇文衆敗大還大寧五年王出居于文部賀蘭
 欽定四庫全書 南北史合注 卷八十七

及諸部大人立翳槐以五年為元年後趙石勒遣使求
 和王遣弟什翼捷如襄國徙者五千餘家七年藹頭不
 脩臣職召戮之國人復貳紇那自宇文部還入諸部大
 人復奉之以七年為後元年時翳槐出居於鄴三年石
 虎納翳槐於大寧國人六千餘家部落叛紇那出居於
 慕容部翳槐復立以三年為後元年城盛樂城在故城
 東南十里一年殂其後太祖即位追尊賀儔為惠皇帝
 紇那為煬皇帝翳槐為烈皇帝而昭成立高祖昭成皇

帝諱什翼捷

唐書曰昭成後有元行冲以系出拓跋撰魏典三十
 篇內言曹魏時河西柳谷出石有牛繼馬之象魏收
 作魏書謂晉元帝牛氏子昌司馬姓以著石符非也
 昭成名健繼晉受命獨此可當之 愚按行冲言近
 鑿姑錄以志奇

平文次子生而奇佷寬仁大度身長八尺隆準龍顏立
 髮委地卧則乳垂至席翳槐臨殂顧命迎高祖曰立此
 欽定四庫全書 南北史合注 卷八十七

人則社稷安故高祖弟孤自詣鄴奉迎與高祖俱還十
 一月王即位于繁峙北時年十九稱建國元年二年春
 始置百官分掌衆職東自穢貊西及破落那莫不款附
 五月朝諸大人於參合陂議定都渾源川連日不決從
 太后計而止媵燕慕容晃妹為王后三年春移都雲中
 之盛樂宮四年築盛樂城於故城南八里王后慕容氏
 殂十月劉虎寇西境王遣軍大破之虎死子務桓立始
 來歸順王妻以女七年二月遣大人長孫秩迎繼后慕

容氏於和龍晁送女於境七月晁遣使來聘求交婚王許之以烈帝女妻焉十四年王以中州紛梗將親率六軍乘石氏之亂廓定中原諸大人諫乃止十八年太后王氏殂十九年正月劉務桓死其弟閼頭立潛謀反二十一年閼頭部人多叛懼而東走渡河半濟而冰陷後衆盡歸其兄子悉勿祈初閼頭之叛悉勿祈兄弟十二人在王左右盡遣之歸欲其自相猜離至是悉勿祈奪其衆閼頭窮而歸命王待之如初二十二年春王東巡

欽定四庫全書

南北史合注 卷八十七

桑乾川四月悉勿祈死弟衛辰立二十三年六月王后慕容氏殂七月衛辰來會葬因求婚許之二十五年王南巡君子津

魏書載二十六年冬十月王討高車破之獲生口馬牛羊百餘頭二十七年討沒歌部破之獲牛馬羊數百萬頭

二十八年正月衛辰謀反度河東王討之衛辰懼遁走三十年十月王征衛辰時河水未成王乃以葦絙約澌

俄水合乃散葦於上水草相結若浮橋衆軍利涉衛反與宗族西走收其部落而還三十四年春長孫斤謀反伏誅斤之反也拔刃向御坐太子寔格之傷脇五月薨後道武稱帝追諡為獻明皇帝七月王孫珪生大赦三三九年秦主苻堅遣其大司馬苻洛帥衆二十萬及其將朱彤張蚝鄧羗等諸道來侵王師不利王時不豫乃率國人避於陰山之北高車雜種盡叛四面寇掠不得芻牧復渡漠南堅軍稍退乃還十二月至雲中旬有二

欽定四庫全書

南北史合注 卷八十七

日王子寔君作亂王遇殺殂時年五十七道武帝即位追上廟號及謚王性寬厚代國少繒帛代人許謙盜絹二疋守者以告王匿之謂燕鳳曰吾不忍視謙面卿勿洩之謙或慙而自殺為財辱士非也嘗擊西部叛賊流矢中目賊破後諸大人執射者各持錐刀欲屠割之王曰各為其主何罪也釋之其仁恕若此

太祖道武皇帝

自北狄割據中原以來稱皇稱帝大書正史者從道

武始噫其孝文功哉

諱珪昭成帝嫡孫獻明帝子母曰獻明賀后初因遷徙游於雲澤寢夢日出室內寤而見光自牖屬天歛然有感以建國三十四年七月七日生太祖於參合陂北其夜復有光明昭成大悅羣臣稱慶大赦告於祖宗保者以太祖體重倍於常兒竊謂奇怪明年有榆生於臧胞之坎後遂成林太祖弱而能言目有光曜廣額大耳六歲而昭成殂秦王苻堅遣將內侮將遷太祖長安賴燕

欽定四庫全書

南北史合注 卷八十七

十四

鳳乃免堅軍既還國衆離散堅使劉庫仁劉衛辰分攝國事南部大人長孫嵩及元他等盡將故人衆南依庫仁太祖於是轉在獨孤部元年葬昭成於金陵營梓宮木柩盡生成林太祖雖冲幼而巍然不羣劉庫仁嘗語其子謂太祖有高天下之志必興復洪業七月十月晉敗秦苻堅於淮南慕容文等殺劉庫仁弟眷代攝國部八年慕容暉弟冲僭位是為西燕姚萇僭稱大單于萬年秦王慕容垂僭稱燕王九年劉庫仁子顯殺眷而代

之乃將謀逆商人王霸知之履太祖足於衆中太祖乃馳還是時故大人梁盆子六眷為顯謀主盡知其計密

使部人穆崇馳告太祖乃陰結舊臣長孫捷元他等因幸賀蘭部其日顯果使人殺太祖不及語在獻明太后傳是歲乞伏國仁私署秦河二州牧大單于後秦姚萇弑秦王苻堅子丕僭即皇帝位於晉陽

登國元年春正月戊申太祖即代王位郊天建元大會於牛川復以長孫嵩為南部大人以叔孫普落為北部

欽定四庫全書

南北史合注 卷八十七

十五

大人是月慕容垂僭即皇帝位於中山國號燕二月幸定襄之盛樂息衆課農西燕慕容冲為其部下所殺夏四月改稱位王五月東幸陵石

魏書曰護佛侯部帥侯辰乙弗部帥代題叛走諸將請追之帝曰侯辰等世脩職役宜忍其小愆當今草創人情不一愚近者固應爾不足怪也

秋七月還盛樂己酉代題復以部落來降旬有數日亡奔劉顯王使其孫倍斤領部落後秦姚萇僭即皇帝位

於長安秋八月劉顯遣弟允泥迎王叔窟咄于慕容末

以兵隨之來逼南境王左右干桓等與諸部大應謀應

之事洩誅造謀者五人餘悉不問王慮內難乃北踰陰

山幸賀蘭部阻山為固遣行人安同長孫賀請師於慕

容垂垂令其子賀驎率師隨同等軍未至而寇逼於是

北部大人叔孫普洛等十三人及諸烏丸亡奔衛辰王

自弩山幸牛川屯於延水南出代谷會賀驎於高柳大

破窟咄悉收其衆冬十月晉苻丕為晉將馮該所殺西

燕慕容末僭即皇帝位於長子十一月秦苻登僭即皇

帝位於隴東十二月後燕慕容垂遣使授王西單于印

綬封上谷王王不納

是歲晉孝武帝太元十一年 愚按南史內皆書魏

周隋紀年獨北史不書南北一體宜補後梁東魏北

齊倣此

二年夏五月遣安同固請兵於燕慕容垂垂遣子賀驎

率衆來會六月王親征劉顯大破之顯奔慕容末盡收

欽定四庫全書

南北史合注 卷八十七

其部落秋八月王至自伐顯冬十月幸濡源十一月遂

幸赤城十二月巡松漠還幸牛川

三年春正月王東巡夏四月幸東赤城五月癸亥北征

庫莫奚大破之

魏書曰獲其四部雜畜四餘萬渡弱落水班賞將士

六月西秦乞伏歸仁卒弟乾歸立私署河南王秋七月

庫莫奚部帥鳩集遺散夜犯行宮縱騎撲討盡滅之其

月王還赤城八月使九原伯儀於後燕慕容垂冬十月

垂遣使來聘

愚按道武是時方屢請兵于垂以靖內難而除外寇

本史所云徵兵與垂朝貢皆誇誕之辭今易之 魏

書曰二月癸巳帝西征至女水討解如部大破之獲

男女雜畜數十萬

四年春正月甲寅襲高車諸部落二月癸巳遂至女水

討叱突隣部並大破之是月呂光自稱三河王夏四月

行還赤城五月使陳留公虔於後燕慕容垂冬十月垂

欽定四庫全書

南北史合注 卷八十七

遣使來聘

五年春三月甲申西征至鹿渾海襲高車袁紇部大破之

魏書曰鹵獲生口馬牛二十餘萬

慕容垂遣子賀麟來會夏四月丙寅行幸意辛山與賀麟討賀蘭乞吳諸部落大破之秋八月還幸牛川使秦

王觚於慕容垂九月壬申討叱奴部於囊曲河破之冬

十月討高車豆陳部於狼山破之十二月還次白漠

欽定四庫全書

南北史合注 卷八十七

六年春正月幸紐埵川三月遣九原公儀陳留公虔等

西討黠弗部大破之夏四月祭天秋七月壬申講武於

牛川行還紐埵川後燕慕容垂止秦王觚求名馬王絕

之遣使於西燕慕容垂使其大鴻臚慕容鈞奉書勸

進尊號

慕容垂遣使勸進尊號有奉表字時永方稱帝與魏

為敵國此亦魏誕言今改書

九月王襲五原屠之收其積穀還紐埵川於柶陽塞北

樹碑記功冬十月戊戌北征柔然

愚按柔然其本號北史呼為蠕蠕乃太武所改魏人主及臣下稱呼仍之餘皆改柔然從寔也

追破之於大磧南商山下十一月戊辰還幸紐埵川戊寅衛辰遣子直力鞬寇南部壬午王大破之於鐵岐山

南

魏書曰獲其器械輜重牛羊二十餘萬

衛辰父子奔逃十二月滅之衛辰少子勃勃

欽定四庫全書

南北史合注 卷八十七

愚按勃勃其本名北史所云屈子乃明元所改魏人

主及臣下稱呼仍之它皆改勃勃從寔也晉書又以

屈子為勃勃字更誤

亡奔薛于部車駕次于鹽池自河以南諸部悉平

魏書曰獲其珍寶畜產名馬三十餘萬匹牛羊四百

餘萬頭班賜諸臣各有差

收衛辰子弟宗黨無少長五千餘人盡殺之

魏書靈徵志載是月帝獵親獲鹿一角召問羣臣皆

曰鹿二角今一是諸國將并之應

是歲起河南宮

七年春正月幸木根山遂次黑鹽池饗羣臣諸國貢使

北之美水三月還幸河南宮秋七月行幸漠南仍築巡

臺冬十二月西燕慕容永遣使來聘

八年春正月南巡二月幸殺羊原赴白樓三月車駕西

征侯呂部四月至苦水大破之五月還幸白樓夏六月

北巡秋七月臨幸新壇先是衛辰子勃勃奔薛于部徵

欽定四庫全書

南北史合注
卷八十七

之不送八月王南征薛于部屠其城九月還幸河南宮

是年後秦姚萇卒

九年春正月北巡使東平公元儀屯田于河北五原至

於桐陽塞外夏五月田于河東秋七月還幸河南宮冬

十月蠕蠕社論等率部落西走是歲後秦姚興僭立殺

秦主苻登後燕慕容垂滅西燕末

十年夏五月幸鹽池六月幸河南宮秋七月後燕慕容

垂遣其子寶來寇五原八月王親兵河南冬十月辛未

寶燒船夜遁己卯王進軍濟河乙酉夕至參合陂丙戌
大破之

魏書曰獲其器甲輜重軍資雜財十餘萬計

擒其王公以下文武將吏數千人於俘囚中擢其才識

者賈彞賈潤晁崇等參謀議憲章故寔十二月還幸雲

中之盛樂

皇始元年春正月大蒐於定襄因東幸善無北陂三月

後燕慕容垂寇桑乾陳留公虔死之垂遂至平城西北

欽定四庫全書

南北史合注
卷八十七

聞王將至

資治通鑑曰珪震怖欲走曰將至者必飾辭

乃築城自守疾甚歸卒于上谷子寶秘喪還至中山乃

僭立夏六月丁亥王太后賀氏殂是月葬獻明太后呂

光僭稱天王國號涼

魏書天象志曰是月有星彗於髦頭所以去穢布新

也先是有大黃星出於昴畢之分五十餘日燕太史

丞王先曰當有真人起於燕代大兵鏘鏘鋒不可當

未幾帝建元立號天下莫敵

秋七月左司馬許謙上書勸進尊號於是改元始建天子旌旗出警入蹕八月己亥大舉攻燕燕慕容寶王親勒六軍四十餘萬南出馬邑踰句注旌旗絡繹三千餘里鼓行而前人屋皆震別詔將軍封真等從東道襲幽州圍薊九月戊午次陽曲乘西山觀臨晉陽寶并州牧遼西王農棄城遁并州平初建臺省置百官封敗公侯將軍刺史太守尚書郎以下悉用文人王初拓中原留

欽定四庫全書

南北史合注 卷八十七

心慰納諸士大夫詣軍門者無少長皆引入人得盡言苟有微能咸蒙叙用己未詔輔國將軍奚牧畧地晉川獲慕容寶丹陽王買得等於平陶城九月晉孝武帝殂冬十一月庚子朔王至真定自常山以東守宰或捐城奔竄或稽顙軍門唯中山鄴信篤三城未下別詔東平公儀攻鄴冠軍將軍王建左軍將軍李粟等攻信都軍所行不得傷桑棗戊午進軍中山己未圍之王曰吾量寶不能出戰必憑城自守急攻則傷士久守則費糧不

如先乎鄴信都然後還取中山諸將稱善丁卯車駕幸魯口城

二年春正月壬戌王引騎圍信都其夜寶冀州刺史宜都王慕容鳳踰城奔中山癸亥寶輔國將軍張驥護軍將軍徐起舉城降是月南涼秃髮烏孤私署大單于西平王二月丁丑王軍於鉅鹿之北肆塢臨滹池水其夜寶悉衆犯營燎及行宮兵人駭散王驚起不及衣冠跣出擊鼓俄而左右及中軍將士稍集王設奇陣列烽營

欽定四庫全書

南北史合注 卷八十七

外縱騎衝之寶衆大敗走還中山獲其器械數十萬計寶尚書閔亮秘書監崔暹等降者相屬賜拜官職各有差三月己酉車駕至盧奴寶求和請送秦王觚割常山以西奉魏乞守中山以東王許之已而寶背約辛亥車駕至中山命將圍之是夜寶弟賀驥將妻子走西山寶恐賀驥先據和龍壬子夜北遁城內共立慕容普隣為主夏四月王以軍糧不繼詔東平公儀罷鄴圍徙屯鉅鹿五月庚子王以中山城內為普隣所脅詔喻之甲辰

曜兵揚威以示城內命諸將罷圍南徒以待其變甲寅

以東平公儀為左丞相封衛王進襄城公題爵為王秋

七月普隣遣烏九張驥率五千餘人出城求食寇靈壽

賀驥自丁零中入驥軍因其眾復入中山殺普隣而自

立八月丙寅朔王進軍九門時大疫人馬牛死者十五

六中山猶據守羣下咸思北還王知之謂曰斯固天命

將若何四海皆可與為國在吾所以撫之耳何恤乎無

人羣臣乃不敢言九月賀驥飢窮率三萬餘人寇新市

欽定四庫全書

南北史合注 卷八十七

三十五

甲子晦王進軍討之太史令晁崇奏曰不吉王曰何也

對曰紂以甲子亡兵家忌之王曰武周不以甲子勝乎

崇無以對冬十月丙寅王進軍新市賀驥退阻泝水依

漸洳澤以自固甲戌王臨其營戰於義臺塢大破之賀

驥單馬走鄴慕容德殺之甲申賀驥所署公卿尚書將

吏士卒降者二萬餘人其將張驥李沈慕容文等先來

降尋皆亡還是日復獲之皆赦不問獲其所傳皇帝璽

綬圖書府庫珍寶中山平乙酉襄城王題薨

是歲晉安帝隆安元年

天興元年春正月慕容德走保滑臺衛王儀剋鄴庚子

幸真定遂幸鄴民老病不能自存者詔郡縣賑卹之王

至鄴巡登臺榭徧覽宮城將有定都志乃置行臺遂還

中山所過存問百姓詔大軍所經州郡皆復贖租一年

除山東民租賦之半車駕將北還發卒萬人通直道自

望都鐵山鑿恒嶺至代五百餘里王慮還後山東有變

乃於中山置行臺詔衛王儀鎮之使畧陽公遵鎮渤海

欽定四庫全書

南北史合注 卷八十七

三十五

之合口右軍將軍尹國光督租冀州聞王將還謀反欲

襲信都安南將軍長孫嵩執送斬之辛酉車駕發中山

至望都堯山徙山東六州民吏及徒何高麗雜夷三十

六萬百工伎巧十餘萬口以充京師車駕次于恒山之

陽博陵渤海章武諸郡羣盜並起畧陽公遵等討平之

是月南燕慕容德自稱燕王據廣固二月車駕至自中

山幸繁峙宮更選屯衛詔給內徙新戶耕牛計口授田

三月徵左丞相衛王儀還京詔畧陽公遵代鎮中百夏

四月壬戌以歷陽公穆崇為太尉鉅鹿公長孫嵩為司徒進封畧陽公遵為常山王南安公順為毘陵王祭天於西郊旗幟有加廣平太守遼西公意列謀反與郡人韓奇矯假識圖將襲鄴城詔反者就郡賜死是月燕蘭汗弒其主慕容寶自立為大單于昌黎王六月丙子詔有司議定國號羣臣奏曰昔周秦以前帝王居所生之土及王天下即承為號今國家啓基雲代應以代為號詔曰昔朕遠祖總御幽都控制遐國雖踐王位未定九州建於朕躬掃平中土凶逆蕩除遐邇率服仍先號為魏

欽定四庫全書

南北史合注 卷八十七

五

趙明誠金石錄曰魏自道武定號為號後無復稱代事今魏碑數數有之蓋當時雖稱魏猶不廢始封故兼稱代耳即崔浩所云代魏兼稱猶彼殷商也

秋七月遷都平城始營宮室建宗廟立社稷燕慕容寶子盛討殺蘭汗自立為長樂王八月詔有司正封者制郊甸端徑術樹道里平五權較五量定五度遣使巡行

郡國舉奏守宰不法者親覽察之陟之冬十月起天文殿十一月辛亥尚書吏部郎中鄧淵

本史稱彥海避唐高祖諱今正之餘倣此

典官制立爵品定律呂協音樂儀曹郎中董謚撰郊廟社稷朝覲饗宴之儀三公郎中王德定律令申科禁太史令晁崇造渾儀考天象吏部尚書崔宏總裁之閏月左丞相衛王儀及王公卿士詣闕上書曰臣等聞宸極居中則列宿齊其晷帝王順天則羣后仰其度伏惟陛下

欽定四庫全書

南北史合注 卷八十七

五

下德協二儀道隆三五仁風被於四海盛化塞於天區澤及昆蟲恩霑行葦謳歌所屬八表歸心而躬履謙虛退身後已宸儀未彰宸服未御非所以允皇天之意副樂推之心臣等謹昧死以聞王三讓乃許之十二月己丑皇帝即位於天文殿太尉司徒進璽綬百官咸稱萬歲

魏書禮志載告天文曰皇帝臣珪敢用玄牡昭告於皇天后土之靈上天降命乃眷我祖宗世王幽都珪

以不德思寧黎元龔行天罰殪劉顯屠衛辰平慕容
定中夏羣臣勸進謂宜正位居尊副天人望珪以天
時人謀不可久替謹命禮官擇吉日受皇帝璽綬惟
神祇其丕祚魏室未綏四方

大赦改元追尊成帝以下及后號謚樂用皇始之舞詔
百司議定行次以書崔宏等奏從土德服色尚黃數用
五祖以未臘以辰犧牲用白五郊立氣宣贊時令敬授
民時行夏之正

欽定四庫全書

南北史合注
卷八十七

二十一

資治通鑑曰命朝野皆束髮加帽

徙六州二十二郡守宰豪傑吏民二千家於代都

二年春正月甲子初祀上帝於南郊以始祖神元皇帝

配降壇視燎禮成而反乙丑赦京師始制三駕之法庚

午北巡分命諸將大襲高車常山王遵三軍從東道出

長川高涼王樂真等從西道出牛川車駕親勒六軍從

中道自駮髯水西北出二月丁亥朔諸軍同會破高車

雜種三十餘部

魏書曰獲七萬餘口馬三十餘萬匹牛羊百四十餘
萬

衛王儀督三將別從西北絕漠千餘里破其遺迸七部
魏書曰獲三萬餘口馬五萬餘匹牛羊二十餘萬頭
還次牛山及薄山竝刻石紀功以所獲高車衆起鹿苑
於南臺陰北距長城東苞白登屬之西山廣輪四十里
鑿渠引武川水注之苑中疏為三溝分流宮城內外又
穿鴻鴈池三月己未車駕至自代伐甲子初令五經羣

欽定四庫全書

南北史合注
卷八十七

二十一

書各置博士增國子太學生員三千人是月氏人李辯

叛慕容德求援於鄴行臺尚書和跋跋以輕騎應之剋

滑臺收德宮人府藏

魏書曰丙子遣建義將軍庾真等破侯莫陳部獲馬

牛十餘萬頭

秋七月起天華殿辛酉大開于鹿苑八月增啓京城十
二門作西武庫除州郡民租賦之半辛亥詔禮官備撰
衆儀著於新令范陽人盧溥聚衆海濱稱幽州刺史攻

掠郡縣殺幽州刺史封番干是月南涼禿髮烏孤卒其弟利鹿孤立遣使朝貢冬十月太廟成遷神元平文昭成獻明神主於太廟十二月

甲午慕容盛征鹵將軍燕郡太守高湖率戶三千內屬

天華殿成涼呂光立其子紹為天王自稱太上皇及卒庶子纂殺紹自立

三年春正月戊午材官將軍和突破盧溥於遼西獲之

欽定四庫全書

南北史合注 卷八十七

及其子煥傳送京師輟之癸亥祀北郊分命諸官循行

州郡觀風俗察舉不法二月丁亥詔有司祀日於東郊

始耕籍田壬寅皇子聰薨三月戊午立皇后慕容氏是

月穿城南渠於城內作東西魚池夏四月秦姚興遣使

來聘五月戊辰詔謁者僕射張濟使於興己巳東巡遂

幸涿鹿遣使者以太牢祀帝堯帝舜廟西幸馬邑觀澤

源六月庚辰朔日有蝕之秋七月西秦王乞伏乾歸大

為秦姚興所破壬子車駕還宮起中天殿及雲母堂金

華堂

魏書載十有二月乙未詔曰世俗謂漢高起于布衣而有天下此未達其故也夫劉承堯統曠世繼德有蛇龍之徵雲彩之應五緯上聚天人俱協明革命之主大運所鍾不可以非望求也然狂狡之徒所以顛蹶不已誠惑於逐鹿之說而迷於天命也故有踵覆車之轍蹈覆逆之蹤毒甚者傾州郡害微者敗邑里至乃身死名頹殃及九族從亂隨流死而不悔豈不

欽定四庫全書

南北史合注 卷八十七

痛哉春秋之義大一統之美吳統僭號久加誅絕君子賤其偽名比之塵垢自非繼聖載德天人會合帝王之業夫豈虛應有國有家者誠能推廢興有期審

天命不易察徵應之潛投絕奸雄之僭肆則幾於神

智矣如此禍悖無緣而生兵甲何因而起凡厥來世

勗哉戒之

時太史屢奏天文錯亂帝親覽經占多云宜改王易政

於是數革官號欲以防塞凶投消弭災變已慮羣下疑

惑冬十二月丙申下詔述成敗之理鑑殷周之失草秦漢之弊以喻臣下

魏書載詔曰上古之治上德下名有任無爵易治而事序故邪謀不起周姬之末下凌上替以號自定以位制祿卿世其官大夫遂事陽德不暢議發家倍故釁起兵作秦漢之弊捨德崇侈能否混雜庶官失序任非其人於是忠義道寢廉恥節廢莫不由乎貴尚名位而禍敗及之矣古置三公職大憂重故曰待罪宰相將委任責成非虛寵祿也而今世俗僉以台輔為榮貴企慕而求之夫桀紂南面雖高可薄姬旦為下雖卑可尊一官可以効智輩門可以垂範苟以道德為實賢於覆餗節家矣故量力者令終而義全昧利者身陷而名滅利之與名毀譽之疵競道之與德神識之家實是故道義治之本名爵治之末名不本於道不可為宜爵無補于時不可為用來者誠思成敗之理察治亂之由鑑殷周之失草秦漢之弊則幾

欽定四庫全書

南北史合注 卷八十七

三十三

于治矣

是歲李嵩私署秦涼二州牧涼公是為西涼

四年春二月丁亥命樂師入學習舞釋菜於先聖先師丁酉分命使者巡行州郡聽察辭訟糾劾不法是月後涼王呂光弟子隆殺呂纂而自立三月帝親漁薦於寢廟

魏書靈徵志曰晉昌民賈相為鴈門郡吏入句注西陲見一老父曰自今以後四十二年當有聖人出北

欽定四庫全書

南北史合注 卷八十七

三十三

方時當大樂子孫永吉吾不及見之言終而過顧視之老父化為石人至帝破慕容寶之歲四十二年矣時新興太守上言其事

夏四月辛卯罷鄴行臺詔有司明揚隱逸五月起紫宸殿玄武樓涼風觀石池鹿苑臺六月盧水胡沮渠蒙遜私署涼州牧張掖公秋七月詔兗州刺史長孫肥南徇許昌彭城詔賜境內鎮戍將士布帛各有差八月後燕段興弒其主慕容盛其叔父熙盡誅段氏僭即皇帝位

冬十二月集博士儒生比衆經文字義類相從凡四萬餘字號曰衆文經是歲李嵩沮渠蒙遜並遣使朝貢五年春正月帝聞秦主姚興將寇邊庚寅大簡輿徒詔并州諸軍積穀于平陽乾壁

魏書曰戊子材官將軍和突破黠弗素古延等諸部

獲馬三千餘匹牛羊七萬餘頭辛卯蠕蠕社論遣騎

救素古延等和突逆擊破之于山南河曲獲鎧馬二

千餘匹班師賞賜將士各有差二月癸丑征西大將

欽定四庫全書

南北史合注 卷八十七

軍常山王遵等至安定之高平破多蘭部帥木易于

率數千騎與衛反屈子棄國遁走追至隴西瓦亭不

及而止獲其輜重庫藏馬四萬餘匹駱駝犛牛三千

餘頭牛羊九萬餘口班賜將士各有差徙其民於京

師

三月南涼禿髮利鹿孤卒夏五月秦姚興遣其弟義陽

王平來侵平陽攻陷乾壁秋七月戊辰朔車駕西討八

月乙巳至乾壁平固守進軍圍之興悉舉其衆來救甲

子帝度蒙坑逆擊興軍大破之冬十月平赴水死俘其

衆三萬餘人獲輿尚書左僕射狄伯支以下四品將軍

以上四十餘人獲前亡臣王次多靳勒並斬以狗興頻

使請和帝不許羣臣請進平蒲坂帝慮柔然為難戊申

班師十一月車駕次晉陽徵相州刺史庾岳為司空十

二月辛亥至自西征越勒莫弗率其部萬餘家內屬

六年春正月辛未朔方尉遲部別帥率萬家內屬入居

雲中夏四月癸巳朔日有蝕之五月大簡輿徒將畧江

欽定四庫全書

南北史合注 卷八十七

淮秋七月鎮西大將軍司隸校尉毗陵王順有罪以王

還第戊子北巡築宮於豺山縱士校獵東北踰蜀嶺出

參合代谷九月行幸南平城規度灑南面夏屋山背南

瓜堆將建新邑辛未車駕還宮冬十月起西昭陽殿乙

卯立皇子嗣為齊王加車騎大將軍位相國紹為清河

王加征南大將軍熙為陽平王曜為河南王封故秦愍

王子夔為豫章王陳留桓王子悅為朱提王丁巳晉人

來聘十一月庚午將軍伊謂大破高車十二月晉桓玄

廢其主司馬德宗為平國王而自立僭號楚

是歲晉元興元年

天賜元年春二月晉劉裕起兵誅桓玄三月初限縣戶

不滿百罷之夏五月置山東諸治發州郡徒謫造兵甲

魏書官氏志曰是年八月初置六謁官準古六卿帝

欲法古純質官號俱不依周漢舊名皆依遠古雲鳥

之義諸官走使謂之鳧鴨取飛迅疾以伺察者為候

官謂之白鷺取其延頸遠望餘官義皆類此咸有比

欽定四庫全書

南北史合注
卷八十七

况

秋九月帝臨昭陽殿分置眾職引朝臣文武親自簡擢

量能叙用制爵四等曰王公侯子除伯男之號追錄舊

臣加封爵各有差是秋江南大亂流人襁負奔淮北者

行道相尋冬十月辛巳大赦改元築西宮十一月辛酉

宮大選臣僚令各辯宗黨保舉才行諸部子孫失業賜

爵者二千餘人

二年春正月晉主司馬德宗復位夏四月祀西郊車旗

盡黑

魏書天象志曰帝御大駕百官及賓國諸部大人畢

從至郊所帝立青門內近南壇西內皇后及九宮從

黑門入列於青門內近北並西面祀訖而返

冬十月南燕慕容德卒

是歲晉義熙元年

三年春正月甲申北巡幸射山宮校獵還至屋孤山三

月乙亥幸代園山建五石亭三月庚子車駕還宮夏四

欽定四庫全書

南北史合注
卷八十七

月庚申復幸射山宮占授著作郎王宜弟造兵法孤虛

立成圖三百六十時遂登定襄角史山又幸馬城甲戌

車駕還宮六月發八百里五百里內男丁築灋南宮門

闕高十餘丈引溝穿池廣苑囿規立外城方二十里分

置市里經途洞達三十日罷秋七月太尉穆崇卒八月

甲辰行幸射山宮遂至青牛山丙辰西登武要北原觀

九十九泉造石亭遂之石漠九月甲戌朔幸漠南鹽池

壬午至漢中觀天鹽池度漠北之吐鹽池癸巳南還長

川丙申臨觀長陂冬十月庚申車駕還宮

四年春二月封皇子脩為河間王處文為長樂王連為

廣平王黎為京兆王夏五月北巡自參合陂東過蟠羊

山大雨暴水流輜車數百乘殺數百人遂東北踰石漢

至長川幸濡源常山王遵有罪賜死六月赫連勃勃自

稱大單于大夏天王秋七月西幸參合陂築北宮垣三

旬而罷乃還宮後燕慕容容寶養于高雲殺其主慕容熙

而自立僭號天王八月誅司空庾岳

欽定四庫全書

南北史合注 卷八十七

五年春正月行幸豹山宮遂如參合陂觀漁于延水至

寧川三月秦姚興遣使來聘秋七月戊戌朔日有蝕之

冬十月禿髮傉檀僭即涼王位

六年夏帝不豫初帝服寒散散自太醫令陰羗死後藥

數動發至此愈甚而災變屢見憂懣不安或數日不食

或不寢達旦歸咎羣下喜怒乖常謂百寮左右不可信

慮如天文之占或有肘腋之虞追思既往成敗得失終

日竟夜獨語不止若傍有鬼物對揚者朝臣至前追其

舊惡便見殺害餘或顏色變動或喘息不調或行步乖

節或言詞失措帝謂懷惡在心變見於外乃手自毆擊

死者皆陳天安殿前於是朝野人情各懷危懼有司廢

息莫相督攝百工偷劫盜賊公行里巷間人為稀少帝

亦聞之曰朕故縱使然幸過災年當更清整之耳

魏書天象志曰六年四月雷震天安殿東帝惡之命

左校以衝車攻殿東西兩序毀之帝竟暴崩

秋七月慕容氏支屬百餘家謀欲外奔發覺伏誅死者

欽定四庫全書

南北史合注 卷八十七

三百餘人八月衛王儀謀叛賜死十月戊辰清河王紹

弒帝崩於天安殿時年三十九未興二年九月甲寅

上謚曰宣武皇帝葬盛樂金陵廟號太祖泰常五年改

謚道武

魏書刑罰志曰太祖初歷艱難備嘗險阻知民情偽

及在位躬行仁厚既定中原患前代刑網峻密乃除

其苛法約定科禁大宗簡易是時民久苦兵亂畏法

樂安帝知其若此鎮之以靜罰必從輕兆庶咸戴然

於大臣持法不捨季年災異頻見聖體不豫刑罰頗
酷濫 愚按宋人進魏書表云道武太武暴戾甚於
聰虎若果如言何以有國若斯之長讀此方知宋人
言偏

太宗明元皇帝諱嗣道武皇帝長子母曰劉貴人登國
七年生于雲中宮道武晚有男大悅乃大赦太宗明睿
寬敏非禮不動天興六年封齊王拜相國初王母既賜
死道武召告曰昔漢武將立其子而殺其母不令婦人
與國政汝當繼統故吾遠同漢武王素純孝哀不自勝
道武怒王還宮哀不自止道武知而又召王王欲入左
右恐道武怒盛入或不測諫止之請待和解而進王從
之乃遊行逃于外及元紹弒逆王還而誅之

永興元年冬十月壬午皇帝即位大赦改元追尊皇比
為宣穆皇后公卿大臣先罷歸第者悉登用之詔南平
公長孫嵩北新侯安同對理民訟簡賢任能是月馮跋
弒其主高雲僭號天王是為北燕

欽定四庫全書

南北史合注
卷八十七

四十一

按晉書及本史雲傳皆言為寵臣離班桃仁所弒此
歸罪於跋必有所見

閏十月丁亥朱提王悅謀反賜死詔都兵將軍山陽侯
奚斤巡諸州問民疾苦十二月戊戌封衛王儀子良為
南陽王進陰平公列爵為王改封高涼王樂真為平陽
王己亥帝始居西宮御天文殿柔然犯塞是歲乞伏乾
歸始稱秦王是為西秦

二年春正月甲寅朔詔南平公長孫嵩等北征柔然因
留屯漠南夏五月嵩等自大漠還柔然追圍之於牛川
壬申帝北伐柔然聞而遁走車駕還幸參合陂六月晉
劉裕滅南燕慕容超秋七秋丁巳立射臺於陝西仍講
武乙丑至自北伐

欽定四庫全書

南北史合注
卷八十七

四十二

三年春二月戊戌詔簡宮人非御及伎巧者悉以賜餼
民

魏書載詔曰衣食足知榮辱夫人飢寒切已唯恐朝
夕不濟所急者溫飽而已何暇及仁義之事乎王教

多違蓋由於此非夫耕婦織內外相成何以家給人足乎其簡宮人非所當御及執作伎巧其餘悉出以

配鰥民

己亥詔北新侯安同等持節巡行并定二州及諸山居雜胡丁零問其疾苦察舉守宰不法者辛丑簡宮女工伎之不急者出賜人不能自存者三月乙未詔侍臣常佩劍夏五月丙寅復出宮女賜鰥人辛卯車駕謁金陵於盛樂己巳昌黎王慕容伯兒謀反伏誅六月秦姚興

欽定四庫全書

南北史合注 卷八十七

四十三

遣使來聘秋七月賜衛士衛士酺三日冬十一月丁未大閱于東郊

魏書載十二月甲午詔南平公長孫嵩任城公稽拔

白馬公崔玄伯坐朝堂錄決囚徒務在平當

四年春二月癸未登虎園射猛虎夏四月乙未宴羣臣於西宮使各獻直言勿有所諱六月西秦乞伏乾歸為兄子公府所弒閏月丙辰大閱于東郊秋七月己巳朔東巡置四廂大將又放十二時置十二小將以山陽侯

奚斤元城公屈行左右丞相己卯大獮于石會山戊子

臨去畿陂觀漁庚寅至於濡源西巡幸北部諸落八月

壬子幸西宮臨板殿大饗羣臣命百官大酺二日乙卯

賜王公以下至宿衛將士布各有差冬十一月乙丑賜

宗室近屬南陽王良以下至於總麻親布各有差是月

沮渠蒙遜借稱西河王十二月丁巳北巡至長城而旋

五年春正月己巳大閱畿內男年十二以上悉集己卯

幸西宮額拔大渠帥四十餘人詣闕奉貢賜以繒帛錦

欽定四庫全書

南北史合注 卷八十七

四十三

屬各有差乙酉詔諸州六十戶出戎馬一匹庚寅大閱

于東郊署將帥以山陽侯奚斤為前軍衆三萬陽平王

熙等十二將各一萬騎帝臨白登躬自校閱二月庚戌

幸高柳川癸酉穿魚池于北苑庚午秦姚興遣使來聘

己卯詔使者巡行天下招延雋彥搜揚隱逸夏四月乙

卯西巡五月乙亥行幸雲中舊宮之大室丙子大赦六

月西幸五原校獵于骨羅山獲獸十萬秋七月己巳還

幸薄山帝登山觀宣武遊幸刻石頌德之處乃於其旁

起石壇薦饗賜從者大酺于山下前軍奚斤等破越勃泥部落於跋那山西

魏書曰獲馬五萬匹牛二十萬頭

徙二十萬餘家而旋丙戌車駕自大室西南巡諸部落遂南次定襄大洛城東踰七嶺山田於善無川八月癸卯車駕還宮癸丑奚斤等班師甲寅白登山觀降人數軍實置新人於大寧給農器計口授田丁丑幸豺山宮癸未還宮冬十一月癸酉大饗於西宮秦姚興遣使來

欽定四庫全書

南北史合注 卷八十七

四

聘請進女許之

據晉書興傳則魏自求婚非興進女當以晉書為正神瑞元年春正月辛酉以禎瑞頻集大赦改元辛巳行幸繁峙賜王公以下至于士卒百工布帛各有差二月戊戌車駕還宮六月西秦乞弗熾盤滅南涼禿髮傉檀戊申幸豺山宮丁亥還宮秋七月晉將朱齡石滅蜀八月戊子詔馬邑侯元陞孫使於秦姚興興遣使來聘九月丁巳朔日有蝕之冬十一月壬午詔使者巡行諸州

校閱守宰資財非自家所齎悉簿為贓守宰不如法聽百姓詣闕告之十二月丙戌朔柔然犯塞丙申車駕北伐

二年春正月丙辰車駕至自北伐二月丁亥大饗於西宮甲辰立宣武廟於白登西三月丁丑詔以刺史守宰率多逋惰今年貲調縣違者謫出家財以充不聽徵發於人夏四月晉人來聘己卯北巡五月丁亥次于參合東幸大寧丁未田於四岬山六月戊午臨去畿陂觀漁

欽定四庫全書

南北史合注 卷八十七

四

辛酉次于濡源立蜂臺遂射白熊於額牛山獲之丁卯幸赤城親見長老問民疾苦復租一年南次石亭山上谷問百年訪賢雋復田租之半壬申幸涿鹿登嶠山觀溫泉使以太牢祠黃帝唐堯廟癸酉幸廣寧己卯登廣寧之歷山以太牢祠舜廟帝親加禮庚辰幸代秋七月癸未車駕還宮復所過田租之半八月庚辰晦日有蝕之九月京師民飢聽就食山東冬十月壬子秦姚興使送其西平公主至帝以后禮納之辛酉行幸沮洳城癸

亥還宮丙寅詔以頻遇霜旱年穀不登命出布帛倉穀以賑貧窮十有一月丁亥幸射山宮庚子還宮

泰常元年春正月甲申幸豹山宮戊子還宮二月丁未

秦主姚興卒三月己丑長樂王處文薨夏四月壬子大

赦改元庚申河間王脩薨五月甲申彗星二見六月丁

巳北巡秋七月甲申大獮于牛川登釜山臨殷繁水南

觀於九十九泉戊戌還宮辛亥晦日有蝕之九月晉劉

裕溯河伐秦姚泓遣部將王仲德從陸道至梁城兗州

欽定四庫全書

南北史合注 卷八十七

刺史尉建畏懦棄守北度仲德遂入滑臺詔將軍叔孫

建等度河曜威斬尉建於城下冬十月幸射山宮十一

月甲戌還宮戊寅起蓬臺於北苑十二月南陽王良薨

二年春正月甲戌朔日月蝕之二月丙午詔使者巡行

境內觀風俗問其所苦

魏書載詔曰九州之民隔遠京邑時有壅滯守宰至

不以聞令東作方輿或有貧窮失農務者其遣使者

巡行天下省諸州觀民風俗問民疾苦察守宰治行

諸有不能自申皆因以聞

是月西涼公李嵩卒夏四月丁巳幸高柳壬戌還宮五

月西巡至雲中遂濟河田於大漠秋七月乙亥還宮乙

酉起白臺於城南高二十丈是月晉劉裕滅秦姚泓冬

十月癸丑豫章王夔薨

魏書載十一月癸丑復諸州租稅

十二月己酉詔河東河內購姚泓子弟播越民間者庚

申田於西山壬申幸大寧長川

欽定四庫全書

南北史合注 卷八十七

三年

魏書載春正月丁酉朔帝至自長川

春三月晉人來聘庚戌幸西宮以渤海范陽郡去年水

復其租稅夏四月己巳徙冀定幽三州徒何於京師五

月壬午東巡至瀋源及甘松遣征東將軍長孫道生等

帥師襲馮跋帝自突門嶺待之道生至龍城徙其居民

萬餘家而還秋七月戊午車駕至京師八月鴈門何內

大雨復其租稅

魏書禮志曰是月帝薦熟于太祖白登廟有車騎聲
從北門入殷殷輻輳震動門闕執事者皆肅慄人以
為興隆之兆

冬十月戊辰築宮於西苑十一月赫連勃勃剋長安十
二月晉安帝殂

四年春正月壬辰朔車駕臨河大蒐於犢渚癸卯還宮
三月夏赫連勃勃借即皇帝位癸丑築宮於蓬臺北夏
四月庚辰享東廟遠藩助祭者數百國辛巳南巡幸鴈

欽定四庫全書

南北史合注
卷八十七

四八

門賜所過無出今年租賦五月庚寅朔觀漁於澠水已
亥還宮復所過一年租賦八月辛未東巡遣使祠恒岳
甲申還宮賜所過無出今年田租九月甲寅築宮於白
登山冬十一月丁亥朔日有蝕之十二月癸亥西巡至
雲中踰白道北獵野馬于辱孤山至于黃河從君子津
西度大狩于薛林山
是歲晉恭帝元熙元年
五年春正月丙戌朔白薛林東還至屋竇城饗勞將士

大酺二日班禽以賜之己亥還宮三月丙戌南陽王意
文薨夏四月丙寅起灑南宮五月乙酉詔曰宣武皇帝
體得一之玄遠應自然之冲妙大行大名未盡盛美今
啓緯圖始覩尊號其更上尊號曰道武皇帝以章靈命
之先啓聖德之玄同庚戌淮陽侯司馬國璠池陽司馬
道賜等謀反伏誅六月丙寅幸翳犢山是月晉恭帝禪
位於宋秋七月丁酉西至五原丁未幸雲中大室賜從
者大酺八月癸亥還宮閏月甲午陰平王烈薨是歲西

欽定四庫全書

南北史合注
卷八十七

四九

涼李歆為北涼沮渠蒙遜所殺其弟恂復自立於敦煌
是歲宋武帝末初元年
六年春正月幸公陽二月己亥詔境內戶二十輸戎馬
一匹大牛一頭三月甲子陽平王熙薨乙亥制六部人
羊滿百口者調戎馬一匹發京師六千餘人築苑起自
舊苑東苞白登周四四十餘里是沮渠蒙遜攻破敦煌
李恂自殺遂城西涼夏六月乙酉北巡至蟠羊山秋七
月乙卯還宮癸酉西巡獵祚山親射猛虎獲之遂至於

河八月庚子大獮於犢渚九月庚戌還宮壬申宋人來聘冬十月己亥行幸代十二月丙申西巡雲中

七年春正月甲辰朔自雲中西幸屋寶城賜從者大酺

三日二月丙戌還宮三月乙丑河南王曜薨夏四月甲

戌封皇子燾為太平王拜相國加大將軍丕為樂平王

加車騎大將軍彌為安定王加衛大將軍範為樂安王

加中軍大將軍健為永昌王加撫軍大將軍崇為建寧

王加輔國大將軍俊為新興王加鎮軍大將軍猷懷長

欽定四庫全書

南北史合注 卷八十七

五

公主子私敬為長樂王拜大司馬大將軍初帝服寒食

散頻年發動不堪萬幾五月立太平王燾為皇太子臨

朝聽政是月宋武帝殂秋九月詔司空吳斤等帥師伐

宋乙己幸澤南宮遂如廣寧己酉詔皇太子率百國以

法駕田於東苑車乘服物皆以乘輿之副辛亥築平城

外郭周回三十二里辛酉幸嶠山遣使者祠黃帝唐堯

廟因東幸幽州見耆年問其所苦賜以爵號分遣使者

巡行州郡觀察風俗冬十月甲戌車駕還宮復所過田

租之半吳斤等濟河攻滑臺不拔求濟師帝怒不許議

親南征為其聲援壬辰出自天門闕踰恒嶺四方藩附

大人各帥所部從者五萬餘人十一月皇太子親統六

軍至塞上安定王彌與北新公安同居守丙午曲赦司

州殊其以下丙辰次於中山問民疾苦十二月丙戌行

幸冀州存問民俗遣壽光侯叔孫達等率眾自平原東

度徇下青兗諸郡

八年春正月丙辰行幸鄴存問民俗司空吳斤既平兗

欽定四庫全書

南北史合注 卷八十七

五

豫還圍虎牢宋守將毛德祖距守不下柔然犯塞二月

戊辰築長城於長川之南起自赤城西至五原延袤二

千餘里備置戍衛三月乙卯濟自靈昌夏四月丁卯幸

成臯觀虎牢城內乏水懸綆汲河帝令連艦上施轆轤

絕其汲路又穿地道以奪其井丁丑幸洛陽觀石經閣

月丁未還幸河內北登太行幸高都已未虎牢潰士眾

大疫死者十二三辛酉幸晉陽班賜王公以下至於厮

役五月丙寅還次鴈門皇太子率百官以從八月幸馬

邑觀於灑源九月乙亥還宮冬十月癸卯廣西宮起外
墻周回二十里是歲飢詔所在開倉賑給十一月己巳
帝崩於西宮時年三十二遺詔以司空吳斤所獲軍實
賜大臣自司徒長孫嵩以下至士卒各有差十二月庚
子上謚曰明元皇帝葬雲中金陵廟稱太宗帝兼資文
武禮愛儒生好覽史傳以劉向所撰新序說苑於經典
正義多有所闕乃撰新集三十篇採諸經史該洽古義
云

欽定四庫全書

南北史合注
卷八十七

五三

是歲宋少主義符景平元年

論曰自古帝王之興誠有天命亦賴累功積德方契靈
心有魏奄宅幽方代為君長神元生自天女桓穆勤於
晉室冥符人事夫豈徒然昭成以雄傑之姿苞君人之
量征伐四剋威被遐荒乃改都立號恢隆大業終百六
十歲光宅區中其原因有由矣道武顯晦安危之中屈
伸潛躍之際驅率遺黎奮其靈武克翦方難遂啓中原
垂拱人神顯登皇極雖冠履不暇棲遑外土而制作經

謨咸出長久所謂大人利見百姓與能抑不世神武也
而屯厄有期禍生非慮特人事不足豈天實為之乎明
元承運之初屬廓定之始于時狼顧鴟跨猶有窺覲如
以天賜之末內難尤甚帝孝心廠畧權正兼運纂業固
基內和外撫終能周鄭欵服聲教南被祖功宗德其義
良已遠矣


愚按魏自道武至西魏恭帝共一百七十一年此云
百六十載者止因魏收魏書以東魏紀年耳先有道

欽定四庫全書

南北史合注
卷八十七

五三

武稱代王之登國十年亦未入今并補入



南北史合注卷八十七

欽定四庫全書

南北史合注卷八十八

明 李清 撰

北史二

魏本紀第二

世祖大武皇帝諱高祖明元皇帝長子母杜貴嬪天賜五

年生于東宮體貌瓌異道武奇之曰成吾業者必此兒

也泰常七年四月封太平王五月立為皇太子及明元

帝疾命太子總攝百揆聰明大度意豁如也八年十一月

欽定四庫全書

南北史合注
卷八十八

己巳明元帝崩壬申太子即皇帝位大赦十二月追尊

皇妣為密皇太后進司徒長孫嵩爵為北平王司空奚

斤為宜城王藍田公長孫翰為平陽王其餘普增爵位

各有差於是除禁錮釋嫌疑開倉庫賑窮乏河南流民

相率內屬者甚衆

始光元年春正月丙寅定安王彌薨夏四月甲辰東巡

幸大霧六月宋徐羨之弒其主義符秋七月車駕還宮

還宮八月柔然萬騎入雲中殺畧吏民攻陷盛樂帝帥

總校官檢 討臣 彭元琬

侍讀學士 王保

校對 生員 臣 梁寶繩

討之虜乃退走九月大簡輿徒于東郊將北討冬十二月遣平陽王長孫翰等討柔然車騎次祚山柔然北遁諸軍追之大獲而還

是歲宋文帝元嘉元年

二年春正月己卯車駕至自北伐三月丙辰尊保母竇氏曰保太后丁己以北平王長孫嵩為太尉平陽王長孫翰為司徒宜城王奚斤為司空庚申營故東宮為萬壽宮起永安樂二殿臨望觀九華堂初造新字千餘

欽定四庫全書

南北史合注
卷八十八

魏書載詔曰在昔帝軒命倉頡因鳥獸之跡以立文字自茲以降隨時改作篆隸草楷並行于世然時歷久遠傳習失真今文體錯謬會義不愜非所以示則來世也可制定文字世所用者頒下遠邇永為楷式

夏四月詔龍驤將軍步堆使宋五月詔天下十家發大牛一頭運粟塞上秋八月夏赫連勃勃卒九月永安樂二殿成丁卯大饗以落之冬十月癸卯車駕北伐東西五道並出平陽王長孫翰絕漠追之柔然北走

三年春正月壬申車駕至自北伐秦乞伏熾盤遣朝貢請討赫連昌二月起太學于城東祀孔子以顏回配夏

五月辛卯進中山公纂爵為王復南安公素先爵常山王六月辛雲中舊宮謁陵廟西至五原田于陰山東至和兜山秋七月築馬射臺于長川帝親登臺觀走馬王公諸國君長馳射中者賜金錦繒絮各有差八月車駕還宮宋人來聘帝以夏赫連勃勃卒諸子相攻冬十月丁巳車駕西伐幸雲中臨君子津會天暴寒數日水合

欽定四庫全書

南北史合注
卷八十八

十一月戊寅率輕騎襲赫連昌壬午徙萬餘家而還至祚山班虜獲以賜將士各有差十二月詔奚斤西據長安秦隴氏羗皆叛昌謁斤降武都王楊玄及北涼沮渠蒙遜等使使內附

四年春正月乙酉車駕至自西伐賜留臺文武各有差徙民在道多死到者十六七乙亥行幸幽州夏赫連昌遣其弟定向長安帝聞之遣就陰山伐木造攻具二月車駕還宮三月丙午詔金吾桓貸造橋于君子津丁丑

廣平王連薨夏四月丁未詔員外散騎常侍步堆使于
宋五月車駕西攻夏赫連昌次拔鄰山築城舍輜重以
輕騎三萬先行戊戌至黑水帝親祈天告祖宗之靈而
誓衆六月癸卯朔日有蝕之甲辰大破昌昌奔上邽乙
巳車駕入城虜昌羣弟及其母妹妻妾宮人萬數府庫
珍寶車旗器物不可勝計

魏書曰獲馬三十餘萬匹牛羊數千萬

辛酉班師留常山王素執金吾桓貸鎮統萬秋七月己
欽定四庫全書

南北史合注
卷八十八

郊築壇于祚嶺戲馬馳射賜中者金帛繒絮各有差柔
然寇雲中聞破赫連昌懼而逃八月壬子車駕至自西

伐飲至策勲告宗廟班軍實以賜留臺百寮各有差冬

十一月以氏王楊玄為假征南大將軍都督梁州刺史

南秦王十二月行幸中山守貪汙免者十數人癸卯

車駕還宮復所過田租之半

神廬元年春正月以天下守令多非法精選忠良悉代

之辛未京兆王黎薨二月改元司空奚斤進軍安定監

軍侍御史安頡出戰禽夏王昌其餘衆立昌弟定為主

走還平涼三月辛巳侍中古弼送赫連昌至京師司空

奚斤追赫連定於平涼馬鬣嶺為定所擒將軍丘堆先

在安定聞斤敗東走長安帝大怒詔頡令斬之夏四月

夏赫連定遣使來聘帝詔諭之壬子西巡戊午田于河

西大赦南秦王楊玄遣使朝賀夏五月秦乞伏熾盤卒

六月行幸長川秋七月還宮八月東幸廣寧臨觀溫泉

以太宰祭黃帝堯舜廟九月還宮冬十月田于牛川是

欽定四庫全書

南北史合注
卷八十八

月還宮十一月乙未朔日有蝕之是月行幸河西大校

獵十二月甲申還宮

二年夏四月宋人來聘庚寅車駕北伐五月丁未次于

沙漠舍輜重輕騎兼馬至粟水柔然震怖焚廬舍絕跡

西走冬十月振旅凱旋於京師告于宗廟列置新入于

漠南東至蠕源西暨五原陰山竟二千里十一月西巡

田于河西至祚山而還

三年春正月庚子車駕還宮壬寅大赦癸卯行幸廣寧

臨溫泉作溫泉歌二月丁卯司徒平陽王長孫翰薨戊

辰車駕還宮壬寅大赦進會稽公赫連昌為秦王夏四

月甲子行幸雲中勅勒萬餘落叛走詔尚書封鐵

魏書封鐵作劉潔

追減之五月戊午論討敕勒功大明賞罰

魏書載詔曰夫士之為行在家必孝處朝必忠然後

身榮于時名揚後世近遣尚書封鐵剪除亡命其所

部將士有盡忠竭節以殞軀命者今皆追贈爵號或

欽定四庫全書

南北史合注
卷八十八

六

有蹈鋒履難以自効者以功次進位或有故違軍法

私離幢校者以軍法行戮夫有功蒙賞有罪受誅國

之常典不可暫廢其宣敕內外咸使聞知

秋七月己亥詔諸征鎮將軍王公杖節邊遠者聽開府

辟召其次增置吏員庚子詔大鴻臚卿杜超假節都督

冀定相三州諸軍事行征南大將軍太宰進爵為王鎮

鄴諸軍節度八月宋將到彥之自清水入河沂河西行

丙寅彥之遣將度河攻治坂冠軍將軍安頡督諸軍大

破之九月癸卯立密太后廟于鄴甲子行幸統萬遂征

平涼是月燕馮跋卒弟弘殺其太子自立冬十月乙卯

冠軍將軍安頡濟河攻洛陽丙子拔之辛巳安頡平虎

牢十一月己酉車駕至平涼己亥行幸安定庚子帝自

安定還臨平涼遂掘塹固守之行幸絳城安慰初附赦

秦隴之人賜復七年辛酉安頡帥諸軍攻滑臺北涼沮

渠蒙遜遣使朝貢壬寅封壽光侯叔孫建為丹陽王十

二月丁卯夏赫連定弟社于度洛孤而縛出降平涼

欽定四庫全書

南北史合注
卷八十八

七

平收其珍寶定長安臨晉武功守將皆奔走關中平壬

申車駕東還但留巴東公延普等鎮安定

四年春正月壬午車駕次木根山大饗羣臣丙申宋將

檀道濟王仲德從清水至滑臺丹陽王叔孫建汝陰公

長孫道生拒之道濟不敢進是月夏赫連定滅秦乞伏

慕末二月辛酉安頡司馬楚之平滑臺癸酉車駕還宮

欽至策勲告于宗廟賜留臺百官各有差戰士賜復十

年定州民饑詔開倉賑之宋將檀道濟王仲德東走三

月庚戌冠軍將軍安頡獻宋將萬餘人甲兵三萬夏六月夏赫連定北襲沮渠蒙遜為吐谷渾慕璜所執閏月乙未柔然遣使朝貢詔散騎侍郎周紹使于宋秋七月己酉行幸河西起承華宮八月乙酉沮渠蒙遜遣子安安周八侍吐谷渾慕璜遣使奉表請送赫連定己丑以慕璜為大將軍封西秦王九月癸丑車駕還宮庚申加太尉長孫蒿柱國大將軍以左光祿大夫崔浩為司徒

征西大將軍長孫道生為司空癸亥詔兼太常李順持

欽定四庫全書

南北史合注 卷八十八

節拜河西王沮渠蒙遜為假節加侍中都督涼州持節及西域羗戎諸軍事行征西大將軍太傅涼州牧涼王

壬申詔曰

冊府元龜載詔一段 頃逆命縱逸戎車屢駕今二寇摧殄方將偃武修文廢職舉逸民板幽延備味旦思求師輔

范陽盧玄博陵崔綽趙郡李靈河間邢穎勃海高允廣平游雅太原張偉等皆賢雋之曹冠冕州邦有羽儀之

周易曰我有好爵吾與爾糜之如玄之此隱跡衡門不曜名譽者盡敕州郡以禮發遣遂徵玄等州郡所遣至者數百人皆差次序用冬十月戊寅詔司徒崔浩改律令行幸漠南十一月丙辰北部敕勒莫弗庫若干率其部數萬騎驅鹿獸數百萬詣行在所帝因而大狩以賜從者勒石漠南以紀功德宜城王奚斤坐事降爵為公十二月車駕還宮

延和元年春正月丙午尊保太后為皇太后立皇后赫

欽定四庫全書

南北史合注 卷八十八

氏以皇子晃為皇太子謁于太廟大赦改元魏書載己巳詔修廢官舉傷逸蠲除煩苛更定科制務從儉約

三月丁未追贈夫人賀氏為皇后壬申西秦王吐谷渾慕璜送赫連定于京師夏五月宋人來聘六月庚寅車駕伐燕馮弘詔尚書左僕射安原等屯於漠南以備柔

然辛卯詔兼散騎常侍鄧穎使于宋秋七月己巳車駕至和龍穿墜守之是月築東宮九月乙卯車駕西還徙

營丘成周遼東樂浪帶方玄菟六郡人三萬家于幽州
開倉賑之冬十月吐谷渾慕瓚遣使朝貢十一月己巳
車駕至自和龍十二月己丑燕馮弘子長樂公崇及其
母弟朗弟邈以遼西內屬先是辟召賢良而州郡多
逼遣之詔以禮申喻任其進退

魏書載詔曰朕除偽平暴思得英賢緝熙治道故詔
州郡搜揚隱逸進舉賢俊古之君子養志衡門德成
業就才為世用或雍容雅步三命而後至樓樓皇皇

欽定四庫全書

南北史合注
卷八十八

十

負鼎而自達雖狗尚不同濟時一也諸召人皆當以
禮申諭任其進退何逼遣之有皆刺史守宰宣揚失
旨彰朕不德自今以後各令鄉閭推舉守宰但宣朕
虛心求賢之意既至當待以不次隨才文武任之政
事其明宣敕使聞知

二年春正月庚午詔兼鴻臚卿李繼持節假馮崇車騎
大將軍遼西王承制聽置尚書己下壬午行幸河西詔
兼散騎常侍宋宣使于宋夏四月壬子車駕還宮涼沮

渠蒙遜卒以其子牧健為車騎將軍改封西河王五月
己亥行幸山北六月遣永昌王健尚書左僕射安原督

諸軍攻燕子和龍辛巳詔樂安王範發秦雍兵一萬築
小城于長安城內秋八月燕遼西王馮崇上表求說降
其父帝不聽九月宋人來聘并獻馴象一戊午詔兼大
鴻臚卿崔贖持節拜征虜將軍楊難當為征南大將軍
儀同三司封西秦王冬十一月車駕自山北還宮十二
月己巳大赦辛未幸陰山北詔兼散騎常侍盧玄使于

欽定四庫全書

南北史合注
卷八十八

十一

宋

三年春正月乙未車駕次于女水大饗羣臣戊戌馮弘
遣使求和帝不許丙辰南秦王楊難當寇漢中送雍州
流人七千家于長安二月戊寅詔以頻年屢征有事西
北運輸之後百姓勤勞令郡縣括貧富為三級富者租
賦如常中者復二年下窮者復三年

冊府元龜載詔曰朕承統之始四方未賓蠕蠕陸梁
于漠北鐵弗肆虐于三秦是以旰食忘寢抵掌扼腕

頻年屢征有事西北運輸之役百姓勤勞妨失農業

遭罹水旱致使貧富不均未得家給人足或寒窮不

能自贍朕甚閔焉今兵革漸寧宜寬徭賦與民休息

富者如常中戶改復刺史守宰當務公平不得阿容

辛卯車駕還宮三月甲寅行幸河西閏月甲戌秦王赫

連昌叛走河西候將格殺之驗其謀反羣弟皆伏誅已

卯車駕還宮進彭城公粟爵為王四月丁未行幸河西

六月還宮秋七月辛巳東宮成備置屯衛三分西宮之

欽定四庫全書

南北史合注 卷八十八

十三

一壬午行幸美稷遂至隰城命諸軍討山胡白龍于河

西九月戊子尅之斬白龍及其將帥屠其城冬十一月

車駕還宮十二月甲辰行幸雲中

太延元年春正月乙未朔日有蝕之壬午降死罪刑已

下各一等癸未出道武明元宮人令得嫁甲申大赦改

元

冊府元龜載是年詔曰勸農平賦宰民所專急盡力

三時黎元所克濟自今以後郡縣不得妄遣吏卒攬

擾民庶若有調發縣宰集三老計資定課裒多益寡

不得縱富督貧避強侵弱牧守荷治民之任當揚化

順典與國同憂直道正身肅居官次不亦可乎

二月庚子詔長安及平涼人徙在京師其孤老不能自

存者聽還鄉里丁未車駕還宮夏五月庚申集宜都公

穆壽為宜都王汝陰公長孫道生為上黨王宜城公奚

斤為恒農王廣陵公屢伏連為廣陵王遣使者二十輩

使西域甲戌行幸雲中六月甲午詔曰去春小旱東作

欽定四庫全書

南北史合注 卷八十八

十三

不茂憂勤尅已祈請靈祇豈朕精誠有感何報應之速

雲雨震洒流澤霑渥有鄙婦人持方寸玉印詣潞縣侯

孫家既而亡去莫知所在印有三字為龍鳥之形要妙

奇巧不類人迹文曰早疫平推尋其理蓋神靈之報應

也此者以來禎瑞仍臻甘露流液降于殿內嘉瓜合蒂

生于中山夜木連理植于魏郡在先后載誕之鄉白鷺

集于盛樂舊都玄鳥隨之蓋有千數嘉禾頻歲合秀于

恒農白兔並見勃海白雉三隻又集于平陽太祖之廟

天降嘉貺將何德以酬之其令天下大酺五日禮報百
神守宰祭域內名山大川上荅天意丙午秋七月田于
桐陽已卯樂平王丕等五將東伐至燕和龍徙男女六
千口而還八月丙戌行幸何西九月車駕還宮冬十月
癸卯尚書左僕射安原謀反伏誅甲辰行幸定州次于
新城宮十一月己巳校獵于廣川丙子行幸鄴祀密太
后廟諸所過親問高年褒禮賢俊十二月癸卯遣使者
以太牢祀北岳是年柔然乘特焉耆車師高麗郵善等

欽定四庫全書

南北史合注
卷八十八

十四

國並遣使朝貢

水經注載是月車駕東巡至廣昌嶺嶺高四十餘里

帝停道側援弓射之飛矢踰巖後立御射碑

二年春正月甲寅車駕還宮二月戊子燕馮弘遣使朝

貢不許三月丙辰宋人來聘辛未遣平東將軍城清安

西將軍古弼討燕馮弘弘求救于高麗高麗遣其大將

葛蔓盧迎之夏四月甲寅皇子小兒苗兒並薨五月

乙卯燕王馮弘奔高麗戊午詔散騎常侍封撥使高麗

徵送馮弘丁卯行幸河西赫連定之西也楊難當竊據
上邽秋七月庚戌命樂平王丕等討之詔散騎常侍游
雅使于宋八月丁亥遣使六輩使西域帝校獵于河西
詔廣平公張黎發定州七郡一萬二千人通莎泉道甲
辰九月庚戌樂平王丕等至畧楊難當奉詔攝上邽守
高麗不送馮弘帝將伐之納樂平王丕計而止冬十一
月己酉幸桐陽驅野馬于雲中置野馬苑閏月壬子車
駕還宮乙丑改封潁川王提為武昌王河西王沮渠牧

欽定四庫全書

南北史合注
卷八十八

十五

健遣使朝貢是歲吐谷渾慕瓚死莎車國遣使朝貢

三年春正月癸未中山王纂薨戊子太尉北平王長孫

嵩薨乙巳丹陽王叔孫建薨二月乙卯行幸幽州存恤

孤老問民疾苦還幸上谷遂至代所過復田租之半三

月己卯車駕還宮丁酉宋人來聘夏五月己丑詔天下

吏民得舉告守宰不如法者丙申行幸雲中秋七月戊

子使永昌王健上黨王長孫道生討三胡白龍餘黨于

河西滅之八月甲辰行幸河西九月甲申車駕還宮丁

西遣使者拜西秦王慕璜弟慕利延為鎮西大將軍儀
同三司改封西平王冬十月癸卯行幸雲中十一月壬
申車駕還宮是歲北涼王沮渠牧犍世子封壇來朝高
麗契丹龜茲悅般焉耆車師粟特疏勒烏孫渴盤陀鄯
善破落者古等國各遣使朝貢

四年春三月庚辰鄯善王弟素延者來朝癸未罷沙門
年五十以下江陽王根薨是月高麗殺故燕王馮弘夏
五月戊寅大赦秋七月壬申車駕北伐冬十一月丁卯

欽定四庫全書

南北史合注
卷八十八

十一

朔日有蝕之十二月車駕至自北伐上洛巴泉葦等相
率內附詔兼散騎常侍高雅使于宋

五年春正月庚寅行幸定州三月辛未車駕還宮庚寅
以故南秦王世子楊保宗為征南大將軍秦州牧武都

王鎮上邽夏五月癸未遮逸國獻汗血馬六月甲辰車
駕西伐涼沮渠牧犍侍中宜都王穆壽轉輔皇太子決

留臺事大將軍長樂王稽敬輔國大將軍建寧王崇二
萬人屯南漠以備柔然秋七月己巳車駕至上都屬國

城大饗羣臣講武馬射壬午留輜重分部諸軍八月丙
申車駕至姑藏牧犍兄子祖踰城來降乃分軍圍之九
月丙戌涼牧犍與左右文武五千人西縛軍門帝解其
縛待以藩臣之禮收其城內戶口二十餘萬倉庫珍寶

不可稱計進張掖公禿髮保周爵為王與龍驤將軍穆
熊安遠將軍源駕分畧諸郡牧犍弟張掖太守宜得西
奔酒泉與太守無諱復奔晉陽樂都太守安周南奔吐
谷渾戊子柔然犯界遂至七界山京都太駭皇太子命

欽定四庫全書

南北史合注
卷八十八

十一

上黨王長孫道生等拒之冬十月辛酉車駕還宮徙涼
州人三萬餘家于京師留樂平王丕征西將軍賀多羅

鎮涼州癸亥遣張掖王禿髮保周喻諸部鮮卑保周因
率諸部叛于張掖十一月己巳宋人來聘并獻馴象一

十二月壬午車駕至自西伐飲至策勳告于宗廟楊難
當冠上邽鎮將元勿頭討走之是歲鄯善龜茲踈勒焉

耆高麗粟特渴盤陀破那悉半居等國並遣使朝貢
太平真君元年正月己酉沮渠無諱圍酒泉辛亥分遣

侍臣巡行州郡觀察風俗問民疾苦二月己巳詔假通

直常侍邢頴使于宋發長安人五千浚昆明池

魏書靈徵志載是月有黑風竟天廣五大餘

三月酒泉陷夏四月戊午朔日有蝕之庚辰沮渠無諱

寇張掖充髮保周屯丹

魏書載丙戌詔撫軍永昌王健等督諸軍討保周

五月辛卯行幸北都丙辰車駕還宮六月丁丑皇孫濬

生大赦改元秋七月行幸陰山己丑永昌王健大破禿

欽定四庫全書

南北史合注
卷八十八

十八

髮保周走之丙申保太后竇氏殂于行宮癸丑保周自

殺傳首京師八月甲申沮渠無諱降九月壬寅車駕還

宮冬十一月丁亥行幸山北十二月還宮是歲州鎮十

五饑詔開倉賑恤以河間王暉子羯兒為河間王後改

封略陽王

二年春正月癸卯沮渠無諱為征南大將軍涼州牧酒

泉王甲辰行幸溫泉二月還宮三月辛卯堇惠太后于

崑山庚戌新興王俊略陽王羯兒有罪黜為公辛亥

封柔然郁久闐乞歸

魏書作及列歸

為朔方王沮渠萬年為張掖王夏四月丁巳宋人來聘

五月辛巳行幸山北秋八月辛亥詔散騎侍郎張偉使

于宋行幸河西九月戊戌永昌王健薨冬十一月庚子

鎮南大將軍奚眷平酒泉十二月甲戌車駕還宮丙子

宋人來聘

三年春正月甲申帝至道壇親受符錄脩法駕旗幟盡

欽定四庫全書

南北史合注
卷八十八

十九

青三月壬寅北平王長孫頹有罪削爵為侯夏四月酒

泉王沮渠無諱走度流沙據鄯善李嵩孫寶據敦煌遣

使內附五月行幸陰山北閏月南秦王楊難當為宋所

敗奔上邽六月丙戌難當朝于行宮先是起殿于陰山

北殿成而難當至因曰廣德焉秋七月詔討仇池八月

甲戌晦日有蝕之冬十月己卯封皇子伏羅為晉王翰

為秦王譚為燕王建為楚王余為吳王十二月己巳太

保襄城公盧魯元卒丁酉車駕還宮序寶遣使朝貢以

寶為鎮西大將軍開府儀同三司沙州牧敦煌公

四年春正月庚午行幸中山二月丙子次于恒山之陽
詔有司刊石勒銘是月尅仇池三月庚申車駕還宮夏
四月武都王楊保宗謀反諸將擒送京師氏羗復推保
宗弟文德為主圍仇池六月詔復民貲賦三年其田租
歲輸如常牧守不得妄有徵發違者有司彈糾勿縱癸
巳大閱于西郊九月辛丑行幸漠南甲辰捨輜重以輕
騎襲柔然分軍為四道冬十一月甲子車駕還至朔方

欽定四庫全書

南北史合注
卷八十八

二十

詔曰朕平暴除亂二十年矣夫陰陽有往復四時有代
謝授子任賢古今令典其令皇太子副理萬幾總統百
揆諸功臣勤勞日久皆當以爵歸第隨時朝請饗宴朕
前論道陳謨而已不宜復煩以劇職更舉賢俊以備百
官明為科制以稱朕心十二月辛卯車駕至自此伐
五年春正月壬寅皇太子始總百揆侍中中書監宜都王
穆壽司徒東都公崔浩侍中廣平公張黎侍中建興公
古弼輔太子以決庶政諸上書者皆稱臣上䟽儀與

表同戊申詔自王公已下至庶人私養沙門巫及金銀

工巧之人在其家者皆遣詣官曹限今年二月十五日
過期不出巫沙門身死主人門誅庚戌詔自三公以下
至卿士其子息皆詣太學其百工伎巧驕卒子息當習
父兄所業不聽私立學校違者師身死主人門誅二月
辛未中山王辰等八人以北伐後期斬于都南癸酉樂
平王丕薨庚辰行幸廬

欽定四庫全書

南北史合注
卷八十八

二十一

魏書靈徵志曰真君五年二月張掖郡上言往曹氏
之世丘池縣大柳谷山石表龍馬之形石馬脊文曰
大討曹氏而晉氏代魏今石文記國家祖宗諱著受
命之符乃遣使圖寫其文大石有五皆青質白章成
文字其二石記張呂已然之効其三石記國家祖宗
至今其文記昭成皇帝諱繼世四六天法平天下大
安凡十四字次記太祖道武帝諱應王載記千歲
凡七字次記太宗明元皇帝諱長子二百二十年凡
八字次記太平天王繼世主治凡八字次記皇太子

諱昌封太山凡五字初帝封太平王天文圖錄又受
太平真君之號與石文相應太宗名諱後有一人象
攜一小兒見者皆曰帝愛皇孫提攜卧起不離左右
此即上象靈契

三月戊辰大會于鄒南遣使者四輩使西域甲辰車駕
還宮夏四月乙亥太宰陽平王杜超為帳下所殺五月
丁酉行幸陰山北六月西平王吐谷渾慕利延殺其兄
子緯代立緯弟叱力延等來奔乞師以叱力延為歸義

欽定四庫全書

南北史合注
卷八十八

二十二

王秋八月乙丑田于河西壬午詔員外散騎常侍高潛
使于宋九月帝自河西至馬邑觀于崞川己亥車駕還
宮丁未行幸漠南冬十月癸未晉王伏羅大破慕利延
走奔白蘭其部一萬三千內附十一月宋人來聘十二
月丙戌車駕還宮是歲粟特國遣使朝貢

六年春正月辛亥幸定州引見長老存問之詔兼員外
散騎常侍宋愔使于宋二月遂西幸上黨觀連理樹于
玄氏至吐京討徙叛胡出配郡縣焉三月庚申車駕還

宮詔諸有疑獄皆付中書以經義量決夏六月戊子朔
日有蝕之壬辰北巡秋八月壬辰散騎常侍成周公萬
度歸以輕騎至鄯善執其王真達與詣京師帝大悅厚
待之車駕幸陰山北次于廣德宮詔發境內兵三取一
各當戒嚴以須後命徙諸種雜人五千餘家于北邊令
民北徙畜牧至廣漠以餌柔然壬寅征西大將軍高涼
王那等討吐谷渾慕利延軍到曼頭城慕利延驅其部
落西度流沙那急追故西秦王慕瓚子被囊逆軍拒戰

欽定四庫全書

南北史合注
卷八十八

二十二

那擊破之中山公杜豐追度三危至雪山擒被囊及慕
利延兄子什歸乞伏熾盤子成龍送京師慕利延遂西
入于闐國九月盧水胡蓋吳聚眾反于杏城冬十一月
高涼王那振旋還京師庚申遼東王賈漏頭薨河東蜀
薛永宗聚黨入汾曲西通蓋吳受其位號蓋吳自號天
台王署百官辛未車駕還宮選六州兵勇猛者使水昌
王仁高梁王那分領為二部南畧淮泗以北徙青徐之
人實河北癸未西巡

七年春正月戊辰車駕次東雍禽薛永宗斬之其男女無少長皆赴水死辛未南幸汾陰蓋吳退走北地二月丙戌幸長安存問父老丁亥幸昆明池遂田于岐山之陽所過誅與蓋吳通謀反害守將者三月詔諸州坑沙門毀諸佛像

魏書釋老志曰帝與崔浩皆信寇謙之道浩尤不信佛數加非毀常謂虛誕為世賈害帝以其辨博頗信之會蓋吳反杏城關中騷動帝西伐至長安寺內沙

欽定四庫全書

南北史合注 卷八十八

三十四

門飲從官酒入其便室見有弓矢矛楯帝怒曰此非沙門所用當與蓋吳通謀規官人耳命有司案誅一寺閱其財產大得釀酒具及州郡牧守富人所寄藏物以萬計又為窟室與貴室女私淫帝忿沙門非法浩時從行因進其說詔誅長安沙門毀破佛像敕留臺下四分一依長安行事又詔自王公以下有私養沙門者皆送官曹限今年二月十五日不出沙門身死容止者門誅時景穆為太子監國素敬佛道頗表

陳殺沙門之濫又非圖像罪今罷其道杜諸寺門世不修奉自然毀滅如是再三不允乃下詔曰昔後漢

荒君信惑邪偽妄假睡夢以亂天常夸誕大言後世眩焉由是政教不行禮義大壞五服之內鞠為丘墟朕除偽定真滅其蹤跡自今以後敢有事胡神及造泥人銅人者門誅有非常之人乃能行非常之事非朕孰能去此歷代偽物有司其宣告州郡諸軍刺史諸有佛像胡書皆擊破焚燒沙門無少長悉坑之雖

欽定四庫全書

南北史合注 卷八十八

三十五

不用太子言然猶緩宣詔遠近皆豫聞得各為計四方沙門多亡匿在京邑者亦蒙全濟金銀寶像及諸經論大得秘藏而土木宮塔聲教所及莫不畢毀矣徙長安城內工巧二千家于京師夏四月甲申車駕至自長安戊子毀鄴城五層佛圖於泥像中得玉璽二其文皆曰受命于天既壽永昌其一刻其旁曰魏所受漢傳國璽五月蓋吳復聚店城自號秦地王丙戌發司幽

定冀四州十萬人築畿上塞圍起上谷西至于河廣袤皆千里六月癸未朔日有蝕之秋八月蓋吳為其下人所殺傳首京師復畧陽公羯兒王爵

八年春正月癸未行幸中山三月河西王沮渠牧犍坐罪賜死徙定州丁零三千家于京師夏五月車駕還宮六月西征諸將扶風公處等八將坐盜沒軍資所在虜掠賊各千萬計並斬之秋八月樂安王範薨冬十一月侍中中書監宜都王穆壽薨十二月晉王伏羅薨

欽定四庫全書

南北史合注 卷八十八

二六

九年春正月宋人來聘二月癸未行幸定州山東民饑詔開倉賑之罷塞圍作遂西幸上黨詔于壺關東北大玉山累石為三封又斬其鳳凰山南足以斷之三月車駕還宮五月甲戌以交趾公韓拔為假征西將軍領護西戎校尉鄯善王鎮鄯善賦役其民比之郡縣六月辛酉行幸廣德宮丁卯悅般國遣使求與王使師討柔然帝許之秋八月詔中外諸軍戒嚴九月乙酉練兵于西郊丙戌幸陰山是月成周公萬度歸千里驛上大破焉

者國其王鳩尸卑那奔龜茲冬十月辛丑恒農王奚斤薨癸卯以婚姻奢靡喪葬過度詔有司更為科限癸亥大赦十二月詔成周公萬度歸自焉支西討龜茲皇太子朝于行宮遂從此討至受降城不見柔然因積糧城內留守而還北平王長孫敦坐事降爵為公

十年春正月戊辰朔帝在漠南大饗百寮甲戌柔然吐賀真懼遠遁三月蒐于河西庚寅車駕還宮夏四月丙申朔日有蝕之五月庚寅行幸陰山九月閱武于磧山

欽定四庫全書

南北史合注 卷八十八

二七

遂北伐冬十月庚子皇太子及羣官奉迎于行宮十二月戊申車駕至自此伐已酉以平昌公託真為中山王是歲浮圖沙國及龜茲䟽勒破落那負閭諸國並遣使朝貢

十一年春正月乙丑行幸洛陽所過郡國皆親對高年存恤孤寡二月甲午大蒐于梁州皇子真薨是月大修宮室皇太子居于北宮車駕遂征懸瓠夏四月癸卯車駕還宮賜從者及留臺郎吏已上生口各有差六月己

亥殺司徒崔浩辛丑北巡陰山秋七月宋將王玄謨攻滑臺八月辛亥田于河西癸未練兵于西郊九月辛卯車駕南伐癸巳皇太子北伐屯于漠南吳王余留守京都庚子曲赦定冀相三州死罪已下冬十月乙丑車駕濟河玄謨棄軍而走乃命諸軍分道並進車駕自中道宋書索虜傳曰見秦始皇石刻使人排仆之

使使者以太牢祭孔子是月頓盾國獻獅子十二月丁卯車駕至淮詔刈藿葦作筏數萬而濟

欽定四庫全書

南北史合注 卷八十八

二六

魏書島夷傳曰高涼王那出山陽永昌王仁于壽陽出橫江凡所經過莫不風靡

癸未車駕臨江起行宮于瓜步諸軍皆臨江

魏書天象志曰騎士六十萬列屯三千餘里又島夷

傳曰義隆大懼欲走吳會疑史臣甚辭

其降附者不可勝數甲申宋文帝使獻百牢貢其方物又請進女於皇孫以求和好帝以師婚非禮許和而不

許婚

按宋書魏書皆以魏請婚結親言不許婚者誇辭也當從宋書

使散騎侍郎夏侯野報之帝詔皇孫為書致馬通問正平元年春正月丙戌朔大會羣臣于江上文武受爵者二百餘人丁亥車駕北旋二月癸未次魯口皇太子朝于行宮三月己亥車駕至自南伐飲至策勳告于宗廟以降人五萬餘家分置近畿賜留臺文武所獲軍資生口各有差夏五月壬寅大赦六月壬戌改元車師國

欽定四庫全書

南北史合注 卷八十八

二九

王遣子入侍詔以刑網太密犯者更眾命有司其案律令務求厥中其餘有不便于人者依此增損詔太子少傅游雅中書侍郎胡方回等改定律畧陽王羯兒高涼王那有罪賜死戊辰皇太子薨壬申堇景穆太子于金陵秋七月丁亥行幸陰山省諸曹吏員三分之一九月癸巳車駕還宮冬十月庚申行幸陰山宋人來聘詔殿中將軍郎法祐使於宋己巳司空上黨王長孫道生薨十二月丁丑車駕還宮封皇孫濬為高陽王尋以皇

孫世嫡不宜在藩乃止改封秦王翰為東平王燕王譚為臨淮王楚王建為廣陽王吳王余為南安王是歲破落那罰賓逃密諸國皆遣使朝貢

二年春正月庚辰朔南來降人五千餘家于中山謀叛州軍討平之冀州刺史張掖王沮渠萬年與降人通謀賜死三月中常侍宗愛弑帝帝崩于永安宮時年四十五秘不發喪愛又矯皇后令殺東平王翰逆南安王余立之大赦改年為承平尊謚曰太武皇帝塋金陵雲中

欽定四庫全書

南北史合注 卷八十八

三十一

廟號世祖帝生不逮密太后及有所識言則悲慟哀感傍人明元聞而嘉嘆又明元不豫衣不釋帶性清儉率素服御飲膳取給而已不好珍麗食不二味所幸昭儀貴人衣無兼綵羣臣白帝峻京邑城隍從周易設險之義又陳蕭何壯麗之說帝曰古人有言在德不在險屈巧蒸土築城而朕滅之豈在城也今天下未平方須民力土功之事朕所未為蕭何之對非雅言也每以財者軍國之本無所輕費至于賞賜皆勲績之家親戚愛寵

未嘗橫及臨敵常與士卒同在矢石間左右死傷相繼帝神色自若是以人思效命所向無前命將出師指教即度從命者無不制勝違棄者率多敗走

本史陸侯傳曰安定盧永劉超等叛帝命侯往鎮長安諭之曰超等恃險不順王命若以重兵與卿則超等必合為一據險拒戰若以輕兵與卿則不制矣今使卿以方畧定之侯單馬之鎮卒以計平超等魏

書劉潔傳曰敕勒新民苦將吏侵漁咸出怨言潔與

欽定四庫全書

南北史合注 卷八十八

三十一

安原奏請及河水未解徙之河西庶水解不得度走帝曰此等習俗放散日久似圍中鹿急則衝突緩則定吾處之有道不煩徙也潔等固執乃定徙二萬餘落於河西新民果驚駭止走饑死者枕藉性又知人拔士於卒伍唯才所長不論本末兼甚嚴斷明于刑賞功者賞不遺賤罪者刑不避親雖寵愛之終不虧法常曰法者朕與天下共之何敢輕也故大臣犯法無所寬假雅善聽察瞬息間下無以措其姦隱然果

于誅戮後多悔之

愚按此宋人進魏書表所以稱太武暴戾過聽虎也當以族崔浩與南伐不禁殺戮當之其他赦高允之死容古弼歐劉樹之狂直又非道武可及乃槩以暴戾過矣

高宗文成皇帝諱濬景穆皇帝長子母曰閻氏真君元年六月生于東宮高宗少聰太武長置左右號世嫡皇孫年五歲太武北巡高宗從在後逢虜帥極一奴將加

欽定四庫全書

南北史合注 卷八十八

三十一

之罰高宗奴今遭我汝宜釋之帥奉命解縛太武聞之曰此兒雖小欲以天子自處意奇之及長風格異常每每參決大政可否正平二年三月中常侍宗愛弒逆立南安王余十月丙午又賊余于是殿中尚書長孫渴侯與尚書陸麗奉迎世嫡皇孫

興安元年冬十月戊申皇帝即位于永安前殿大赦改正平二年為興安以驃騎大將軍元壽樂為太宰都督中外諸軍錄尚書事以尚書長孫渴侯為尚書令儀同

三司十一月丙子二人爭權並賜死癸未廣陽王建臨淮王譚薨甲申皇妣閻氏崩進平南將軍宋子候周怛爵為樂陵王南部尚書常安子陸麗為平原王文武各加位一等壬寅追尊皇考景穆太子為景穆皇帝妣閻氏為恭皇后尊保母常氏為保太后十二月戊申附葬恭皇后于金陵乙卯初復佛法

欽定四庫全書

南北史合注 卷八十八

三十二

冊府元龜載詔曰夫為帝王者必祇奉明靈顯彰二道釋迦如來功濟大千惠流塵境排斥羣邪開演正覺前代迄今莫不崇尚世祖太武皇帝開廣邊荒德澤遐及沙門道士風義相感往往如林但山海之深怪物多有是以先朝因其瑕釁戮其有罪有司失旨一切斷禁景穆皇帝每為慨然軍國多事未遑脩復朕承洪緒思述先志今制諸州郡縣于眾居之所各聽建佛圖一區 魏書釋老志又曰其好樂道欲為沙門者不問長幼聽其出家是時天下承風朝不及夕往時所毀佛寺仍還修矣佛像經論皆復得顯 又

曰僧曇曜以復佛法之明年自中山被命赴京帝奉以師禮後奏平齊戶及諸民有能歲輸穀六十斛入僧曹者即為僧祇戶粟為僧祇粟遇儉歲賑饑又請民犯重罪及官奴以為佛圖戶供諸寺洒掃歲兼營田輸粟高宗並許之于是僧祇戶粟及寺戶徧于州鎮 愚按平齊在顯祖時高宗恐誤

丁己以樂陵周怛為太尉平原王陸麗為司徒鎮西將軍杜元寶為司空戊寅進建業公陸俟爵為東平王進

欽定四庫全書

南北史合注 卷八十八

三十四

廣平公杜遺爵為王癸亥詔以營州蝗開倉賑恤甲子太尉樂陵王周怛有罪賜死進濮陽公閻若文爵為王是歲保達沙獵等國遣使國貢

二年春正月辛巳進司空杜元寶爵為京兆王廣平王杜遺薨進尚書僕射東安公劉尼爵為王封建寧王崇子麗為濟南王癸未詔與百姓雜調十五丙戌進尚書西平公源賀爵為王二月己未司空京兆王杜元寶謀反伏誅建寧王崇崇子濟南王麗為元寶所引各賜死

乙丑發京師五千人穿天泉池是月宋太子劬弒文帝三月尊保太后為皇太后進安豐公閻武皮爵為河間王夏五月宋孝武帝討誅太子劬而自立閏月乙亥太皇太后赫連氏崩秋七月辛亥行幸陰山濮陽王閻若文永昌王仁謀反乙卯仁賜死若文伏誅己巳車駕還宮是月築馬射臺于南郊八月戊戌詔曰朕即位以來風雨順序邊方無事眾瑞兼呈又于苑內獲方寸玉印其文曰子孫長壽羣公卿士咸曰休哉豈朕一人克臻

欽定四庫全書

南北史合注 卷八十八

三十五

斯應寔由天地祖宗降祐所致也思與兆庶共茲嘉慶其令百姓大酺三日降殊死己下囚九月壬子閱武于南郊冬十一月辛酉行幸信都中山觀察風俗十二月甲午車駕還宮復北平公長孫敦王爵是歲踈勒渴盤陀庫莫奚契丹罽賓等國各遣使朝貢興光元年春正月乙丑以侍中河南公伊嶺為司空二月甲午帝至道壇受圖籙禮畢曲赦京師夏六月行幸陰山秋七月丙申朔日有蝕之庚子皇子弘生辛丑大

赦改元八月甲戌趙王深薨乙亥車駕還宮乙丑皇叔
武頭龍頭薨九月庫莫奚國獻名馬有一角狀如麒麟
都門大索三日獲奸人亡命數百人

冊府元龜載是秋勅有司于五級大寺內為太祖已
下五帝鑄釋迦立像五各長一丈六尺用赤金二十
五萬斤

冬十一月戊戌行幸中山遂幸信都郡邑十二月丙子
還幸靈丘至溫泉宮庚辰車駕還宮出于叱萬單等國

欽定四庫全書

南北史合注
卷八十八

三十一

各遣使朝貢

是歲宋孝武帝孝建元年

太安元年春正月辛酉奉太武景穆神主於太廟樂平
王拔有罪賜死二月癸未武昌王提薨三月己亥以太
武景穆神主入太廟改元曲赦京師死囚己下夏六月
壬戌詔名皇子弘曲赦癸酉詔尚書穆真等二十人巡
行州郡觀察風俗大明賞罰

魏書載詔曰夫為治者因宜設官舉賢任職故上下

和若官非其人姦邪在位則政教陵遲思明黜陟以

隆治道今遣尚書穆伏真等二十人巡行州郡觀察

風俗入其境農不墾殖田畝多荒則徭役不時廢于

力也者老飯蔬食少壯無衣褐則聚飲煩數匱于財

也閭里空虚民多流散則綏道無方踈于恩也盜

賊公行劫奪不息則恩禁不設失于刑也眾誇並興

大小嗟怨善人隱伏奸邪當途則為法混淆昏于政

也請如此比黜而戮之善為政者褒而賞之其阿枉

欽定四庫全書

南北史合注
卷八十八

三十一

不能自申聽詣使者告狀若信清能眾所稱美誣告

以求直反其罪使者受財斷察不平聽詣公車上訴

其不孝父母不敬長上為吏奸暴及為盜賊各具以

名上容隱者以所匿之罪罪之

冬十月庚午以遼西公常英為太常進爵為王是歲遮

逸波斯踈勒等國各遣使朝貢

二年春正月乙卯立皇后馮氏二月丁巳立皇子弘為

皇太子大赦夏六月羽林中郎于判元提等謀逆伏誅

秋八月田于河西平西將軍漁陽公尉眷北擊伊吾尅其城大獲而還九月辛巳進河東公閻毗零陵公閻紇爵並為王冬十月甲申車駕還宮甲午曲赦京師十一月改封西平王源賀隴西王噉達普嵐等國各遣使朝貢

三年春正月壬戌改于崞山戊辰車駕還宮徵漁陽公尉眷拜太尉進爵為王錄尚書事夏五月庚申改于松山己巳還宮封皇弟新成為陽平王六月癸卯行幸陰

欽定四庫全書

南北史合注 卷八十八

三十八

山秋八月田于陰山之北己亥還宮冬十月將東巡詔太宰常英起行宮于遼西黃山十二月州鎮五蝗百姓飢使開倉賑給之是歲粟特于闐扶餘五十餘國並遣使朝貢

是歲宋大明元年

四年春正月丙午初設酒禁

魏書刑罰志曰帝以士民多因酒致鬪及議國政故

禁之吉凶之會聽開禁有程日又增置內外候官伺

察諸曹及州鎮或徵服雜府寺間求百官過失有司窮治訊掠取服百官職過二丈皆斬又增律七十九章

乙卯行幸廣甯溫泉宮遂東巡庚午至遼西黃山宮遊宴數日親對高年問勞疾苦二月丙子登碣石山觀滄海大饗羣臣于山上班賞進爵各有差改碣石山為樂遊山築壇記行于海濱戊寅南幸信都田于廣川三月丁未觀馬射于中山所過郡國賜復一年丙辰車駕還

欽定四庫全書

南北史合注 卷八十八

三十九

宮起太掖殿乙丑東平王陸侯薨夏五月壬戌詔曰此年以來雜調減省而所在州郡咸有逋懸非在職之官經導失所貪穢過度誰使之然自今常調不充人不安業宰民之徒加以死罪六月丙申田于松山秋七月庚午行幸河西九月丁巳還宮辛亥太華殿成丙寅饗羣臣大赦冬十月甲戌北巡至陰山有故冢毀廢詔曰昔姬文莖枯骨天下歸仁自今有穿墳壠者斬之辛卯次于車輪山累石記行十一月車駕渡漠柔然絕迹遠遁

十二月中山王託真薨

五年春二月己酉司空河南公伊馥卒三月庚寅赦京師死罪已下夏四月乙巳封皇弟子推為京兆王五月常居國遣使朝貢六月戊申行幸陰山秋八月庚戌幸雲中壬戌還宮

魏書載詔曰夫褒賞必于有功刑罰審于有罪此由

來常式牧守蒞民侵食百姓王賦不充雖歲滿去職

應計前逋正其刑罪而主者失于督察不加彈正使

有罪者優游獲免無罪者妄受其辜是故啟奸邪之

欽定四庫全書

南北史合注 卷八十八

路長貪暴之心豈所謂原情處罪以正天下自今諸

遷代者仰列在職殿最案制治罪克舉者加之爵寵

有愆者肆之刑戮使能否殊貫刑賞不差主者明為

條制以為常楷

九月戊辰儀同三司敦煌公李寶卒冬十二月戊申詔以六

鎮雲中高平二雍秦州徧遇災旱年穀不收開倉廩賑之有

徒流者諭還桑梓

和平元年春正月甲子朔大赦改元庚午詔散騎侍郎

馮闡使于宋夏四月戊戌皇太后常氏殂于壽安宮五

月癸酉葬昭太后于廣甯鳴鷄山六月甲午詔征西大

將軍陽平王新城等討吐谷渾什寅崔浩之誅也史官

遂廢至是復置秋七月西征諸軍至西平什寅走保南

山九月庚申朔日有蝕之是月諸軍濟河追什寅遇瘴

氣多病疫乃引還庚午車駕還宮冬十月居常王獻馴

象三十一月詔散騎侍郎盧度世使于宋

二年春正月乙酉詔曰刺史牧民為萬里之表頃因發調逼人

欽定四庫全書

南北史合注 卷八十八

假貸大商富賈要射時利上下通同分以潤屋為政之

弊莫過于此其一切禁絕犯者十疋以上皆死布告天

下咸令知禁二月行幸中山遂幸信都三月宋人來聘

車駕所過皆親對高年問疾苦詔年八十一子不從役

靈丘南有山高百餘丈乃詔羣臣仰射山峯無能踰者

帝彎弧發矢出三十餘丈過山南二百二十步遂刊石

勒銘

此即水經注所載太武射廣昌嶺一事而誤為文成

耶

是月發并肆州五千餘人修河西獵道辛巳車駕還宮
夏四月乙未河東王閻毗薨五月癸未詔南部尚書黃
盧頭李數業考課諸州秋七月戊寅封皇弟小新成為
濟陰王天賜為汝陰王萬壽為樂良王洛侯為廣平王
八月波斯國遣使朝貢冬詔假員外散騎常侍游明根
使於宋廣平王洛侯薨

三年春正月壬午以東郡公乙渾為太原王癸未樂良

欽定四庫全書

南北史合注
卷八十八

四十一

王萬壽薨二月壬子朔日有蝕之癸酉田於崞山遂觀
漁於旋鴻池三月甲申宋人來聘高麗菴王契嚙思厥
於師疏勒石那悉居半渴盤陀等國並遣使朝貢夏六
月庚申行幸陰山秋七月壬寅幸河西九月壬辰常山
王素薨冬十月詔員外散騎常侍游明根使于宋十一
月壬寅車駕還宮十二月乙卯制戰陣之法十有餘條
因大讐曜兵有飛龍騰地魚麗之變以示威武戊午零
陵王閻板薨

四年春三月乙未賜京師民年七十以上大官厨食以
終其年皇子胡人薨追封樂平王乙巳詔諸州鎮守宰
有擅召役兵民逼雇不程皆論同枉法夏四月癸亥帝
幸西苑親射虎三頭五月壬辰侍中漁陽王尉眷薨壬
寅行幸陰山秋七月壬午詔曰朕每歲間月命羣臣講
武所幸之處必立宮壇糜費勞損宜仍舊貫何必改作
八月丙寅遂田于河西詔從官畋獵不得濫殺壬申詔
以飢寒賣鬻兒女者盡還其家違者以掠人論九月辛

欽定四庫全書

南北史合注
卷八十八

四十二

巳車駕還宮冬十月以定相二州霽霜傷稼免其田租
詔員外散騎常侍游明根使於宋十二月辛丑詔以表
壙嫁娶大禮未備致貴勢豪富越度奢靡命有司為之
條格使貴賤有章上下咸序著之於令壬寅詔曰婚姻
人道之始此者以來貴門多不率法或貪利財賂或因
緣私好在于苟合無所擇選塵穢清化虧損人倫將何
以宣示典謨垂之來裔今制皇族王公師傅侯伯及士
庶人之家不與百工伎巧卑姓為婚犯者加罪

五年春正月丁亥封皇弟雲為任城王二月詔以州鎮

十四去歲蟲水開倉賑恤夏四月癸卯進封頌丘公李

峻為王閏四月戊子帝以旱故減膳責身是夜澍雨大

降五月宋孝武帝殂六月丁亥行幸陰山秋七月壬寅

行幸河西九月辛丑車駕還宮冬十月琅邪侯司馬楚

之卒十二月南秦王楊難當卒吐呼羅國遣使朝貢

六年春正月丙申大赦二月丁丑行幸樓煩官高麗使

王對曼等國各遣使朝貢三月戊戌相州刺史西平郡

欽定四庫全書

南北史合注 卷八十八

四十四

王吐谷渾權卒乙巳車駕還宮夏四月破洛那國獻汗

血馬普嵐國獻寶劍五月癸卯帝崩于大華殿時年二

十六六月丙寅奉謚曰文成皇帝廟號高宗八月葬雲

中金陵

魏書食貨志曰高宗以常賦外雜調十五頗為煩重

將除之尚書毛法仁以為此軍國費用不可罷帝曰

使地利無窮民力不竭吾孰與不足遂免之未幾復

調如前至顯宗時乃罷

顯祖獻文皇帝諱弘文成皇帝長子母曰李貴人興光

元年七月生于陰山正大安二年二月立為皇太子和

平六年五月甲辰即皇帝位大赦尊皇后曰皇太后車

騎大將軍乙渾矯詔殺尚書楊保年等于禁中又殺司

徒公平原王陸麗己酉以渾為太尉錄尚書事以東安

王劉尼為司徒尚書左僕射和其奴為司空六月封繁

陽侯李焱為丹陽王征東大將軍馮熙為昌黎王

魏書載乙丑詔曰夫賦歛煩則民財匱課調輕則用

欽定四庫全書

南北史合注 卷八十八

四十五

不足先朝權其輕重以惠百姓朕承洪業夙興待旦

惟民之恤欲令天下同於逸豫而徭賦不息將何以

塞煩去苛拯濟黎元令兵革不起畜積有餘諸有雜

調一以與民

秋七月癸己以太尉乙渾為丞相九月庚子曲赦京師

丙午詔曰先朝以州牧親民宜置良佐故敕有司班九

條之制使前政選吏以待後人然收司舉非其人僭于

典度令制刺史守宰到官之日仰自舉人望忠信以為

選官不論前政共相平置若簡任失所以罔上論是月
宋義陽王劉昶自彭城來奔冬十月徵陽平王新成京
兆王子推濟陽王小新成汝陰王天賜任城王雲入朝
十一月宋湘東王或殺其主子業而自立

是歲宋王子業景和元年又明帝泰始元年

天安元年春正月己丑朔大赦改元二月庚申丞相太
原王乙渾謀反伏誅乙亥以侍中元孔雀為濮陽王侍
中陸定國為東郡王三月庚子以隴西王源賀為太尉

欽定四庫全書

南北史合注
卷八十八

四十六

辛丑高宗文成皇帝神主祔于太廟辛亥帝幸道壇親
受符籙曲赦京師秋九月己酉初立鄉學郡置博士二
人助教二人學生六十人冬十二月皇弟安平王薨

冊府元龜載天安中起永寧寺構七級浮圖高三百
餘尺博敞為天下第一又於天宮寺造釋迦立像高
四十三尺用赤金十萬斤 愚按永寧寺不始于胡
太后獻文已先之矣

是歲州鎮十一旱民飢開倉賑恤

皇興元年春正月癸巳鎮南大將軍尉元大破宋將張
永沈攸之於昌梁東宋人來聘庚子東平王道符謀反
於長安其司馬段太陽斬之傳首京師道符兄弟皆伏
誅閏月以頓丘王李峻為太宰二月濟陰王小新成薨
宋東平太守申纂戍無鹽邊絕王使詔征南大將軍纂
容白曜督諸軍往討三月甲寅尅之秋八月下酉辛武
州山石窟寺戊申皇子宏生大赦改元九月己巳進馮
翊公存白為梁郡王冬十月己亥朔日有蝕之是月詔

欽定四庫全書

南北史合注
卷八十八

四十七

賜六鎮貧人布人三尺癸卯田于那男池濮陽王孔雀
坐怠慢降為公是歲高麗庫莫奚具伏弗都羽陵日連
匹黎余于闐普嵐粟特國各遣使朝貢

二年春二月癸未田于西山親射虎豹三月慕容白曜
進圍東陽戊午宋人來聘夏四月丙子朔日有蝕之辛
丑進南郡公李惠爵為王五月乙卯田于崑山遂幸繁
時辛酉車駕還宮六月庚辰以河南關地曲赦京師殊
死以下以昌黎王馮熙為太傅秋九月辛亥封皇叔禎

為南安王長壽為城陽王太洛為章武王休為安定王
冬十月癸酉朔日有蝕之辛丑田于冷泉十一月州鎮
二十七水旱詔開倉賑恤十二月甲午詔曰頓張永敢
拒王威暴骨原隰天下之人一也其永軍殘廢之士聽
還江南露骸草莽者敕州縣瘞之

冊府元龜載是年青徐平遣官至兗州以太牢祭孔
子

是歲高麗庫莫契丹于闐波斯等國並遣使朝貢

欽定四庫全書

南北史合注
卷八十八

三年春正月乙丑東陽潰虜沈文秀

宋書索虜傳載魏詔曰荆吳僭傲跨踣一方篡戮發
於蕭牆毒害嬰於羣庶徐州刺史薛安都司州刺史
常珍奇深體逆順歸誠獻歎遭難已久饑饉荐臻或
以餬口之功私力竊盜或不識王命藏竄山藪或為
囚徒先被執繫元元之命甚可哀愍其曲赦淮北三
州之民自天安二年正月三十日壬寅昧爽以前諸
犯死罪以下除逆惡不赦外餘繫囚見徒一切原遣

若亡命山澤百日不首復其初罪今陽春之初東作
方興三州之民各安其業以就農桑有饑窮不自存
通其市糴之路鎮統之主勤加慰納遵用輕典以莅
新化若緩導失中令民逃亡加罪無縱其普宣下使
知朕意

戊辰司空平昌公和其奴辛二月己卯進上黨公慕容
白曜爵為濟南王夏四月壬辰宋人來聘丙申名皇子
宏大赦丁酉田于崢山五月徙青齊民于京師六月辛

欽定四庫全書

南北史合注
卷八十八

未立皇子宏為皇太子冬十月丁酉朔日有蝕之是月
太宰頓丘王李峻薨十一月進襄城公韓頽爵為王
四年春正月州鎮大飢詔開倉賑恤二月以東郡王陸
定國為司空詔征西大將軍上黨王長孫觀討吐谷渾
什寅廣陽王石侯薨三月丙戌詔天下民病者所在官
司遣醫就家詠視所須藥任醫所量給之
冊府元龜載詔曰朕思民病苦明發不寐疚深疾首
是以廣集良醫遠採名藥欲救護兆庶可宣告天下

夏四月辛丑大赦戊申長孫觀軍至曼頭山大破什寅
五月封皇弟長樂為建昌王六月宋人來聘秋八月柔
然犯塞九月丙寅車駕北伐諸將俱會于女水大破虜
軍司徒東安公劉尼坐事免壬申車駕至自北伐飲至
策勳告于宗廟冬十月殺濟南王慕容白曜誅高平公
李敷十一月詔弛山澤禁十二月甲辰幸鹿野苑石窟
寺陽平王新成薨是歲高麗庫莫奚契丹國遣使朝貢
五年春二月乙亥詔假員外散騎常侍邢祐使于宋夏

欽定四庫全書

南北史合注
卷八十八

五十一

四月北平王長孫敦薨六月丁未行幸河西秋七月丙
寅遂至陰山八月丁亥車駕還宮帝幼而神武聰敏機
悟有濟人之規仁孝純至禮敬師友及即位雅薄時務
常有遺世之心欲禪位于叔父京兆王子雅羣臣固請
乃止丙午使太保建安王陸馥太尉源賀奉皇帝璽綬
冊命皇太子升帝位

魏書天象志曰上迫于太后傳位太子與此不同

愚按此卷既非魏收原本恐亦唐人傳聞之訛魏

書載冊命曰昔堯舜禪天下皆由其子不肖若丹朱
商均能負荷者豈搜揚仄陋而授之哉爾雖冲幼有
君人之表必能恢隆王道以濟兆民今使太尉建安
王陸馥太尉源賀持節奉皇帝璽綬致位爾躬其踐
升帝位克廣洪業以光祖宗之烈使朕優游履道願
神養性可不善歟丁未詔曰朕希心玄古志存淡泊
躬覽萬務則損頤神之和一日或曠政有淹滯之失
但子有天下歸尊于父父有天下傳之于子今稽協

欽定四庫全書

南北史合注
卷八十八

五十二

靈運考會羣心爰命儲宮踐昇大位朕優游恭己栖
心浩然社稷人安不亦善乎百官有司其祇奉膺子
以答天休宣布寓內咸使聞悉請此方知後人所補
魏志云迫于太后者非
於是羣公奏上尊號太上皇帝

魏書載羣公奏曰昔三皇之初淡泊無為故稱皇是
以漢高祖既稱皇帝尊其父曰太上皇明不統天下
今皇帝幼冲萬幾大政猶宜陛下總之謹上尊號乃

從之

己酉上皇徙御崇光宮采椽不斷土階而已國之大事咸以聞承明元年文明太后憾帝暴崩于永安殿

魏書馮太后傳曰顯祖暴崩人言太后為之 通鑑

考異曰元行冲後魏典載太后伏壯士于禁中太上

入謁遂崩按事若如此安得不彰而中外恬然不以

為怪又孝文終不之知 按後魏書及北史皆無殺

事而天象志云獻文暴崩實有鳩毒之禍今從之

欽定四庫全書

南北史合注
卷八十八

五十三

愚謂當作疑案

年二十三上謚曰獻文皇帝廟號顯祖塋雲中金陵

魏書顯祖傳位高祖躬覽萬幾刑政嚴明顯潔汰

貪牧守清廉往往有聞末年尤重刑罰言及常用刑

愴每獄案必令覆鞠諸囚繫或積年不斷羣臣頗以

為言帝曰獄滯雖非治體猶愈倉卒而濫夫人憂苦

則思善故因國與福堂同居朕欲其改悔加以輕恕

耳由是繫囚雖淹刑多得所又以赦屢下則狂愚

多徵俸故自延興終于季年不復下赦理官鞠囚杖

限五十有司欲免之則以細捶欲陷之則先大杖民

多誣引或絕命杖下帝乃為之制其捶用荆平其節

訊囚者其本大三分杖背者二分撻脛者一分拷悉

依令皆從輕簡魏食貨志曰顯祖即位躬行儉素率

先公卿思賑益黎庶天安皇興間歲頻大旱又用兵

南方民勤于征戍轉運帝深以為念遂因民貧富為

租輸三等九品之制千里內納粟千里外納米上三

欽定四庫全書

南北史合注
卷八十八

五十三

品入京中三品入他州要倉下三品入本州 魏書

禮志曰顯祖禪位之二年有司奏天地五郊社稷已

下及諸神合一千七十五所歲用牲七萬五千五百

帝深愍生命乃詔曰夫神聰明正直享德與信何必

在牲苟誠感有著雖行滌菜羹可致大嘏何必多殺

方獲祉福其命有司非郊天地宗廟社稷之祀皆無

所用牲于悉用酒脯


論曰太武聰明雄斷威靈傑立藉二世之資奮征伐之

氣遂戎軒四出周旋夷險平秦隴掃統萬翦遼海蕩河
 源南夷荷擔北虜絕迹廓定四表混一華戎其為武功
 也大矣遂使有魏之業光邁百王豈非神敝經綸事當
 命世至于初則東儲不終末乃壘成所忽固本貽防殆
 弗思乎文成屬太武後內頗虛耗既而國蒙時艱朝野
 楚楚帝與時消息靜以鎮之養威布德懷緝中外自非
 機悟深裕矜濟為心何能若此可謂有君人之度矣獻
 文聰敏夙成兼資雄斷故能更清漠野大啟南服而早
 有厭世之心終致宮闈之變將天意也

欽定四庫全書

南北史合注
卷八十八

五十四



南北史合注卷八十八

總校官檢 討 臣 彭元琬

侍讀學士 臣 王 保

校對 生 員 臣 梁寶繩

欽定四庫全書

南北史合注卷八十九

明 李清 撰

北史三

元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興
元在八人... 宏猷文皇帝太子也母李夫人皇興

欽定四庫全書

南北史合注
卷八十九

子五年受禪延興元年秋八月丙午皇帝即位于太華
前殿改皇興五年為延興丁未宋人來聘九月壬戌詔
在位及民庶進直言壬午青州高陽人封辨聚黨自號
齊王州軍討平之冬十月丁亥沃野統萬二鎮勅勒板
詔太尉隴西王源賀追擊之柁罕滅之徙其遺逆于冀
定相三州為營戶十二月乙酉封駙馬都尉穆亮為趙
郡王壬辰詔求舜後獲東萊人媯苟之後其家畢世以
彰盛德之不朽復前濮陽王孔雀本封辛丑徙趙郡王

穆亮為長樂王癸丑日有蝕之

魏書靈徵志載是月徐州士邢德於彭城南一百

二十里得著一株四十九枝下掘得大龜獻之

二年春正月太陽蠻酋桓誕率戶內屬拜正南將軍封

襄陽王曲赦京師及河西南至秦涇西至柁罕北至涼

州及諸鎮詔假員外散騎常侍邢祐使于宋二月丁巳

詔曰頃者淮徐未賓尼父廟隔非所致令祠典寢頓禮

章殄滅遂使女巫妖覡淫進非禮自今有祭孔廟制用

欽定四庫全書

南北史合注
卷八十九

酒脯而已不聽婦女雜合以祈非望之福犯者以違制
論其公家有事自如常禮柔然犯塞上皇次于北郊詔
諸將討之鹵遁走北部救勒叛奔柔然上皇追至石碛
不及而還三月上皇至自北討戊辰以散騎常侍駙馬
都尉萬安國為大司馬大將軍封安城王庚午親耕籍
田連州救勒謀反徙配青徐齊兗四州萬戶夏四月庚
子詔工商雜伎盡聽赴農諸州課人益種菜果辛亥宋
人來聘癸酉詔沙門不得去寺行者以公文

魏書靈徵志載是月詔曰近內外興建福業造立圖寺然貧富之人費竭財產務存高廣殺昆蟲舍生之類苟能精緻累土聚沙福鍾不朽欲建為福之因未去傷生之業朕為民父母慈養是務一切斷之

是月宋明帝殂五月丁巳詔軍警給璽印傳符次給馬印六月安州民遭冰雹詔丐租賑恤丙申詔今年貢舉尤為猥濫自今所遣皆可問盡州郡之高才極鄉閭之選戊午行幸陰山秋七月壬寅詔州郡縣各遣二人才

欽定四庫全書

南北史合注 卷八十九

三

堪專對者赴九月講武帝親問風俗八月百濟遣使請兵伐高麗九月辛巳車駕還宮戊申統萬鎮將河間王閻武皮坐貪殘賜死己酉詔以州鎮十一水旱丐其田租開倉賑恤又詔流逆之人皆令還本遠者徙邊冬十月柔然犯塞及五原十一月上皇親討之將渡漠柔然聞之北走數千里丁亥封皇叔略為廣川王壬辰分遣使者巡省風俗問民疾苦帝每一月一朝崇光宮十二月庚戌詔曰頃者以來官以勞升未久而代牧守無恤

人之心競為聚斂送故迎新相屬於路非所以固民志隆治道也自今牧守溫良仁儉克已奉公者可久于其任歲積有成遷位一級其貪殘非道侵削黎庶者雖在官甫爾必加黜罰著之於令以為彝準詔以代郡事同豐沛代人先配戍邊者免之是歲高麗地豆干庫莫奚高昌等國並遣使朝貢

是歲宋泰豫元年

三年春正月庚辰詔員外散騎常侍崔演使于宋丁亥

欽定四庫全書

南北史合注 卷八十九

四

改崇光宮為寧光宮二月

魏書載二月癸丑詔牧守令長勤率百姓無令失時同郡內貧富相通家有無牛通借無者若不從令一門內終身不任守宰不督察免所居官

戊午上皇至自北討飲至策勲告于宗廟甲戌詔縣令能靖一縣劫盜者兼理二縣即食其祿能靖二縣者三年遷為郡守二千石能靖二郡上至三郡亦如之三年遷為刺史三月壬午詔諸倉屯穀麥充積者出賜貧民

夏四月戊申詔假司空上黨王長孫觀等討吐谷渾拾
寅壬子詔以孔子二十八世孫魯郡公以為崇聖大夫
給十戶以供灑掃六月甲子詔曰往年縣名秀才二人
問守宰善惡而賞者未幾罪者衆多肆法傷生情所未
忍諸為人所列者特原其罪朕可代之

魏書靈徵志載延興三年秋秀容郡婦人一產四男
四產十六男

秋七月詔河南六州民戶收絹一匹綿一斤租三十石

欽定四庫全書

南北史合注
卷八十九

五

乙亥行幸陰山八月帝從上皇幸河西拾寅謝罪請降
許之九月辛巳車駕還宮乙亥宋人來聘已亥詔曰今
京師及天下囚未判在獄致死無近親者給衣衾棺槨
葬之不得暴露辛丑詔遣十使巡行州郡檢括五口冬
十月上皇將南討詔州郡民十丁取一充行戶租五十
石以備軍糧十一月戊寅詔以河南州郡牧守多不奉
法致令新邦百姓莫能上達遣使者觀風察獄黜陟幽
明搜揚賑恤癸巳上皇南巡至懷州所過問民疾苦賜

高年孝悌力田布帛十二月癸卯朔日有蝕之庚戌詔
闕外苑圍聽民樵採是歲州鎮十一水旱焉民田租開
倉賑恤相州民飢死者二千八百四十五人妖人劉舉
自稱天子齊州刺史武昌王平原捕斬之

魏書靈徵志曰是年十二月顯祖因田鷹獲鴛鴦一
其偶悲鳴上下不去帝悵然問左右曰此飛鳴者雌
乎雄乎對曰陽性剛陰性柔以剛柔推之必雌矣帝
曰雖人鳥事別情性何殊於是禁不得畜鷓鴣

欽定四庫全書

南北史合注
卷八十九

六

高麗契丹庫莫奚悉萬斤等國並遣使朝貢
是年宋主昱元徽元年
四年春正月癸酉朔日有蝕之丁丑太尉隴西王源賀
以病辭位二月甲辰上皇至自南巡辛未禁寒食三月
丁亥詔員外散騎常侍許赤武使于宋夏四月丁卯詔
自今非謀反大逆干紀外奔罪止其身
魏書載夏六月乙卯詔曰下民凶戾不顧親戚一人
為惡殃及合門朕為民父母深為慙悼自今以後非

謀反大逆干紀外奔罪止其身而已今德被殊方同軌將一宥刑寬禁不亦善乎

秋七月己卯曲赦仇池八月戊申大閱於北郊九月以宋人亂故詔將軍元蘭等伐蜀漢冬十月庚子宋人來聘十一月分遣侍臣循河南七州觀察風俗撫慰初附是歲州鎮十三大饑丐民田租開倉賑之

冊府元龜載是年以中書覆案上下之法遂罷之獄有大疑乃評議焉先是諸曹奏事多有疑請又口傳

欽定四庫全書

南北史合注 卷八十九

七

詔敕或致矯擅乃令事無大小皆據實律正名不得疑奏合則制可失中則彈之於是事咸精練羣下莫敢相同

粟特敕勒吐谷渾高麗曹利閭悉契丹庫莫奚地豆干等國並遣使朝貢

五年春二月癸丑詔定考課明黜陟夏四月詔禁畜鷹鷄開相告之制五月丙午詔負外散騎常侍許亦武使于宋丁未幸武州山辛酉幸車輪山六月庚午禁殺牛

馬壬申曲赦京師死罪遣備柔然秋九月癸卯洛州人賈伯奴稱恒農王豫州人田智度稱上洛王郡討平之冬十月上皇大閱于北郊十二月丙寅改封建昌王長樂為安樂王己丑城陽王長壽薨宋人來聘是歲高麗吐谷渾龜茲契丹庫莫奚地豆干柔然等國並遣使朝貢

承明元年春二月司空東郡王陸定國坐事免官爵兵夏五月冀州人宋伏龍聚眾自稱南平王郡縣捕斬之

欽定四庫全書

南北史合注 卷八十九

八

六月甲子詔中外戒嚴分京師見兵為三等第一軍出遣第一兵二等亦如之辛未太上皇帝崩壬申大赦改元大司馬大將軍安城王萬安國坐法賜死戊寅以征西大將軍安樂王長樂為太尉尚書左僕射南平公目辰為司徒進封宜都王以南部尚書李訢為司空尊皇太后為太皇太后臨朝稱制秋七月甲辰追尊皇妣李貴人為思皇后濮陽王孔雀有罪賜死八月甲子詔羣公卿士有便人益國者具狀以聞甲戌以長安二鵞多

死丐民歲賦之半九月丁亥曲赦京師

魏書靈徵志載是月幽州民齊淵家社樹結實既成

一朝盡落花葉復生七日內蔚然如春秋 冊府元

龜載是月并州上言木連理相去一丈二尺中有五

枝相連

冬十月丁巳起七寶永安行殿乙丑進假東陽王丕爵

為王已未詔羣官卿士下及吏人各聽上書直言及諫

使朝有不諱之音野無自蔽之響諸有益政利民可正

欽定四庫全書

南北史合注
卷八十九

九

風俗者有司以聞辛未幸建明佛寺大宥罪人進濟南

公羅拔為王是歲柔然高麗庫莫奚波斯契丹宕昌悉

萬斤等國並遣使朝貢

太和元年春正月乙酉改元

冊府元龜載詔曰朕夙承寶業元貺俱臻地瑞並應

風和氣暖天人交協實賴神祇七廟降福之助宜因

陽始令協典章其改今號為太和元年

辛亥

魏書載正月辛亥詔曰今牧民者與朕共治天下也

宜簡以徭役先之勸獎其水陸務盡地利使農夫外

布桑婦內勤輕有徵發致奪民時以侵擅論民有不

從其教惰于農桑者加以罪刑

起太和安昌二殿已有秦州略陽人王元壽聚眾自號

衛天王雲中饑開倉賑恤二月辛未秦益二州刺史武

都公尉落侯討破元壽三月庚子以雍州刺史東陽

王丕為司徒丙午詔曰去年牛疫死傷大半今東作既

欽定四庫全書

南北史合注
卷八十九

十

興人須肄業其教所在督課田農有牛者加勤于常歲

無牛者倍庸于餘年一夫制田四十畝中男二十畝無

令人有餘力地有遺利夏四月丁卯幸白登山壬申幸

崞山樂安王良薨詔復前東郡王陸定國官爵五月車

駕祈雨于武州山俄澍雨大洽秋七月壬辰京兆王子

推薨庾子定三等死刑己酉起朱明思賢門是月宋人

殺其主显八月壬子大赦丙子詔曰工商皂隸各有厥

分而有司縱濫或染清流自今戶內有工役者唯止本

部丞已下準次而授若階籍元勛以勞定國者不從此制戊寅宋人來聘九月乙酉詔羣臣定律令于太華殿庚子起永樂遊觀殿于北苑穿神泉池冬十月辛亥朔日有蝕之癸酉宴京邑耆老年七十以上于太華殿賜以衣服詔七十已上一子不從役宋葭蘆戍主楊大度遣弟鼠襲陷仇池

魏書靈徵志曰是年十月鄉郡民李飛等詣京南山

採藥遊越谷南領下見清碧石柱數百枚被詔索驗

欽定四庫全書

南北史合注 卷八十九

稱所見清碧柱長者一匹相接而上或一尺二寸或

一尺多不可數請付作曹採用時人神異之 冊府

元龜載冬十月詔曰朕每覽先王之典經綸百代儲

蓄既積黎民永安爰暨季葉世道凌替富強者并燕

山澤貧弱者望絕一廬故地有餘利民無餘財或爭

畝畔以亡身或因饑饉以棄業今遣使者循行州郡

授以主業為勸課農桑之本

十一月癸未詔討楊鼠丁亥懷州人伊祈苟自稱堯後

應王聚眾于重山洛州刺史馮熙討平之閏月庚午詔員外散騎常侍李長仁使于宋十二月壬寅征西將軍皮喜攻陷葭蘆斬楊文度傳首京師丁未州郡八水旱民飢詔開倉賑恤是歲高麗契丹庫莫奚柔然居多羅西天竺舍衛疊伏羅粟楊婆員闍等國並遣使朝貢是歲宋順帝昇明元年

二年春正月丁巳封昌黎王馮熙第二子始興為北平

王二月丁亥行幸代之湯泉所過問民疾苦以宮女賜

欽定四庫全書

南北史合注 卷八十九

貧人無妻者癸卯車駕還宮乙酉晦日有蝕之三月丙

子以河南公梁彌機為宕昌王夏四月甲申幸崢山丁

亥還宮己丑宋人來聘京師甲辰祈天灾于北苑親

自禮焉減膳避正殿丙午澍雨大洽曲赦天下五月詔

曰迺者人漸奢尚婚葬越軌又皇族貴戚及士庶之家

不惟氏族高下與非類婚偶先帝親發明詔為之科禁

而百姓習常仍不肅改朕念憲章舊典永為定準犯者

以違制論六月庚子皇叔若薨秋

魏書靈徵志載是年七月武川鎮大風吹失六家羊角而上不知所

八月分遣使者考察守宰問人疾苦丙戌詔罷諸州禽獸之貢九月乙巳朔日有食之丙辰曲赦京師冬十月壬辰詔負外散騎常侍鄭義使于宋十二月癸巳太皇太后殺南郡王李忠是歲州鎮二十餘水旱人飢詔開倉賑恤龜茲國獻名馳龍馬珍寶甚眾吐谷渾柔然勿告等國並遣使朝貢

欽定四庫全書

南北史合注 卷八十九

十三

三年春正月癸丑坤德六合殿成庚申詔罷行察官二月辛巳帝太皇太后幸代郡湯泉問民疾苦鰥寡貧者妻以宮女己亥還宮三月癸卯朔日有蝕之甲辰曲赦京師

冊府元龜載是月齊州獻五色犬其色如畫

夏四月壬申宋人來聘癸未樂良王樂平薨甲寅宋順帝禪位于齊丙申幸崢山己亥還宮庚子進淮陽公尉爵為王宜都王日辰有罪賜死五月丁巳帝祈雨于北

苑閉陽門是日澍雨大洽辛酉賜國老各衣一襲綿五

斤絹布各五疋六月辛未以雍州民飢開倉賑恤起文石室靈泉殿于方山秋七月壬寅詔免宮人年老及病者八月壬申詔羣臣進直言乙亥幸方山起思遠佛寺丁丑還宮九月壬子以司徒東陽王丕為太尉趙郡公陳建為司徒進爵魏郡王河南公苟頹為司空進爵河東王進太原中王猷中山王隴東公張祐新平王乙未定州刺史安樂王長樂有罪賜死庚申隴西王源賀薨

欽定四庫全書

南北史合注 卷八十九

十四

冬十月己巳朔大赦十一月癸卯賜京師貧窮高年疾患不能自存衣服布帛各有差癸丑進假梁郡公元嘉爵為假王督二將出淮陰隴西公元琛三將出廣陵河東公薛豹子三將出廣固至壽春是歲吐谷渾高麗柔然地豆干契丹庫莫奚龜茲粟特州逸河龔疊伏羅負聞悉萬斤等國各遣使朝貢

是歲齊高帝建元元年

四年春正月癸卯乾象六合殿成乙卯廣川王略薨丁

已罷畜鷹鷄之所以其地為報德佛寺戊午襄城任韓
頽有罪削爵徙邊二月癸巳以旱故詔天下祀山川羣
神及能興雲雨者脩飾祠堂薦以牲璧民有疾苦所在
存問夏四月乙卯幸廷尉籍坊二獄引見諸囚詔隨輕
重決遣以赴耕耘

魏書載夏四月乙卯詔曰廷尉者天下之平民命之
懸今農時要月百姓肆力之秋而愚民陷罪者甚衆
宜隨輕重決遣耕耘之業

欽定四庫全書

南北史合注
卷八十九

十一

辛巳幸白登山甲申賜天下貧民一戶內無雜財穀帛
者稟一年朔幸火山壬寅還宮六月丁卯以澍雨大洽
曲赦京師秋七月辛亥行幸泰山壬子詔會京師耆老
賜綿絲衣服几杖稻米蜜麩復家人不徭後閏月丁亥
幸獸園親錄囚徒輕者皆免之壬辰頓丘王李鍾葵有
罪賜死八月甲辰幸方山戊申幸武州山石窟寺庚戌
還宮乙酉詔諸州置冰室九月乙亥思義殿成壬午東
明觀成戊子詔曰隆寒雪降可遣侍臣詣廷尉獄及囚

所察飢寒者給以衣食程播者代以輕鎖是歲郡鎮十
八水旱民飢詔開倉賑恤柔然悉萬斤並遣使朝貢
五年春正月己卯南巡丁亥至中山親見高年問民疾
苦二月辛卯朔大赦賜孝悌力田孤貧不能自存者穀
帛各有差免宮人老者還其親丁酉至信都存問如中

山癸卯還中山己酉講武唐水之陽庚戌車駕還宮沙
門法秀謀反伏誅假梁郡王嘉大破齊俘獲三萬餘口
送京師三月辛酉朔幸肆州癸亥講武雲水之陽所經

欽定四庫全書

南北史合注
卷八十九

十六

考察守宰黜陟之己巳車駕還宮詔曰法秀妖作亂常
妄說符瑞蘭臺御史張求等一百餘人招結奴隸謀為
大逆有司科以族誅誠合刑憲但矜愚重命猶所不忍
其五族者降止同祖三族止一門門誅止身夏四月己
亥行幸方山建永固石室于山立碑銘太皇太后終制
于金冊又起鑿玄殿甲寅以旱故詔所在掩骸骨祈禱
神祇任城王雲薨五月庚申以農月時要詔天下勿使
有農獄六月甲辰中山王獻死戊午封皇叔簡為齊郡

王猛為安豐王秋七月庚申朔日有蝕之甲子齊人來聘九月庚午閱武于南郊大饗羣臣齊使車僧朗以班在宋使啟靈誕後辭不就席宋降人解奉君刀僧朗于會中詔誅奉君等乙亥封昌黎王馮熙世子誕為南平王冬十二月癸巳州鎮十二飢詔開倉賑恤是歲鄧至柔然等國並遣使朝貢

六年春正月甲戌大赦二月辛卯詔以靈丘郡土既褊瘠又諸州路衝復其民租十二年癸巳白蘭王吐谷渾

欽定四庫全書

南北史合注 卷八十九

七

翼世以誣罔伏誅乙未詔曰蕭道成逆亂江淮戎旂頻舉七州之民既有征運之勞深罪輕徭之義其復常調三年癸丑賜王公已下清勤著稱者穀帛有差三月庚辰幸虎園詔曰虎狼猛暴食肉殘生取捕之日每多傷害從今勿復捕貢辛巳幸武州山石窟寺賜貧老衣服是月齊高帝殂夏四月甲辰賜畿內鰥寡孤獨不能自存者粟帛各有差秋七月癸州郡五萬人脩靈丘道八月癸卯朔分遣大使巡行境內遭水之處丐其租賦貧

儉不自存者賜以粟帛庶子罷三澤禁九月辛酉以氏楊後起為武都王

魏書載冬十二月丁亥詔曰去秋淫雨洪水為灾百姓嗷然故遣使者巡方賑恤而牧守不思利民之道期于取辦愛毛反裘甚無謂也今課督未及將來租算一以丐之

是歲地豆干吐谷渾等國並遣使朝貢

冊府元龜載是年十一月帝親祀七廟

欽定四庫全書

南北史合注 卷八十九

八

七年春正月庚申詔曰朕每思知百姓疾苦增修寬政故具問守宰苛虐之狀于州郡使者今秀孝計據對多不實甚乖朕虛求之意宜案以大辟明罔上必誅然情猶未忍可恕罪聽歸申天下使知後犯無恕丁卯詔青齊光東徐四州戶運倉粟二十萬石送瑕丘琅邪復租竿一年三月甲戌以冀定二州饑詔郡縣煮粥于路食之又弛關津之禁夏四月庚子幸崢山賜所過鰥寡不能自存者衣服粟帛壬寅車駕還宮閏月癸丑皇子

生大赦五月戊寅朔幸武州山石窟佛寺六月定州上
言為粥所活九十四萬七千餘口秋七月甲申詔假員
外散騎常侍李彪員外郎蘭英使于齊改封濟南王羅
拔為趙郡王九月壬寅詔求讜言

魏書載詔曰朕聽政之際推慮未周案文審獄思聞
已過自今羣官奏事當獻可替否無或面從俾朕之
過彰于遠近

冀州上言為粥所活七十五萬一千七百餘口冬十月

欽定四庫全書

南北史合注
卷八十九

九

戊午皇信堂成十一月辛丑齊人來聘十二月乙巳朔
日有蝕之癸丑詔曰夏殷不嫵一族之婚周室始絕同
姓之娶斯皆教隨時設政因事改者也皇運初基日不
暇給古風遺撲未遑釐改朕思易質求式昭維新自今
悉禁絕之有犯者以不道論庚午開林慮山禁與民共
之州鎮十三饑詔開倉賑恤

是歲齊武帝永明元年

八年春正月詔隴西公琛尚書陸獻為東西二道大使

褒善罰惡夏四月甲寅幸方山戊子還宮庚申行幸旋
鴻池遂幸崢山丁卯還宮五月己卯詔賑賜河南七州
甲申詔員外散騎常侍李彪等使于齊六月丁卯詔
曰制官班祿行之尚矣自中原喪亂茲制中絕先朝因
循未遑釐改朕顧憲章舊典始班俸祿罷諸商人以簡
人事戶增調三匹穀二斛九斗以為官司之祿均預調
為二匹之賦即兼商用雖有一時之煩終克永逸之益
祿行之後賦滿一匹者死變法改度宜為更始其大赦

欽定四庫全書

南北史合注
卷八十九

十

天下與之惟新戊辰武州水壞民居秋七月乙卯行幸
方山石窟寺八月甲辰詔以班制體祿更與刑書寬猛
未允人或異議制百辟卿士工商吏民各上便宜勿有
所隱

魏書載秋八月甲辰詔曰帝業至重非廣詢博採無
以興功先王知其如此是以諫鼓置于堯世諗木立
于舜庭用能耳目四達庶類咸熙承明之初班下內
外聽各盡規以補其闕中旨雖宣允稱者少故變時

法遠遵古典班制俸祿改更刑書寬猛未允人或異
議思言者莫由申情求諫者無因自達故令上明不
周下情壅塞今制百辟卿士工商吏民各上便宜利
民益治損化傷政直言極諫勿有所隱務令詞無煩
華理從簡實朕將親覽使言之無罪聞之者足戒

九月甲午齊人來聘戊戌詔俸制十月為首每季一請
于是內外百官受祿有差冬十一月乙未詔員外散騎
常侍李彪等使于齊十二月州鎮十五水旱人飢詔使

欽定四庫全書

南北史合注
卷八十九

者開倉賑恤是歲柔然高麗等國各遣使朝貢

九年春正月戊寅詔禁圖讖秘緯及名孔子閉房記留
者以大辟論又諸巫覡假稱神鬼妄言吉凶及委巷諸
非墳典所載者嚴加禁斷癸未大饗羣臣于太華殿班
賜皇詔二月己亥制皇子封王者皇孫皇曾孫紹封者
皇女封者歲祿各有差封廣陽王建第二子嘉為廣陽
王乙巳詔百辟卿士工商吏民各上書極諫靡有所隱
三月丙申封皇弟禧為咸陽王幹為河南王羽為廣陵

王雍為潁川王勰為始平王詳為北海王夏四月癸丑
幸方山甲寅還宮五月齊人來聘六月辛亥幸方山遂
幸靈泉池丁巳還宮秋七月丙午朔新作諸門癸未遣
使拜宕昌王梁彌機兄子彌承為宕昌王戊子幸魚池
登青原岡甲午還宮八月己亥行幸彌澤甲寅登牛頭
山庚申詔曰教州災水饑饉薦臻致有賣鬻男女者天
譴在予一人百姓橫罹艱毒今自太和六年已來買定
冀幽相四州飢民良口者盡還所親雖聘為妻妾遇之

欽定四庫全書

南北史合注
卷八十九

非理情不樂者亦離之甲子還宮冬十月丁未詔使者
循行州郡與牧守均給天下之田還受以生死為斷勸
課農桑與富人之本

魏書載詔曰朕每覽先王之典經綸百代儲畜既積
黎民永安爰暨季葉斯道陵替富強者并無山澤貧
弱者望絕一廛致令地有遺利民無餘財或爭畝畔
以亡軀或因饑饉以棄業而欲百姓豐足安可得哉
今遣使者循行州郡與牧守均給天下之田還受以

生死為斷勸課農桑興富民之本

辛酉司徒魏郡王陳建薨詔員外散騎常侍李彪尚書

郎公孫阿六頭使于齊十二月乙卯以侍中淮南王他

為司徒是歲京師及州鎮十三水旱傷稼歲昌高麗吐

谷渾等國並遣使朝貢

十年春正月癸亥朔帝始服袞冕朝饗萬國二月詔初

立黨里鄰三長定民戶籍

魏書食貨志載詔曰任土錯貢所以通有無并乘定

欽定四庫全書

南北史合注
卷八十九

賦所以均勞逸有無通則民財不匱勞逸均則民安

其業又鄰里鄉黨之制所由來久欲使家至日見以

大督小從近及遠然後義興訟息自昔以來諸州戶

口籍貫不實寶藏隱漏廢公罔私富強者并兼有餘

貧弱者餬口不給賦稅無輕重之殊力役無眾寡之

別雖建九品之格而豐埆之土未融雖立均輸之條

而蠶織之鄉無異今革舊從新為里黨之法所在牧

守宜以喻民使知去煩即簡之要

三月庚戌齊人來聘夏四月辛酉朔始制五等公服甲

子帝初法服御輦祀兩郊癸酉幸靈泉池戊寅還宮六

月辛酉幸方山己卯名皇子曰恂大赦秋七月戊戌幸

方山

魏書靈徵志載是年七月建興護澤縣民賈日中養

蠶有絲網成幕中有卷物似絹帶長四尺廣三寸箔

上復得黃繭二如履形

八月乙亥給尚書五等品爵已上珠衣玉佩大小組綬

欽定四庫全書

南北史合注
卷八十九

九月辛卯詔起明堂辟雍冬十月癸酉有司議依故事

配始祖于南郊十一月議定州縣官依口給俸十二月

乙酉汝南潁州饑詔丐民田租開倉賑恤是歲柔然高

麗吐谷渾勿吉等國並遣使朝貢

十一年春正月丁亥朔詔定樂章非雅者除之二月甲

子肆州之鴈門及代郡民飢詔開倉賑恤夏五月壬辰

幸靈泉池遂幸方山癸巳南平王渾薨甲午車駕還宮

詔復七廟子孫及外戚總麻已上賦役無所與六月辛

已秦州民飢詔開倉賑恤

魏書載詔曰春旱至今野無青草上天致譴實由匪德百姓無辜懼饑饉寤寐思求罔知所益公卿內外股肱之臣其極言無隱以救民瘼

秋七月己丑詔今年穀不登聽民出關就食遣使者造籍分遣去留所在開倉賑恤八月壬申柔然犯塞遣平原王陸獻討之庚辰太議比代辛巳罷山北苑以其地賜貧民

欽定四庫全書

南北史合注 卷八十九

三十五

魏書載九月庚戌詔曰去夏以歲旱民飢須遣就食舊籍雜亂難可分簡故依局割民閱戶造籍欲令去留得實賑貸平均然過者以來猶有餓死衢路無人收識良由本部不明籍貫未實廩恤不周以至于此朕猥居民上聞用慨然可重遣精檢勿令遺漏

冬十月辛未詔罷起部無益之作出宮人不執機杼者甲戌詔曰鄉飲禮廢則長幼序亂孟冬十月民間歲隙宜于此時導以德義可下諸州黨里內推賢而長者教

其里人父慈子孝兄友弟順夫和妻柔不率長教者具

以名聞十一月丁未詔罷尚方錦繡綾羅之工百姓欲造任之無禁其御府衣服金銀珠玉綾紬綿太官雜器太僕乘具內庫弓矢出其大半頒賚百官及京師士庶下至工商皂隸逮于六鎮戍士各有差戍申詔今寒氣勁切杖箠難任自今月至來年孟夏不聽拷問罪人又歲饑輕囚宜連決無令薄罪久留獄犴十二月詔秘書丞李彪著作郎崔光改折國記依紀傳體是歲大饑詔

欽定四庫全書

南北史合注 卷八十九

三十六

所在開倉賑恤吐谷渾悉萬斤高麗等國並遣使朝貢十二年春正月辛巳朔初建五牛旌旂乙未詔鎮戍流徙之人年滿七十孤單窮獨無成人子孫旁無暮親者具狀以聞二月辛亥朔日有蝕之三月丁亥中散梁象保等謀反伏誅夏四月甲子大赦乙丑幸靈泉池丁卯遂幸方山己巳還宮齊將陳顯達攻陷澧長樂王穆亮率騎討之五月丁酉詔六鎮雲中河西及關內郡各修水田通渠溉灌壬寅增置糞器于太廟秋七月己丑幸

靈泉池遂幸方山己亥還宮九月甲午詔曰在昔古誠
稱日蝕脩德月蝕脩刑迺者癸巳夜月蝕盡公卿已下
宜慎刑罰以答天意丁酉起宣文堂經武殿癸卯淮南
王他薨冬閏十月甲子帝觀築園丘于南郊辛未幸靈
泉池癸丑還宮十一月雍豫二州民飢詔開倉賑恤梁
州刺史臨淮王提坐貪縱配北鎮

冊府元龜曰是年詔羣臣求安民術有司上言請折

州常調九分之二京師度支歲用之餘各立官司豐

欽定四庫全書

南北史合注
卷八十九

五

年糶儲于倉時儉則加私之一糶之于民如此民必
力田以買絹積財以取官粟年豐則常積歲凶則直
給又別立農官取州郡戶十分之一為屯民相水陸
之宜斷頃畝之數以贖贖雜物市牛科給令其肆力
一夫之田歲貢六十斛甄其正課并征戎雜役行此
二事數年中則穀積民足矣帝善而行之自此公私
豐贍雖時有水旱亦不為灾

是歲高麗宕昌吐谷渾勿吉武興等國並遣使朝貢

十三年春正月辛亥祀園丘初備大駕乙丑兗州人王
伯恭聚眾勞山自稱齊王東萊鎮將孔伯孫討斬之戊
辰齊人寇邊淮南太守王僧雋擊走之二月庚子引羣
臣訪政道得失損益之宜三月夏州刺史章武王彬以
貪財削封夏四月丁丑詔曰升樓散物以資百姓至使
人馬騰踐多有毀傷今可斷之以本所費之物賜貧老
窮獨者州鎮十五大飢詔所在開倉賑恤丁亥幸靈泉
池遂幸方山己丑還宮五月庚戌祀方澤六月汝陰王

欽定四庫全書

南北史合注
卷八十九

五

天賜南安王禎並坐贓免為庶人秋七月丙寅幸靈泉
池與羣臣御龍舟賦詩而罷立孔子廟于京師八月乙
亥詔兼員外散騎常侍邢產兼員外散騎侍郎侯靈紹
使于齊

魏書載戊子詔諸州鎮有水田者各通灌溉遣匠者
所在指授

九月出宮人賜北鎮人貧鰥者冬十一月己未安豐王
猛薨十二月丙子司空河東王苟類薨甲午齊人來聘

已亥以尚書令尉元為司徒左僕射穆亮為司空是歲高麗吐谷渾陰平中赤武興巖昌等國各遣使朝貢

十四年春正月己巳朔日有蝕之行幸方山二月辛未

行幸靈泉池壬申還宮三月初詔定起居注制己卯詔

遣侍臣巡行州郡問民疾苦夏四月地豆干頻犯塞甲

戌征西大將軍陽平王熙擊走之甲午詔兼員外散騎

常侍邢產蘇季連使于齊五月己酉庫莫奚犯塞安州

都將樓龍兒擊走之沙門司馬御忠自言聖王謀破平

欽定四庫全書

南北史合注
卷八十九

三

原郡擒獲伏誅秋七月甲辰詔罷都牧雜制丙午行幸

方山丙辰幸靈泉池八月丙寅朔還宮辛卯詔議國之

行次九月癸丑太皇太后馮氏死詔聽藩鎮曾經內侍

者前後奔赴冬十月戊辰詔將親侍龍輿奉訣陵隧諸

常從之具悉可停之其武衛之官防侍如法癸酉葬文

明太皇太后于永固陵甲戌謁永固陵羣臣固請公除

帝不許己卯謁永固陵庚辰帝居廬引見羣僚于太和

殿太尉東陽王丕等據權制用請帝引古禮往復羣臣

乃止京兆王太興有罪免官削爵詔曰公卿屢依金冊

遺古中代權制式請過葬即吉朕思宗遠古終年之制

依禮既虞卒哭此月二十一日授服以葛易麻既以哀

服在上公卿不得獨釋于下故于朕之授服變從練禮

已下復為節制斟酌古今以制厥衷且取遺旨速除之

一端粗申臣子罔極之巨痛癸未詔曰朕遠宗古式欲

終三年之禮百辟羣臣據金冊顧命將奪朕心從先朝

欽定四庫全書

南北史合注
卷八十九

三

之制朕仰惟金冊俯自推省取諸二衷不許眾議以哀

服過期終四節之慕又奉遵聖訓聿脩誥旨不敢闕默

自居以曠機政庶不愆遺令意差展哀慕之情並下州

鎮長至三元絕告慶之禮甲申車駕謁永固陵十一月

甲寅詔內外職人先班朝次及諸方雜克冬至之日盡

聽入臨三品已下哀服者至夕復臨餘旦臨而已哭拜

之節一依別議

魏書禮志曰太和十四年秋九月文明太后崩將營

山陵諸王公表請特定兆域及依漢魏故事既葬公

除詔曰自遭禍罰奉侍梓宮猶希髣髴山陵遷厝所未忍聞冬十月王公等復固請詔曰山陵可依典冊哀服之宜情所未忍遂葬太后于永固陵諸王固請公除未許既引見太尉丕及羣臣于太和殿前哭拜盡哀出幸思賢門右詔尚書李冲宣旨曰先后平日每集羣官共論政治何圖獨見公卿言及喪事五内崩摧丕等進曰我遠祖每遇大諱惟侍從梓宮者凶服左右皆從吉四祖三宗因而無改陛下哀毀過禮

欽定四庫全書

南北史合注
卷八十九

三

所遇三食不過半溢晝夜不釋經帶願少抑至慕奉行舊典帝曰哀毀常事朝夕食粥粗可支任所奏舊事亦因祖宗情專武略未遑文教朕仰稟慈訓論時比事與先世不同今暫抑哀慕躬自披尋且以所懷詔問尚書游明根高閻等曰聖人制卒哭禮授練之變皆奪情以前今旬日即吉特成傷理對曰臣等尋太后遺旨踰月而葬葬即吉故于下葬初奏練除事帝曰朕惟中代不遂三年之喪者由君上遠世儲宮

初立故自襲袞冕示皇極之尊朕在位過紀億兆知有君矣于此不遂哀慕使情理俱損喪紀圯壞誠可痛恨閻曰杜預論自古天子無行三年喪者漢文暗與古合事可承踵帝曰竊尋聖母之旨今早即吉者慮荒政事故也今不敢闕默以荒庶政惟欲存哀麻廢吉禮朔望盡哀情在可許故專欲行之如杜預所論誣矣秘書丞李彪曰漢馬后保養章帝葬不淹旬即已從吉然章帝不受誣馬后不損名願陛下割哀

欽定四庫全書

南北史合注
卷八十九

三

從議帝曰朕聞孝子居喪見美麗則思親故釋錦服裏內外相稱非虛加也今者豈徒顧禮違議苟免唯嫌抑情發于中奉終之事一遵遺冊痛慕之心事係于予閻曰陛下不除服于上臣等獨除于下則臣道不足又親御哀麻復聽朝政吉凶事雜臣竊為疑帝曰卿等猶以朕未除服不忍先除奈何朕獨忍于親今仰逼遺冊不遂乃心惟欲居廬服喪升堂襲素使大政不荒哀情獲遂謂為可耳羣臣各以親疎貴

賤遠近為除服之差彪曰三年不改父道今不遵遺冊恐陟改道之嫌帝曰改父之道蓋謂慢孝忘親縱有可陟寧受後代之譏未忍今日之情又前表稱古者葬而即吉蓋季俗多亂權宜救世耳公卿偏執一隅謂經世之要在斯非義也彪今雖治化清晏然江南有未賓之吳漢北有不臣之鹵是以臣子猶懷不虞帝曰魯公帶經從戎晉侯墨哀敗敵如有不虞越絀無嫌况哀麻乎豈可以晏安之辰預念軍旅以廢

欽定四庫全書

南北史合注 卷八十九

喪紀者朕在不言之地但公卿執奪朕情遂成往復追用悲絕帝遂號痛羣臣亦哭而辭出

丁巳齊人來聘十二月壬午詔依準丘井之式遣使與州郡宣行條制隱口漏丁即聽附實若朋附豪勢凌折孤獨罪有常制是歲吐谷渾巖昌武興陰平高麗等國並遣使朝貢

十五年春正月丁巳帝始聽政于皇信東室初分置左右史官癸亥晦日有蝕之二月己丑齊人來聘三月甲

辰車駕謁永固陵夏四月癸亥帝始進蔬食乙丑謁永固陵

魏書禮志曰帝設薦于太和廟是日始薦蔬食追感哀慕終日不食侍中馮誕等諫經宿及膳甲子罷朝夕哭

自正月不雨至于癸酉有司奏祈百神詔曰

魏書禮志曰昔成湯遇旱齊景逢災並不祈山川致雨皆至誠發東澗潤千里萬方有罪在予一人

欽定四庫全書

南北史合注 卷八十九

何宜四氣未周便行禮事唯當考躬責已以待天譴甲戌詔負外散騎常侍李彪假散騎侍即蔣少游使于齊已卯經始明堂改營太廟五月己亥議改律令于東明觀折疑獄乙卯抱罕鎮將長孫百年攻吐谷渾所置洮陽泥和二戍剋之俘獲三萬餘人詔悉免歸丙辰詔造五輅六月丁未濟陰王壽以貪殘賜死秋七月乙丑謁永固陵規建壽陵己卯詔議祖宗以道武皇帝為太祖魏書禮志載詔曰禮祖有功宗有德烈祖有創基之

功世祖有開拓之德宜為祖宗百世不遷遠祖平文
功未及于昭成廟號太祖道武建業之勲高于平文
而廟號烈祖比功按德以為未允今尊道武為太祖
與顯祖為二祧餘以次遷愚按上文語氣以世祖與
烈祖並稱不知何以復改為顯祖疑魏書誤資治通
鑑又改云以世祖顯祖為二祧蓋亦疑其誤也不如
徑改為太祖世祖是太祖先號烈祖讀者辨之

乙酉車駕巡省京邑聽訟而還八月壬辰議養老又議

欽定四庫全書

南北史合注
卷八十九

三十五

肆類上帝禋于六宗禮帝親臨決詔郡國有時物可以
薦宗廟者貢之戊戌移道壇于壘乾之陰改曰崇虛寺
己亥詔諸州舉秀才先盡才學乙巳親定禘祫禮

魏書載是月甲寅集羣臣詔曰近論朝日夕月皆欲
以二分之一日行禮然月有餘閏行無常準若一依分
日或值月出于東而行禮于西尋情即理不可施行
昔秘書監薛調等謂朝日以朔夕月以朏卿等謂朔
朏二分何者為是尚書游明根等請用朔朏從之

丁巳議律令事仍省雜祀

魏書禮志載詔曰國家自先朝以來饗祀諸祀凡一
千二百餘處今欲減省羣祀務從儉約昔漢高祖所
祀衆神及寢廟不少元成之際匡衡執論乃得減省
光武之世禮儀始備饗祀有序神聰明正直不待煩
祀也

九月辛巳齊人來聘

魏書禮志曰丙戌有司上言請卜祥日詔曰便及此

欽定四庫全書

南北史合注
卷八十九

三十六

期覽以摧絕筮日求吉有乖敬事之心又違永慕之
志今直用晦日丁亥帝夜宿于廟帥羣臣哭己帝易
服縞冠革帶黑履侍臣易服黑介幘白絹單衣革帶
烏履遂哭盡乙夜戊子晦帝易祭服縞冠素帔白布
深衣麻繩履侍臣去幘易幘羣臣易服如侍臣又引
入如前儀曹尚書游明根升廟跪慰復位哭遂出引
太守外臣及諸渠帥入哭次引南國使臣并入客人
至甲夜四刻侍御散騎常侍司衛監以上升廟哭既

而出帝出廟停哀哭久乃還

冬十月庚寅

魏書禮志曰太尉丕奏太廟已就移廟日須得國之大姓遷主安廟詔荅曰遷奉神主皆太尉事朕亦親行事時運流速奄及縞制復不得哀哭明堂後當親拜山陵寫泄哀慕

車駕謁永固陵是月明堂太廟成十一月

魏書禮志曰己未朔帝禫于太和廟袞冕以祭己冠

欽定四庫全書

南北史合注
卷八十九

三

黑介憤素紗浹衣拜陵而還癸亥冬至車駕祀園丘遂祀明堂還至太和廟乃入甲子入太華殿服通天冠絳紗袍以享羣臣帝感慕樂懸而不作丁卯服袞冕辭太和廟帥百官奉祀遷于新廟 愚按孝文之服馮后也宋儒胡寅謂馮后祇獻文於孝文為不共不應服非所服獨明方孝孺駁之云獻文於孝文則父於馮后則子母雖不慈子道不可不盡况孝文乃其孫若母殺子而孫得仇是知有父而不知父有親

也予故兩採其說備錄孝文居喪始末附本紀下若

文自孝孫而馮自逆后觀綱目書弒其主宏便見予之不臚列馮后傳內以此

丁卯遷七廟神主于新廟乙亥帝大定官品

魏書禮志曰詔罷羣臣季冬朝賀袴褶行事謂之小歲者

戊寅考諸牧守詔假通直散騎常侍李彪假散騎侍郎

蔣少游聘于齊丁亥詔二千石考上上者假四品將軍

欽定四庫全書

南北史合注
卷八十九

三

賜乘黃馬一匹上中者五品將軍上下者衣一襲十二月壬辰遷社于內城之西癸巳班賜刺史以下衣冠以安定王休為太傅齊郡王簡為大保帝為高麗王璉舉哀于城東行宮己酉車駕迎春于東郊辛卯詔簡選樂官

冊府元龜載詔曰樂者感天地感神祇調陰陽通人鬼治用大矣逮末俗凌夷正聲傾廢多好鄭衛以悅耳目故使樂官散缺伶官失守今方釐革敝章稽古

復令樂正雅頌各得其宜今置樂官實須任職不得仍令濫吹

是歲吐谷渾悉萬斤高麗鄧至巖昌等國並遣使朝貢十六年春正月戊午朔朝享羣臣于太華殿帝始為王公與縣而不樂

魏書樂志載詔曰禮樂之道自古所先作樂和中制禮防外音聲之用其致遠矣有周之季斯道崩缺故夫子忘味于聞韶正樂于反魯迨漢魏見樂章復缺

欽定四庫全書

南北史合注
卷八十九

三

然博採音韻粗有篇條皇室之興干戈仍用文教未淳失治定之雅音習不典之繁曲比大樂奏其職司愧感兼懷禮樂事大為化之本可詳採古今以備茲典內外有才堪此任者任其參議

已未宗祀顯祖獻文皇帝于明堂以配上帝遂升堂以觀雲物降居青陽左个布政事每朔依以為常辛酉詔以太祖配南郊壬戌詔定行次以水承金甲子詔罷袒裸乙丑詔制諸遠屬非太祖子孫及異姓為王者皆降

為公公為侯侯伯子男仍舊皆除將軍號戊辰帝臨思義殿策問秀孝丙子始以孟月祭廟二月戊子帝移御永樂宮庚寅壞太華殿經始太極殿辛卯罷寒食享壬辰幸北郊曹歷觀諸巡省京邑聽理寃訟甲午車駕初迎日于東郊遂以為常丁酉詔祀唐堯于平陽虞舜于廣甯夏禹于安邑周文于洛陽丁未帝臨宣文堂改謚宣尼曰文聖尼父告謚孔廟

欽定四庫全書

南北史合注
卷八十九

四

魏書禮志曰帝齋中書省親拜祭于廟

三月丁卯巡省京邑癸酉省西郊郊天雜事乙亥車駕初迎年于南郊自此為常辛巳以高麗王璉孫雲為其國王齊人來聘夏四月丁亥朔頒新曆令大赦甲寅幸皇宗學親問博士經義五月癸未詔羣臣于皇信堂更定律令流徒限制帝親臨決之

魏書載六月甲辰詔曰務農重穀王政所先今四氣休序時澤旁潤宜用天分地悉力東畝然京師之民游食者衆不加督勸或耘耨失時可遣使檢察勤惰

以聞

秋七月壬戌詔曰

冊府元龜載詔曰王者設官分職垂拱責成振綱舉

綱衆目斯理朕德謝知人豈能一見鑒識徒乖為君

委授之義

自今選舉每以季月本曹與吏部銓簡甲戌詔兼員外

散騎常侍宋弁使于齊八月庚寅車駕初祀夕月于西

郊遂以為常乙未詔陽平王熙左僕射陸元督十二將

欽定四庫全書

南北史合注
卷八十九

北討柔然丙午巖昌王梁彌承來朝司徒尉元以老遜

已酉詔以尉元為三老游明根為五更又養國老庶老

將行大射之禮雨不克成癸丑詔曰國家雖宗文以懷

九服修武以寧八荒然于習武之方猶為未盡將於馬

射之前先行講武之式可敕有司豫脩場埒其列陣之

儀五戎之數別俟後制九月甲寅朔大序昭穆于明堂

祀文明太皇太后于玄堂辛未帝哭于陵左終日不絕

聲壬申復以再周忌日哭于陵左絕膳三日哀至則哭

甲戌帝拜哭辭陵還永樂宮辛巳武興王揚集始來朝

冬十月己亥以太傅安定王休為大司馬特進馮誕為

司徒

冊府元龜載是月己亥詔曰先王制禮郊天享祖莫

不配祭然而有節曰登廟常用季秋躬駕展虔祝禮

或有褻慢之失嘉樂頗陟野合之儀然投衣之旦享

祭明堂立冬之始奉烝太廟若復致齋白登便為一

月兩駕白登之高未若九室之美幃次之華未如清

欽定四庫全書

南北史合注
卷八十九

廟之盛將欲廢彼東山之祀成此二享之敬可敕有

司攝行祭事

甲辰詔以功臣配享太廟庚戌太極殿成享羣臣十一

月乙卯依古大寢權制三室以安昌殿為內寢皇信堂

為中寢四下為外寢十二月賜京邑老人鳩杖齊人來

聘是歲高麗節至契丹巖昌吐谷渾等國並遣使朝貢

十七年春正月壬子朔享百僚于太極殿乙丑詔大賜

諸番君長車旂衣馬錦絲繒纒多者一千少者三百各

以命數為差詔蕪員外散騎常侍邢巒使于齊丙子以吐谷渾伏連等為其國王庚辰蠲大司馬安定王休太保齊郡王簡朔聖之朝二月乙酉詔賜議律令之官各有差已酉車駕始藉田于都南三月戊辰改作後宮夏四月戊戌立皇后馮氏是月齊直閣將軍蠻酋田益宗率部落內屬五月壬戌宴四廟子孫于宣文堂帝親與之齒行家人禮甲子帝臨朝堂引見公卿以下決疑政錄囚徒丁丑以旱徹膳襄陽蠻酋雷婆思等率其部落

欽定四庫全書

南北史合注 卷八十九

內徙居于太和川六月庚辰朔日有蝕之丙戌帝將南伐詔造河橋乙未講武乙巳詔曰比百秩雖陳事典未敘自八元樹位躬加省覽作職員令二十一卷事迫戎期未善周恣須待軍回更論所闕權可付外施行立皇子恂為皇太子秋七月癸丑以皇太子立詔賜人為父後者爵一級為公士曾為吏屬者爵二級為上造鰥寡孤獨不能自存者人粟五斛戊午中外戒嚴是月齊武帝殂八月乙酉三老山陽郡公尉元卒丙戌車駕類于

上帝遂臨尉元喪丁亥帝辭永固陵己丑發京師南伐步騎三十餘萬太尉丕奏請以宮人從詔以臨戎不語內事不許壬寅車駕至肆州民年七十已上賜爵一級路見眇跛停駕親問賜衣食復終身戊申幸并州親見高年問疾苦九月壬子詔蕪員外散騎常侍高聰賈禎聘于齊丁巳詔車駕所經傷民秋稼者畝給穀五斛戊辰濟河詔洛懷并肆所過四州賜高年爵恤鰥寡孤獨各有差孝悌庶義文武應求者皆以名聞又詔廡養戶

欽定四庫全書

南北史合注 卷八十九

不得與庶士婚有文武之才積勞應進者同庶族例聽之庚午幸洛陽周巡故宮基跡帝顧謂侍臣曰晉德不脩荒毀至此遂詠黍離詩為之流涕壬申觀河橋幸太學觀石經丙子詔六軍發軫丁丑帝戎服執鞭御馬而出羣稽顙于馬前請停南伐帝乃止仍議遷都計冬十月戊寅朔幸金墉城詔大司空穆亮與尚書李冲將作大匠董爵經始洛京河南志云東西二十里南北十五里廟社宮室會府

以外方三百步為一里開四門置里正四人門士八人總二百二十里宣武景明二年築坊三百二十各周一千二百

已卯幸河南城乙酉幸豫州癸巳次石濟乙未解嚴設壇于滑臺宮詔京師及諸州從戎者賜爵一級應募者加二級主將加三級癸卯幸鄴城乙巳詔安定王休率從官迎家口于代車駕送于漳水上初帝之南伐起官殿于鄴西十一月癸亥宮成徙御馬十二月戊寅巡省

欽定四庫全書

南北史合注 卷八十九

皇

六軍乙未詔隱恤軍士死亡疾病務令優給是歲勿吉吐谷渾巖昌陰平契丹庫莫奚高麗鄧至等國並遣使朝貢

十八年春正月丁未朔朝羣臣于鄴宮澄鸞殿癸亥南巡詔相充豫三州賜高年爵恤鰥寡孤獨各有差孝悌廉義文武應求者皆以名聞戊辰經殿比干墓祭以太牢乙亥幸洛陽西宮二月己丑行幸河陰規建方澤之所丙申徙封河南王幹為趙郡王潁州王雍為高陽王

壬寅北巡癸卯齊人來聘甲辰詔諭天下以遷都意閏月癸亥次苟注陞南皇太子朝于蒲地壬申至平城宮癸酉臨朝堂部分遷留甲戌謁永固陵三月庚辰罷西郊祭天壬辰帝臨太極殿諭在代羣臣遷移之略夏五月甲戌朔日有蝕之乙亥詔罷五月五日七月七日饗六月己巳詔兼員外散騎常侍盧昶王清石使于齊秋七月乙亥以宋王劉昶為大將軍壬午侍中大司馬安定王休薨壬辰北巡戊戌謁金陵辛丑幸朔州是月齊

欽定四庫全書

南北史合注 卷八十九

四

蕭鸞弒其主昭業八月癸亥皇太子朝于行宮甲辰行幸陰山觀雲川丁未幸閱武臺臨觀講武因幸懷朔武川撫宴柔玄等四鎮乙丑南還所過皆親見高年問民疾苦貧窘孤獨者賜以粟帛丙寅詔六鎮及禦夷城人年老孤貧廢疾者賜粟宥罪各有差戊辰車駕至旋鴻池庚午謁永固陵辛未還平城宮九月壬申朔詔曰三載考績自古通經三考黜陟以彰能否朕今三載一考考即黜陟欲令愚滯無妨于賢者才能不墜于下位各

今當曹考其優劣為三等六品以下尚書重問五品已上朕將親與公卿論其善惡上上者遷之天下者黜之中中者守其本任壬午帝臨朝堂親加黜陟壬辰陰平王陽尺來朝冬十月甲辰以太尉東陽王丕為太傅戊申親告太廟奉迎神主辛亥車駕發平城宮壬戌次于中山之唐湖乙丑分遣侍臣巡問疾苦己巳幸信都庚午詔曰比聞緣邊之蠻多有竊掠致父子乖離室家分絕

欽定四庫全書

南北史合注 卷八十九

四七

冊府元龜曰朕方混一區宇若苟如此南人豈知朝德哉

可詔荆郢東荆三州勒諸蠻人勿有侵暴是月齊蕭鸞弑其主昭文而自立十一月辛未朔詔冀定二州賜高牟爵恤鰥寡孤獨各有差孝義廉貞文武應求者具以名聞丁丑幸鄴甲申經比干墓親為弔文樹碑刊之河南通志載其文曰惟皇邁遷中之元載御次乎閭茂望舒會于星紀十有四日厥惟甲申指松而搖

步順京途以啓征路歷商區轄屆衛壤遂旁眺古跡游瞰曩風睹比干之墓悵然悼懷焉聊與其韻貽甲云爾曰三才之肇元兮敷五靈以扶德含剛柔于金木兮資明闇于南北重離耀其炎暉兮習坎司玄以秉黑伊稟常之懷生兮昏睿遲其啓明晝皎皎其何朗兮夜幽幽而致蔽哲人昭昭而澄光兮狂夫黜黜其若翳咨堯舜之耿介兮何桀紂之猖敗沈酒而不知慎兮終惑已以貽戾審審兮比干籍胃兮殷宗含

欽定四庫全書

南北史合注 卷八十九

四八

精兮誕粹寘樹兮英風稟蘭露以滌神餐菊英而儼容如薜荔以蕩識佩江離而麗躬履霜以結冰兮萃窘忠而彌濃千金豈其吾珍兮皇舉寔余所鍾奮誠諫而燼軀兮道危言以譽鋒嗚呼哀哉嗚呼哀哉惟予在殷實惟梁棟外贊九功內徽辰共匡率衰職德音遐洞周師返旆非予誰貢否哉悖運遺此不辰三綱道沒七曜輝泯負乘竊器息棄天倫懷誠齊怒讜言焉陳鬼侯已醢子不見歟鄂侯已脯子不聞歟微

子去矣子不知歎箕子奴矣子不覺歎何其輕生致死歎何其愛義勇若歸歎遺休既灰不其惜歎永以無返不其痛歎嗚呼哀哉嗚呼哀哉曷不相時以卷舒兮徒委質而顛亡雖虛名空傳于千載詎何歎之可揚奚若騰魂以遠逝疾飛足而歸昌德比肩乎尚父卒同協于周王建鴻績于盛辰豈肯守于齊方開穆音于萬祀傳光業以脩長而乃自受茲斃視窆殷辛剖心無補迷機喪身脫非武發封墓誰因嗚呼介

欽定四庫全書

南北史合注 卷八十九

四

士胡不我臣 愚按是歲實太和八年都洛之始年也故云元載歲在甲戌故云閏歲月旅仲冬故云星紀朔次辛未故云十有四日

已丑車駕至洛陽十二月辛丑朔分命諸將南征壬寅革衣服之制癸卯詔中外戒嚴戊申復代還戶租賦三歲已酉詔王公伯子男開國食邑者王食半公三分食一侯伯四分食一子男五分食一辛亥車駕南伐丁卯詔鄆豫二州賜高年爵恤孤寡鰥老各有差錄路之丁

復田租一歲孝悌廉貞文武應求者具以名聞戊辰車駕至懸瓠已巳詔壽陽鍾離馬頭之師所獲男女口皆放還南是歲高麗國遣使朝貢

是歲齊主昭業隆昌元年昭文延興元年又明帝建武元年

十九年春正月辛未朔朝享羣臣于懸瓠癸酉詔禁淮北人不得侵掠犯者以大辟論甲戌撤諭齊主鸞壬午講武于汝水西大賚六軍平南將軍王肅左將軍元麗

欽定四庫全書

南北史合注 卷八十九

五

並大破齊軍已亥車駕濟淮二月甲辰幸八公山路中雨甚詔去蓋見軍士病者親隱恤之戊申車駕巡淮南東民皆安堵租運屬路丙辰幸鍾離戊午軍士擒齊人三千帝曰在君為君其人何罪于是免歸辛酉發鍾離將臨江水司徒馮誕卒壬戌詔班師丁卯遣使臨江數齊主罪惡三月戊子太師馮熙卒夏四月丁未曲赦豫魯二州其轉運之士復租三年辛亥詔賜高年爵恤孤寡老疾各有差德著邱園者具以名聞齊人降者給復

十五年癸丑幸小沛使以太牢祭漢高祖廟己未幸瑕丘使以太牢祀岱嶽詔宿衛武官增位一級庚申幸魯城親祀孔子廟辛酉詔拜孔氏四人顏氏二人為官兗州刺史舉部內士人堪軍國及守宰政績者具以名聞詔賜兗州人爵及粟帛如徐州又詔選諸孔宗子一人封崇聖侯邑一百戶以奉孔子祀命兗州為孔子起園柘脩飾墳壘更建碑銘褒揚聖德戊辰行幸嘯傲太和廟成五月己巳城陽王鸞諸陽失利降為定襄縣王廣

欽定四庫全書

南北史合注 卷八十九

五

川王諧薨庚午遷文成皇后馮氏神主于太和廟甲戌行幸滑臺丙子次于石濟庚辰皇太子朝于平桃城癸未車駕至自南伐甲戌減閒官祿以禪軍國之用乙酉行飲至禮班賜各有差甲午皇太子冠于廟六月己亥詔不得以北俗之語言于朝廷違者免所居官辛丑詔復軍士從駕渡淮者租賦三年癸卯詔皇太子赴平城宮壬子詔濟州東郡榮賜及河南諸縣車駕所經者賜高年爵恤孤寡老疾各有差孝悌廉義文武應求者具

以名聞癸丑求天下遺書秘閣所無有禪時用者加以厚賞乙卯曲赦梁州復民田租三歲丙辰詔遷洛之民死葬洛城不得還北于是代人南遷者悉為河南洛陽人戊午詔改長尺大斛依周禮制度班之天下秋八月幸西宮路見壞塚露棺駐輦埋之乙巳詔選天下勇士十五萬人為羽林武貴以充宿衛丁巳詔諸從兵從征被傷者皆聽還本金墉宮成甲子引羣臣歷宴殿堂九月六宮及文武盡遷洛陽丙戌行幸鄴丁亥詔諸墓舊

欽定四庫全書

南北史合注 卷八十九

五

銘記見存昭然為時人所知者三公及位從公者去墓三十步尚書令僕九列十五步黃門五授十步各不聽墾殖壬辰遣黃門即以太牢祭比干墓乙未車駕還宮冬十月甲辰曲赦相州賜高年爵恤孤老痼疾各有差丙辰車駕至自鄴辛酉詔州郡舉士壬戌詔諸州牧考屬官為等之科以聞將加親覽以定升降詔徐充光南青荆洛六州嚴募戎備應須赴集十一月行幸委粟山議定園丘甲申祀園丘丙戌大赦十二月乙未朔引羣

臣光極堂宣下品今為大選之始辛酉以咸陽王禧為長兼太尉復前安南王禎本爵甲子引見羣臣光極堂班賜冠服是歲高麗鄒至吐谷渾等國各遣使朝貢二十年春正月丁卯詔改姓元氏

資治通鑑載詔曰北人謂土為拓后為跋魏之先出于黃帝以土德王故為拓跋氏夫土者黃中之色萬物之元也宜改姓元氏又魏書氏族志載十九年詔曰代人諸胄先無氏族功賢之肩混然未分故官達

欽定四庫全書

南北史合注 卷八十九

者位極公卿功衰之親仍居猥任其穆陸賀劉樓于稽尉八姓自太祖以降勳著當時者勿充猥官一同四姓原出朔土舊為部落大人而皇始以來三世官在給事已上及品登王公者為始若本非大人而皇始以來職官三世尚書以上及品登王公而中間不降官緒亦為姓請部落大人後而皇始以來官不及前列有三世為中山監已上外為太守于都品登于男者為族若本非大人而皇始以來三世有令已上

外為副將于都太守品登侯已上者亦為族皆具由來擬姓族呈聞

壬辰封始平王勰為彭城王復封定襄王鸞為平陽王二月辛丑幸華林聽訟于都亭壬寅詔自非金革皆聽終三年喪丙午詔畿內七十已上暮春赴京師將行養老禮庚戌幸華林聽訟于都亭癸丑詔介山之邑聽為寒食自餘禁斷三月丙寅宴羣臣及國老庶老于華林園詔國老黃耆已上假中山大夫郡守耆年以上假給

欽定四庫全書

南北史合注 卷八十九

事中縣令庶老直假郡縣各賜鳩杖衣裳丁丑詔諸中正各舉其鄉人望年五十已上守素衡門者授以令長夏五月丙子詔敦勸農功令畿內嚴加課督惰業者申以楚捷力田者具以名聞丙戌初營方澤于河陰遣使以太牢祭漢光武及明章三帝陵又詔漢魏晉諸帝陵各禁方百步不得樵蘇踐藉丁亥祀方澤秋七月廢皇后馮氏戊寅帝以久旱咸秩羣神自癸未不食至于乙酉是夜澍雨大洽丁亥詔求直言極諫

冊府元龜載詔曰朕以炎陽爽節輟膳三晨靈鑒誠
款曲流雲液永休勿休寧敢僭怠將有賢人湛德高
士凝棲雖加銓採未能詔致其精訪幽谷與茲賢彥
直言極諫輔予不及

在京之囚悉命條奏八月壬辰朔幸華林園親錄囚徒
咸降本罪二等決遣之戊戌幸嵩高甲寅還宮丁巳南
安王禎薨幸華林園聽訟九月戊辰車駕閱武于小平
津癸酉還宮丁亥將遣洛水入穀帝親臨觀庚寅晦日

欽定四庫全書

南北史合注
卷八十九

五

有蝕之冬十月戊戌以代遷之士皆為羽林武賁司州
之民十二夫調一吏為四年吏卒歲開番假以供公私
力役己酉曲赦京師十一月乙酉復封前汝陰王天賜
孫景和為汝陰王前京兆王太興為西河王十二月甲
子以西北州郡早儉遣侍臣巡察開倉賑恤乙丑開池
禁丙寅廢皇子恂為庶人戊辰置常平倉樂陵王思譽
知恒州刺史穆泰謀反不告削爵為庶人
二十一年春正月丙申立皇子恪為皇太子賜天下為

父後者爵一級己亥遣侍臣巡方省察問民疾苦黜陟
守宰乙巳北巡二月壬戌次于太原親見高年問所不
便乙丑詔并州士人年六十已上假以郡守癸酉車駕

至平城甲戌謁永固陵癸未行幸雲中庚寅還宮辛卯
謁金陵乙未南巡甲寅詔汾州賜高年爵各有差丙辰
次平陽使以太宰祭唐堯夏四月庚申幸龍門使以太
宰祭夏禹廟辛未幸長安壬申武興王楊集始來朝乙
亥親見高年問所疾苦丙子遣侍臣分省縣邑賑賜穀

欽定四庫全書

南北史合注
卷八十九

五

帛戊寅幸未央殿阿房宮遂幸昆明池癸未宋王劉昶
薨丙戌使以太宰祭漢帝諸陵五月己丑車駕旋汎渭
入河庚寅詔雍州士人百年已上假華郡太守九十以
上假荒郡八十以上假華縣七十已上假荒縣庶老以
年各減一等七十以上賜爵三級其營船夫賜爵一級
孤寡鰥貧各賜穀帛其孝友德義文武才幹悉仰貢舉
壬辰使以太宰祭周文王于鄴周武王于鎬癸卯遣使
祭華岳六月庚申車駕至自長安壬戌詔冀定瀛相濟

五州發卒士二十萬將南討癸亥司空穆亮遜位秋七月甲午立昭儀馮氏為皇后甲寅帝親為羣臣講喪服于清徽堂八月丙辰詔中外戒嚴壬戌立皇子愉為京兆王憚為清河王懷為廣平王戊辰講武于華林園庚辰車駕南討九月丙申詔司州洛陽實年七十以上無子孫六十以上無期貧不自存者給以衣食及不滿六十而有廢痼之疾無大功親窮困無以自療者皆于別坊遣醫救護給太醫師四人豫諸藥物療之辛丑帝雷欽定四庫全書

南北史合注 卷八十九

五

其先鋒自劾庚午車駕臨河遂東還戊寅還新野己卯親行營壘恤六軍以齊郡王子琛紹河間王若後是歲衛大高昌國遣使朝貢二十二年春正月癸未朔享羣臣于新野行宮丁亥拔新野降其太守劉思忌于宛魏書曰戊子齊湖陽戍主蔡道福辛卯緒陽戍主成公期壬辰舞陽戍主黃瑤起南鄉太守席謙相繼遁去庚戌幸南陽二月乙卯攻宛拔之南陽太守房伯王出降

南北史合注 卷八十九

五

諸將攻赭陽引師而南丁未車駕發南陽留太尉咸陽王禧前將軍元英攻之己酉車駕至新野冬十月丁巳四面進攻不剋詔左右軍築長圍守之乙亥追廢貞皇后林氏為庶人十一月甲午齊前軍將軍韓秀方等十五將來降丁酉大破齊軍于河北獲其將軍王伏保等於是人皆復業九十以上假以郡守六十五以上假以縣令新野民張瞎柵萬餘家拒守不下十二月庚申破之俘斬萬餘丁卯詔流徙之囚皆勿決遣登城之際令

庚午至自新野辛未詔以穰人首歸大順始終若一者給復三十年標其所居曰歸義鄉次降者給復十五年三月壬寅朔大破齊將崔慧景蕭衍軍于鄧城斬獲二萬餘庚寅行幸樊城觀兵襄沔耀武而還曲赦二荆魯辛丑行幸湖陽乙未次比陽戊申詔荊州諸郡民初次降附復同穰縣辛亥行幸懸瓠夏四月庚午發州郡兵二十萬期八月中旬集懸瓠趙郡王幹薨秋七月壬午

詔后之私府捐半六宮嬪御五服男女恒恤恒供亦令減半在戍之親三分省一以供賞是月齊明帝殂八月辛亥皇太子自京師來朝九月己亥帝以禮不伐喪詔反旆丙午車駕發懸瓠冬十月己酉朔曲赦二豫州殊死已上復民田租一歲十一月辛己幸鄴是歲高麗遣使朝貢

二十三年春正月戊寅朔朝享羣臣于鄴先是帝不豫至是有瘳庚辰羣臣上壽大饗于澄鸞殿壬午幸西門

欽定四庫全書

南北史合注 卷八十九

七

豹祠遂歷漳水而還戊戌車駕至自鄴癸卯行飲至策勳禮甲辰大赦太保齊郡王簡薨二月辛亥以長兼太尉咸陽王禧為太尉癸亥以中大將軍彭城王勰為司徒復樂陵王思譽本封齊將陳顯達攻陷馬園戊三月庚辰車駕南伐癸未次梁城丙戌帝不豫丁酉車駕至馬園戊戌頰戰破之己亥收其戎資億計諸將追奔漢水斬獲及赴水死者十八九庚子帝疾甚車駕北次穀塘原甲辰詔賜皇后馮氏死詔司徒勰徵太子于

魯陽踐阼以北海王詳為司空王肅為尚書令廣陽王嘉為左僕射尚書宋弁為吏部尚書與太尉咸陽王禧為右僕射任城王澄等六人輔政

魏書載甲辰詔曰我太祖丕丕之業與四象齊茂累聖重明屬厯寡昧兢兢業業思纂乃聖遺踪遷都嵩極定鼎河瀝庶南蕩甌吳復禮萬國以仰光七廟俯濟蒼生困窮早滅不永乃志公卿其善毗繼子隆我魏室不亦善歟

欽定四庫全書

南北史合注 卷八十九

七

夏四月丙午朔帝崩于穀塘原之行宮時年三十三秘諱至魯陽發喪還京師上謚曰孝文皇帝廟曰高祖五月丙申葬長陵
宋揚萬里揮塵云太祖乾德四年詔置守陵兩戶三年一祭以太牢又按錄云魏孝文葬永陵在陝西富平縣大誤資治通鑑註曰長陵在涇西涇西河南地讀後文明皇后傳自明若富平永陵乃西魏文帝陵也

帝幼有至性年四歲時獻文患癱帝親自吮膿五歲受禪悲泣不自勝獻文問其故對曰代親之感內切于心獻文甚歎異之文明太后以帝聰聖後或不利用馮氏將謀廢帝及於寒月單衣閉室絕食三朝台咸陽王禧將立之元丕穆泰李冲固諫乃止帝初不有憾惟深德丕等撫念諸弟始終曾無纖介悖睦九族禮敬俱深雖于大臣持法不縱然性寬慈進食者曾以熱羹覆帝手又曾於食中得蟲穢物並笑而恕之宦者先有譖帝于太

欽定四庫全書

南北史合注 卷八十九

五

后太后杖帝數十帝默受不自申明太后崩後亦不介意聽覽政事從善如流

冊府元龜載帝謂尚書等官曰臣稽古典章樹茲百職然尚書樞機是司豈惟總括百揆之得失實在於斯今年垂二周末嘗言朕一失亦未嘗進一賢而退一不肖此二事罪之大者 魏書劉昶傳載帝言曰國家本來有一事可歎臣下不肯公言得失是也今卿等宜各盡其心為君患不能納諫為臣患不能

盡忠

哀矜百姓

魏書刑罰志曰故事皆裸斬高祖以去衣裸體男女媻見非所謂齊以法而示以禮又以侯職千數重罪受求不列細過吹毛而舉皆罷之每有奏讞悉從降恕全命徙邊歲以千計京師決死獄歲竟不過五六州鎮亦減

欽定四庫全書

南北史合注 卷八十九

五

恒思所以濟益天地五郊宗廟二分之禮常必躬親不以寒暑為倦尚書奏素多自尋生百官大小無不留心務于周洽每言凡為人君患于不均不能推誠遇物苟能均誠胡越之人皆可親如兄弟嘗從容謂史官曰直書時事無諱國家人君威福自己始復不書將何所懼南北征巡有司奏請修道帝曰粗修橋梁通輿馬便止不須去草剗令平也凡所修造不得已而為之不為不急之事重損人力巡幸淮南如在內地軍事須伐人樹者必留絹酬其直苗稼無所傷踐諸有禁忌穰厭之方

非典籍所載者一皆除罷雅好讀書手不釋卷五經之義覽之便講學不師授採其精奧史傳百家無不該涉善談莊老尤精釋義才藻富瞻好為文章詩賦銘頌任興而作有大文章馬上口授及其成也不改一字自太和十年已後詔冊皆帝文也自餘文章百有餘篇

魏書曰高祖留意文史文章百篇冠絕終古 隋書經籍曰後魏孝文頗效屬辭未能變俗例皆淳古

愚謂文字中能兼淳古正人所難及恐孝文猶未臻

欽定四庫全書

南北史合注 卷八十九

此耳史何言之易哉

愛奇好士情飢渴待納朝賢隨下輕重常寄以布素之意悠悠玄邁不以世武嬰心又少善射僕有膂力年十餘能以指彈碎羊膊骨射禽獸莫不隨行所至而斃之至十五便不復殺生射獵之事悉止性儉素常服澣濯之衣鞞勒鐵木而已帝之雅志皆此類也

魏書天象志曰帝方修禮儀正喪服經人倫之化竟未就而崩少君嗣立事復寢播紳先生咸哀慟之

論曰有魏始基代朔廓平南夏闢土經世咸以威武為

業文教之事所未遑也孝文纂承洪緒早著嚴聖之風時以文明攝事優游恭己玄覽獨得著自不言神契所標已早符于冥化及躬總大政一日萬幾十許年間曾不暇給殊途同歸百慮一致夫生靈所難行人倫之高迹雖尊居黃屋盡蹈之矣若乃欽明稽古協御天人帝王制作朝野軌度斟酌用舍煥乎其有文章海內黔黎咸受耳目之賜加以雄才大略愛奇好士視下如傷役

欽定四庫全書

南北史合注 卷八十九

已利物亦無得而稱之其經緯天地豈虛謚哉

魏書崔僧淵傳曰僧淵自宋入國累官征東大將軍蕭鸞遣其族兄惠景遺書說以入國之屈規今改圖僧淵復書曰主上為人無幽不昭無細不存仁則無遠不及博則無典不究彈三墳之微盡九丘之極文章錯綜煥然蔚炳若夫子之牆矣遂開獨悟之門尋先王之迹焉惟新中壤之宅三光起重輝之炤庶物蒙再造之恩始分氏定族料甲乙之科班官命爵清

允流之貫禮俗之敘燦然復興河洛之間重隆周道
巷歌里頌朝熙門穆文士競謀于廟堂武夫効勇于
疆場若論事勢此其實矣計彼主括齊篡弒人鬼同
知兄投心逆即千載何名見機而作其在茲乎賈不
及時雖貴不用若不早圖將枉連城讀僧淵此傳可
括孝文美德故錄于後
或問孝文王通曰可與興化矣中國之道不替孝文
力也又曰太和之政近雅矣

欽定四庫全書

南北史合注
卷八十九

五

南北史合注卷八十九

欽定四庫全書

南北史合注卷九十

明 李清 撰

魏本紀第四

北史四

世宗宣武皇帝諱洛孝文皇帝第二子母高夫人初夢
為日所逐避於牀下日化為龍繞已數匝寤而驚悸遂
有娠太和七年閏四月生於平城宮二十一年正月丙
申立為皇太子二十三年四月丙午孝文帝崩丁巳太

欽定四庫全書

南北史合注
卷九十

子即皇帝位大赦諒闇委政宰輔六月乙卯分遣侍臣
巡行州郡問民疾苦考察守令黜陟幽明褒禮名賢戊
辰追尊皇妣曰文昭皇后秋八月戊申遵遺詔孝文皇
帝三夫人已下悉免歸家癸丑增官臣位一級冬十月
癸未鄧至國王象舒彭來朝丙戌謁長陵丁酉享太廟
十一月幽州人王惠定聚眾反自稱明法皇帝刺史李
肅捕斬之是歲州鎮十八水饑分遣使者開倉賑恤高
麗國兩遣使朝貢

是歲齊主寶卷永元元年

景明元年春正月辛丑朔日有蝕之壬寅謁長陵乙巳
大赦改元丁未齊豫州刺史裴叔業以壽春內屬二月
戊戌復以彭城王勰為司徒齊將胡松李居士軍屯宛
陳伯之水軍逼壽夏四月丙申司徒彭城王勰車騎將
軍王肅大破之己亥皇弟悅薨五月甲寅北鎮饑遣兼
侍楊播巡撫開倉賑恤六月丙子以司徒彭城王勰為
大司馬秋七月己亥朔日有蝕之齊將陳伯之寇淮南

欽定四庫全書

南北史合注
卷九十

三

八月乙酉彭城王勰破伯之於肥口九月齊州人柳世
明聚眾反冬十月丁卯朔謁長陵庚寅齊兗二州討世
明平之丁亥改授彭城王勰司徒錄尚書事十一月丁
巳陽平王頤薨是歲州鎮十七大饑分遣使者開倉賑
恤高麗吐谷渾等國並遣使朝貢

二年春正月丙申朔謁長陵庚戌帝始親政遵遺詔聽
司徒彭城王勰以王歸第進太尉咸陽王禧位太保以
司空北海王詳為大將軍錄尚書事丁巳引見羣臣於

太極前殿告以覽政之意壬戌以太保咸陽王禧位太

尉以大將軍廣陵王羽為司空分遣大使黜陟幽明二
月庚午進宿衛之官位一級甲戌大赦三月乙未朔詔
以此年連有軍旅正調之外皆蠲罷辛亥詔尚書申明
條制申下諸州刺史速清淹獄壬戌青齊徐兗四州大
饑民死者萬餘口是月齊雍州刺史蕭衍奉其南康王
寶融為主東赴建業夏五月壬子廣陵王羽薨壬戌太
保咸陽王禧謀反賜死六月丁亥考諸州刺史加以黜

欽定四庫全書

南北史合注
卷九十

三

陟秋七月癸巳朔日有蝕之乙巳柔然犯塞辛酉大赦
九月丁酉發畿內夫五萬五千人築京師三百二十坊
四旬罷己亥立皇后于氏乙卯免壽春營戶並隸揚州
冬十一月丙申以驃騎大將軍穆亮為司空丁酉以大
將軍北海王詳為太傅領司徒壬寅改築圓丘於伊水
之陽乙卯仍有事焉十二月齊直後張齊殺其主蕭寶

卷以降蕭衍是歲高麗吐谷渾等國並遣使朝貢
是歲齊和帝中興元年

三年春二月戊寅以早故詔州郡掩骸骨三月齊建安王蕭寶夤來奔夏四月詔撫軍將軍李崇討魯陽反蠻齊主蕭寶融遜位於梁閏四月丁巳司空穆亮卒秋七月丁巳朔日有蝕之八月癸卯齊江州刺史陳伯之請降丁卯以前太傅平陽公元丕為三老九月丁巳行幸鄴丁卯詔使者弔比干墓戊寅閱武於鄴南冬十月庚子帝躬御弧矢射遠及一里五十步羣臣勒銘於射所甲辰車駕還宮

欽定四庫全書

南北史合注 卷九十

四

魏書載冬十有一月己卯詔京洛兵蕪歲踰十紀先皇定鼎舊都惟新魏歷剪掃遐荒創茲雲構鴻功茂績規模長遠今廟社及建宮極斯崇便當以來月中旬蠲吉徒御仰尋遺意感慶文衷既禮盛周宣斯干之制事高漢祖壯禮之儀可依典故備茲考古以稱遐邇人臣之望 魏書載冬十有二月戊子詔曰民本農桑國重蠶籍染戚所憑冕織攸寄比京邑初基耕桑暫缺遠規往旨宜必祇修今寢殿顯成移御惟

始春郊無遠拂羽有辰便可表營千畝開設宮壇秉耒授筐躬勸億兆

壬寅以太極前殿初成饗羣臣賜布帛有差是歲河州大饑死者二千餘口西域二十七國並遣使朝貢是歲梁武帝天監元年

四年春正月乙亥親耕籍田三月己巳皇后先蠶於北郊四月癸未朔蕭寶夤為東揚州刺史封丹陽郡公齊王庚寅南天竺國獻辟支佛雅戊戌為旱故命鞠寃獄

欽定四庫全書

南北史合注 卷九十

五

魏書載戊戌詔曰酷吏為禍綿古同患孝婦淫刑東海隻壤今不雨上旬意者有寃獄乎尚書鞠京師見因務盡聽察之理

己亥減膳徹聽辛丑澍雨大洽五月甲戌行梁州事楊椿大破反氐六月壬午朔封皇帝悅為汝南王秋七月乙卯三老平陽公元丕卒庚午詔復收鹽池利辛未以彭城王勰為太師八月勿吉國貢楷夫冬十一月己未封武興國世子楊紹先為武興王

正始元年春正月丙寅大赦改元夏五月丁未朔太傅
北海王詳以罪廢為庶人六月以旱故徹樂減膳癸巳
詔有修案舊典祇行六事

魏書載詔曰朕政刑多舛陽旱六旬京甸楷瘁在予
之責有司可循案舊典祇行六事因園寬滯平處決
之庶尹廢職重加修舉鰥寡困窮在所存恤役賦殷
煩咸加蠲省賢良正直以禮進之貪殘佞諛時加屏
黜男女怨曠務令遵會稱朕意焉

欽定四庫全書

南北朝史合注
卷九十

六

甲午帝以旱故親薦享於太廟戊戌詔立周旦夷齊廟
於首陽山庚子以旱故公卿以下引咎責躬又錄京師
見囚殊死已下皆減一等鞭朴之坐悉原之秋七月丙
子假鎮南將軍李崇大破諸蠻八月丙子假鎮南將軍
元英破梁將馬仙埤於義陽詔洛陽令有大事聽面數
奏乙酉元英攻拔義陽辛卯英又大破梁軍仍請三關
丁酉封英為中山王九月詔諸州蠲停徭役不得橫有
徵發柔然犯塞詔左僕射源懷討之冬十月乙未詔斷

羣臣白衣募吏十一月戊午詔有司依漢魏舊章營繕
國學

魏書載詔曰古之哲王莫不崇建膠序開訓國書昭
宣三禮崇明四術使道暢羣邦風流萬宇自皇基徙
構光宅中區軍國務殷未遑經建靜言思之有慙古
烈可敷有司依漢魏舊章營建國學

十二月丙子以苑牧公田分賜代遷戶已卯詔羣臣議
定律令閏月癸卯朔行梁州事夏侯道遷居漢中未降

欽定四庫全書

南北朝史合注
卷九十

七

乙丑以高陽王雍為司空是歲高麗遣使來朝貢
二年春正月丙子封宕昌世子梁彌博為宕昌王二月梁州
氏蜀反絕漢中運路州刺史邢巒頻大破之
魏書靈徵書曰是年三月徐州蠶織食人厄殘者一
百十餘人元者二十二
夏四月己未城陽王鸞薨己丑詔曰任賢明治自昔通
規而中正所銓但為門第吏部曩倫乃不才舉遂使英
德罕升司務多滯不精厥選將何考陟八座可審議往

代推賢之休必會才學並申資望兼致邢巒遣統軍王足西伐頻破梁諸軍遂入劍閣

魏書曰六月己丑詔錄先朝勲臣後隨才銓序又詔

尚書李崇太府卿于忠散騎常侍游肇諫議大夫鄧

羨俱為大使分斷外州畿內各守令咎失彰露者即

使施決州鎮重職聽為表聞

秋七月戊子王足擊破梁軍因逼涪城八月壬寅詔中

山王英南討襄沔冬十一月戊辰朔武興王楊紹先叔

欽定四庫全書

南北史合注 卷九十

父集起謀反詔光祿大夫楊椿討之王足圍涪城益州

諸郡戍降者十二三送編籍者五萬餘戶既而足引軍

退是歲鄧至國遣使朝貢

三年春正月丁卯朔皇子昌生大赦壬申梁秦二州刺

史邢巒連破氏賊尅武興秦州人王智等聚眾自號王

公尋推秦州主簿呂苟兒為主年號建明己卯楊集起

兄弟相率降二月丙辰詔求謙言戊午詔右衛將軍元

麗討呂苟兒三月己巳以戎旅興詔停諸作己卯樂良

王長命坐殺人賜死庚寅平南將軍曲江縣公陳伯之

自梁城南奔夏四月丁未詔罷鹽池禁五月丙寅詔以

時澤未降春稼已旱或有孤老饑疾無贍救因以致死

暴露溝塹者令洛陽部尉依法棺埋秋七月庚辰元麗

大破秦賊降呂苟兒及其王公三十餘人秦涇二州平

戊子中山王英大破梁徐州刺史王伯敷於陰陵己丑

詔發定冀瀛相肆六州卒十萬以濟南軍八月壬寅安

東將軍邢巒破梁將桓和於孤山諸將所在克捷兗州

欽定四庫全書

南北史合注 卷九十

平壬戌曲赦涇秦岐梁河五州九月癸酉邢巒大破梁

軍於宿豫徐州平己丑中山王英大破梁軍於淮南遂

攻鍾離冬十一月甲子帝為京兆王愉清河王懌廣平

王懷汝南王悅講孝經於武乾殿是歲高麗柔然國並

遣使朝貢

四年夏四月戊戌鍾離大水中山王英大敗而還六月

己丑朔詔有司準前式置國子立太學樹小學於四門

魏書載詔曰高祖徙縣中區光宅天邑戎繕兼興未

遣儒教朕思模聖規述遵先志可勅有司準訪前式

置國子立太學樹小學於四門

秋八月己亥中山王英齊王蕭寶實坐鍾離敗除名辛

丑敦煌民饑詔開倉賑恤九月己未詔以徙正宮極庸

績未酬以司空高陽王雍為太尉尚書令廣陽王嘉為

司空百官悉進位一級庚申夏州長史曹明謀反伏誅

甲子開斜谷舊道丙戌司州民饑詔開倉賑恤閏月甲

午禁司馬大門不得車馬出入冬十月丁卯皇后于氏

欽定四庫全書

南北史合注
卷九十

崩乙酉葬順皇后十一月丁未自碣石至於劍關東西

七千里置二十二郡尉十二月戊午詔兵士鍾離沒落

者復一房田租三年是歲西域東夷四十餘國並遣使

朝貢

永平元年春三月戊子皇子昌薨丙午以去年旱儉遣

使者所在賑恤夏五月辛卯帝以旱故減膳徹懸六月

壬申詔依洛陽舊圖修聽訟觀當與王公卿士親臨錄

問秋七月甲午立夫人高氏為皇后乙未詔以諸獄官

枷杖違制付尚書精檢以聞八月壬子朔日有蝕之癸

亥冀州刺史京兆王愉據州反丁卯大赦改元九月丙

戌復前中山王英本封戊戌賜太師彭城王勰死癸卯

假鎮北將軍李平尅信都擒愉送京師冀州平冬十月

丁巳詔復北海王詳本封葬以王禮豫州彭城人白早

生殺刺史司馬悅據城南叛十二月己未尚書邢巒尅

懸軻斬早生擒梁將齊苟兒等是歲北狄東夷西域十

八國並遣使朝貢高昌國王麴嘉表求內徙

欽定四庫全書

南北史合注
卷九十

二年春正月中山王英拔梁武陽關進攻黃峴西關皆

克之涇州沙門劉慧汪聚眾反詔華州刺史奚康生討

之夏四月己酉武州鎮饑詔開倉賑恤甲子詔緣邊州

鎮自今一不聽寇盜境外犯者罪同境內

魏書載詔曰聖人濟世或正或權理無恒在先廟以

雲駕甫遷嵩基始構河洛民庶徒內未安伊闕西南

羣蠻填聚汚陽賊城連邑作戍蠢爾愚巴心未純歎

故暫抑造育之仁權緩肅奸之法今京師天固與昔

不同楊荆郢益悉皆我有保險諸蠻罔不歸附商洛
民情誠倍往日唯襄懋已南仁乖道政被拘留化非
民之咎而無賴之徒輕相劫掠屠害良善離人父兄
便可放彼掠民示其大惠捨此殘賊未令之愆并勅
緣邊州鎮自今以後不聽緣邊寇盜犯者罪同境內
若州鎮諸將知容不糾坐之如律

五月辛丑帝以旱故減膳徹懸禁斷屠殺甲辰幸華林
都亭錄因徒死罪以下降一等六月辛亥詔曰江海方

欽定四庫全書

南北史合注
卷九十

同車書宜一諸州軌輒南北不等今可申敕四方遠近
無二秋八月丙午朔日有蝕之戊申以鄧至國世子像
覽蹄為其國王九月辛巳封故北海王子顥為北海王
壬午詔定諸門閨名冬十月以廣陽王嘉為司徒庚午
郢州獻七寶林詔不納

冊府元龜曰郢州刺史韓務獻七寶林象牙白席詔
曰晉武却雉頭裘服朕嘗嘉之今務所獻亦此類也
奇麗之物有乖佩素可付其家人

冬十一月甲申詔禁屠殺合孕以為永制己丑帝於式
乾殿為諸僧朝臣講維摩詰經十二月詔五等諸侯其
同姓者出身公正六下侯從六上伯從六下子正七上
男正七下異族出身公從七上侯從七下伯正八上子
正八下男從八上清修出身公從八下侯正九上伯正
九下子從九上男從九下是歲西域東夷二十四國並
遣使朝貢

三年春二月壬子秦州沙門劉光秀謀反州郡捕斬之

欽定四庫全書

南北史合注
卷九十

癸亥秦州隴西羌殺鎮將趙儁反州軍討平之三月丙
戌皇子誦生大赦夏四月平陽郡之禽昌襄陵二縣大
疫自正月至此月死者二千七百三十人五月丁亥冀
定二州旱儉詔開倉賑恤六月壬寅詔重求遺書於天
下冬十月辛卯中山王英薨丙申詔太常立館使京畿
內外疾病之徒咸令居處嚴勅醫署分師救療考其能
否而行賞罰又經方浩博卒難窮究令有司集諸醫工
惟簡精要取三十卷以班九服十二月辛巳江陽王繼

坐事除名甲申詔於青州立孝文皇帝廟殿中侍御史
王敞謀反伏誅是歲西域東夷北狄十六國並遣使朝
貢

四年春正月丁巳汾州劉龍駒聚眾反詔諫議大夫薛
和討之二月壬午青齊徐兗四州民饑甚遣使賑恤三
月壬戌司徒廣陵王嘉薨夏四月梁遣其鎮北將軍張
稷及馬仙琕寇朐山詔徐州刺史盧昶率眾赴之五月
己亥遷代京銅龍置天泉池西秋七月癸巳勿吉國貢

欽定四庫全書

南北史合注
卷九十

十四

楷矢丙辰詔禁天文學冬十月朐山城陷盧昶大敗而
還十二月壬戌朔日有蝕之是歲西域東夷北狄二十
九國並遣使朝貢

延昌元年春正月乙巳以頻年水旱百姓饑敝分遣使
者開倉賑恤丙辰以尚書令高肇為司徒清河王懌為
司空三月甲午州郡十一大水詔開倉賑恤以京師穀
貴出倉粟八千萬石以賑恤貧者己未安樂王鈐薨夏
四月詔以早故斷食粟之畜丁卯詔曰遷京嵩縣年將

二紀虎闌缺唱演之音四門絕講訟之業博士端然虛
祿靜言念之有兼愧慨可嚴勅有司國之學孟冬使太

學四門明年暮春令就戊辰以早故詔尚書與羣司鞠
理獄訟辛未詔河北民饑就穀六鎮丁丑帝以早故減
膳徹懸癸未詔曰肆州地震陷裂死傷甚多亡者不可
復追生病宜加療救可遣太醫折傷醫并給所須藥就
療乙酉大赦改元詔立理訥殿申訟車以盡究窮之理
五月丙午詔天下有粟之家供年之外悉貸饑民自二

欽定四庫全書

南北史合注
卷九十

十五

月不雨至於是月己未晦日有蝕之六月壬申澍雨大
洽戊寅通河南北馬之禁庚辰詔出太倉粟五十萬石
以賑京師及州郡饑民秋八月丁亥勿吉國獻楷矢冬
十月乙亥立皇子詡為皇太子十一月丙申詔以東宮
建賜天下為父後者爵一級孝子順孫廉夫節婦旌表
門閭量給粟帛十二月己巳詔守宰為御史所彈過赦
免者及考在中第皆代之是歲西域東夷十國並遣使
朝貢

二年春正月戊戌帝御申訟車親理寃訟二月丙辰朔
 賑恤京師貧民甲戌以六鎮大饑開倉拯贍已卯進太
 尉高陽王雍位太保閏月辛丑以苑牧之地賜代遷民
 無田者是春民饑死者數萬口夏四月庚子以絹十五
 萬疋賑河南郡饑民五月甲寅朔日有蝕之是月壽春
 大水遣平東將軍奚康生等步騎數千赴之六月乙酉
 青州民饑詔有司開倉賑恤甲午曲赦揚州辛亥帝御
 申訟車親理寃訟是夏十三郡大水秋八月辛卯詔以

欽定四庫全書

南北史合注
卷九十

十五

水旱饑饉百姓多陷罪辜降死已下刑九月丙辰以貴
 族豪門崇習奢侈詔尚書嚴立限級節其流宕冬十月
 詔以恒肆地震民多死傷重丐一年租賦十二月丙戌
 丐洛陽河陰二縣租稅乙巳詔以恒肆地震民多難災
 其有課丁沒盡老幼單立家無受復者各賜廩粟以接
 來稔是歲東夷西域十餘國並遣使朝貢

三年春二月乙未詔曰肆州秀容郡數城縣鴈門郡平
 原縣並自去歲四月以來山鳴地震於今不已告譴彰

咎朕甚懼焉可恤瘼寬刑以答災譴夏四月青州民饑
 辛巳開倉賑恤乙巳帝御申訟車親理寃訟秋八月甲
 申帝臨朝堂考百司而加黜陟冬十一月辛亥詔司徒
 高肇為大將軍平蜀大都督率十五萬步騎西伐益州
 丁巳幽州沙門劉僧紹聚眾反自號淨居國明法王州
 郡捕斬之十二月庚寅詔立明堂是歲東夷西域八國
 並遣使朝貢

四年春正月甲寅帝不豫丁巳崩於式乾殿時年三十

欽定四庫全書

南北史合注
卷九十

十六

三

金石錄云魏書載宣武以太和七年生景明四年帝
 年二十而御射碑言年十七當以碑為據然則宣武
 終於延昌四年蓋三十五歲而史以為三十三誤

二月甲戌朔上諡曰宣武皇帝廟號世宗甲午葬景陵
 帝幼有大度喜怒不形於色雅性儉素初孝文欲觀諸
 子志尚大陳寶物任其所取京兆王愉等皆競取珍玩
 帝惟取骨如意而已孝文大奇之及庶人恂失德孝文

謂彭城王勰曰吾固疑此兒有非常志相今果然矣乃見立為儲貳雅愛經史尤精釋義每至講論終夜忘疲善風儀美容貌臨朝深嘿端嚴若神有人君之量矣

肅宗孝明皇帝諱詡宣武皇帝第二子母胡充華永平三年三月丙戌生於宣光殿之東北有光炤於庭中延昌元年十月乙亥立為皇太子四年正月丁巳宣武帝崩是夜太子即皇帝位戊午大赦已未徵下西討東防諸軍庚申詔太保高陽王雍入居西柏堂決庶政以任

欽定四庫全書

南北史合注 卷九十

十一

城王澄為尚書令百官總已以聽二王二月庚辰尊皇后高氏為皇太后辛巳司徒高肇至京師以罪賜死癸未進太保高陽王雍為太傅領太尉以司空清河王懌為司徒以驃騎大將軍廣平王懷為司空乙亥尊胡充華為皇太妃三月甲辰朔皇太后出俗為尼徙御金墉城丙辰詔進宮臣位一級己丑詔進文武羣官位一級夏六月沙門法慶聚眾反於冀州殺阜城令自號大乘秋八月乙亥領軍于忠矯詔殺左僕射郭祚尚書裴植免

太傅高陽王雍官以王還第丙子尊皇太妃為皇太后戊子帝朝太后於宣光殿大赦己丑進司徒清河王懌為太傅領太尉以司空廣平王懷為太保領司徒任城王澄為司空庚寅以車騎大將軍于忠為尚書令特進崔光為車騎大將軍並儀同三司壬辰復江陽王繼本國復濟南王或先封為臨淮王羣臣奏請皇太后臨朝稱制九月乙巳皇太后親覽萬幾甲寅征西大將軍元遜破斬法慶傳首京師安定王燮薨冬十月庚午朔勿

欽定四庫全書

南北史合注 卷九十

九

吉國貢楷夫乙酉以安定公胡國珍為中書監儀同三司辛丑以高陽王雍為太師乙酉鎮南將軍崔亮破梁將趙祖悅軍遂圍硤石丁卯帝皇太后謁景陵是歲東夷西域北狄十八國並遣使朝貢熙平元年春正月戊辰朔大赦改元荆沔都督元志大破梁軍以吏部尚書李平為台節度討硤石諸軍三月乙巳鎮東將軍蕭寶夤大破梁將於淮北癸亥初聽秀才對策第中上以上敎之乙丑鎮南崔亮鎮東李平等

剋破石斬趙祖悅傳首京師盡俘其眾三月戊辰朔日
有蝕之夏四月戊戌以瀛州民饑開倉賑恤五月丁卯
朔以炎旱明釐察獄訟權停作役庚午詔放華林野獸
於山澤秋七月庚午重申殺牛禁

冊府元龜曰是年詔遣沙門惠生使西域採諸經律
時帝於城內大社西起永寧寺太后親率百寮表基
立制佛圖九層高四十餘丈費用不可勝記

八月丙午詔古帝諸陵四面各五十步勿聽耕稼

欽定四庫全書

南北史合注
卷九十

魏書載詔曰先賢列聖仁風盛德煥乎圖史暨歷數

永終陵隧香藹鞠為茂草古帝諸陵多見踐踏明敕
所在諸有帝王墳陵四面各五十步勿聽耕稼

九月丁丑淮堰破梁緣淮城戍村落十餘萬口皆漂入
海是歲吐谷渾宕昌鄯至高昌陰平等國並遣使朝貢
二年春正月大乘餘賊復相聚攻瀛州刺史宇文福討
平之甲戌太叔庚寅詔遣大使巡行四方問疾苦恤孤
寡黜陟幽明二月丁未封御史中尉元匡為東平王三

月丁亥太保領司徒廣平王懷薨

魏書禮志載是月詔以太武皇帝神武纂業克清禍
亂可配南郊孝文皇帝惟新魏道刑措勝殘宜配明
堂

夏四月丁酉詔京尹所統年高者板賜郡各有差戊申
以開府儀同三司胡國珍為司徒乙卯皇太后幸伊闕
石窟寺即日還宮改封安定王超為北平王五月

魏書詔曰揚破石荆山斬淮郡城兵士戰沒者追給

欽定四庫全書

南北史合注
卷九十

斂財復一房五年若無妻子復其家人二年身被三

瘡賞一階雖一瘡而四體廢落者一同此賞

庚辰重申天文禁犯者以大辟論秋七月乙亥儀同三
司汝南王悅坐殺人免官以王還第己巳享太廟八月
戊戌宴道武以己宗室年十五以上於顯陽殿申家人
禮

冊府元龜載詔曰皇魏開基帝崩繁衍親賢並茂而
猶沈屈素里曲褐衡門何以翼屏王室今可依世近

序之列位

己亥詔庶族子弟年未十五不聽入仕庚子詔咸陽京兆二王子女還附屬籍

冊府元龜載詔曰周德崇厚蔡仲享國漢道仁恕淮南畢王皆所以申恩赦咸蠲盪舊釁義彰叢策詠流前史咸陽京兆兩門諸子並可聽附屬籍

丁未詔太師高陽王雍入居門下參決尚書奏事丙寅詔自今月望當出城闈親納滯枉冬十月以幽冀滄瀛

欽定四庫全書

南北史合注
卷九十

五

光五州饑遣使巡撫開倉賑恤丁酉年呂國貢楛矢

魏書載乙卯詔曰北京根舊帝業所基南遷二紀猶

有留住懷本樂故未能自遣若未遷者悉可聽其仍

停安堵永業門才術藝應於時求者自別徵引不在

斯例周之子孫漢之列族徧於海內豈拘南北千里

而已哉 魏書靈徵志載十一月己未并州表送祁

縣民韓僧真女令姬從母右脇生胡太后詔付掖庭

是歲東夷西域氏羌等十一國並遣使朝貢

神龜元年春正月甲子詔以氏酋楊定為陰平王壬申

詔給京畿老人板郡縣各有差及賜鰥寡孤獨粟帛庚

辰詔以雜役戶或冒入清流所在職人皆令五人相保

無人任保者奪官還役乙酉秦州羌反幽州大饑死者

三千七百九十人詔刺史開倉賑恤二月己酉詔以神

龜表瑞大赦改元東益州氏反三月南秦州氏反夏四

月丁酉司徒胡國珍薨甲辰改封江陽王繼為京兆王

六月自正月不雨是月辛卯澍雨乃降秋七月河州人

欽定四庫全書

南北史合注
卷九十

五

却鐵忽聚眾反自稱水池王閏月甲辰開恒州銀山禁

八月癸丑朔詔京師見囚殊死以下悉減一等

魏書載丁巳詔曰頃年以來戎車頻動服制未終奪

哀從役罔極之痛弗申鞠育之恩靡報非所謂敦崇

至道者也自今雖金革之事皆不得請起居喪

甲子却鐵忽詣行臺源之恭降九月戊申皇太后薨故

皇太后高氏於理光寺冬十月丁卯以尼禮葬芒山十

二月辛未詔曰民生有終下歸兆域京邑隱賑口盈億

萬貴賤攸憑未有定所今制乾脯山以西擬為九原是
歲東夷西域北狄十一國並遣使朝貢

二月春正月辛巳朔日有蝕之丁亥詔曰皇太后攝謙

自居稱號弗備宜遵舊典稱詔字內以副元元之望是

月改葬文昭皇太后高氏

魏書禮儀志載胡太后與服總既葬而除

二月乙丑齊郡王祐薨庚午羽林千餘人焚征西將軍

張彞第毆傷彞焚殺其子均乙亥大赦丁丑詔求直言

欽定四庫全書

南北史合注
卷九十

壬寅詔以旱故命依舊雩祈察理冤獄掩將埋骸賑窮

恤寡三月甲辰澍雨大洽夏五月戊戌以司空任城王

澄為司徒京兆王繼為司空秋八月乙未御史中尉東

平王匡坐事削除官爵九月庚寅皇太后幸嵩高山癸

巳還宮冬十二月癸丑司徒任城王澄薨庚申大赦詔

除淫祀焚諸雜神是歲吐谷渾宕昌獫狁等國並遣使

朝貢

正光元年春正月乙亥朔日有蝕之

魏書載乙酉詔曰建國緯立教為本來歲仲陽節和

氣潤釋奠孔顏此其時也有司可豫繕國學圖飾聖

賢置官簡姓擇吉備禮

夏四月丙辰詔尚書長孫承業巡撫北蕃觀察風俗五

月辛巳以炎旱故詔八座鞠見囚申枉濫

魏書曰癸未詔刺史守令撫恤窮寃理決庶獄其賦

役不便於民者具以狀聞

秋七月丙子侍中元乂中常侍劉騰奉帝幸前殿矯皇

欽定四庫全書

南北史合注
卷九十

太后詔歸政遜位

魏書載詔曰我高祖孝文皇帝世宗宣武皇帝鴻勳

未半俱早登遐車書弗同冠盜尚熾幼主稚弱風纂

寶歷朕敬順羣請臨朝總政帝年已長久思退身所

往歲殷勤具陳情旨而僉爾眾意苦見勤奪龜俛從

事以迄於茲自此春來先疾屢發夏首及今數加動

劇便不堪日矻萬務巨細兼省帝苗周星紀識學逾

躋足以撫輯萬邦朕當率前志敬遜別宮遂惟復子

明辟之義以自縊養實望羣公逮於黎庶深鑒斯理

乃幽皇太后北宮殺太傅清河王懌總勤禁旅決事殿

中辛卯帝加元服大赦改元內外百官進位一等八月

甲寅相州刺史中山王熙舉兵欲討又騰不果見殺九

月壬辰柔然主阿那環來奔戊戌以太師高陽王雍為

丞相冬十月乙卯以儀同三司汝南王悅為太尉十一

月己巳詔封阿那環為朔方郡公柔然王十二月壬子

詔送柔然王阿那環歸國如不容受任聽送關辛酉以

欽定四庫全書

南北史合注 卷九十

司空京兆王繼為司徒

洛陽迦藍記曰是歲沙門惠生自西域還得梵經論

一百七十部 梁普通元年

二年春正月南秦州氐反二月車駕幸國子學講孝經

三月庚子幸國子學祠孔子以顏回配甲午右衛將軍

奚康生於禁中殺元又不果為人所害以儀同三司劉

騰為司空夏四月庚子進司徒京兆王繼為太保壬寅

以儀同三司崔光為司徒五月丁酉朔日有蝕之秋七

月己丑以旱故詔有事修案舊典祇行大事

魏書載六事云決圍枉修廢職恤困窮蠲賦役進賢

良黜貪邪偶怨曠

八月己巳柔然後主郁久閭侯匡伐來奔懷朔鎮十二

月甲戌詔司徒崔光安豐王延明等議定服章庚辰以

東益南秦州氐反詔河間王琛討之失利是歲焉耆居

密波期高昌勿吉伏羅高車等國並遣使朝貢

三年春正月辛丑帝耕籍田夏四月庚寅以高車國主

欽定四庫全書

南北史合注 卷九十

覆伊葛為鎮西將軍西海郡公高車國王五月壬辰朔

日有蝕之六月己巳以旱故詔分遣有司馳祈嶽瀆及

諸山川百神能興雲雨者命理寬撤止土功減膳徹懸

禁止屠殺冬十一月己丑朔日有蝕之乙巳祀圓丘丙

午詔班歷大赦十二月癸酉以太保京兆王繼為太傅

司徒崔光為太保是歲波期不溪龜茲吐谷渾並遣使

朝貢

四年春二月壬申追封故咸陽王禧為敷城王京兆王

愉為臨洮王清河王懌為范陽王以禮加葬丁丑河間王琛章武王融並以貪汙削爵除名己卯柔然阿那環率眾犯塞遣尚書左丞元孚為北道行臺持節喻之柔然後主郁久閭侯匿伐來朝司空劉騰卒夏四月阿那環執元孚北適秋

魏書載秋七月辛亥詔曰崇敬黃考先代通訓故方叔以元老處位充國以自彊見留雖七十致仕明乎典故然以德尚壯許其摯維令庶僚之中或年迫懸

欽定四庫全書

南北史合注 卷九十

五

車循禮宜退但少收其功棄其身言念勸舊惓然未忍或戴白在野未當外任或停私歷紀甫受考級如此之徒雖滿七十聽其蒞民以終常限或新解郡縣或外任始停已滿七十方求更敘者吏部可依令不奏其有高名俊德老成髦士灼然顯達者不拘斯例若才非秀異見在朝官依令合解者可給本官半祿以終其身使辭朝之叟不恨歸於閭巷矣
八月癸未追復故范陽王懌為河間王九月丁酉詔太

尉汝南王悅入居門下與丞相高陽王雍參決尚書奏事冬十一月癸未朔日有蝕之丙申趙郡王謚薨丁酉太保崔光卒十二月以太尉汝南王悅為太保徐州刺史北海王顥坐貪汙削爵除官是歲宕昌庫莫奚國並遣使朝貢

五年春正月辛丑帝祀南郊三月沃野鎮人破六韓拔陵反聚眾殺鎮將號真王元年夏四月高平酋長胡琛反自稱高平王攻鎮以應拔陵別將盧祖遷擊破之五月

欽定四庫全書

南北史合注 卷九十

五

都督北征諸將事臨淮王彧討拔陵敗於五原削除官爵壬申詔尚書令李崇為大都督率廣陵王琛等北討六月秦州城人莫折大提據城反自稱秦王殺刺史李彥大提尋死子念生代立僭號天子年號天建置立百官丁酉大赦秋七月甲寅詔吏部尚書元修義為西道行臺率諸將西討戊午復河間王琛臨淮王彧本封是月涼州幢帥于菩提呼延雄執刺史宋頽據州反念生遣其兄高陽王天生下隴東冠八月甲午雍州刺史元

志西討大敗於隴東退守岐州丙申詔諸州鎮軍元非
犯配者悉免為編戶改鎮為州依舊立稱

魏書載丙申詔曰賞貴宿勞明主恒德太祖道武皇

帝世祖太武皇帝躬率六師掃清蕪穢諸州鎮城人

本充牙爪服勤征旅遠顯祖獻文皇帝自此被南淮

海思又便差割疆族分衛方鎮高祖孝文皇帝將遠

伊洛規過北疆蕩闢南境選良家首冊增戍朔垂戎

捍所寄實惟斯等先帝以其成效既亮方加酬錫會

欽定四庫全書

南北史合注
卷九十

宛郢馳烽胸泗告警兵連積歲茲恩仍寢怨叛之興

頗由於此朕叨承乾歷思廣惠滌宜追述前恩敷茲

後施諸州鎮軍元非犯配者悉免為民鎮改為州

依舊立稱此等世習干戈率多勳勇今既甄拔應思

報効可三五簡發討彼沙隴妖黨狂醜必可蕩滌衝

鋒斬級自依恒賞

九月壬申詔尚書左僕射齊王蕭寶寅為西道行臺大

都督復撫軍北海王顥官爵為都督並率諸將西討乙

亥帝幸明堂饒寶黃等吐谷渾主伏連籌遣兵討涼州

于菩提走追斬之城人趙天安復推宋頴為刺史冬十

月營州城人劉安定執德興據城反執刺史李仲遵城

人王惡兒斬安定以降德興東走自號燕王十二月詔

太傅京兆王繼為太師大將軍率諸將西討莫折念生

汾州正平平陽胡叛逆詔復征東將軍章武王融封爵

為都督率眾討之莫折念生遣兵攻涼州城人趙天安

復執刺史以應之是歲噉噉契丹地豆干庫莫奚等國

欽定四庫全書

南北史合注
卷九十

並遣使朝貢

孝昌元年春正月庚申徐州刺史元法僧據城反自稱

宋王年號天啟遣其子景仲歸梁梁遣其將豫章王綜

入守彭城法僧擁其寮屬南入詔臨淮王彧尚書李憲

為都督安豐王延明為東道行臺俱討徐州癸亥蕭寶

黃及征西將軍崔延伯大破賊於黑水天生退走入隴

涇岐及隴悉平以太師大將軍京兆王繼為太尉二月

以鎮軍將軍元又為驃騎大將軍儀同三司詔追復故

樂良王長命爵以其子忠紹之戊戌大赦三月甲戌詔五品以上各薦所知夏四月辛卯皇太后復臨朝攝政引羣臣面陳得失

魏書載詔曰朕以寡昧夙承天歷神龜之未權臣擅命元又劉騰陰相影響遂使皇太后幽隔後宮太傅清河王無辜致害相州刺史中山王熙橫被夷滅右衛將軍奚康生仍見誅剪從此已後無可畏忌無君不臣緣事彌彰蔽耳目之明專生殺之柄此而可忍

欽定四庫全書

南北史合注 卷九十

五

孰不可懷雖屢經赦宥未容致之於法猶宜辨正以謝朝野騰身既往可追削爵位久之罪狀誠合嚴纏但以宗枝舊戚特加全貸可除名為民

壬辰征西將軍都督崔延伯大敗於涇川戰歿六月癸未大赦改元柔然主阿那環大破拔陵是夜諸將逼彭城蕭綜夜潛出降梁諸將奔退衆軍追躡免者十二三秋八月癸酉詔斷遠近貢獻珍麗違者免官柔玄鎮人杜洛周反於上谷年號真王九月乙卯詔減天下租賦

之半

魏書載辛酉詔曰追功表德為善者勸祖宗功臣勒銘王府而子孫靡替淪於凡民爵位無聞流遷有失潁川名守重泉令宰惠風善政結於民心而猶同常品未蒙褒陟非所謂愛及甘棠曩倫攸啟者也其功臣名將為先朝所知子孫屈塞不見齒故收守令長聲稱卓然者皆仰有司具以名聞朕將振彼幽滯用闡治風

欽定四庫全書

南北史合注 卷九十

五

壬戌詔五品以上各舉所知辛未曲赦南北秦州冬十月柔然遣使朝貢十一月辛亥詔父母年八十以上者皆聽居官祿養時四方多事諸蠻復反十二月壬午下詔親征山胡劉蠡升反自稱天子二年春正月庚戌封廣平王懷庶長子誨為范陽王壬子以太保汝南王悅領太尉是月五原鮮于修禮反於定州年號魯興詔左光祿大夫長孫稚為大都督與都督河間王琛北討二月庚申帝及皇太后臨大夏門觀

覽寬訟三月庚子追復中山王熙本爵以其子叔仁紹

之夏四月大赦戊申北討都督河間王琛長孫承業失

利奔還詔並免官爵五月丁未車駕將北討內外戒嚴

前給事黃門侍郎元畧自梁還朝封義陽王以丞相高

陽王雍為大司馬廣陽王淵為大都督率都督章武王

融北討修禮六月己巳曲赦齊州絳蜀陳雙熾聚眾反

自號始建王曲赦平陽建興正平三郡詔假鎮西將軍

都督長孫承業討雙熾平之丙子改封義陽王畧為東

欽定四庫全書

南北史合注
卷九十

三五

平王戊寅詔復京兆王繼本封江陽王戊子詔曰自運

屬艱棘歷載於茲

冊府元龜載詔有云烽驛交馳征鼓不息祖宗盛業

危若綴旒

朕威德不能遐被經畧無以及遠何以苟安黃屋無愧

黔黎今便避居正殿蔬飧素服當親自招募冀集忠勇

其有直言正諫之士敢決徇義之夫二十五日悉集華

林東門人別引見共論得失秋八月丙子進封廣川縣

公元邵為常山王戊寅帝幸南石窟寺即日還宮戊子

進武城縣公子攸為長樂王祭已賊帥元洪業斬鮮于

修禮請降為賊黨葛榮所殺都督爾朱榮執肆州刺史

尉慶賓令其從叔羽生統州軍九月辛亥葛榮敗都督

廣陽王琛章武王融於博野白牛邏融沒於陣榮自稱

天子國號齊年稱廣安冬十一月戊戌杜洛周攻臨幽

州執刺史王延年及行臺常景丙午稅京師田租畝五

升借貸公田者畝一斗閏月稅市人出入者各一錢店

欽定四庫全書

南北史合注
卷九十

三五

舍為五等梁將元樹逼壽春揚州刺史李憲力屈而降

初留州縣及長史司馬戊戌主副質子於京師詔宗室子

女屬籍在七廟內為雜戶濫門拘辱者悉聽離絕是歲

疊伏羅庫國並遣使朝貢

三年春正月甲戌以司空皇甫度為司徒儀同三司蕭

寶夤為司空辛巳葛榮臨殷州刺史崔楷死之甲申詔

峻鑄錢之制蕭寶夤大敗於涇州北海王顥亦敗走曲

赦關西及正平平陽建興戊子以司徒皇甫度為太尉

己丑以四方未平詔內外戒嚴將親征二月丁酉詔開
 輸賞格輸粟入瀛定岐雍四州者官斗二百斛賞一階
 入二華州者五百石賞一階不限多少粟畢授官函賊
 據潼關丁未追復故東平王匡爵改封濟南王三月甲
 子詔將西討中外戒嚴鹵賊走復潼關戊辰詔金紫光
 祿大夫源子邕為大都督討葛榮秋七月相州刺史安
 樂王鑿據州反己丑大赦八月都督源子邕李神軌裴
 衍攻鄴丁未斬鑿相州平九月己未東豫州刺史元慶
 欽定四庫全書 南北史合注 卷九十

和以城南叛秦州城人杜聚殺莫折念生自行州事冬
 十月戊申曲赦恒農巴西河北正平平陽邵郡及關西
 諸州軍辛亥以衛將軍討函大都督爾朱榮為車騎將
 軍儀同三司甲寅齊雍州刺史蕭寶夤據州反自號齊
 年稱隆緒詔尚書左僕射長孫稚討之十一月己丑葛
 榮攻臨冀州執刺史元孚逐出居人凍死者十六七十
 二月戊甲都督源子邕裴衍與榮戰敗於陽平東北並
 沒

伽藍記曰京師平等金像一軀常有神驗國之吉凶
 先炳祥異孝昌三年十二月中此像面有悲容兩目
 垂淚徧體皆濕時號佛汗有此丘尼拭以淨綿須臾
 濕盡更易以他綿俄復濕三日乃止明年爾朱榮起
 兵百官死亡塗地
 是月杜聚為駱超所殺遣使歸罪是歲柔然遣使朝貢
 是歲梁大通元年
 武泰元年春正月乙丑生皇女秘言皇子丙寅大赦改
 欽定四庫全書 南北史合注 卷九十

元丙子長孫稚平潼關丁丑雍州人侯終德相率攻蕭
 寶夤寶夤度渭走雍州平二月癸丑皇太后弒帝帝崩
 於顯陽殿時年十九甲寅皇子即位大赦皇太后詔曰
 皇家握歷受圖年將二百高祖以文思先天世宗以下
 武繼世大行在御溫明恭順率望穹靈降祐麟趾象繁
 自潘充華有孕椒宮冀誕儲兩而熊羆無兆唯虺遂彰
 時以國步未康假稱統胤欲底定國情何圖一旦弓劍
 莫追皇曾孫故臨洮王寶暉世子劍體自高祖大行平

日養愛特深及朔日弗愈大漸靡留乃延入青蒲受命

玉几允應大寶即日踐阼可班宣遠適咸使知之乙卯

幼主即位儀同三司大都督爾朱榮抗表請入奔赴勒

兵而南是月杜洛周為葛榮所并三月甲申上諡曰孝

明皇帝乙酉葬定陵廟號肅宗四月戊戌爾朱榮濟河

庚子沉皇太后并幼主於河

論曰宣武承聖考德業天下想望風化垂拱無為邊徼

稽服而寬以攝下從容不斷太和之風替矣比之漢世


欽定四庫全書

南北史合注
卷九十

安順宣武之後繼以元成孝明冲齡統業靈后婦人專

制任用非人賞罰乖舛於是釁起宇內禍延邦畿卒享

國不長抑亦淪胥之始也



南北史合注卷九十

欽定四庫全書

南北史合注卷九十一

明 李清 撰

北史五

彭城王勳

攸獻文皇帝孫彭城王勳第三子

有魯陽翼衛之勳

封敬宗武城縣

開國公幼侍孝明書於禁中及長丰神秀慧為孝明親

侍孝昌二年八月進封長樂王歷侍中中軍將軍以兄

欽定四庫全書

南北史合注
卷九十一

彭城王勳事轉為衛將軍左光祿大夫中書監實見出

也武泰元年二月孝明崩大都會介朱榮謀廢立以王

家有忠勳且無人望陰與王通率眾來赴夏四月丙申

王與兄弟夜北度河會榮於河陽

永安元年夏四月戊戌王南濟河即皇帝位封皇兄彭

城王劼為無上王皇弟霸城公子正為始平王以介朱

榮為使持節侍中都督中外諸軍事大將軍尚書令領

軍領軍領左右封太原王己亥百寮相率奉璽綬備法



駕奉迎於河梁西至陶渚榮以兵權在己且聽費穆計
遂有異志乃害靈太后及幼主次害無上王劬始平王
子正又害丞相高陽王雍已下司空元欽儀同三司義陽
王略王公卿士二十人列騎衛帝遷於便幕榮尋悔稽
顙謝罪辛丑車駕入宮御太極殿大赦改武泰為建義
元年

魏書載辛丑詔曰太祖龍飛燕代累世重光豈圖多
難邁茲百六致使妖悖四起內外競侵朝無恤政之

欽定四庫全書

南北史合注
卷九十一

二

臣野有怨酷之士實由女主專政致茲顛覆孝明皇
帝冲順隱忍奄棄萬國眾用疑焉苟求胡出入守神
器凡厥有心莫不解體太原王榮赴義晉陽大會河
洛推翼躬躬應茲大命如涉淵海罔知所濟可大赦
天下改武泰為建義元年從太原王督將軍士普加
五階在京文官兩階武官三級復天下租役三年
壬寅榮表請追謚無上王為皇帝餘死河陰者諸王判
史贈三司三品者令僕五品者判史七品已下及庶人

郡鎮諸死者子孫聽立後授封爵詔從之癸卯以前太
尉江陽王繼為太師以司州牧相州刺史北海王顥為
太傅開府仍刺史封光祿大夫清泉縣侯李延實為陽
平王位太保遷太傅以并州刺史元大穆為太尉封上
黨以儀同三司楊椿為司徒以儀同三司頓立郡公穆
紹為司空領尚書令進爵為王以雍州刺史長孫稚為
開府儀同三司進封馮翊王以殿中尚書元謚為東海
王甲辰封敷城王坦為咸陽王諫議大夫元貴平為東

欽定四庫全書

南北史合注
卷九十一

三

海王直閭將軍元肅為魯郡王秘書郎中元曇為長廣
王以馮翊郡公源紹景復先爵隴西王扶風郡公馮罔
東郡公陸子彰北平公長孫悅並復先王爵以北平王
超還復為安定王丁未詔中外解嚴庚戌封大將軍介
朱榮次子義羅為梁郡王詔柔然主阿那瓌讚拜不名
上書不稱臣是月汝南王悅北海王顥臨淮王彧前後
奔梁五月丁巳朔加大將軍介朱榮北道大行臺以右僕射
元羅為東道大使光祿勳元欣副之循方黜陟先行後

閏辛酉大將軍介朱榮還晉陽帝餞於邕陰丙寅詔親
理寬獄

冊府元龜載詔曰孝昌之季法令昏惑懷忠守素墮
隔莫伸深怨夙憾控告靡所其有事在通途橫被疑
異名例無與枉見排抑或選舉不平或賦役煩苛諸
如此類不可具記其有訴人經公車註不合者悉集
華林東門朕當親理寬獄以伸積滯 是月立爾朱
榮女先嬪于孝明者為皇后魏收以后為高歡所納

欽定四庫全書

南北朝史合注
卷九十一

故隱之宜補書

丁亥朔追封皇兄真定縣公子真為陳留王癸卯以高
昌王世子光為平西將軍瓜州刺史襲爵秦臨縣伯高
昌王帝以冠難未夷避正殿責躬撤膳又班募格收集
忠勇有正言直諫之士集華林園面論時事幽州平北
府主簿河間邢杲率河北流移人萬餘戶反於北海自
署漢年號天統

魏書載夏六月辛亥詔曰朕當親御六戎掃靜燕代

太原王介朱榮率精甲十萬為左軍上黨王天穆總
眾八萬為前軍司徒公楊椿勒兵十萬為右軍司空
公穆紹統率八萬為後軍

秋七月乙丑加大將軍介朱榮柱國大將軍錄尚書事
壬子光州人劉舉聚眾反於濮陽自稱皇武大將是月
高平鎮人万俟醜奴僭稱大位臨淮王彧自江南還朝
八月太山太守羊侃據郡反甲辰詔大都督宗珍孫等
討劉舉平之九月己巳封齊州刺史元欣為沛郡王壬

欽定四庫全書

南北朝史合注
卷九十一

五

申柱國大將軍介朱榮率騎七千討葛榮於滏口破擒
之冀定滄瀛殷五州平乙亥以葛榮平大赦改元為永
安辛己以介朱榮為大丞相進榮子平昌郡公文殊昌
樂郡公文暢爵並為王以司徒楊椿為太保城陽王徽
為司徒冬十月丁亥爾朱榮檻送葛榮於京師帝臨闕
闕門榮稽顙謝罪斬於都市戊戌加爾朱榮太師壬子
江陽王繼薨癸丑復膠東縣侯李侃希祖爵南郡王是
月大都督費穆大破梁軍擒其將曹義宗檻送京師梁

以北海王顥為魏主年號孝基入據南兗之鉅城十一月戊子以無上王世子詔為彭城王陳留王子寬為陳留王寬弟剛為潯陽王剛弟質為林慮王癸亥行臺于暉等大破羊侃於瑕丘侃奔梁戊寅封前將軍元凝為安東王是歲葛榮餘黨韓樓復據幽州反
二年春二月甲午追尊皇考為文穆皇帝廟號肅祖皇妣為文穆皇后

伽藍記曰是年二月平等寺金像復汗五月北海王

欽定四庫全書

南北史合注 卷九十一

顥入洛

夏四月癸未遷文穆皇帝及文穆皇后神主於太廟百寮普加一級降畿內死罪以下刑庚子詔太原王介朱榮下將士並汎加二級辛丑上党王天穆大破邢杲於濟南杲降送於京師斬於都市五月壬子朔元顥剋梁國乙丑內外戒嚴癸酉顥陷滎陽甲戌夜車駕北巡乙亥幸河內丙子顥入洛丁丑進封城陽公元祉為平原王安昌縣公元鷲為華山王戊寅太原王介朱榮會車

駕於長子即日反誦上党王天穆北度會車駕於河內六月己丑儀同三司費穆伏誅元顥殺之也

此一事乃予增入志快也

秋七月戊辰都督介朱榮賀拔勝從硤石夜濟破顥子冠受及安豐王延明軍顥敗走庚午車駕入居華林園升大夏門大赦壬申以柱國大將軍太原王爾朱榮為天柱大將軍癸酉臨顥縣卒江豐斬顥傳首京師甲戌以大將軍上党王天穆為太宰以司徒城陽王徽為大

欽定四庫全書

南北史合注 卷九十一

司馬太尉

魏書載乙亥帝宴勞天柱大將軍介朱榮上党王天穆及北來督將於都亭出官人三百縉錦雜綵數萬匹班賜有差又諸州郡遣使奉表行宮者並加一大階丁丑獲顥弟瑱斬之追奪受顥爵賞官級者已卯以南青州刺史元旭為襄城王南兗州刺史元暹為汝陽王閏月辛巳帝入宮辛卯以兼吏部尚書楊津為司空八月己未以太傅李延實為司徒丁卯封瓜州

刺史元太榮為東陽王九月大都督侯深破韓樓於薊
斬之幽州平冬十月己酉朔日有蝕之丁丑以前司空
丹陽王蕭贊為司徒十一月己卯就德興自榮州遣使
請降丙午以大司馬太尉城陽王徽為太保以司徒丹
陽王蕭贊為太尉以雍州刺史長孫承業為司徒
是歲梁中大通元年

三年

魏書靈徵志載是年二月民家有二銅像一頭下生

欽定四庫全書

南北史合注
卷九十一

白毫四一頰傍生黑毛一

夏四月丁卯雍州刺史爾朱天光討万俟醜奴蕭寶夤
於安破擒之囚送京師甲戌以關中平大赦斬醜奴於
都市賜寶夤死六月戊午嚙達國獻獅子一詔故胡太
后親屬受爵於朝者皆黜為民

魏書靈徵志曰是月甲子申時辰地有青氣廣四尺
東頭緣山西北引至天半止西北戌地有黑赤黃雲
如山峯頭有青氣廣四尺許東南引至天半二氣相

接東南氣光散西北氣後滅亦帝幽崩之徵

是月白馬龍涸胡王慶雲僭稱帝號於永洛城秋七月
丙子尔朱天光平永洛城擒慶雲

伽藍記曰是年七月平等寺金像復汗每經神驗人
皆惶懼至二月尔朱兆入洛

九月辛卯天柱大將軍尔朱榮上党王天穆自晋陽來
朝戊戌帝誅榮天穆於明光殿及榮子菩提乃升閭門
大赦

欽定四庫全書

南北史合注
卷九十一

魏書載詔曰天道忌盈人倫嫉惡吕霍之門禍謫所
伏梁董之家咎徵斯在頃孝昌之末天步孔難女主
亂政監國無主尔朱榮爰自晋陽同憂王室義旗之
建大會盟津舉世樂推共成鴻業論其始圖非無勞
效曾未崇朝豺聲已露河陰之役安忍無親王公卿
士一朝塗地宗戚靡遺內外俱盡假弄天威殆危神
器時事倉卒未遑問罪尋以葛賊橫行馬首南向捨
過責成用平醜鹵及元顥問鼎大駕北巡復致勤王

展力行所以此論功且可補過既位極宰衡地踰齊
魯心如猛火山林無以供其暴意等漏卮江河無以
充其溢既見金革稍寧方隅漸泰不推天功專為己
力與奪任情滅否肆意無君之跡日月以甚拔髮數
罪蓋不足稱斬竹書愆豈云能盡方復託名朝宗陰
圖繫逆睥睨天居窺覲聖歷乃有裂冠毀冕之心將
為拔本塞源之事天既厭亂人亦悔禍同惡之臣密
來投告將而必誅罪無容捨又元天穆宗室未屬名
欽定四庫全書

南北史合注
卷九十一

望素微遭逢際會頗參義舉不能竭其忠誠以奉家
國乃復棄本逐末背同即異為之謀主成彼禍心是
而可忍孰不可忍並以伏辜自貽伊戚元惡既除人
神慶泰可大赦天下
遣武衛將軍奚毅前燕州刺史侯深率眾鎮北中城是
夜左僕射爾朱世隆榮妻鄉郡長公主率禁部曲自西
陽門出屯河陰已亥攻河橋禽毅等屠害之據北中城
南逼京師以雍州刺史尔朱天光為侍中儀同三司冬

十月癸卯朔封大鴻臚卿竇炬為南陽王汝南縣公脩
為平陽王新陽伯誕為昌樂王復琅邪縣公李叔仁官
爵仍為大都督以討世隆甲辰徙封魏郡王謹為趙郡
王謹弟子趙郡王寔為平熙王戊申皇子生大赦騎常
通直散騎常侍李苗以火船焚河橋尔朱世隆退走丁
卯詔以世隆北叛河內固守其在督將文武普加二級
兵士給復三年壬申世隆停建興之高都尔朱兆自晉
陽來會之共推長廣王粦即偽位大赦所部年號建明
欽定四庫全書

南北史合注
卷九十一

徐州刺史尔朱仲遠反率眾向京師十一月癸酉以車
騎將軍鄭先護為大都督與行臺楊昱共討之己亥以
司徒長孫稚為太尉臨淮王彧為司徒丙子進雍州刺
史廣宗郡公尔朱天光爵為王
魏書曰丁丑尔朱仲遠陷西兖州執刺史王衍癸未
以右衛將軍賀拔岳為東征都督壬辰又以大都督
鄭先護兼尚書左僕射為行臺與勝共討仲遠庚子
勝與仲遠戰於滑臺失利遂奔梁十二月壬寅爾朱

北寇丹谷將軍崔伯鳳戰沒楊文義史作龍降大都督源子恭奔退

靈徵志曰是月己丑有赤氣如霧從顯陽殿西南角

斜屬步廊高一丈許連地如絳紗幔自未至戌不滅

帝惡之

十二月甲辰爾朱度律自富平津上率騎涉度以襲京

城事出倉卒禁衛不守帝步出雲龍門兆逼帝幸永寧

寺殺皇子亂兵殺司徒臨淮王彧左僕射范陽王誨戊

欽定四庫全書

南北史合注
卷九十一

十一

申介朱度律自鎮京師甲寅爾朱兆遷帝於晉陽甲子

殺帝崩于城內三級佛寺

伽藍記曰爾朱兆繼帝於三級寺臨終禮佛願不為

國王又作五言曰權去生道促憂來死路長懷恨出

國門懷悲入鬼鄉隧門一時閉幽庭豈復光思鳥吟

青松悲風吹白楊昔來聞死苦何來身自當及葬所

作五言詩即為挽歌朝野悲慟百姓皆掩涕

時年二十四并害陳留王寬中興二年廢帝奏謚曰武

懷皇帝及孝武立又以皇考廟諱改謚孝莊皇帝廟號敬宗永熙元年冬葬靜陵

節閔皇帝

魏書稱前廢帝

諱恭字脩業獻文皇帝孫廣陵惠王羽之子母王妃帝

少有志度事祖母嫡母以孝聞

魏書禮志曰恭與北海王顥同為庶祖母喪恭治重

居廬顥齋菴壘室而已

欽定四庫全書

南北史合注
卷九十一

十一

正始中襲爵歷給事黃門侍郎王以元義擅權托稱瘡

病絕言垂一紀居於龍花佛寺無所交通永安未有白

孝莊言王不語將有異圖人間游聲又云常有天子氣

王懼禍遂逃匿上洛尋見追躡送京師拘禁多日以無

狀獲免

伽藍記曰莊帝疑王詐夜遣人盜掠衣物拔刀劍欲

殺之王張口以手拈舌竟不言帝信其真遂放歸第

及孝莊遇殺介朱世隆等以元譽踈遠又非人望所推

以王潛默晦身有過人之量將謀廢立恐實不語乃令王所親申意兼迫脅王曰天何言哉世隆等大悅及元

冊府元龜曰介朱世隆等奉表勸進王曰自量取身是以執讓今敬承所陳惟愧弗克負荷耳

世隆等乃奉王東郭外行禪讓禮

伽藍記載粵禪詔有曰王往以運屬殷憂卷懷積載囊括有年今天眷明德歷數允集乃徐發樞機副茲

欽定四庫全書

南北史合注 卷九十一

十四

行屬

太尉爾朱度律奉輅車進璽綬王服袞冕百官侍衛入

自建春雲龍門

普泰元年春二月己巳皇帝即位於太極前殿羣臣拜賀禮畢遂登闔闔門大赦

伽藍記曰黃門侍郎邢邵為赦文叙莊帝枉殺爾朱榮狀帝曰永安手剪強臣非為失德直以天未厭亂故逢成濟之禍耳赦文直言門下朕以寡德運屬樂

推思與兆庶同茲大慶肆眚之科一依常式時海內庶士咸稱聖君

以魏為大魏改建明二年為普泰元年罷稅市及稅鹽

之官庚午詔曰自秦之末競為皇帝忘負乘之深殃垂貪鄙於萬葉予今稱帝已為褒矣可普告令知是月鎮

遠將軍崔祖螭聚青州七郡之眾圍東陽州刺史劉靈助起兵於薊河北大使高乾及其弟昂夜襲冀州執刺史

元崑共推前河內太守封隆之行州事三月癸酉封長

欽定四庫全書

南北史合注 卷九十一

十五

廣王粵為東海王以青州刺史魯郡王肅為太師沛郡

王欣為太傅司州牧改封淮陽王以徐州刺史彭城王

介朱仲遠雍州刺史隴西王介朱天光並為大將軍以

柱國大將軍并州刺史頰川王介朱兆為天柱大將軍

愚按節閔曾立兆女為皇后魏收以其為高歡所納

故隱而不書合補

封晉州刺史平陽郡公高歡為渤海王以特進清河王

竈為太傅以尚書令樂平王介朱世隆為太保以趙郡

王謨為司空丙申定州刺史侯深破劉靈助於安國城
斬之傳首京師夏四月癸卯帝幸華林都亭燕射班賜
有差

冊府元龜曰太樂奏伎有倡優為愚癡者帝以其非
雅戲詔罷之

壬子享太廟

魏書靈徵志曰是月甲寅有龍迹自宣陽門西出復
入城乙卯羣臣入賀帝曰國將興聽於民將亡聽於

欽定四庫全書

南北史合注
卷九十一

十六

神但當君臣上下克己為治未可恃此為慶

癸亥隴西王尒朱天光破宿勒明達擒送京師斬之丙

寅以侍中尒朱彥伯為司徒詔有司不得復稱偽梁罷

細作之條無禁隣國還往五月丙子爾朱仲遠使其都

督魏僧勗等討崔祖螭於東陽斬之六月己亥朔日有

蝕之庚申渤海王高勸起兵信都以誅尒朱氏為名癸

亥帝臨顯陽殿親理冤訟秋七月壬申爾朱世隆等

害前太保楊椿前司空楊津丙戌司徒尒朱彥伯以旱

遜位八月丙午爾朱仲遠等出禦高歡九月以彭城王

爾朱仲遠為太宰庚辰以隴西王爾朱天光為大司馬

癸巳追尊皇考為先帝皇妣為先皇妃封皇弟永業為

高密王皇子子恕為勃海王冬十月壬寅高歡推北海

太守元朗僭位於信都

伽藍記曰是年歸覺寺金像生毛眉髮皆具明年帝

以廢崩

二年春二月高歡敗尒朱天光等於韓陵夏四月辛巳

欽定四庫全書

南北史合注
卷九十一

十七

高歡與元朗至芒山使魏蘭根慰喻洛邑且觀帝為人

蘭根忌帝雅德

伽藍記曰考莊初遣安東將軍楊大義平北將軍史

仵龍各領兵三千守太行嶺率眾先降爾朱兆得乘

勝入洛陽己爾朱世隆論二人功各封千戶帝曰於

王有功於國無勲不許爾朱仲遠鎮滑臺表用其下

都督為西兗州刺史先用後表詔答曰已能近補何

勞遠聞爾朱天光滅万俟醜奴獲波斯所獻獅子送

洛陽帝曰禽獸囚之則違其性命送歸其國使者以道遠殺諸路而返有司劾其違旨帝曰豈可以獸罪人遂赦之世隆侍宴帝每言太原王貪天功為己力罪亦合死世隆等愕然

還致毀謗竟從崔陵議廢帝於崇訓佛寺立平陽王脩是為孝武帝帝既失位乃賦詩曰朱門久可惠紫極非情既顛覆立可待一年三易換時運正如此唯有脩真觀五月丙申孝武酖帝崩於門下外省時年三十五孝

欽定四庫全書

南北史合注 卷九十一

武詔百司赴會葬用王禮加九流鑿輅黃屋左纛班劍百二十人後西魏追謚節閔皇帝

孝武皇帝

魏書曰出帝

諱修字孝則孝文皇帝孫廣平武穆王懷第三子生母李氏帝性沉厚學涉好武事遍體有鱗文年十八封汝陽縣公夢人有從諱謂己曰汝當大貴得二十五年永安三年封平陽王普泰中尚書左僕射中興二年高歡

既敗爾朱氏元朗自以疎遠請遜大位歡乃與百寮議以孝文不可無後時召汝南王悅於梁至將立之宿昔

而止又諸王皆逃匿王在田舍先是嵩山道士潘彌望見洛陽城西有天子氣候之乃王也於是造第密言之居五旬歡使斛斯椿從王所親王王變色曰非貴我耶椿遂以白歡歡遣四百騎奉迎王入氈帳陳誠泣下露襟王讓以寡德歡再拜王亦拜歡出備服御進湯沐達夜嚴警味典文武執鞭以朝使斛斯椿奉勸進表椿入

欽定四庫全書

南北史合注 卷九十一

惟門整折延首而不敢前王令思政取表曰視之便不得不得稱朕矣於是假詔策策而禪位焉遂即位於東郭之外用代都舊制以黑氈蒙七人歡居其一帝於氈上西向拜天訖自東陽雲龍門入

永熙元年夏四月戊子皇帝御太極前殿羣臣朝賀禮畢升闔闔門大赦改中興二年為太昌元年

冊府元龜載詔曰上天降禍運際多難赫赫宗周剪為戎寇肅肅清廟將成茂草胡羯乘機肆其昏虐殺

君害主列別海內大丞相勃海王高歡爰舉義旗志
雪國恥廣門之軍貔虎奪氣鄴下之師金湯失險近
者四胡相率實繁有徒驅天下之兵盡華戎之銳抱
鼓暫交一朝盪滅元兇授首大慙斯擒揚旆濟河掃
清伊洛士民安堵不失舊章社稷危而復安鴻基毀
而復構朕猥當樂推承茲大業若涉淵水罔識攸濟
可大赦天下

壬辰高歡還鄴車駕餞於乾脯山五月丙申殺節閔帝

欽定四庫全書

南北朝合注
卷九十一

三

以太傅淮陽王欣為太師改封沛郡王以司徒趙郡王
謚為太保以司空南陽王寶炬為太尉以太保長孫承
業為太傅辛丑復前司空高乾位

魏書己巳帝幸華林都亭宴羣臣班賚有差羽林隊
主唐猛突入稱慶帝以猛犯禁衛杖之猛辭色有忤
斬之階下丁未詔賑孤老疾病無所依歸者

己酉以儀同三司清河王暹為司徒

魏書載庚戌詔曰頃西土年飢百姓流徙或身倚溝

渠或命懸道路皆見棄草土取厭烏鳶言念於茲有
警夜寐掩骼之禮誠所庶幾其諸有露屍令所在掩
覆可宣告天下

乙卯內外解嚴六月癸亥朔帝於華林園納訟丁卯南
陽王寶炬坐事降為驃騎大將軍以王歸第戊寅詔諸
受建明普泰中封爵汎級優待之階悉追乙卯臨顯陽
殿納訟丙戌詔曰間者凶權誕恣法令變常遂立夷貊
輕賦異收天下之意隨以箕斂之重終納十倍之征掩

欽定四庫全書

南北朝合注
卷九十一

三

目捕雀何能過此今歲租調且兩收一弓明年復舊秋
七月

魏書載己未詔曰頃永安馭運載育皇儲遂錫汎階
以申國慶近經普泰便爾中追今罪人既殄舊章斯
復宜述往古用卒前恩皇子汎階一級悉可還授文
穆廟汎故宜停寢已受者依例追之

庚子以南陽王寶炬為太尉壬寅勃海王高歡率眾討
尔朱兆乙丑斬尔朱天光于都市庚戌爾朱兆大掠晋

陽北走秀容并州平。乙卯帝臨顯陽殿親理冤獄。是月東南道大行臺樊子鵠大破梁軍于譙城。擒其鄴王元樹。八月壬戌朔高澄來朝。燕射班賚部下各有差。丁卯封中郎將元寧為高平王。九月庚子帝幸華林都亭。引見元樹及公卿百寮及蕃使督將等宴射。班賚各有差。癸卯進燕郡公賀拔允爵為王。乙巳帝幸都水南過洛汭。遂至瀍澗。己酉復獵於北原。癸丑改封沛郡王欣為廣陵王。節閔子勃海王子恕為沛郡王。乙卯帝謁山陵。

欽定四庫全書

南北史合注 卷九十一

五

冬十月辛酉朔日有蝕之。十一月丁酉祀圓丘。戊戌朝會百官於太極前殿。甲辰殺安定王朗及東海王粲。己酉以汝南王悅為侍中。大司馬開府。葬太后胡氏。十二月丁亥。宮大司馬汝南王悅大赦。改元為永興。以同明元時年號尋改為永熙。是歲柔然噉達高麗契丹庫莫奚高昌等國並遣使朝貢。二年春正月庚寅朔朝饗羣臣於太極前殿。丁酉勃海王高歡大敗朱兆於赤洪嶺。兆自殺。山東平罷。諸行

臺己亥車駕幸嵩高石窟靈巖寺。庚子又幸散施。各有差。丁巳追尊皇考為武穆皇帝。太妃馮氏為武穆皇后。皇妣李氏為皇太妃。二月以咸陽王坦為司空。辛卯阿至羅十萬戶內附。詔復以勃海王高歡為大行臺。隨機裁處。甲午魯郡王肅薨。丁巳以趙郡王譔為太尉。南陽王寶炬為尚書令。太尉開府。夏四月己未朔日有蝕之。魏書天象志占曰。在丙虧從正南起。君陰謀。明朱明鑄史糾云。接日食者陽消陰長之機。君弱臣強之

欽定四庫全書

南北史合注 卷九十一

五

象高歡脅君出奔。辰弗集。房天象昭然。不曰臣有逆節。翻曰君有陰謀。何耶。庚寅詔諸幽枉未申。事經一周以上。悉集華林。將親察覽。秋七月壬辰以太師廣陵王欣為大司馬。以太尉趙郡王譔為太師。並開府。庚戌以前司徒燕郡王賀拔允為太尉。八月乙丑高澄來朝。帝宴於華林都亭。班賚部下各有差。戊辰車駕饒澄于河梁。仍濟河而返。冬十月癸未以衛將軍瓜州刺史秦臨縣伯高昌王趙子堅為

儀同三司進爵郡公十二月丁巳車駕狩於嵩陽士卒
寒苦已已遂幸温湯丁丑還宮

三年春二月壬戌大赦丙子帝親釋奠禮先師辛巳幸

洪池陂遂遊田壬午封左衛將軍元斌之為潁川王

魏書靈徵志載是月永寧寺九層佛圖災 伽藍記

曰帝登凌雲臺望火當時雷雨晦冥雜下霰雪百姓

道俗咸來觀火悲哀之聲震動京邑火經三月不滅

夏四月癸丑朔日有蝕之辛未高平王寧坐事降爵為

欽定四庫全書

南北史合注
卷九十一

三五

公五月丙戌置勳府庶子箱別六百人騎官箱別二百

人閭內部曲數千人帝內圖高歡乃以斛斯椿為領軍

使與王思政等統之以為心膂軍謀朝政減決於椿分

置督將及河南關西諸刺史辛卯下詔戒嚴

魏書曰帝為斛斯椿元毗等間阻二於齊獻武王托

征蕭衍盛暑徵發河南諸州兵天下怪惡之 愚按

孝武惡高歡專政故密謀討之且以君伐臣奚怪惡

之有收黨齊毀魏大率類此

揚聲伐梁實謀北討

魏書載詔曰大魏得一居宸乘六御寓而勾吳負險

久遺度外世祖太武皇帝握金鏡以照耀擊玉鼓以

鏗鏘長江已北盡為魏土頃天步中圯國綱時屯凶

豎乘機牙窺上國疆場侵噬州郡淪胥自非五牛警

狝七萃按部何以復文武之舊業拯塗炭於遺黎朕

將親總六軍經臨彭汴一勞永逸庶保無疆內外百

寮便可嚴備出頓之期更聽後教 丁酉帝幸華林

欽定四庫全書

南北史合注
卷九十一

三五

都亭集京畿都督及軍士三千餘人慰勉之 魏書

載夏六月丙子詔曰頃年以來六步時阻干戈不輟

或拘節感恩奮不顧命或臨戎對敵赴難如歸身首

橫分骸骨不斂勲誠靡錄榮贈莫加寤寐矜之良可

悼嘆可普告內外所言列若無親近聽故友陳之尚

書檢實隨狀科贈庶羸慰冤魂少申惻隱

秋七月己丑帝親總六軍十餘萬次河橋高歡引軍東

度丙午帝率南陽王寶炬清河王亶廣陽王湛斛斯椿

以五千騎宿於溼西楊王別舍沙門都維那惠臻負璽持千牛刀以從有牛百頭盡殺以食軍士眾知帝將出其夜亡者過半清河廣陽二王亦逃歸略陽公宇文泰遣都督駱超李賢和各領兵數百騎來赴超先至甲戌賢和會帝於峭中己酉高歡入洛遣婁照及河南尹元子思領左右侍官追帝請迴駕高昂率勁騎及帝於陝西帝鞭馬長驚至湖城飢渴甚有王思村人以麥飯壺漿獻帝甘之復一村十年是歲二月癸酉入南斗眾星

欽定四庫全書

南北史合注 卷九十一

五

北流羣鼠浮河向鄴梁武跣而下殿以覆星變及閭帝之西慙曰鹵亦應天乎帝至稠桑潼關大都督毛洪賓迎獻食八月宇文泰遣大都督趙貴梁禦帥甲騎三千來赴乃迎帝過河帝謂禦曰此水東流而朕西上若得重調洛陽廟是卿等功也帝及左右皆流涕泰迎帝於東陽帝勞之將士皆呼萬歲遂入長安以雍州公廨為宮大赦進宇文泰為略陽郡公尋拜大丞相甲寅高歡推司徒清河王亶為大司馬承制總萬幾居尚書省歡

追車駕至潼關

魏書載秋八月戊辰清河王制曰姬祚中微踐土有從王之役劉氏將傾北軍致左袒之舉用能隆茲遠年克此卜世永熙之季權佞擅朝羣小是崇勲賢見害大丞相興甲汾州問罪伊洛羣奸畏威擁迫人主以自蔽衛遠出秦方雖車駕流移未即返御然權佞將除天下延頸魏邦雖舊其化雖新思與兆民同茲更始可大赦天下

欽定四庫全書

南北史合注 卷九十一

五

九月己酉歡東還洛陽帝親督眾攻潼關斬其行臺華長瑜又剋華州其冬十月高歡推清河王亶子善見為主徙都鄴是為東魏魏於此始分為二閏十二月癸巳宇文泰酖帝崩初帝之在洛從妹不嫁者三十平原公主明月南陽王同產二安德公主清河王憚女三蒺藜亦封公主帝內宴令諸婦人詠詩或詠鮑照樂府曰朱門九重門九閨願逐明月入君懷帝既以明月入關蒺藜自縊宇文泰使元氏諸王取明月殺之帝不悅或時彎弓或

時推案君臣由此不安平及過弒之日潘彌奏言今日當甚有急兵其夜帝在逍遙園宴阿至羅顧侍臣曰此處彷彿華林園使人聊增悲怨命取所乘波斯驢馬使南陽王寶炬躍之將攀鞍蹶而死帝惡之日晏還宮至後門馬驚不前鞭打入謂潘彌曰今日幸無他否彌曰過夜半則大吉須臾帝飲酒為泰所酖崩

愚按孝武入關封宗室臨淄縣子玄為陳留王城陽侯懋為北平王岬為魏郡王順為濮陽王最為樂平

欽定四庫全書

南北朝合注 卷九十一

三九

王季海為馮翊王孚為扶風王暢為博陵王融為魏興王仲景為順陽王紀為華山王均為安昌王子孝為義陽王皆宜入本紀而傳內不載其月耶附於此時年二十五謚曰孝武皇帝殞於草堂佛寺

資治通鑑曰諫議大夫宋球慟哭嘔血泰以其名儒不之罪也又曰高歡聞之啟請舉哀制服東魏主使羣臣議太學博士潘崇和謂君遇臣不以禮則無反服是以商湯民不哭桀周武民不哭紂國子博士衛

既隆李同執識高后于永熙離絕未彰宜為之服東魏主從之 愚按孝連殺三君宜有今日所恨者負君之宇文泰耳若崇和言固謬高后歡女故既隆等以此媚權臣非慳故主也

十餘年乃莫雲陵始宣武孝明間謠曰狐非狐貉非貉焦梨狗子齧斷索識者以為索謂本索髮焦梨狗子指宇文泰俗謂之黑獺也

是歲東魏孝靜帝天平元年

欽定四庫全書

南北朝合注 卷九十一

三九

文皇帝諱寶炬孝文皇帝之孫京兆王愉之子母楊妃正始初坐父愉罪兄弟皆幽宗正寺及宣武崩乃得雪正光中拜直閣將軍時胡太后多嬖寵與孝明帝謀誅之事泄免官武泰中封郟縣侯永安三年進封南陽王孝武即位拜太尉加侍中永熙二年進太保開府尚書令三年孝武與高歡構難以王為中軍四面大都督及從入關拜太宰錄尚書事孝武崩丞相略陽公宇文泰率羣公卿士奉表勸進三讓乃許焉

大統元年春正月戊申皇帝即位於城西

魏書曰賈炬輕躁薄行馳淫酒色宇文黑獺既害出帝乃僭大號此魏收誣辭且西正東偽魏澹所著魏書是也惜不傳

大赦改元追尊皇考為文景皇帝皇妣楊氏為皇后己酉進丞相略陽公宇文泰都督中外諸軍錄尚書事大行臺改封安定郡公以尚書令斛斯椿為太保廣平王贊為司徒己卯立妃己弗氏為皇后皇子欽為皇太子

欽定四庫全書

南北史合注 卷九十一

三

甲子以廣陵王欣為太傅以儀同三司万俟壽樂干為司空東魏將侯景攻陷荊州二月前南青州刺史大野拔斬兗州刺史樊子鵠以州降東魏夏

丘悅三國典略載夏四月詔曰逆賊高歡初從尔朱榮入洛勸榮篡位罪一考莊幽辱實歡之由無辭可反詐為建義罪二廢殺建明罪三廢殺中興罪四廢殺普泰罪五廢殺汝南王悅罪六雖尊先帝然實輕凌舉兵逼逐罪七先帝嘗使舍人元士弼詣歡論事

歡露髮袒體見士弼直問何物來士弼曰有敕歡曰

何物歡取書裂之肆口惡罵罪八毀撤宮廟焚除塔寺戶口百萬驅擁北遷死者過半罪九蒸孝莊后逼令為尼罪十取普泰后列在私房罪十一改嫁孝武后與彭城王韶更相擬以圖廢置罪十二高乾兄弟起義立勳歡忌其豪強密令屠殺帝不獲已從之歡見教曹哭稱枉死罪十三兄事賀拔允令看額上有天子相否允不敢答由是害之罪十四武衛伊林先

欽定四庫全書

南北史合注 卷九十一

三

帝親委歡收斬之罪十五歡上事天柱下承兒侄銜瀝餘血誓同生死乃背尔朱盡加誅滅罪十六從叔自南歸國歡忌而殺之罪十七尚書崔孝芬辛雄等國家勳舊責以駕行不從一時屠害罪十八永熙中求并州城營起臺殿詐云誘賊劉蠡升中旨顯抑終不可停罪十九歡逐先帝後扶清河王亶嫌其長大難制復廢之立其幼男猶忌清河王亶嫌其長大歡有莫大之罪未伏天誅朕將親帥六軍襲行薄伐

丞相董茲戎律計日殲定 愚按殺建明中興普泰

三主與汝南王皆孝武猜忌罪不在歡而歡自病逐

孝武事孝靜甚恭未有恭於子而酖其父者讀綱目

書卒自明餘或當或甚惟連納二故君后為歡大罪

五月降罪人加安定公宇文泰位柱國秋七月以開府

儀同三司念賢為太尉以司空万俟壽樂干為司徒以

開府儀同三司越勒肱為司空梁州刺史元羅以州降

梁九月有司詔煎御香澤須錢萬貫帝以軍旅在外停

欽定四庫全書

南北朝史合注 卷九十一

三

之冬十月太師上党王長孫稚薨十二月以太尉念賢

為太傅以河州刺史梁景獻為太尉是年封宗室瑛為

宋安王

二年春正月辛亥祀南郊改以神元皇帝配東魏攻陷

夏州二月儀同三司段敬討叛羌梁公定平之三月以

梁州刺史李叔仁為司徒万俟壽樂干為太宰夏

費長房歷代三寶記載四月甘露降秋穀不熟

五月司空越勒肱卒秦州刺史建中王万俟普撥及其

子太宰壽樂干率所部奔東魏秋九月以扶風王孚為

司空以太保斛斯椿為太傅冬十一月追改始祖神元

皇帝為太祖道武皇帝為烈祖

愚按道武開基之主宜為太祖配祀南郊孝文所定

是也文帝之改為非

是歲關中大飢人相食死者十七八

三年春二月槐里獲神璽大赦夏四月太傅斛斯椿薨

五月以廣陵王欣為太宰賀拔允為太師六月以司空

欽定四庫全書

南北朝史合注 卷九十一

三

扶風王孚為太保以太尉梁景獻為太傅以司徒廣平

王贊為太尉以開府儀同三司王盟為司空冬十月安

定公宇文泰大破東魏軍於沙苑拜泰柱國大將軍十

二月司徒李叔仁自梁州通使於東魏建昌太守賀蘭

植斬之

四年春正月辛酉拜天於清暉室終帝世遂為常二月

東魏攻陷南汾潁豫廣四州廢皇后乙弗氏三月立柔

然女郁久閭氏為皇后大赦以司空王盟為司徒秋七

月東魏將侯景等圍洛陽帝與安定公宇文泰東伐

令孤德恭周書曰魏帝將如洛陽拜園陵會東魏圍

獨孤信於洛陽詔太祖率六軍救信帝亦東

戰不利車駕西還以關中趙青雀作亂留止闔鄉尋討

平之九月帝至自東伐以撫軍將軍梁公定為南洮州

刺史安西蕃

是歲東魏元象元年

五年春二月救京城內夏五月以開府儀同三司李弼

欽定四庫全書

南北史合注
卷九十一

三四

為司空免伎樂雜役之徒皆從編戶秋七月詔自恒

以朔望親閱京師見禁囚徒以司空扶風王孚為太尉

冬十月於陽武門外懸鼓置紙筆以求得失

是歲東魏興和元年

六年春正月庚戌朝羣臣自西遷至此禮樂始備太尉

扶風王孚薨二月賜故后乙弗氏死皇后郁久閭氏亦

尋崩鑄五銖錢降罪人冬十一月太師念賢卒

七年春二月幽州刺史順陽王仲景以罪賜死三月夏

州刺史劉平謀反大都督于謹討擒之秋九月詔班政

事之法六條冬十一月叛羌梁公定徙黨屯於赤水城

秦州刺史獨孤信擊平之尚書奏班十二條制十二月

帝御憑雲觀引見諸王叙家人禮手詔為宗誠十條賜

之

八年春三月初置六軍夏四月鄯善王兄鄯朱那率眾

內附秋八月以太尉王盟為太保冬十月詔皇太子鎮

河東十二月行幸華州

欽定四庫全書

南北史合注
卷九十一

三五

周書曰魏帝狩於華陰大饗將士太祖率諸將朝於

行在所

起萬壽殿於沙苑北

九年春正月降罪人禁中外及從母兄弟姊妹為婚閨

車駕至自華州二月東魏北豫州刺史高仲密據虎

牢內附以仲密為侍中司徒封勃海郡公秋七月大赦

以太保王盟為太傅以太尉廣平王贊為司空冬十二

月以司空李弼為太尉

是歲東魏武定元年

十年春正月甲子詔公卿已下每月上封事三條極言得失刺史二千石銅墨已上有讜言嘉謨勿有所諱夏五月太師賀拔勝卒秋七月更權衡度量

歷代三寶記曰是年正獄訟寬刑罰廣學業敦禮教

斷草書去文就質

十一年夏五月太傅王盟卒詔諸鞠大辟獄皆命三公

覆審然後加刑冬始築園丘於城南封皇子儉

欽定四庫全書

南北朝史合注 卷九十一

三六

愚按周書元偉傳內有大將軍梁王元儉疑是文帝

諸子封國皆一字

十二年春二月涼州刺史宇文仲和反秦州刺史獨孤

信討平之三月鑄五銖錢夏五月詔女年不滿十三以

上勿得以嫁秋九月東魏勃海王高歡攻玉壁晉州刺

史韋孝寬力戰禦之冬十二月歡焚營而退

十三年春正月開白渠溉田二月詔自今應官刑者直

沒官勿刑亡奴婢應黥者止科亡罪以開府儀同三司

若于惠為司空東魏勃海王高歡薨其司徒侯景據潁

州率河南六州內附授景太傅河南大行臺上谷郡公

三月大赦夏五月以太傅侯景為大將軍以開府儀同

三司獨孤信為大司馬晉王謹薨秋七月司空若于惠

卒大將軍侯景據豫州叛封皇子寧為趙王

周書曰是年冬太祖奉魏帝西狩岐陽 梁太清元

年

十四年春正月赦潁豫廣北洛東荆襄等七州以開府

欽定四庫全書

南北朝史合注 卷九十一

三七

儀同三司趙貴為司空皇孫生大赦夏五月以安定公

宇文泰為太師廣陵王欽為太傅太尉李弼為大宗伯

前太尉趙貴為大司寇以司空于謹為大司空是年封

皇子廓為齊王

十五年己巳五月梁武帝殂初詔諸代人太和中改姓

者並令復舊六月東魏勃海王高澄攻陷潁州秋七月

東魏蘭京等殺其勃海王高澄冬十二月封梁雍州刺

史岳陽王蕭譽為梁王

歷代三寶記曰是年詔依古禮男女異路

十六年夏四月封皇子儒為燕王公為吳王五月東魏丞相高洋篡位國號齊秋七月詔安定公宇文泰東討至恒農齊師不出乃還九月大赦是年封宗室偉為南安王

是歲梁簡文帝大寶元年 齊王高洋天保元年

洋本魏臣也西魏一日猶存當以君道臨齊斥姓名以此周篡西魏則兩國分尊

欽定四庫全書

南北史合注 卷九十一

十七年春三月庚戌帝崩於乾安殿時年四十五夏四月庚辰葬永陵

宋揮塵錄曰乾德四年詔禁樵採又云陵在富平縣東南既誤指帝陵為孝文陵恐此所指者又孝武雲陵之訛也明一統志載二陵甚明

上謚曰文皇帝帝性強果始為太尉時侍中高隆之恃勃海王高歡之黨驕狎公卿因公會帝勸酒不飲怒而歐之罵曰鎮兵何敢爾也上以歡故免帝太尉歸第命

羽林守衛月餘復位及歡將改葬皇考朝廷追贈太師百寮會弔者盡拜帝獨不屈曰安有生三公而拜贈太師耶及躋大位權歸周室嘗登逍遙觀望嗟峨山謂左右曰望此令人有脫屣之意若朕年五十便委政儲宮尋山餌藥不能一日萬幾也既而大運未終竟保天祿云

愚按魏收魏書不為西魏三帝立紀南史其本之魏澹魏書乎然短簡寂寞若此宜隋場不以為善而澹

欽定四庫全書

南北史合注 卷九十一

書之義例嚴正反不得與收之穢史並傳也

廢帝諱欽文皇帝長子母乙弗后大統元年正月乙卯立為皇太子年七歲文帝以托安定公宇文泰曰是子才由於公不才亦由於公公勉之十七年三月文帝崩太子即皇帝位大赦立妃宇文氏為皇后是月梁邵陵王蕭綸侵安陵大將軍楊忠討擒之

愚按是年秋七月侯景廢簡文帝立豫章王棟改天正元年十一月侯景僭即皇帝位國號大漢

元年春正月改元始去年號冬十一月梁湘東王蕭繹討侯景擒之遣其舍人來告始嗣位於江陵

二年秋八月大將軍尉遲迥克成都劍南平冬十一月

安定公宇文泰殺尚書元烈是年封宗室元定為建城

王

三年春正月安定公宇文泰廢帝而立齊王廓置帝雍

州解舍帝自元烈殺害有怨言密謀誅泰淮安王育廣

平王贊等並垂泣諫帝不聽故及於辱夏四月史臣柳

欽定四庫全書

南北史合注 卷九十一

甲

此執簡告於朝曰廢帝文皇帝嗣子以托安定公又納

公女為匹公既受茲重寄任居元輔不能訓誨有成效

令廢黜負文皇帝付屬之意此咎非安定公而誰泰乃

令太常盧辨作誥喻公卿曰嗚呼我羣后暨眾士惟文

皇帝以襁褓之嗣託於予訓之誨之庶厥有成而予罔

能弗變厥心庸暨乎廢隆我文皇帝之志嗚呼茲咎予

其焉避予實知之矧爾眾人之心哉惟予之顏豈惟今

厚將恐來世以予為口實庚戌宇文泰酖帝崩

呂東萊大事記及馬端臨文獻通考別本皆云壽十
六不知何據 愚按帝紀與恭帝紀皆寂寥不足觀
故取他書益之云

恭皇帝諱廓文皇帝第四子失其母氏大統十四年封
齊王二十四軍建以王為使持節大將軍大都督十六
年高洋篡東魏安定公宇文泰奉詔討之命王鎮隴石
廢帝三年正月即皇帝位大赦改元立妃若干氏為皇
后

欽定四庫全書

南北史合注 卷九十一

甲

元年夏四月帝大饗羣臣庚戌宇文泰殺廢帝及故后

宇文氏是月柔然乙旃達官寇廣武五月柱國李弼追

擊之斬首數千級收輜重而還冬十一月師滅梁戕梁

孝元帝梁太尉王僧辯奉孝元子方智為王承制居建

業

二年春正月冊梁王蕭譽為梁皇帝

歷代三寶記曰是年三月送梁國圖籍墳典至長安

秋七月梁太尉王僧辯納貞陽侯蕭淵明於齊奉以為

主立梁王方智為太子九月梁司空陳霸先殺僧辯廢
蕭淵明復奉方智為帝是歲梁廣州刺史王琳寇邊大
將軍豆盧寧帥師討之

資治通鑑曰是年宇文泰諷淮安王育上表請如古

制降爵為公於是宗室諸王皆降為公 是歲梁敬

帝紹泰元年後梁宣帝天定元年

三年春正月丁丑初行周禮建六官

隋書禮儀志載詔曰六樂尚矣聲歌之節舞蹈之容

欽定四庫全書

南北史合注
卷九十一

四十一

寂寥已絕但方行古人之事宜本於茲可制其歌舞

配日月星辰

以安定公宇文泰為太師大冢宰以柱國李弼為大司

徒趙貴為太保大宗伯以尚書令獨孤信為大司馬以

于謹為大司寇以侯莫陳崇為大司空冬十月己亥安

定公宇文泰薨十二月庚子帝遜位於周出居大司馬

府

是歲梁太平元年

次年正月周氏封帝為宋公二月周冢宰宇文護殺帝
崩謚曰恭皇帝

愚按大事記文獻通考皆云壽二十二不知何據

周續封道武後羅為韓公羅卒又改封謙詳廣平王

懷傳

東魏孝靜皇帝

愚按北史別魏而東之明非正也然孝靜賢足取而

亡足憐北史不用魏澹魏書例削紀為傳當以此

欽定四庫全書

南北史合注
卷九十一

四十一

諱善見清河文宣王亶之世子母胡妃永熙三年八月

拜開府儀同三司考武既入關勃海王高歡乃與百寮

會議推世子以奉明帝後時年十一

天平元年冬十月丙寅皇帝即位於城東北大赦改元

庚午以太師趙郡王詵為大司馬以司空咸陽王坦為

太尉以開府儀同三司高盛為司徒以開府儀同三司

高昂為司空壬申享太廟

魏書載壬申詔曰安安能遷自古明典是以殷遷八

城周卜三地隆替無恒事由變通故也高祖孝文皇帝式觀乾象俯協人謀發自武州幸茲嵩縣魏雖舊國其命維新及正光之季國步孔棘喪亂不已寇賊交侵俾我生民無所措手今遠遵古式深驗時事考龜襲吉遷宅漳滏庶克隆洪基再昌實歷主者明為條格及時發遣

丙子車駕北遷於鄴詔勃海王高歡留後部分改司州為洛州以尚書元弼為儀同三司洛州刺史鎮洛陽十

欽定四庫全書

南北朝合注 卷九十一

四十四

一月兗州刺史樊子鵠南青州刺史大野拔據瑕丘反
庚寅車駕至鄴

魏徵隋書食貨志曰東魏遷都于鄴出粟一百三十萬石以賑窮民

居北城相州之廨改相州刺史為司州牧魏郡太守為魏尹徙鄴舊人西徑百里以居新遷人分鄴置臨漳縣以魏郡林慮廣平陽丘汲郡黎陽東濮陽清河廣宗等郡為皇畿十二月丁卯燕郡王賀拔允薨庚午詔內外

解嚴百司悉依舊章從容雅服不得以衿衫從事丙子進侍中封隆之等五人為大使巡喻境內丁丑赦畿內閏月梁以元慶和為魏王入據平瀨鄉宇文泰弒孝武於長安初置四中郎將於礪石橋置東中蒲泉置西中濟北置南中洛水置北中

二年春正月己亥兼尚書右僕射東南道行臺元晏討元慶和破走之二月壬午以太尉咸陽王坦為太傅以司州牧西河王暉為太尉己丑前南青州刺史大野拔

欽定四庫全書

南北朝合注 卷九十一

四十五

斬樊子鵠以降兗州平戊戌梁司州刺史陳慶之寇豫州刺史克雄擊走之三月辛酉以司徒高盛為太尉以司空高昂為司徒濟陰王暉業為司空勃海王高歡討平山胡劉蠡升辛未以旱故詔京邑及諸州郡縣收瘞骸骨夏四月前青州刺史侯梁反攻掠青齊癸未濟州刺史恭儁討平之壬辰降京師見囚夏五月大旱勒城門殿門及省府寺署坊門澆人不簡王公無限日得雨乃止六月元慶和寇南頓豫州刺史堯雄大破之秋七

月甲戌封汝南王悅孫緯為瑯琊王八月辛卯司空濟陰王暉業坐事免甲午發衆七萬六千人營新宮九月丁巳以開府儀同三襄城王旭為司空冬十月丁未梁柳仲禮寇荊州刺史王元擊破之癸丑祀圓丘甲寅閩闔門災龍見并州并中十二月壬午車駕狩於鄴東午文武百官量事各給祿是歲高麗契丹國並遣使朝貢於西魏為文皇帝大統元年

三年春正月癸卯朔饗羣臣於前殿戊申詔百官舉士

欽定四庫全書

南北史合注 卷九十一

四六

舉不稱才者兩免之二月丁未梁光州刺史郝樹以州內附丁酉加勃海王世子高澄為尚書令大行臺大都督三月甲寅以開府儀同三司華山王鷲為大司馬丁卯陽夏太守盧公纂據郡南叛大都督元整破之夏四月丁酉昌樂王謚薨五月癸卯賜鰥寡孤獨貧窮各有差丙辰以錄尚書事西河王恂為司州牧戊辰太尉高盛卒六月辛巳趙郡王謚薨秋七月庚子大赦梁夏州刺史田獨鞞潁川防城都督劉鷲慶並以州內附八月

并肆涿建四州霜實大飢九月壬寅以定州刺史侯景兼尚書右僕射南道行臺節度諸軍南討丙辰平陽人路季禮謀反辛酉御史中尉竇泰討平之冬十一月戊申詔遣使巡檢河北流移飢民侯景攻剋梁楚州獲刺史恒和十二月以并州刺史尉景為太保辛未遣使者板假老人官百歲已下各有差壬寅皇生父大司馬清河王暹薨癸未以太傅咸陽王坦為太師是歲高麗勿吉並遣使朝貢

欽定四庫全書

南北史合注 卷九十一

四七

四年春正月以汝陽王暹為錄尚書事夏四月辛未遷七帝神主於新廟大赦 温子昇集載詔曰朕瞻言往事取則前修乃襲去鄴用追遷鄴今清廟初興闕宮始就靈祇萃止祖考來格神光夜照香氣朝聞今月吉辰躬展誠敬時和氣婉景麗雲柔四表來廷萬國在位哀樂相交感慶交集固宜觀象雷雨布寬大之恩取類澤風申肆昔之令可大赦天下 愚按資治通鑑注以道武明元太

武文成獻文孝文宣武為七帝而高歡既推帝以奉
孝明後豈有子不祀父禮恐七帝乃八帝之誤

內外百官普進一階先是榮陽人張儉等聚眾反於大

魏山通西魏壬辰武衛將軍高元咸討破之六月己巳

幸華林園理訟辛未詔尚書掩骼埋胔推錄囚徒壬午

閭闔門災七月甲辰遣兼散騎常侍李楷聘於梁八月

西魏剋陝州刺史李徽伯死之九月侍中元子思與其

弟謀西入並賜死閏月己丑衛將軍石光祿大夫蔣天

欽定四庫全書

南北史合注
卷九十一

四十八

樂謀反伏誅禁京師酤酒冬十月以咸陽王坦為錄尚

書事壬辰勃海王高歡西侵敗於沙苑己酉西魏行臺

龔景壽都督楊白駒寇洛州大都督韓賢大破之西魏

又遣其大行臺元季海大都督獨孤信逼洛州刺史廣

陽王湛棄城歸闕季海信遂據金墉十一月丙子以驃

騎大將軍儀同三司万俟普為太尉十二月甲寅梁人

來聘河間人邢磨納范陽人盧仲禮各聚眾反是歲高

麗柔然並遣使朝貢

元象元年春正月辛酉朔日有蝕之有巨象自至碭郡

陂中南兗州獲送於鄴丁卯大赦改元二月丙辰遣兼

散騎常侍鄭伯猷聘於梁夏四月庚寅曲赦畿內開酒

禁六月壬辰帝幸華林都堂聽訟是夏山東大水蝦蟇

鳴於樹上秋八月辛卯勃海王高歡大敗西魏於河陰

九月大都督賀拔仁擊邢磨納盧仲禮等破平之冬十

月梁人來聘十二月庚寅遣陸操聘於梁

段成式酉陽雜俎曰魏使操等聘於梁入樂遊苑西

欽定四庫全書

南北史合注
卷九十一

四十九

門內青油幕下梁武備三仗乘輿從南門入操等東

面再拜梁武北入臨光殿坐皂帳南面諸賓及羣官

俱坐定遣中書舍人殷靈宣旨慰勞且有辭答 又

曰操至梁梁武坐小輿使再拜宣旨勞問至重雲殿

引昇殿梁武著菩薩衣北面太子已下皆菩薩衣侍

衛如法一道人贊禮佛辭凡三卷其贊第三卷中稱

為魏主魏相高并南北二境士女禮佛訖操與其羣

臣俱再拜

是歲高麗遣使朝貢

興和元年春正月辛酉以尚書令孫騰為司徒三月甲寅朔封常山郡王邵第二子曜為陳郡王五月甲戌立皇后高氏乙亥大赦六月乙酉以尚書左僕射司馬子如為山東黜陟大使尋為東北道行臺差選勇士庚寅前潁州刺史奚思業為河南大使簡發勇士丁酉梁人來聘戊申開府儀同三司汝陽王暹薨秋八月壬辰遣兼散騎常侍王元景聘於梁九月甲子發畿內十萬人

欽定四庫全書

南北史合注 卷九十一

五十

城鄴四十日罷辛未曲赦畿內死罪已下各有差冬十一月癸亥以新宮成大赦改元八十以上賜綾帽及杖七十旁無期親及有病廢者各賜粟帛築城之夫給復一年是年高麗遣使朝貢

二年春正月壬申以太保尉景為太傅以驃騎大將軍開府儀同三司庫狄干為太保丁丑徙御新宮大赦內外百官並進一階營構主將別優一階三月乙卯梁人來聘夏五月己酉西魏行臺宮延和陝州刺史宮元慶

率戶內屬置之河北馬場振廩各有差壬子遣兼散騎

常侍李象聘於梁閏月丁丑朔日有蝕之己丑封皇兄

景植為宜陽王皇弟威為清河王謙為潁川王

愚按孝靜加恩同氣而北面所天是知有兄弟而不知有父也

知有父也

六月壬子大司馬華山王鷲薨

魏書靈徵志載是年八月徐州濟陰郡廳事前烏巢

於槐烏母死有雀銜食哺烏雛不失其時並皆長大

欽定四庫全書

南北史合注 卷九十一

五十一

詔賞太守帛十四匹

冬十月梁人來聘十二月乙外遣兼散騎常侍崔長謀聘於梁是歲高麗柔然勿吉並遣使朝貢

三年春二月甲辰阿至羅出吐拔那渾大率部來降三月乙酉梁州人公孫貴賓聚眾反自號天王陽夏鎮將

討擒之夏四月戊申阿至羅國主副伏羅越君子去賓

來降封為高車王六月乙丑梁人來聘秋七月己卯宜

陽王景植薨八月甲子遣兼散騎常侍李騫聘於梁先

陽王景植薨八月甲子遣兼散騎常侍李騫聘於梁先

是詔羣官於麟趾閣議定新制冬十月甲寅班於境內
已發夫五萬人築漳濱堰三十五日罷癸亥車駕狩
於西山十一月戊寅還宮丙戌以開府儀同三司彭城
王韶為太尉以度支尚書胡僧敬為司空是歲柔然高
麗勿吉國並遣使朝貢

四年春正月丙辰梁人來聘夏四月丙寅遣兼散騎常
侍李繪聘於梁乙酉以侍中廣陽王湛為太尉以尚書
右僕射高隆之為司徒以太尉彭城王韶為錄尚書事

欽定四庫全書

南北史合注
卷九十一

五十五

丁亥太傅尉景坐事降為驃騎大將軍開府儀同三司
辛卯以太保庫狄干為太傅以領軍將軍婁昭為大司
馬封祖裔為尚書右僕射六月丙申復前侍中樂良王
忠裔丁酉復陳留王景皓常山王紹宗高密王永業爵
秋八月庚戌以開府儀同三司吏部尚書侯景為兼尚
書僕射河南行臺隨機討防冬十月甲寅梁人來聘十
一月壬午驃騎大將軍開府儀同三司青州刺史西河
王暉薨十二月辛亥遣兼散騎常侍陽裴使於梁是歲

柔然高麗吐谷渾並遣使朝貢

武定元年春正月壬戌朔大赦改元己巳車駕蒐於邯
鄲之西山癸酉還宮二月壬申北豫州刺史高仲密據
虎牢西叛西魏丞相宇文泰率眾來援三月丙午帝親
納訟戊申勃海王高歡大敗西魏於邛山追奔至恒農
而還豫洛二州平夏四夏封彭城王韶弟襲為武安王
五月壬辰以剋復虎牢降死罪以下囚乙未以吏部尚
書侯景為司空六月乙亥梁人來聘戊寅封前員外散

欽定四庫全書

南北史合注
卷九十一

五十五

騎侍郎元長春為南郡王八月乙丑以汾州刺史解律
金為大司馬壬午遣兼散騎常侍李渾聘於梁冬十一
月甲午車駕狩於西山乙巳還宮是歲吐谷渾柔然高
麗並遣使朝貢
二年春二月丁卯徐州人劉烏黑聚眾反遣行臺慕容
紹宗討平之三月梁人來聘以旱故宥死罪已下囚丙
午以開府儀同三司孫騰為太保壬子以勃海王世子
高澄為大將軍文武職事賞罰眾典皆稟於澄以領中

書監元弼為錄尚書事以尚書左僕射司馬子如為尚

書令以太原公高洋為左僕射夏五月甲午遣散騎常

侍魏季景聘於梁丁酉太尉廣陽王湛薨秋八月癸酉

尚書令司馬子如坐事免九月甲申以開府儀同三司濟

陰王暉業為太尉太師咸陽王坦坐事免以王還第冬

十月丁巳大保孫騰大司馬高隆之各為括戶大使凡

獲逃戶六十餘萬十一月西河地陷有火出甲申以司

徒高隆之為尚書令以前大司馬婁昭為司徒庚子祀

欽定四庫全書

南北史合注 卷九十一

五十四

圓丘辛丑梁人來聘是歲吐谷渾地豆干室韋高麗柔

然勿吉等國並遣使朝貢

三年春正月丙申遣兼散騎常侍李瑱聘于梁二月庚

申吐谷渾圖奉其從妹以備後庭納為容華嬪夏五月

甲辰大赦秋七月庚子梁人來聘

隋書五行志曰九月豹入鄴城南門格殺之

冬十月遣中書舍人尉瑾聘於梁十二月以司空侯景

為司徒以中書令韓軌為司空戊子以太保孫騰為錄

尚書事是歲高麗吐谷渾柔然並遣使朝貢

四年夏五月梁人來聘六月庚子以司徒侯景為河南

大行臺應機討防秋七月壬寅遣兼散騎常侍元廓聘

于梁八月移洛陽漢魏石經于鄴

魏書曰九月勃海王高歡攻西魏王瑩不克冬十一

月以疾班師 隋書五行志曰是年冬大霧六日晝

夜不解占為陰侵陽臣將侵君之象此明年元瑾劉

思逸謀殺大將軍之應 愚按此乃明年大將軍高

欽定四庫全書

南北史合注 卷九十一

五十五

澄晉辱君父跋扈不臣之應而史反以為元瑾等奉

詔討澄等所感召大謬

隋書五行志又云武定五年秋大雨七十餘日亦元

瑾謀殺大將軍之應其謬同

是歲室韋勿吉地豆干高麗柔然並遣使朝貢

五年春正月己亥朔日有蝕之丙午勃海王高歡薨辛

亥司徒侯景降于西魏以求救西魏遣其將李弼王思

政赴之思政等入據潁川景乃出走豫州乙丑梁人來

聘二月侯景復背西魏歸梁夏四月壬申大將軍高澄

來朝甲午遣兼散騎常侍李緯聘於梁五月丁酉朔大

赦戊戌以尚書右僕射襄城王旭為太尉甲辰以太原

公高洋為尚書令領中書監以青州刺史尉景為大司

馬以開府儀同三司庫狄干為太師以錄尚書事孫騰

為太傅以汾州刺史賀拔仁為太保以司空韓軌為司

徒以領軍將軍可朱渾道元為司空以司徒高隆之錄

尚書事以徐州刺史慕容紹宗為尚書左僕射高陽王

欽定四庫全書

南北朝合注
卷九十一

五十一

斌為右僕射戊午大司馬尉景卒六月乙酉帝為故勃

海王高歡舉哀于東堂服總哀秋

魏書載七月以大將軍高澄都督中外諸軍錄尚書

事甲申葬勃海獻武王於鄴城西北車駕祖于漳濱

通鑑曰八月壬辰帝以大將軍高澄無禮密詔尚

書祠部郎中元瑾侍讀荀濟長秋卿劉思逸淮南王

宣洪華山王大器濟北王徽等共誅之事泄反為所

害幽帝于宮中 隋書五行志曰是月豹上銅雀臺

九月辛丑梁貞陽侯蕭淵明寇徐州堰泗水於寒山灌

彭城以應侯景冬十一月乙酉以尚書左僕射慕容紹

宗為東南道行臺與大都督高岳潘相樂大破擒之及

其二子瑀道十二月乙未蕭淵明至帝御闔闔門受俘

讓而宥之岳等迴師討侯景是歲高麗勿吉並遣使朝

貢

是歲梁太清元年
六年春正月己亥大都督高岳等大破侯景于淮陽俘

欽定四庫全書

南北朝合注
卷九十一

五十二

斬五萬餘人餘溺死於渦水水為不流景走淮南二月

己卯梁遣使求和許之三月癸巳以太尉襄城王旭為

大司馬以開府儀同三司高岳為太尉辛亥以冬春亢

旱赦罪人各有差夏四月甲子吏部令史張永和青州

人崔閻等偽假人官事覺亂檢首者六萬餘人甲戌以

尚書左僕射慕容紹宗為大行臺與太尉高岳司徒韓

軌大都督劉豐等討王思政於潁川引洧水灌其城九

月乙酉梁人來聘冬十月戊申侯景濟江推梁臨賀王

正德為主以攻建業是歲高麗室韋柔然吐谷渾並遣使朝貢

七年春正月戊辰梁北徐州刺史中山侯蕭正表以鎮內附封蘭陵郡公吳郡王三月丁卯侯景剋建業夏四月大行臺慕容紹宗遇暴風溺水死五月丙辰梁武帝殂戊寅大將軍高澄帥師赴潁川六月剋之獲西魏大將軍王思政等秋七月大將軍高澄至自潁川帝宴澄及諸將於華林園八月辛卯立皇子長仁為皇太子大

欽定四庫全書

南北史合注 卷九十一

五十八

將軍高澄為蘭京所殺

本史書盜殺勃海王高澄今正之辨見後

癸巳大赦內外百官並進二級甲午太原公高洋如晉陽冬十月癸未以開府儀同三司咸陽王坦為太傅甲午以開府儀同三司潘相樂為司空十二月甲辰吳郡王蕭正表薨以并州刺史彭樂為司徒是歲柔然地豆干室韋高麗吐谷渾並遣使朝貢

八年春正月辛酉帝為勃海王高澄舉哀於東堂戊辰

詔太原公高洋嗣事徙封齊郡王甲戌地豆干契丹並遣使朝貢二月

魏書曰甲申葬勃海文襄王車駕祖於漳濱

庚寅以尚書令高隆之為太保三月庚申進齊郡王高洋爵為齊王夏四月己巳柔然遣使朝貢五月甲寅詔齊王為相國總百揆備九錫之禮以齊國太妃為王太后王妃為王后丙辰遜帝位于齊己未齊氏封帝為中山王邑一萬戶上書不稱臣答不稱詔載天子旌旗行

欽定四庫全書

南北史合注 卷九十一

五十九

魏正朔乘五時副車封王諸子為縣公邑各一千戶奉絹一萬疋錢一萬貫粟二萬石奴婢三百人水碾一具田百頃園一所於中山國立魏宗廟次年十二月己酉齊王高洋弒帝崩時年二十八天保三年二月奉謚曰孝靜皇帝葬於鄴西漳北後忽命發之陵崩死者六十人

資治通鑑曰投梓宮於漳水 宋揮塵錄曰太祖乾

德四年詔禁樵採禁空陵耶抑後有收而葬之如符

堅於石虎耶

帝好文美容儀力能挾石獅子以踰牆射無不中嘉辰宴會多命羣臣賦詩從容沉雅有孝文風

資治通鑑曰始獻武王歡自病逐君之醜事帝禮甚恭事無大小必以聞可否聽旨每侍宴俯伏上壽帝設法會乘輦行香歡執香爐步從鞠躬屏氣承望顏色故其下奉帝莫敢不恭

勃海王高澄嗣事甚忌焉以大將軍中兵參軍崔季舒

欽定四庫全書

南北史合注 卷九十一

六十一

為中書黃門侍郎令監察動靜小大皆令季舒知澄與

季舒書曰癡人復何似癡輩小差未宜用心檢校帝嘗

與澄獵於鄴東馳逐如飛監衛都督烏那羅受工伐從

後呼帝曰天子莫走馬大將軍怒澄嘗侍帝飲大舉觴

曰臣澄勸陛下帝不悅曰自古無不亡之國朕亦何用

此生為澄怒曰朕朕狗脚朕使季舒毆帝三拳奮衣而

出明日澄使季舒勞帝帝亦謝焉賜絹季舒未敢受以

啟澄澄使取一段帝束百疋與之曰亦一段爾帝不堪

憂辱詠謝靈運詩曰韓亡子房奮秦帝魯連恥本自江

海人忠義動君子常侍侍講荀濟知帝意乃與華山王

大器元瑾等密謀於宮中偽為山而作地道向北城至

千秋門門者覺地下響動以告澄澄勒兵入宮不拜而

坐曰陛下何意反耶臣父子功存社稷何負陛下耶此

必妃嬪輩所為欲殺胡夫人及李嬪帝正色曰自古惟

聞臣反君不聞君反臣王自欲反何關於我我殺王則

社稷安不殺則社稷危身且不暇惜何況妃嬪必欲弑

欽定四庫全書

南北史合注 卷九十一

六十一

逆緩速在王

愚按澄勒兵入宮以下本史所刪甚多情事與語意

俱晦今改依資治通鑑云

澄乃下牀叩頭大啼謝罪於是酣飲夜久乃出居三日

幽帝於含章堂大器元瑾等皆烹於市及將禪文宣襄

城王昶司徒潘相樂侍中張亮黃門郎趙彥深等求入

奏事帝在昭陽殿見之昶曰五行逆運有始有終齊王

聖德欽明萬姓歸仰願陛下則堯禪舜帝便飲容荅王

此事推挹已久謹當遜避又云若爾須作詔書侍郎崔
劼裴讓之奏云詔已作訖即付楊愔進帝凡十條書訖
曰將安朕何所復若為而去愔對曰在北城別有館宇
選備法駕依常仗衛而去帝乃下御座步就東廊口詠
范蔚宗後漢書贊云獻生不辰身播國也終我四百永
作虞賓所司奏請發帝曰古人念違簪敝屣欲與六宮
別可乎高隆之曰今天下猶陛下之天下況在後宮乃
步入與夫人嬪以下訣莫不歎歔掩涕嬪趙國李氏誦

欽定四庫全書

南北史合注
卷九十一

三

陳思王詩云王其愛王體俱享黃髮期皇后已下皆哭
直長趙德以故犢車一乘候於東上閤帝上車德趨上
車持帝帝肘之曰朕畏天順人授位相國何物奴敢逼
人德尚不下
三國典畧曰大將軍高澄攻王思政於潁川親坐所
築土山堰上趙道德引其裾使下曰箭頭有鏃不避
大王已箭果集澄坐之所 資治通鑑曰常山王演
欲廢少主殷自立以諸臣勸進語白於太皇太后趙

道德曰相王不學周公輔成王而欲骨肉相奪獨不
畏後世謂之篡耶太皇太后是之 愚按趙道德忠
於澄若彼忠於少主殷以拒演又若此獨無禮於孝
靜耶不知資治通鑑何據乃改趙德為趙道德綱目
亦然一耶二耶學人再考之

及出雲龍門王公百僚衣冠拜辭帝曰今日不減道鄉
公漢獻帝眾皆悲愴高隆之泣灑

愚按本史裴讓之傳云帝與羣臣別讓之獨流涕歔

欽定四庫全書

南北史合注
卷九十一

三

歔何以不載

遂入北城下司馬子如南宅初帝禪位前一月有禾生
於銅研旦長數寸有穗識者以為黍離之感云及文宣
行幸嘗以帝自隨帝后封太原公主常為帝嘗食以護
視馬竟遇醜而崩

資治通鑑曰齊王飲公主酒使人酖王殺之并其三
子

論曰莊帝運接交喪招納勤王雖時事孔棘而卒有四

海猾逆剪除權奸擅命神慮獨斷芒刺幸除而天未忘
亂禍不旋踵

魏書曰未聞長轡之策遽深負刺之恐謨謀罕術授
任乖方猜嫌行僂禍不旋踵 愚按魏收此論甚謬
蓋以袒高歡者袒爾朱榮以詆孝武者詆孝莊也
自茲之後魏室土崩始則制屈強胡終乃權歸霸政主
祭祀者不殊於寄坐遇黜辱者有甚於奕棋雖以節閔
之明孝武之長

欽定四庫全書

南北史合注
卷九十一

六五

魏書曰平陽猜惑自絕宗廟恃德為甚 愚按猜惑
恃德四字收專為媚高氏而言若帝之罪在弑君淫
妹此非其實

祇以速是奔波文帝以剛強之質終以守雌自賈

廢帝圖權自禍君子哀其志焉

靜恭運終天祿皆不保其身悲夫

隋翻經學士費長房作歷代三寶記以道武以下都
平城者為北魏孝文以下都洛陽者為南魏孝武以

下都長安者為西魏孝靜都鄴為東魏兵成東西南
北四魏云

欽定四庫全書

南北史合注
卷九十一

六五

南北史合注卷九十一

欽定四庫全書

南北史合注卷九十二

明 李清 撰

齊本紀上第六

北史六

齊高祖神武皇帝姓高氏諱歡字賀六渾勃海蓆人六世祖隱晉玄菟太守隱生慶慶生泰泰生湖三世仕慕容氏

魏書曰魏登國十年燕主慕容寶遣其太子寶來伐

欽定四庫全書

南北史合注 卷九十二

湖諫曰魏燕之與國彼有內難此遣赴之此有所求彼無違者和好多年行人相繼往求馬不得遂留其弟曲在於此非彼之失正當敦修舊好而復令太子遠伐魏王有雄畧兵馬精強險阻艱難備嘗之矣太子富於春秋意果銳必小魏而易之萬一不如所欲損威傷重言頗切厲垂怒免湖官既而寶果敗於叅合寶立乃起湖為燕郡太守

及慕容寶敗國亂湖率眾歸魏為右將軍湖生四子第

三子謚

魏書曰謚天安中除中散專典秘閣高宗深重之拜秘書郎謚以墳典殘缺奏請廣訪羣書大加繕寫由是代京圖籍莫不審正顯祖御寧光宮謚恒侍講讀仕魏位至侍御史坐法徙居懷朔鎮謚生皇考樹生性通率不事家產

魏書曰樹生佐封平陽王討蠕蠕先驅有功尚氣俠

浮沉自適不願職位辭不受賞論者高之

欽定四庫全書

南北史合注 卷九十二

住居白道南數有赤光紫氣之異隣人以為怪勸徙居避之皇考曰安知非吉居之自若及高祖生而皇妣韓氏俎養於同產姊壻鎮嶽隊尉景家高祖既累世北邊故習其俗遂同鮮卑長而深沉有大度輕財重士為豪傑所宗目有精光長頭高顙齒白如玉少有人傑表家貧及聘武明皇后始有馬得給鎮為隊主鎮將遼西段長常奇高祖貌謂曰君有康濟才終不徒然便以子孫為託及貴追贈長司空擢其子寧而用之高祖自隊主

轉為函使嘗乘驛過建興雲霧晝晦雷聲隨之半日乃絕若有神應者每行道路往來無風塵之色又嘗夢履眾星而行覺而內喜為函使六年每至洛陽給令史麻祥使祥嘗以肉啗高祖高祖性不立食坐而進之祥以為慢已答高祖四十及自洛陽還傾產結客

三國典畧曰神武因夢履星而行覺而內喜遂傾產結客

親故怪問之答曰吾至洛陽宿衛羽林相率焚領軍張

欽定四庫全書

南北史合注 卷九十二

彘宅朝廷懼亂不問為政若此事可知也財物豈可常守邪自是乃有澄清天下之志與懷朔省事雲中司馬

子如及秀容人劉貴中山人賈顯智為奔走之友懷朔

戶曹史孫騰外兵史侯景亦相友結劉貴嘗得一白鷹

與高祖及尉景蔡儁子如賈顯智等獵于沃野見一赤

兔每搏輒逸逐至迥澤澤中有茅屋將奔入有狗自屋

中出噬之鷹兔俱死高祖怒以鳴鏑射之狗斃屋中有

二人出持高祖襟甚急其母兩目盲曳杖呵二子曰何

故觸大家出甕中酒烹羊待客因自言善暗相徧捫諸

人言皆貴而指揮俱由高祖又曰子如歷位顯智不善

終飲竟出行數里還更訪之本無人居向非人也諸人

亦加敬異孝昌元年柔玄鎮人杜洛周反於上谷高祖

與同志從之醜其行事私與尉景段榮蔡儁圖之不果

而逃為其騎所追文襄及魏永熙后皆幼武明后於牛

上抱負之文襄累落牛高祖彎弓將射之以決去后呼

榮求救賴榮透下取之以免遂奔葛榮又亡歸爾朱榮

欽定四庫全書

南北史合注 卷九十二

於秀容先是劉貴事榮盛言高祖美至是始得見以樵

悴故未之奇也貴乃為高祖更衣復求見因隨榮之廐

廐有惡馬榮命剪之高祖不加羈絆而剪竟不蹄齧已

而起曰御惡人亦如此馬矣榮遂坐高祖於堂下屏左

右訪時事高祖曰聞公有馬十二谷色別為羣此竟何

用榮曰但言爾意高祖曰方今天子愚弱太后淫亂孽

寵擅命朝政不行以明公雄武乘時奮發討鄭儼徐紇

而清帝側霸政可舉鞭而行此賀六渾之意也榮大悅

語自日中至夜半乃出自是每參軍謀後從榮徙據并州抵揚州邑人龐蒼鷹止團焦中每從外歸主人遙聞行響動地蒼鷹母數見團焦上赤氣赫然屬天又蒼鷹夜欲入有青衣拔刀叱曰何故觸王言訖不見始以為異密覘之唯見赤蛇蟠牀上益驚異因殺牛分肉厚以相奉

李百藥北齊書蒼鷹小傳曰蒼鷹交游豪俠厚待賓旅知高祖有伯王之略割宅相奉

欽定四庫全書

南北史合注 卷九十二

五

蒼鷹母求以高祖為義子及得志以其宅為第號南宅雖門巷開廣堂宇崇麗其本所住團焦以石墜塗之留而不毀至文宣時遂為宮既而榮以神武為親信都督時魏孝明銜鄭儼徐統逼靈太后未敢制私使榮舉兵內向榮以高祖為前鋒至上黨帝又私詔停之及帝暴崩榮遂入洛將篡位高祖諫

魏書爾朱榮傳曰榮將謀篡獻武王與司馬子如切諫榮曰愆誤若是當以死謝朝廷今日安危之機計

將安在獻武王曰未若還奉長樂以安天下於是還奉孝莊周書賀拔岳傳曰都督高歡勸榮稱帝左右多同之及榮改悔岳勸榮殺歡以謝天下左右曰歡雖愚疎言不思難今四方尚梗事藉武臣請舍之收其後效乃止愚按二史所紀不同合從資治通鑑以周書所記為準

恐不聽請鑄像卜之鑄不成乃止孝莊立以定策封銅鞮伯及爾朱榮擊葛榮令高祖喻下賊別稱王者七人

欽定四庫全書

南北史合注 卷九十二

六

後與行臺于暉破羊侃於泰山尋與元天穆破邢杲於濟南累遷第三鎮人酋長嘗在榮帳內榮問左右曰一日無我誰可主軍皆稱爾朱兆榮曰此正可統三千騎以還堪代我主眾者唯賀六渾耳因誡兆曰爾非其匹終當為其子穿鼻乃以高祖為晉州刺史於是大聚斂因劉貴貨榮下要人盡得其意時州庫角無故自鳴高祖異之無幾孝莊誅榮及爾朱兆自晉陽將舉兵赴洛召高祖高祖使長史孫騰辭以絳蜀汾胡欲反不可委

去兆恨焉騰復命高祖曰兆舉兵犯上此大賊也吾不能久事之自是始有圖兆計及兆入洛執孝莊以北高祖聞之大驚又使孫騰偽賀兆因窺規孝莊所在將劫以舉義不果乃以書喻之言不宜執天子受惡名於海內兆不納弑帝而與爾朱世隆等立長廣王粲改元建明封高祖為平陽郡公及費也頭紇豆陵步藩入秀容逼晉陽兆徵公公將往賀拔焉過兒請緩行以弊之公乃往逗遛辭以河無橋不得渡步藩軍盛兆敗走初孝

欽定四庫全書

南北史合注
卷九十二

七

莊誅爾朱榮知其黨必有逆謀乃密敕步藩令襲其後步藩既敗兆等兵勢日盛兆又請救於公公內圖兆復累步藩後難除乃與兆悉力破之藩死深德公誓為兄弟時世隆度律彥伯共執朝政天光據關右兆據并州仲遠據東郡各擁兵為暴天下苦之葛榮衆流入并肆者二十餘萬為契胡陵暴皆不聊生大小二十六反誅夷者半猶草竊不止兆患之間計於公公曰六鎮反殘不可盡殺宜選王腹心私使統焉若有犯者罪其帥則

所罪者寡兆曰善誰可行賀拔允時在坐請公公拳歐之折其一齒曰生平天柱時奴輩伏處分如鷹犬今日天下安置在王而阿鞠泥敢誣下罔上請殺之兆以公為誠遂委焉公以兆醉恐醒後復致疑貳遂出宣言受委統州鎮兵可集汾東受令乃建牙陽曲川陳部分有款軍門者絳巾袍自稱梗楊驛子願厠左右訪之則以方聞嘗於并州市搯殺人者乃署為親信兵士素惡兆而樂神武于是莫不皆至居無何又使劉貴請兆以并

欽定四庫全書

南北史合注
卷九十二

八

肆頻歲霜早降戶掘黃鼠食皆面無穀色徒汚人國土請令就食山東待温飽而處分之兆從其議其長史慕容紹宗諫不可兆曰香火重誓何所慮耶紹宗曰親兄弟尚難信何論香火時兆左右已受公金因諧紹宗與公舊隙兆乃禁紹宗而催公發公自晉陽出滄口路逢爾朱榮妻鄉郡長公主自洛陽來馬三百匹盡奪易之兆聞釋紹宗問焉紹宗曰猶掌握中物也於是自追公至襄垣會漳水暴長橋壞公隔水拜曰所以借公主馬

非有他故備山東盜耳王受公主言自來賜追今渡河而死不辭此眾叛兆自陳無此意因輕馬渡與公坐幕下陳謝遂授刀引頭使公砍已公大哭曰自天柱薨昔賀六渾更何所仰願大家千萬歲以申力用今旁人構間至此大家何忍復出此言兆投刀於地遂刑白馬而盟誓為兄弟留宿夜飲尉景伏壯士欲執兆公蓄臂止之曰今殺之其黨必奔歸聚結兵飢馬瘦不可相支若英雄崛起則為害滋甚不如且置之兆雖勁捷而凶狡

欽定四庫全書

南北史合注 卷九十二

九

無謀不足圖也旦日兆歸營又召公公將上馬詣之孫騰牽衣而止兆隔水肆罵馳還晉陽兆心腹念賢領降戶家累別為營公偽與之善觀其佩刀因取而殺之其從者盡散於是士眾咸悅倍願附從初魏太武真君中內學者奏言上黨有天子氣云在壺關大王山太武於是南巡以厭之累石為三封斬其北鳳凰山以毀其形後上黨人居晉陽者號上黨坊公實居之及是舍大王山六旬而進將出滏口倍加約束纖毫之物不聽侵犯

將過麥地輒步牽馬遠近聞之皆稱高儀同將兵整肅益歸心焉遂前行屯鄴北求糧於相州刺史劉誕誕不供有軍營租米公自取之魏普泰元年二月公軍次信都高乾封隆之開門以待遂據冀州是月爾朱度律廢元粵而立節閔帝欲羈縻公三月節閔封公為勃海王徵使入覲王辭四月癸巳又加授東道大行臺第一鎮人酋長龐蒼鷹自太原來奔王以為行臺郎後卒於安州刺史王自向山東養士繕甲禁兵侵掠百姓歸心乃

欽定四庫全書

南北史合注 卷九十二

十

詐為書言爾朱兆將以六鎮人配契胡為部曲眾皆愁又為并州符徵兵討步落稽發萬人將遣之孫騰尉景偽請留五日如此者再王親送之郊雪涕執別人皆號慟哭聲動地王乃喻之曰與爾俱失鄉客義同一家不意在上乃爾徵召直向西已當死後軍期又當死配國入又當死柰何眾曰唯有反耳王曰反是急計須推一人為主眾願奉王王曰爾鄉里難制不見葛滌乎雖百萬眾無刑法終自灰滅今以吾為主當與前異不得欺

漢兒不得犯軍令生死任吾則可不爾不能取笑天下
衆皆頓顙死生唯命王曰若不得已明日椎牛饗士喻

以討爾朱兆之意封隆之進曰千載一時普天幸甚王

曰討賊大順也拯時大業也吾雖不武以死繼之何敢

讓焉六月庚子建義於信都尚未顯背爾朱氏及李元

忠與高乾平殷州斬爾朱羽生首來謁王撫膺曰今日

反決矣乃以元忠為殷州刺史是時兵威既振乃抗表

罪狀爾朱氏世隆等秘表不通八月爾朱兆攻陷殷州

欽定四庫全書

南北史合注
卷九十二

十一

李元忠來奔孫騰以為朝廷隔絕不權立天子則衆望

無所係十月壬寅奉章武王融子勃海太守朗為皇帝

年號中興是為廢帝度律仲遠軍次晉陽爾朱兆會之

王用竇泰策縱反問度律仲遠不戰而還王敗兆於廣

阿十一月攻鄴相州刺史劉誕嬰城固守王起土山為

地道往建大柱一時焚之城陷入地麻祥時為湯陰令

王呼之曰麻都祥慙而逃

永熙元年正月壬午拔鄴城據之

三國典畧曰高歡攻鄴時瑞物無所不有今史焚連
理木煮白雉食之

廢帝進王大丞相柱國大將軍太師是時青州建義大

都督崔靈珍大都督耿翔皆遣使歸附行汾州事劉貴

棄城來降閏三月爾朱天光自長安兆自并州度律自

洛陽仲遠自東郡同會鄴衆號二十萬挾洹水而軍節

閔以長孫稚為大行臺總督焉王令封隆之守鄴自出

頓紫陌時馬不滿二千步兵不至三萬衆寡不敵乃於

欽定四庫全書

南北史合注
卷九十二

十二

韓陵為圓陣連牛驢以塞歸道於是壯士皆有死志四

面赴擊之爾朱兆責王背已王曰本戮力者共輔王室

今帝何在兆曰永安枉害天柱我報讎耳王曰我昔日

親聞天柱計汝在戶前立豈得言不反邪且以君殺臣

何報之有今日義絕矣乃合戰大敗之爾朱兆對慕容

紹宗叩心曰不用公言以至於此將輕騎走紹宗反旗

鳴角收聚散衆成軍容而西上高季式以七騎追奔度

野馬岡與兆遇高昂望之不見哭曰喪吾弟矣夜久季

式還血滿袖解斯椿倍道先據河橋初普泰元年十月
歲星熒惑鎮星太白聚於觜參色甚明太史占云當有
王者興是時王起信都至是破兆等四月斛斯椿執天
光度律送洛陽長孫稚遣都督賈顯智張歡入洛陽執
世隆彥伯斬之兆奔并州仲遠奔梁州遂死焉時凶蠹
既除朝廷慶悅初未戰之前月章武人張紹夜中忽被
數騎將踰城一大將軍前勅紹為軍導向鄴云佐受命
者除殘賊紹回視之兵不測整疾無聲將至鄴乃放及

欽定四庫全書

南北史合注
卷九十二

十三

戰之日爾朱氏軍人見陣外士馬四合蓋神助也既而

王至洛陽廢節閔

愚按節閔帝賢主歡失人心在廢節閔一着東西魏之
中分周齊之互競率皆由此

及中興主而立孝武帝孝武既即位授王大丞相天柱
大將軍太師世襲定州刺史增封并前十五萬戶王辭
天柱減戶五萬壬辰還鄴天子餞於天脯山執手而別
七月壬寅王帥師北伐爾朱兆封隆之言侍中斛斯椿

賀拔勝賈顯智等往事爾朱普皆反嗟今在京師寵任
必構禍隙王深以為然乃歸天光度律於京師斬之遂
自滏口入爾朱兆大掠晉陽北保秀容并州平王以晉
陽四塞乃建大丞相府定居之爾朱兆既至秀容分兵
守險出入寇掠王揚聲討之師出止者數四兆意怠王
揣其歲首必宴會遣賈泰以精騎馳之一日一夜行三
百里王以大軍繼之

欽定四庫全書

南北史合注
卷九十二

十四

二年正月賈泰奄至爾朱兆庭軍人因宴休情忽見泰
軍驚走追破之於赤洪嶺自縊王親臨厚葬之慕容紹
宗以爾朱榮妻子及餘衆自保焉突城降王以義故待
之甚厚王之入洛也爾朱仲遠部下都督橋寧張子
期自滑臺歸命王以其助亂且數反覆皆斬之斛斯椿
由是內不自安乃與南陽王寶炬及武衛將軍元毗魏
光祿王思政構王於天子舍人元士弼又奏王受勅大
不敬故天子心貳於賀拔岳初孝明時洛下有兩板相
擊謠言銅板打鐵板元家世將末好事者以二板謂拓

拔賀拔言俱將衰敗之兆時司空高乾密啟王言天子之貳王即封呈天子殺之又遣東徐州刺史潘紹業密敕長樂太守龐蒼鷹令殺其弟昂昂先聞兄死以稍刺柱伏壯士執紹業於路得敕書於袍領遂來奔王王抱其首哭曰天子枉害司空遽使以白武備其家屬時乾次弟慎在光州為政嚴猛又縱部下取納天子使代之慎聞難將奔梁其屬曰公家勲重必不兄弟相及乃弊衣推鹿車歸勃海逢使者亦來奔於是天子與王隙矣

欽定四庫全書

南北史合注 卷九十二

五

阿至羅虜正光以前常稱藩自魏朝多事皆叛王遣使招納便附款先是詔以寇賊平罷行臺至是以殊俗歸降復授王大行臺隨機處分王賚其粟帛議者以為徒費無益王不從慰撫如初其首帥吐陳等感恩皆從指揮救曹泥取万侯受洛干大收其用河西費也頭虜紇豆陵伊利居苦池河恃險擁衆王遣長史侯景屢招不從天平元年正月壬辰王西伐費也頭虜紇豆陵伊利於河西滅之遷其部落於河東

資治通鑑曰魏主讓之曰伊利不侵不叛為國純臣王忽伐之詐有一介行人來請之乎

二月永寧寺九層浮屠災既而人有從東萊至云及海上人咸見於海中俄霧起乃滅說者以為天意若曰永寧見災魏不寧矣飛入大海勃海應矣天子既有異圖時侍中封隆之與孫騰私言隆之喪妻天子欲妻以從妹騰亦未信心害隆之泄其言於斛斯椿椿以白天子又孫騰帶仗入省擅殺御史並亡來奔稱天子過舍人

欽定四庫全書

南北史合注 卷九十二

五

梁續於前光祿少卿元子幹攘臂擊之謂騰曰語爾高王元家兒奉正如此領軍婁昭辭疾歸晉陽天子於是斛斯椿兼領軍分置督將及河南關西諸刺史華山王鷲在徐州王使邸珍奪其筦鑰建州刺史韓賢濟州刺史蔡儁皆王同義天子忌之故省建州以去賢使御史中尉蔡儁察儁罪以開府賈顯智為濟州儁拒之天子愈怒五月下詔云將征勾吳發河南諸州兵增宿衛守河橋六月丁巳密詔王曰宇文黑獺自平破秦隴多

求非分脫有非常事資經畧但表啟未全背戾進討事涉忽忽遂召羣臣議其可否僉言假稱南伐內外戒嚴一則防黑獺不虞二則可威吳楚時天子將伐王王部署將帥慮疑故有此詔王乃表曰荊州縮接蠻左密邇畿服闔隴恃遠將有逆圖臣今前勒兵馬三萬擬從河東而渡又遣恒州刺史庫狄干瀛州刺史郭瓊汾州刺史斛律金前武衛大將軍彭樂擬兵四萬從來達津度遣領軍將軍婁昭相州刺史竇泰前瀛州刺史堯雄并

欽定四庫全書

南北史合注 卷九十二

十一

州刺史高隆之擬兵五萬以討荊州遣冀州刺史尉景前冀州刺史高敖曹濟州刺史蔡雋前侍中封隆之擬山東兵七萬突騎五萬以征江左皆約勒所部伏聽處分天子知王覺其變乃出表命羣臣議之欲止王諸軍王乃集在并諸僚佐令其博議還以表聞仍以信誓自明忠款曰臣為嬖佞所間陛下一旦賜疑令猖狂之罪爾朱時計臣若不盡誠竭節敢負陛下則使身受天殃子孫珍絕陛下若垂信赤心干戈不動佞臣一二人願

斟量廢出辛未天子錄在京文武議意答王使舍人溫子昇草敕昇遂巡未敢作帝據胡牀拔劍作色子昇乃作敕曰前持心血遠以示王深冀彼此共相體悉而不良之徒坐生間貳近孫騰舍卒向彼致使聞者疑有異謀故遣御史中尉蔡雋具申朕懷今得王啟言誓懇惻反覆思之猶所未解以朕眇身遇王武畧不勞尺刃坐為天子所謂生我者父母貴我者高王今若無事背王規相攻討則使身及子孫還如王誓皇天后土實聞此

欽定四庫全書

南北史合注 卷九十二

六

言近慮宇文為亂賀拔勝應之故纂嚴欲與王俱為聲援宇文今日使者相望觀其所為更無異迹賀拔在南開拓邊境為國立功念無可責若欲分討何以為辭東南不賓為日已久先朝已來置之度外今天下戶口減半未宜窮兵極武朕既闇昧不知佞臣是誰可列其姓名如聞庫狄干語王云本欲取懦弱者為主無事立此長君使不可駕御今但作十五日行自可廢之更立餘者如此議論自是王間勲人豈出佞臣之口去歲封隆之

背叛今年孫騰逃走不罪不送誰不怪王騰既為禍始
曾無愧懼王若事君盡誠何不斬送二首王雖放圖西
去而四道進或欲南度洛陽或欲東臨江左言之者猶
應自怪聞之者寧能不疑王若守誠不貳晏然居北在
此雖有百萬之衆終無圖彼之心王脫信邪棄義舉旗
南指縱無駟馬隻輪猶欲奮空拳而爭死朕本寡德王
已立之百姓無知或謂實可若為他人所圖則彰朕之
惡假令還為王殺幽辱蓋粉了無遺恨何者王既以德

欽定四庫全書

南北史合注
卷九十二

十九

見推以義見舉一朝背德舍義便是過有所歸本望君
臣一體不圖今日分疎至此古語云越人射我笑而道
之吾兄射我泣而道之朕既親王情如兄弟所以投筆
拊膺不覺歔歔初王自京師將北以為洛陽久經喪亂
王氣衰盡雖有山河之固土地褊狹不如鄴請遷都天
子曰高祖定鼎河洛為永永之基經營制度至世宗乃
畢王既功在社稷宜遵太和舊事王奉詔至是復謀焉
遣兵千騎鎮建興益河東及濟州兵於白溝鹵船不聽

向洛諸州和糴粟運入鄴城天子又敕王曰王若厭伏
人情杜絕物議唯有歸河東兵罷建興戍送相州粟追
濟州軍令蔡儁受代使邸珍出徐止戈散馬各事家業
脫須糧廩別遣轉輸則讒人結舌疑悔不生王高枕太
原朕垂拱京洛終無舉足渡河干戈相指王若馬首南
向問鼎輕重朕雖無武欲止不能必為社稷宗廟出萬
死之策決在於王非朕能定為山止簣相為惜之天子
時以任祥為兼尚書左僕射加開府祥棄官走至河北

欽定四庫全書

南北史合注
卷九十二

十九

據郡待王天子乃敕文武官北來者任去留下詔罪狀
王為北伐經營王亦勒馬宣告曰孤遇爾未擅權舉大
義於四海奉戴人主義貫幽明橫為斛斯椿讒構以誠
節為逆首昔趙鞅與晉陽之甲誅君側惡人今者南邁誅
椿而已以高昂為前鋒曰若用司空言豈有今日之舉
司馬子如答王曰本欲小者正為此耳天子徵兵關右
召賀拔勝赴行在所遣大行臺長孫承業大都督頴
川王斌之斛斯椿兵鎮虎牢汝陽王暹兵鎮石濟行臺

長孫子彥帥前弘農太守元洪畧鎮陝賈顯智率豫州
 刺史斛斯元壽伐蔡儁王使竇泰與左箱大都督莫多
 婁貸文逆顯智韓賢逆暹元壽軍降泰貸文與顯智遇
 於長壽津顯智陰約降引軍退軍司元玄覺之馳還請
 益師天子遣大都督侯幾紹赴之戰於滑臺東顯智以
 軍降紹死之七月天子躬率大衆屯河橋王至河北十
 餘里再遣口申誠款天子不報王乃引軍渡河天子問
 計羣臣或云南依賀拔勝或云西就閻中或云守洛口
 欽定四庫全書

南北史合注
 卷九十二
 五

士弼籍沒家口王以萬幾難曠推清河王亶為司馬承
 制決事尋至弘農遂西剋潼關執毛洪賓進軍長城龍
 門都督薛崇禮降王退舍河東命行臺尚書長史薛瑜
 守潼關大都督庫狄溫守封陵於蒲津西岸築城守華
 州以薛紹宗為刺史高昂行豫州事九月庚寅王還洛
 陽以屢奉表啟皆不為天子所答乃集百寮沙門耆老
 議立清河王亶世子是為孝靜帝
 愚按孝靜年方十一正用司馬子如欲立小者之計
 欽定四庫全書

南北史合注
 卷九十二
 五

死戰未決而元斌之與斛斯椿爭權不睦斌之棄椿竟
 還給帝云王兵至即日天子遜於長安已酉王入洛停
 於永寧寺八月甲寅召集百官謂曰為臣奉主匡救危
 亂若處不諫爭出不陪隨緩則耽寵爭榮急便竄失臣
 節安在遂收開府儀同三司叱列延慶兼尚書左僕射
 辛雄兼吏部尚書崔孝芬都官尚書劉厥兼度支尚書
 楊機散騎常侍元士弼並殺之誅其貳也
 愚按五臣貳於歡必忠於魏惜乎事蹟靡考

他皆飾辭
 魏於是始分為二王以孝武既西恐逼嶺陝洛陽復在
 河外接近梁境如向晉陽形勢不能相接依議遷鄴護
 軍祖瑩贊焉詔下三日駕便發戶四十萬狼狽就道王
 留洛陽部分事畢還晉陽自是軍國政務皆歸相府先
 是童謠曰可憐青雀子飛入鄴城裡羽翮垂欲成化作
 鸚鵡子好事者竊言雀子謂天子清河王子鸚鵡謂王
 也

隋書五行志載童謠云可憐青雀子飛入鄴城裡作

窠猶未成舉頭失鄉里寄書與父母好看新婦子帝

本清河王世子后則丞相高歡女鄴都宮室未成即

逢禪代作窠未成之效也帝尋崩后改降楊愔時后

母妻太后尚在故言寄書婦母新婦子斤后也與此

稍異

初孝昌中山胡劉蠡升自稱天子年號神嘉居雲陽谷

西土歲被其寇謂之胡荒

欽定四庫全書

南北史合注
卷九十二

二年正月西魏渭州刺史可朱渾道元擁衆內屬王迎

納之壬戌王襲擊劉蠡升大破之己巳天子褒詔以王

為相國假黃鉞劍履上殿入朝不趨王固辭三月王欲

以女妻蠡升太子侯其不設備辛酉潛師襲之其北部

王斬蠡升首送衆復立其子南海王王進擊之又獲南

海王及其弟西海王北海王皇后公卿以下四百餘人

胡魏五萬戶壬申王朝於京師四月王請給遷人廩各

有差

隋書食貨志曰初魏孝武西遷六坊之衆從而西者

不能萬人餘皆北徙並給常廩春秋二時賜帛以供

衣服常調外逐豐稔處折絹糴粟以充國儲於諸州

緣河津濟皆官舍儲積以擬漕運於滄瀛幽青四州

傍海置鹽官煮鹽每年收錢軍國之資得以周贍自

是後倉廩充實至元象興和中頻歲穰穀斛至九錢

是時法網寬弛民多離舊居缺於徭賦神武命孫騰

封隆之分括無籍戶得六十餘萬於是僞居者各還

欽定四庫全書

南北史合注
卷九十二

本屬自後租調之入有加

三國典畧載王移檄西魏曰告宇文黑獺逆徒等汝

擁逼乘輿遠逾關隴子秉丹誠龔行天罰今遣相州

刺史孫騰自潼關西入濟州刺史竇泰為南面都督

前冀州刺史司徒公高昂直截隴口前濟州刺史蔡

儁領魯陽蠻兵從鹽池西渡為西面開府定州刺史

十二州大行臺侯景領四海雄豪為後軍擬十一月

三十日大集西雍州

九月甲寅王以州郡縣官多非法請出使問民疾苦

三年正月甲子王帥庫狄干等萬騎襲西魏夏州身不

火食四日而至縛稍為梯夜入其城擒其刺史費也頭

斛拔俄彌突因而用之留都督張瓊鎮守遷其部落五

千戶以歸西魏靈州刺史曹泥與其婿涼州刺史劉豐

遷屬請內屬西魏安定公宇文泰圍泥水灌其城不沒

者四尺王命阿至羅發騎三萬徑度靈州繞出西軍後

獲馬五千匹西師乃退王帥騎迎泥豐生拔其遺戶五

欽定四庫全書

南北史合注 卷九十二

三五

千以歸復泥官爵天子詔加王九錫固讓乃止二月王

令阿至羅逼西魏秦州刺史建忠王万侯普撥王以眾

應之六月甲午普撥與其子太宰受洛干幽州刺史叱

干寶樂右衛將軍破六韓常及督將三百餘擁部來降

八月丁亥王請均斗尺班於境內九月辛亥汾州胡王

迺觸曹貳龍聚眾反署立百官年號平都王討平之十

二月丁丑王自晉陽西侵遣兼僕射行臺汝陽王暹司

徒高昂等趣上洛大都督竇泰入自潼關

四年正月癸丑竇泰軍敗自殺王軍次蒲津以冰薄不

得赴救乃班師高昂攻剋上洛二月乙酉王以并肆汾

建晉東雍南汾秦陝九州霜旱民飢流散所在開倉賑

給六月壬申王如天池獲瑞石隱伏成文曰六王三川

十一月壬辰王西侵自蒲津濟眾二十萬西魏相宇文

泰軍於沙苑王以地扼少却西軍鼓躁而進軍大亂棄

罷甲十有八萬王跨橐駝候船以歸

元象元年三月辛酉王固請解丞相天子許之四月庚

欽定四庫全書

南北史合注 卷九十二

三五

寅王朝京師壬辰還晉陽請開酒禁并賑恤宿衛武官

七月壬午行臺侯景司徒高昂圍西魏將孤獨信於金

墉西魏帝及丞相宇文泰並來赴救大都督庫狄干帥

諸將前驅王總眾繼進八月辛卯戰於河陰大破西魏

軍俘獲數萬司徒高昂大都督李猛宗顯死之西師之

敗獨孤信先入關泰留其都督長孫子彥守金墉遂焚

營遁王遣兵追奔至峭不及而還初王知西師來侵自

晉陽率眾馳赴至孟津未濟而軍有勝負既而王渡河

子彥亦棄城走王遂毀金墉而還十一月庚午王朝於京師十二月壬辰還晉陽

興和元年七月丁丑天子進王為相國錄尚書事固讓

乃止十一月乙丑王以新宮成朝於京師天子與王謙

射王降階下稱賀又辭勅海王及都督中外諸軍事詔

不許十二月戊戌王還晉陽

二年十二月阿至羅別部遣使請降王帥眾迎之出武

州塞不見大獵而還

欽定四庫全書

南北史合注
卷九十二

三年五月王巡北境使使與柔然通和

四年五月辛巳王朝於京師請令百官每月面敷政事

明揚仄陋納諫屏邪親理獄訟褒黜勤怠牧守有德節

級相坐椒掖之內進御以序後園鷹犬悉皆棄之六月

甲辰王還晉陽九月王西侵十月己亥圍西魏儀同三

司王思政於玉壁城欲以致敵西師不出十一月癸未

王以大雪士卒皆死乃班師

武定元年二月壬申北豫州刺史高慎據虎牢西叛三

月壬辰西魏相宇文泰率眾援高慎圍河橋南城戊申

王大敗之於印山橋西魏督將以下四百餘人俘斬六

萬計是時軍士有盜殺驢者軍令應死王弗殺將至并

州決之明日復戰奔西軍告王所在西師盡銳來攻眾

潰王失馬赫連陽順下馬授王與蒼頭馮文洛扶上俱

走從者步騎六七十人追騎至親信都督尉興慶曰王去

矣興慶腰邊百箭足殺百人王勉之曰事濟以爾為懷

州若死則用爾子興慶曰兒小願用兄許之興慶鬪矢

欽定四庫全書

南北史合注
卷九十二

盡而死西魏太師賀拔勝以十三騎逐王河州刺史劉

洪徽射中其二勝稍將中王段韶橫射勝馬墮遂免豫

洛二州平王使劉豐追奔拓地至恒農而還七月王貽

宇文泰書責以弑孝武之罪八月辛未天子詔王為相

國錄尚書事大行臺餘如故固辭乃止是月王命於肆

州北山築城西自馬陵戍東至土墜四十日罷十二月

己卯王朝於京師庚辰還晉陽

二年三月癸巳王巡行冀定二州因朝京師以冬春旱

允請蠲縣責賑窮乏宥死罪以下又請授老人板職各有差四月丙辰王還晉陽十一月王討山胡破平之俘獲一獲餘戶分配諸州

三年正月甲午開府儀同三司爾朱文暢開府司馬任曹都督鄭仲禮中府主簿李世林開府參軍房子遠等謀賊王因十五日夜打簇懷刃而入其黨薛季孝以告並伏誅丁未王請於并州置晉陽宮以處配口三月乙未王朝於京師丙午還晉陽十月丁卯王上言幽安定

欽定四庫全書

南北史合注 卷九十二

三九

三州北接奚幽然請於險要修立城戍以防之躬自臨履莫不嚴固乙未王請釋芒山俘桎梏配以民間寡婦四年八月癸巳王將西侵自鄴會兵於晉陽殿中將軍曹魏祖曰不可今八月西方王以死氣逆生氣為客不利主人則可兵果行傷大將王不從自東西魏構兵鄴下每先有黃黑螿陣闖占者以為黃者東魏戎衣色黑者以為西魏戎衣色人間以此候勝負是時黃螿盡死九月王圍玉壁西魏晉州刺史韋孝寬守玉壁城中出

鐵面王使元盜

二字疑有誤一元作兀亦不可解

射之每中其目用李業與孤虛術萃其北天險也乃起土山鑿十道又於東南鑿二十一道以攻之城無水汲於汾王使移汾一夜而畢孝寬奪據土山頓軍五旬城不拔死者七萬人聚為一冢有星墜於王營眾驢並鳴士皆驚懼王有疾十一月庚子與疾班師庚戌遣太原公洋鎮鄴辛亥徵世子澄至晉陽有惡鳥集於亭

欽定四庫全書

南北史合注 卷九十二

三九

樹世子使斛律光射殺之己卯王以無功表解都督中外諸軍事天子優詔許焉是時西魏言王中弩資治通鑑曰軍中說言韋孝寬以定功弩射殺丞相魏人聞之因下令曰勁弩一發出身自殞王聞之乃勉坐見諸貴使斛律金作敕勒歌古樂府載歌曰敕勒川陰山下天似穹廬籠罩四野天蒼蒼野茫茫風吹草底見牛羊王自和之哀感流涕侯景素輕世子嘗謂司馬子如曰

王在吾不敢有異王無不能與鮮卑小兒共事子如掩

其口至是世子為王書召景景先與王約得書書背微

點乃來至是點景不至又聞王疾遂擁兵自固王謂世

子曰我雖疾爾面更有餘憂何也世子未對又問曰豈

非憂侯景叛耶曰然王曰景專制河南十四年常有飛

揚跋扈志願我能養豈為汝駕御也今四方未定勿遽

發哀庫狄干鮮卑老公斛律金敕勒老公並性道直終

不負汝可來渾道元劉豐生速來投我必無二心賀拔

欽定四庫全書

南北史合注
卷九十二

五

馮過兒樸實無罪過潘相樂本作道人心和厚汝兄弟

當得其力韓軌少慙宜寬借之彭樂心腹難得宜防護

之少堪敵侯景者慕容紹宗我故不貴之留以與汝宜

深加殊禮委以經畧

五年正月朔日蝕王曰日蝕其為我耶死亦何恨丙午

陳啟於天子是日殂於晉陽時年五十二秘不發表六

月壬午天子於東堂舉哀三日制總哀詔函禮依漢大

將軍霍光東平王蒼故事贈假黃鉞使持節相國都督

中外諸軍事齊王璽紘輻輳車黃屋左纛前後羽葆鼓

吹輕車介士兼備九錫殊禮諡獻武王八月甲申葬於

鄴西北漳水之西天子臨送於紫陌天保初追崇為獻

武皇帝廟號太祖陵曰義平

山川紀異曰高澄欲葬父歡作虛塚於漳水西鑿穴

鼓山石窟佛頂之旁納歡柩而殺羣匠及齊亡一匠

子知之發石窟盜金器而逃

天統元年改諡神武皇帝廟號高祖神武性深密高岸

欽定四庫全書

南北史合注
卷九十二

五

終日儼然人不能測機權之際變化若神軍國大畧獨

運懷抱文武將吏罕有預之統馭軍眾法令嚴肅臨敵

制勝策出無方聽斷昭察不可欺犯知人好士全護勲

舊性周給每有文教常殷勤款悉指事論心不尚綺靡

擢人授任在於得才苟其所堪拔於廝養有虛聲無實

者稀見任用諸將出討奉行方畧罔不克捷違失指畫

多致奔亡雅尚儉素刀劍鞞勒無金玉之飾少能劇飲

自當大任不過三爵居家如官仁恕愛士始范陽盧景

裕以明經稱魯郡韓毅以工書顯咸以謀逆見擒並蒙
恩置之第館教授諸子其文武之士盡節所事見執獲
而不罪者甚多故遐邇歸心皆思効力南和梁國北懷
柔然吐谷渾阿至羅威所招納獲其力用規畧遠矣

世宗文襄皇帝諱澄字子惠神武長子母婁太后生而
岐嶷神武異之魏中興元年立為勃海王世子就杜詢
講學敏悟過人詢甚嘆服二年加侍中開府儀同三司
尚孝靜帝妹馮翊長公主時年十二神情雋爽便若成

欽定四庫全書

南北史合注
卷九十二

三五

人神武試問以時事得失辨析無不中理自是軍國籌
策皆預之天平元年加使持節尚書令大行臺并州刺
史三年入輔朝政加領軍左右京畿大都督時人多問
罷識猶以少年期之而機畧嚴明事無凝滯朝野振肅
元象元年攝吏部尚書魏自崔亮後選人常以年勞為
制乃釐改前式銓擢唯在得人又沙汰尚書郎妙選人
地以充之才名之士咸被薦擢假有未居顯位者皆致
之門下為賓客每山園游宴必見招攜執射賦詩各盡

所長以為娛適興和二年加大將軍領中書監仍攝吏
部尚書自正光已後天下多事在任羣臣廉潔者寡乃
奏吏部郎崔暹為御史中丞糾劾豪權無所縱舍於是
風俗更始私枉路絕乃勝於街衢具論經國政術仍開
直言之路有論事上書苦言切至者皆優容之武定四
年十一月神武西侵不豫班師世子馳赴軍所侍衛還
晉陽五年正月丙午神武殂秘不發喪辛亥司徒侯景
據河南反潁州刺史司馬子雲以城應之景誘執豫州

欽定四庫全書

南北史合注
卷九十二

三五

刺史高元成襄州刺史李密廣州刺史暴顯等遣司空
韓軌率眾討之四月壬申世子朝於京師
資治通鑑曰東魏主與之宴澄起舞識者知其不終
六月己巳韓軌等自潁州班師丁丑還晉陽乃發喪告
喻文武陳神武遺志七月戊戌天子詔以世子為使持
節大丞相都督中外諸軍錄尚書事大行臺勃海王王
啟辭位願停王爵壬寅天子詔太原公洋攝理軍國遣
中使敦喻八月戊辰王啟申神武遺令請減國邑分封

將督各有差幸未朝京師固辭丞相詔曰既朝野倣憑

安危所繫不得令遂本懷須有權奪可復前大將軍餘

如故壬辰害尚書祠部郎中元瑾等詳見孝靜紀九月

己亥王請勲舊灼然未蒙齒錄者悉求旌賞朝士名行

有聞或以年耆疾滿告謝者准其本秩授以州郡不得

蒞事聽蔭子孫自天平元年以來遇事亡官者聽復本

資豪貴之家不得占護山澤其第宇車服婚姻送葬奢

借無限者並令禁斷從太昌元年以來將帥有殊功異

欽定四庫全書

南北史合注
卷九十二

劾者子弟年十歲以下請聽依第出身其兵士從征身

殞陣傷者蠲其家租課若有藏器避世者以禮招致隨

才擢叙罷營構之官在朝百官怠惰不勤有所曠廢者

免所居官若清幹克濟皎然可知者即宜起叙不拘常

式辛丑王還晉陽武定六年正月己未王朝於京師二

月己卯梁遣使慰王并請通和王許其和而不荅書侯

景之叛也南兖州刺史石長宣頗相影響諸州刺史守

令佐史多被誣誤景破後悉被擒獲尚書咸處極刑王

並請減降於是斬長宣餘並從寬宥三月戊申王請朝

臣及收守令長各舉賢良及驍武膽畧堪守邊城者務

在得才不拘職素其稱事六品散官五品以上朝廷所

悉不在舉限其稱事七品散官六品以下并及州郡縣

雜白身不限在官解職並任舉之隨才進擢辛亥王南

臨黎陽濟虎牢自洛陽從太行而反晉陽於路遺書朝

士相戒朝野承風莫不振肅六月王巡北邊城戍賑賜

各有差七月乙卯王朝於京師八月庚寅還晉陽使大

欽定四庫全書

南北史合注
卷九十二

行臺慕容紹宗與太尉高岳大都督劉豐討王思政於

潁川先是王遣行臺尚書辛術率諸將畧江淮之北至

是獲二十三州七年四月甲辰天子進王位相國封齊

王綠紱綬贊拜不名入朝不趨劍履上殿食冀州之勃

海長樂安德武邑瀛州之河間五郡邑十五萬戶使持

節都督中外諸軍事錄尚書大行臺並如故丁未王入

朝固讓天子不許五月戊寅王帥師自鄴赴潁川六月

丙申克潁川禽西魏大將軍王思政以忠於所事釋而

待之

三國典畧曰齊王澄以舟師還次於小平津北岸古冢崩骨見銘曰今卜高原千秋之後化為下泉當逢伯主必為改遷王曰古人之卜何神也令改葬之

七月王朝於京師請立皇太子復辭爵位殊禮未報八月辛卯為梁將蘭欽子京所殺

本史作作亂今正之 隋書五行志曰魏孝武時有

童謠云百尺高竿推折水底燃燈澄滅澄文襄名五

欽定四庫全書

南北史合注 卷九十二

五

年神武薨推折之應七年文襄遇害澄滅微也 愚

按高澄毆晉君父亂臣賊子人人得誅不得以京為

賊辨見京傳

時年二十九秘不發喪明年正月辛酉天子舉哀於太

極東堂詔贈物八萬段凶事依漢大將軍霍光東平王

蒼故事贈假黃鉞使持節相國都督中外諸軍事齊王

璽紼輜輳車黃屋左纛後部羽葆鼓吹輕車介士備九

錫禮諡曰文襄王二月甲申葬於義平陵之北天保初

追尊曰文襄皇帝廟號世宗陵曰峻成文襄美姿容善

言笑談詭之際從容弘雅性聰警多籌策當朝作相聰

斷如流愛士好賢待之以禮有神武風然少壯氣猛嚴

峻刑法高慎西叛侯景南翻非直本懷狼戾兼有懼威

畧情欲奢淫動乖制度嘗於宮西造宅牆院高廣廳事

宏壯亞太極殿神武入朝責之乃止

論曰昔魏氏失馭中原蕩析齊神武爰從晉部大號冀

方屢戰而剪凶徒一麾以清京洛尊主匡國功濟天下

欽定四庫全書

南北史合注 卷九十二

五

既而魏孝武規避權逼歷數既盡適速關河之分焉文

襄嗣膺霸道威畧昭著內除奸逆外拓淮夷擯斥貪殘

存情人物而志在峻法急於御下於前王之德有所未

同蓋天意人心好生惡殺雖吉凶報應未皆影響總而

論之積善多慶然文襄禍生所忽蓋有由焉

朱敬則論曰文襄克纂丕基不忝遠圖故能委任紹

宗克平侯景嘉思政之忠遙接其手寤陸生之直更


賞其能此亦可稱若乃天蔭甫傾洪基靡構國有大

難未可三年不言高宴後園豈得一朝盤舞此不慎
 爾儀也目天子為癡人比尊名於狗脚恨崔稜之語
 不念元勳忿孫騰之議寧思佐命此不慎名器也加
 以任情蕩思紅綺如花決池而弄淫女下獄而罪貞
 姬叛高慎於虎牢幾傾其父烝鄭妃於內寢乃繫乎
 親人而無儀胡不遄死此之謂乎嗟乎楚莊絕纓不
 顯婦人之節鄭人獻捷尚禮南冠之賢所以盡俘囚
 之才得醉者之力今者陷孝騫之罪賞王儀之心拒
 蘭欽之慈仗專諸之劍非不幸也

欽定四庫全書

南北史合注
卷九十二

三十九



南北史合注卷九十二

總校官檢 討臣 彭元琬

侍讀學士 王保

校對生 員 臣 梁寶繩

欽定四庫全書

南北史合注卷九十三

明 李清 撰

北史七

神武本紀中第七

字子進神武第二子文襄母弟也

每夜有赤光照室私怪之及產命

之曰侯尼于鮮卑言有相子也以生於晉陽一名晉陽

樂時神武家徒壁立后與親姻相對共憂寒餒顯祖生

欽定四庫全書

南北史合注 卷九十三

始數月尚未能言欬然曰得活太后及左右大驚不敢

言及長黑色大頰兌下鱗身重蹠瞻視審定不好戲弄

深沈有大度晉陽有沙門乍愚乍智時人不測呼阿禿

師太后見諸子歷問祿位至顯祖再三舉手指天而已

口無所言見者異之神武嘗從諸子過鳳陽門有龍在

上唯神武與顯祖見之內雖明敏貌若不足文襄每嗤

之曰此人亦得富貴相法何由可解神武以顯祖貌陋

神彩不甚發揚曾問以時事顯祖略有所辨儻語一事

必得事衷又嘗令諸子理亂絲顯祖獨抽刀斬之曰亂

者須斬神武以為然又各配兵四出而使彭樂率甲騎

偽攻之文襄等怖撓顯祖勅衆與彭樂相對格免胄言

情猶擒以獻神武稱異之謂長史薛琚曰此兒意識過

吾取亦私怪之幼時師事范陽盧景裕默識過人未嘗

有所自明景裕不能測也天平二年封太原郡公累遷

尚書左僕射後從文襄行過遼陽山公獨見天門開餘

無見者武定五年神武殂猶秘凶事衆情疑駭公內嬰

欽定四庫全書

南北史合注 卷九十三

巨痛外若平常人情頗安天子授公尚書令中書監京

畿大都督七年八月文襄遇害公在城東雙堂事出倉

卒內外震駭公神色不變指麾部分自鬻斬蘭京等漆

首秘不發喪徐言奴反大將軍被傷無大苦也內外無

不驚異乃諷天子立皇太子因大赦遂赴晉陽總庶政

公內雖明察外若不了老臣宿將皆輕公公推誠接下

務從寬厚事有不便者咸蠲省馬羣情始服八年正月

戊辰詔進公位使持節丞相都督中外諸軍錄尚書事

大行臺齊郡王食邑一萬戶三月庚申又進封齊王食
冀州之勃海長樂安德武邑瀛州之河間五郡邑十萬
戶王自居晉陽寢室每夜有光如晝既為王夢人以筆
點已額旦日以語館客王曇哲曰吾其退乎曇哲拜賀
曰王上加點為主當進也五月辛亥王如鄴光州獲九
尾狐以獻甲寅天子遣兼太尉彭城王韶司空潘相樂
奉冊進王位相國總百揆以冀州之勃海長樂安德武
邑瀛州之河間高陽章武定州之中山常山博陵十郡

欽定四庫全書

南北史合注
卷九十三

三

邑二十萬戶加九錫殊禮齊王如故

北齊書載冊命曰於戲敬聽朕命夫惟天為大列畀
宿而垂象謂地益厚疏川岳以阜物所以四時代序
萬類駢羅庶品得性羣形不夭然則皇王統歷深視
高居拱穆垂衣寄成師相此則夏伯殷尹竭其股肱
周成漢昭無為而治頃者天下多難國命旣旣則我
建國之業將墜於地齊獻武王奮迅風雲大濟難危
爰翼朕躬國為再造經營庶土以至勤憂及文襄承

構逾廣前業康邦危難道格穹蒼王縱德應期千齡
一出惟機惟深乃神乃聖大崇霸德實廣相猷雖冥
功妙寶貌絕言象標聲示迹典禮宜宣今申後命具
敬虛受王搏風初舉建旗上地庇民立政時雨滂流
下識廉耻仁加水陸移風易俗自齊變魯此王之功
也仍攝天臺摠參戎律策出若神威行朔土引弓竄
跡松塞無烟此又王之功也逮光統前緒持衡匡合
華戎混一風海調夷日月光華天地清晏聲接響隨

欽定四庫全書

南北史合注
卷九十三

四

無思不偃此又王之功也逃矣矣方道遠正朔懷文
曜武投畀深規淮楚連城摧然桑落此又王之功也
闕峴襟帶跨躡蕭條腸胃之地岳立鳩峙偏師纓指
渙同水散此又王之功也晉熙之所險薄江雷迥隔
聲教迷方未改命將鞠旅覆其巢穴威畧風騰傾懾
南海此又王之功也羣蠻跋扈世絕南疆搖蕩邊陲
亟為塵梗懷德畏威向風請順傾軼盡落其至如雲
此又王之功也胡人別種延蔓山谷首渠萬旅廣表

千里憑險不恭恣其樂點有樂淳風相攜叩款象帛
之調王府充積此又王之功也茫茫涉海世敵諸華
風行鳥逝倏來忽往既飲醇醪附同膠漆羣表委儀
奇獸銜尼此又王之功也秦川尚阻作我仇讐爰扼
椒蘭飛書請好天動其衷辭昇禮厚區宇又寧遐邇
畢至此又王之功也江陰告禍民無適歸蕭宗子弟
尚相投庇如鳥還山猶川赴海荆江十部俄而獻割
乘此會也將混來方此王之功也天平地成率土咸

欽定四庫全書

南北史合注
卷九十三

五

茂禎符顯見史不停筆既連百本兼呈九尾素過
秦雀蒼比周為此又王之功也搜揚管庫衣冠獲序
禮云樂云銷沈俱振輕徭徹賦矜獄寬刑大信外彰
深仁遠洽此又王之功也王有安日下之大勳加以
表光明之盛德宣贊洪猷以左右朕言昔且與外分
毛畢入佐出內之任王宜摠之人謀鬼謀兩儀協契
錫命之行義申公道以王踐律蹈禮軌物蒼生圓首
安志率心歸道是以錫王大路戎路各一玄北二駟

王深重民天惟本是務衣食之用榮辱所由是用錫
王袞冕之服赤烏副馬王深廣惠和易調風化神祇
且格功德可象是用王軒懸之樂六佾之舞王風聲
振赫九域威綏遠人率俾奔走委責是用錫王朱戶
以居王求賢選衆草萊以盡陳力就列罔非其人
用錫王納陸以登王英圖猛禦抑揚干品毅然之節
肅是非違是用錫王武賁之士三百人王興亡所繫
制極幽顯紆行天討罪人咸得是用錫王鈇鉞各一

欽定四庫全書

南北史合注
卷九十三

六

王鷹揚豹變實扶下土狼顧鳴張罔不彈射是用錫
王彤弓一彤矢百盧弓十盧矢千王孝悌之至通於
神明率民興行感達區宇是用錫王秬鬯一卣珪瓚
副馬往欽哉其祇順往毋保粥皇家用終爾休德對
揚我太祖之顯命
丙辰天子遜位別宮

非齊書曰魏帝以天人之望有歸下詔曰三才剖判
百王代興治天靜地和神敬鬼庇民造物感自靈符

非一人大寶實有道神器昔我祖宗應運奄一區宇
歷聖重光暨於九葉德之不嗣仍離屯圯盜名字者
遍於九服擅制命者非止三公主殺朝危人神靡繫
天下之大將非魏有賴齊獻武王奮揚靈武剋翦多
難重懸日月更綴星辰廟以掃除國由再造鴻勳巨
業無德而稱逮文襄承構世業逾廣邇安遠服海內
晏如國命以康生生得性迨相國齊王緯文經武統
率大業盡厥窮幾研深測化思隨真運智與神行恩

欽定四庫全書

南北史合注
卷九十三

比春天威同夏日坦至心於萬物被大道於八方故
百寮師師朝無秕政網疏澤洽率土歸心外盡江淮
風靡屈膝辟地懷人百城奔走闕隴慕義而請好瀚
漠仰德而致誠伊所謂命世應期實撫千載禎符雜
還異物同途謳誦填委殊方一致代終之迹斯表人
靈之契已合天道不遠我不獨知朕入纂鴻休將承
世祀藉授立之厚延宗社之算靜言大運欣於避賢
遠惟唐虞禪代之典近想魏晉揖讓之風其可味興

替之禮稽神祇之望今便遜於別宮歸帝位於齊國
推聖與能眇符前軌主者宜布天下以時施行

又使兼太尉彭城王韶兼司空敬顯雋奉冊禪位致璽
書於王并奉皇帝璽綬禪代之禮一依唐虞漢魏故事
北齊書載冊曰咨爾相國齊王夫氣分形化物繫君
長皇王遞興人非一姓昔放勳馭世沈璧屬子重華
握歷持衡擁璇所以英賢茂實昭晰千古豈盛衰有
運興廢在時知命不得不授畏天不可不受是故漢

欽定四庫全書

南北史合注
卷九十三

劉告否當塗順民曹歷不永金行納禪此皆重規襲
矩率由舊章者也我祖宗光宅混一萬宇迄於正光
之末奸孽乘權厥政多僻九域離盪永安運窮人靈
殄瘁羣逆滔天割裂四海國土臣民行非魏有齊獻
武王應期授手鳳舉龍驤舉廢極以立天扶傾柱而
鎮地翦滅黎毒匡我墜歷有大德於魏室被博利於
蒼生及文襄繼軌誕光前業內剽凶權外摧侵叛遐
邇肅晏功格上玄王神祇協德舟梁一世體文昭武

追變窮微自舉跡藩鎮頌歌總集入統機衡風猷弘
遠及大承世業扶國昌家相德日躋霸風逾遠威靈
斯暢則荒遠奔馳聲畧所播而隣敵順欵以富有之
資運英特之氣顧盼之間無思不服圖謀潛蘊千祀
彰明嘉禎幽秘一朝紛委以表代德之期用啟興邦
之迹蒼蒼在上照臨不遠朕以虛昧猶未逡巡靜言
愧之坐以待旦且時來運往媯舜不暇以當陽世革
命改伯禹不容於非面况於寡薄而可踟躕是以仰

欽定四庫全書

南北史合注
卷九十三

九

協穹昊俯從百姓敬以帝位式授於王天祿永終大
命革矣於戲其祗承歷數允執其中對揚天休斯年
千萬豈不盛歟

王景表固辭詔不許於是尚書令高隆之率百寮勸進
天保元年夏五月戊午皇帝即位於南郊升壇祭燎告
天

齊書載告天文曰皇帝臣洋敢用玄牡昭告於皇皇
后帝否泰相沿廢興迭用至道無親應運斯輔上覽

唐虞下稽魏晉莫不先天揖讓考歷歸終魏室多難
年將三十孝昌以後內外去之世道橫流蒼生塗炭
賴我獻武拯其將溺三建元首再立宗祧掃絕羣凶
芟夷奸宄德被黔黎勲光宇宙文襄嗣武克構鴻基
功決寰宇威稜海外窮髮懷音西寇納款青邱保侯
丹穴來庭扶翼危機重匡頽運是則有大造於魏室
也魏帝以下世告終上靈厭德欽若昊天允歸大命
以禪臣洋夫四海至公天下為一總民宰世樹之以

欽定四庫全書

南北史合注
卷九十三

十

君既川岳啟符人神效祉羣公卿士八方兆庶僉曰
皇極乃顧於上魏朝推進於下天位不可暫虛遂逼
羣議恭膺大典猥以寡薄託兆民之上雖天威在顏
咫尺無遠循躬自省實懷祗惕敬簡元辰升壇受禪
肆類上帝以荅萬國之心水隆嘉祉保佑有齊以被
於無窮之祚

諸文皆魏收筆

是月鄴下獲赤雀獻於郊所事畢還宮御太極前殿大

赦改元百官進兩大階六州緣邊職人三大階自魏孝
莊已後百官絕祿至是復給已未詔封魏帝為中山王
追尊皇祖文穆王為文穆皇帝皇祖妣為文穆皇后皇
考獻武王為獻武皇帝皇兄文襄王為文襄皇帝命有
司議祖宗以聞辛酉尊王太后為皇太后乙酉降魏朝
封爵各有差其信都從義及宣力霸朝西來人并武定
六年以來南來投化者不在降限辛未遣大使於四方
觀察風俗問民疾苦甲戌遷神主於太廟六月辛巳詔

欽定四庫全書

南北史合注
卷九十三

十一

改封崇聖侯孔長為恭聖侯邑一百戶奉孔子祀并下
魯郡以時脩葺廟宇又詔吉凶車服制度各為等差具
立條式使儉而獲中分遣使人致祭於五岳四瀆具禋
祠舜廟下及孔父老君等載於祀典者咸秩罔遺又詔
冀州之勃海長樂二郡先帝始封之國義旗初舉之地
并州之太原青州之齊郡霸朝所在王命是基君子有
作責不忘本齊郡勃海可並復一年長樂復二年太原
復三年壬午詔故太傅孫騰故大保尉景故司馬婁昭

婁昭故司徒高敖曹故尚書左僕射慕容紹宗故領軍
萬俟干故定州刺史段榮故御史中尉劉貴故御史中
尉竇泰故殷州刺史劉豐故濟州刺史蔡雋等並左右
先帝經贊皇基或不幸早歿或隕身王事可遣使者就
墓致祭并撫問妻子又詔封宗室太尉高岳為清河王
太保高隆之為平原王開府儀同三司高歸彥為平秦
王徐州刺史高思宗為上洛王營州刺史高長弼為廣
武王兼武衛將軍高子儀為平昌王兼北中郎將高顯

欽定四庫全書

南北史合注
卷九十三

十二

國為襄樂王前太子庶子高敷為趙郡王揚州縣開國
公高孝緒為脩城王又詔封功臣太庫狄干為章武王
大司馬斛律金為咸陽王并州刺史賀拔仁為安定王
殷州刺史韓軌為安德王瀛州刺史可朱渾道元為扶
風王司徒彭樂為陳留王司空潘相樂為河東王癸未
詔封諸弟青州刺史浚為彭城王儀同三司演為常山王冀州
王定州刺史淑為彭城王儀同三司演為常山王冀州
刺史渙為上黨王儀同三司消為襄城王儀同三司湛

王潛為任城王湜為高陽王濟為博陵王凝為新平
 王潤為馮翊王洽為濮陽王丁亥詔立王后李氏為皇
 后王子殷為皇太子庶寅詔以庫狄干為太宰司徒彭
 樂為太尉司空潘相樂為司徒開府儀同三司司馬子
 如為司空己亥以皇太子初入東宮赦畿內及并州死
 罪已下降餘州死罪已下囚秋七月辛亥尊文襄妃元
 氏為文襄皇后宮曰靜德又封文襄子孝琬為河間王
 孝瑜為河南王封隆之為錄尚書事尚書左僕射平陽
 王淹為尚書令改御史中尉為中丞舊魏御府所有珍
 奇雜錄常所不給人者悉送內後園以供七日宴賜八
 月詔郡國修立黷序廣延髦俊敦迂儒風其國子學生
 亦依舊銓補往者文襄皇帝所運蔡邕石經五十二枚
 移置學館依舊脩立又詔求直言正諫之士待以不次
 命牧民之官廣勸農桑庶寅詔曰朕以虛薄嗣弘王業
 思所以贊揚盛績播之萬古雖史官執筆有聞無墜猶
 恐緒言遺美時或未書在位王公文武大小降及庶人

欽定四庫全書

南北史合注 卷九十三

十三

爰至僧徒或親奉音旨或承傳旁說凡可載之文籍悉
 條封上甲午詔曰魏世議定麟趾格遂為通制官司施
 用猶未盡善羣官可更論討新令未成之間仍以舊格
 從事

冊府元龜載八月詔諸牧民官專意農桑勤心勸課
 廣收天地之利以備水旱

九月癸丑以領東夷校尉遼東郡開國公高麗王成為
 使持節侍中驃騎大將軍領護東夷校尉王公如故丁

欽定四庫全書

南北史合注 卷九十三

十四

郊詔以梁侍中使持節假黃鉞都督中外諸軍事大將
 軍承制邵陵王蕭綸為梁王庚午辛晉陽是日皇太子
 入居涼風堂監國冬十月己卯備法駕御金輅入晉陽
 宮朝皇太后於內殿辛巳曲赦并州太原晉陽縣及相
 國府四獄囚乙酉以持進元詔為尚書左僕射并州刺
 史段韶為右僕射士辰罷相國府留騎兵外兵曹各立
 一省別掌機密十一月西魏帝詔安定公宇文泰帥師
 來討至陝城分騎北度至建州甲寅湘東王蘭澤遣使

朝貢丙寅帝親戎出次城東泰見軍容嚴盛歎曰高歡不死矣遂班師十二月辛丑車駕至自晉陽是歲高麗柔然吐谷渾庫莫奚並遣使朝貢

是歲西魏文帝大統十六年梁簡文帝大寶元年

二年春正月丁未梁湘東王蕭繹遣使朝貢辛亥祀圓丘以神武皇帝配

佛藏曰詔諸鷲鳥傷生之類皆放山林以其地為皇

太后經始寶塔廢鷹師曹為報德寺

欽定四庫全書

南北史合注 卷九十三

癸亥親耕籍田

冊府元龜曰其制千畝自餘一項地中通阡陌作祠

壇於陌南阡西又為大營於外設御耕壇於阡東陌

北每年正月上辛後卜吉使公卿祀先農於壇上祭

訖親耕先祠司農進種耜之種六宮主之又置先農

坐於壇上衆官朝服帝乃服通天冠絳紗袍黑介幘

佩蒼玉黃綬青帶林鳥備法駕乘木路耕官青朝服

從殿中監進御耒於壇南百官定列帝出便殿升耕

壇南陸即御座應耕者各進於列帝降自南陸至耕

位釋劍執耒三推三反升壇即坐耕官一品五推五

反二品七推七反三品九推九反籍田令率其衆以

牛耕終千畝以青廂奉種耜跪進司農詣耕所洒之

種訖司農省功奏事畢帝降便殿更衣饗宴畢班賚

而還

乙丑享太廟甲戌帝汎舟城東二月壬辰太尉彭樂謀

反伏誅三月丙午襄城王淸亮已未詔梁承制湘東王

欽定四庫全書

南北史合注 卷九十三

繹為梁使持節假黃鉞相國建梁臺總百揆承制梁王

庚申司空司馬子如坐事免是月梁交梁義新四州刺

史各以地內附魏文帝崩

不改本史原文者以君道臨齊也

夏四月壬辰梁湘東王蕭繹遣使朝貢庚午以前司空

司馬子如為太尉秋七月己卯改顯陽殿還為昭陽殿

辛卯改殷州為趙州以避太子之諱是月侯景廢梁簡

文帝立蕭棟為主九月壬申免諸伎作屯牧雜色役隸

之徒為白戶癸巳行幸趙定二州因至晉陽冬十月戊申起宣光建始嘉福仁壽諸殿庚申蕭繹遣使朝貢丁卯文襄帝神主入於廟十一月侯景廢梁主棟僭即偽位於建康自稱曰漢十二月弒中山王是歲柔然室韋高麗並遣使朝貢

三年春正月丙申帝親討庫莫奚於代郡大破之以其口配山東為百姓二月柔然主阿那環為突厥所破環自殺其太子蒼羅辰及環從弟登注侯利登注子庫提

欽定四庫全書

南北史合注 卷九十三

十七

並擁眾來奔柔然餘眾立注次子鐵伐為主三月戊子詔清河王岳司空潘相樂行臺辛術師南侵癸巳詔進梁王蕭繹為梁主夏四月壬申東南道行臺辛術於廣陵送傳國八璽甲申以吏部尚書楊愔為尚書右僕射六月己亥清河王岳等班師乙卯車駕幸晉陽冬十月乙未次黃墟嶺仍起長城北至社于戌四百餘里立三十六戌十一月辛巳梁主蕭繹即位於江陵是為孝元帝遣使來聘十二月壬子車駕還宮戊午幸晉陽契

丹室韋並遣使朝貢

是歲魏廢帝元年梁孝元帝承聖元年

四年春正月丙子山胡圍離石戊帝親討之未至而逃因巡三堆戌大狩而還己丑以魏末用永安錢又數品皆輕濫鑄新錢文曰常平五銖二月送柔然鐵伐父登注及子庫提還北鐵伐尋為契丹所殺國人復立登注為主仍為其大人阿富提等所殺國人復立庫提為主夏四月車駕還宮戊午西南有大聲如雷五月庚午校

欽定四庫全書

南北史合注 卷九十三

十八

獵於林慮山戊子還宮六月甲辰章武王庫狄干虎秋秋非巡冀定幽安仍非討契丹冬十月丁酉車駕至平州遂西道趣長塹甲辰帝踰山嶺為士卒先指麾奮擊大破契丹是行也帝露頭袒身晝夜不息行千餘里惟食肉飲水氣色彌厲丁巳登碣石山臨滄海十一月己未帝自平州還遂如晉陽閏月壬寅梁人來聘十二月己未突厥復攻柔然柔然舉國來奔癸亥帝非討突厥迎納柔然乃廢其主庫提立阿那環子蒼羅辰為主置

之馬邑川親追突厥於朔方突厥請降許之而還自是
貢獻相繼是歲庫莫奚遣使朝貢

五年春正月癸丑帝討山胡大破之男子十二已上皆
斬女子及幼弱賞軍士遂平石樓石樓絕險魏代所不
能至於是遠近山胡莫不懾服是役也有都督戰傷其
什長路暉禮不能救帝命劓其五臟令九人分食之肉
及穢惡皆盡自是始行威虐是月魏丞相宇文泰廢帝
而立齊王廓是為恭皇帝三月柔然菴羅辰叛帝親討

欽定四庫全書

南北史合注
卷九十三

十九

大破之辰父子北遁太保賀拔仁坐違緩授其髮免為
庶人使負炭輸晉陽宮夏四月柔然寇肆州帝自晉陽
討之至恒州時虜騎散走大軍已還帝帥麾下二千餘
騎為殿夜宿黃瓜堆柔然別部數萬騎扣鞍而進四面
圍逼帝安睡平明方起神色自若指畫軍形潰圍而出
虜走追擊之伏尸二十里獲菴羅辰妻子生口三萬餘
五月丁未北討柔然又大破之六月柔然遠遁秋七月
壬辰降罪人庚戌至自北伐八月庚午以司州牧清河

王岳為太保以安德王軌為大司馬以扶風王可朱渾
道元為大將軍以司空尉粲為司徒以太子少師侯莫

陳相為司空以尚書令平陽王淹為錄尚書事以常山
王演為尚書令以上黨王渙為尚書右僕射丁丑行幸
晉陽辛巳錄尚書事平原王高隆之薨封冀州刺史段
韶為平原王是月詔常山王演上黨王渙清河王岳平
原王段韶於洛陽西南築伐惡城新城嚴城河南城四
鎮九月帝親自臨幸欲致魏師魏師不出乃如晉陽冬

欽定四庫全書

南北史合注
卷九十三

二十

十月魏攻陷江陵殺梁孝元帝梁將王僧辯在建業推
孝元帝子晉安王蕭方智為太宰承制置百官十二月
庚申車駕北巡至達達嶺親覽山川險要將起長城地
豆干契丹肅慎並遣使朝貢
是歲魏恭帝元年
六年春正月壬寅清河王岳渡江起夏首梁郢州刺史
陸法和請降詔以梁貞陽侯蕭淵明為梁主遣尚書右
僕射上黨王渙送之江南是月後梁宣帝即位於江陵

二月甲子以陸法和為使持節都督中外諸軍事大尉
大都督西南道大行臺三月丙戌上黨王渙剋東關斬
梁將裴之橫丙申車駕至自晉陽封文襄二子孝珩為
廣寧王延宗為安德王戊戌帝臨昭陽殿決獄是月發
寡婦以配軍士築長城夏五月蕭淵明入建業僭即皇
帝位六月

北齊書載詔曰梁國遭禍主喪臣離興亡繼絕義在
於我納以長君拯其危弊比送梁王已入金陵藩禮

欽定四庫全書

南北史合注
卷九十三

十三

既脩分義方篤越鳥之思豈忘南枝九是梁民宜聽

還國

甲子河東王潘相樂虎壬申帝親討柔然甲戌諸軍大
會祁連池乙亥出塞至庫狄谷百餘里無水泉六軍渴
乏俄大雨戊寅蕭淵明遣使朝貢秋七月己卯帝頓白
道留輜重親帥輕騎五千追柔然壬午及之懷朔鎮帝
躬犯矢石頻大破之遂至沃野壬辰還晉陽九月己卯
車駕至自晉陽冬十月梁將陳霸先襲殺王僧辯廢蕭

淵明復立蕭方智為主辛丑行幸晉陽十一月梁秦州
刺史徐嗣徽南豫州刺史任約等襲據石頭城並以州
內附壬辰大都督蕭軌帥眾至江遣都督柳達摩等度
江鎮石頭己亥大保清河王岳堯柳達摩為霸先所攻
逼以石頭降是歲突厥柔然高麗庫莫奚並遣使朝貢
詔發夫一百八十萬人築城自幽州北夏口西至恒州
九百餘里

是歲梁敬帝紹泰元年又後梁宣帝天定元年

欽定四庫全書

南北史合注
卷九十三

十三

七年春正月辛丑封司空侯莫陳相為白水郡王車駕
至自晉陽於鄴城西馬射大集眾庶觀之二月辛未詔
常山王演等於涼風臺讀尚書奏案論定得失帝親決
之三月丁酉大都督蕭軌等帥眾濟江夏四月乙丑儀
同三司妻獻討魯陽蠻大破之丁卯造金華殿五月漢陽
王洽薨帝以肉為斷慈遂不復食六月乙卯蕭軌等與
梁師戰於鍾山西遇霖雨失利軌及都督李希元王敬
寶東方老軍司裴英起並沒士卒還者十二三乙丑梁

湘州刺史王琳獻馴象秋七月乙亥魏相安定公宇文泰薨是月發山東寡婦二千六百人配軍士有夫而溢貧者十二三十一月壬子併省州三郡一百五十三縣五百八十九鎮三戍二十六

北齊書載詔曰魏自孝昌之季數鍾澆石衣冠道盡黔首塗炭銅馬鐵脛之徒黑山青犢之侶巢張晉越豕突燕秦是使豪家大族鳩率鄉部託迹勤土規自署置或外家公主女謁內戎珠利納財啟立州郡牧

欽定四庫全書

南北史合注 卷九十三

三十三

守令長虛增其數損害公私為弊殊煩既乖為政之禮徒驅羊之費朕寅膺寶歷恭臨八荒將欲鎮躁歸靜及薄還淳苟失其中理從刊正旁觀舊史遊聽前言周曰成康漢稱文景編戶之多古今為最而丁口減於疇日守令倍於昔辰非所以馭俗調風示之軌物且五嶺內賓三江回化拓土開疆利窮南海但要荒之所舊多浮偽百室之邑便立州名三戶之民空張郡目譬諸木犬猶彼沉龍循名督實事歸烏有

今所併省一依舊制

十二月庚子魏恭帝遜位於周

此與魏書本紀不同且洋不能以纂討纂故仍依本

史原文耳

脩廣三臺宮殿先是自西河揔秦戍築長城東至海前後所築東西凡三千餘里六十里一戍其要害置州鎮凡二十五所是歲庫奚遣使朝貢

是歲梁太平元年

欽定四庫全書

南北史合注 卷九十三

三十四

八年春三月大熱人或暍死夏四月庚午詔禁取蝦蟹蜺蛤之類惟許私家捕魚乙酉詔公私禁取鷹鷂以太師咸陽王斛律全為右丞相以前大將軍扶風王可朱渾道元為太傅以開府儀同三司賀拔仁為太保尚書令常山王演為司空以錄尚書事長廣王湛為尚書令以尚書右僕射楊愔為左僕射以并省尚書右僕射崔暹為左僕射以上黨王渙為錄尚書事是月帝在城東馬射敕京師士女悉赴觀不赴者罪以軍法七日乃止

五月辛酉冀州人劉向於鄴謀逆黨與皆伏誅秋八月

庚辰詔丘郊禘祫時祭皆市取少牢不得割有司監

視必令豐備農社先蠶酒肉而已雩禘風雨司人司祿

靈星禘祀皆果餅酒脯唯當務盡誠敬義同如在辛巳

置榷酤自夏至九月河北六州河南十三州畿內八郡

大蝗飛至鄴蔽日聲如風雨甲辰詔今年遭蝗處免租

冬十月乙亥梁敬帝遜位於陳陳武帝遣使稱藩朝貢

是歲周孝閔帝元年冢宰宇文護弑閔帝而立明帝又

欽定四庫全書

南北史合注 卷九十三

三六

改元馬初於長城內築重城自庫洛拔而東至於搗紇

戍凡四百餘里庫莫奚遣使朝貢

是歲陳武帝永定元年

九年春二月丁亥降罪人已丑詔燎野限以重冬不得

他時行火損昆蟲草木三月丁酉車駕至自晉陽夏四

月辛巳大赦是月北豫州刺史司馬消難以城叛於周

大旱帝以祈雨不降毀西門豹祠掘其塚五月辛丑以

尚書令長廣王湛為錄尚書事以驃騎大將軍平秦王歸

彥為右僕射甲辰以前左僕射楊愔為尚書令六月乙

丑帝自晉陽北巡已巳至初連池戊寅還晉陽是夏山

東大蝗遣人夫捕而坑之秋七月辛丑給畿內老人劉

奴等九百四十三人版職及杖帽各有差戊申詔趙燕

定瀛南營五州及司州廣平清河二郡去年蝨澇損田

兼春夏少雨苗稼薄者免今年租稅八月乙丑車駕至

自晉陽甲戌行幸晉陽先是發丁匠三十餘萬人營三

臺於鄴因舊基高博之大起宮室及遊豫園至是三臺

欽定四庫全書

南北史合注 卷九十三

三六

成改銅雀曰金鳳金武曰聖應冰井曰崇光冬十一月

甲午車駕至自晉陽登三臺御乾象殿朝宴羣臣以新

宮成丁酉大赦内外文武官並進一大階丁巳梁相州

刺史王琳遣使請立蕭莊為梁主仍以江州內屬令莊

居之十二月癸酉詔以梁王蕭莊為梁主戊寅以太傅

可朱渾道元為太師以司徒尉祭為太尉以冀州刺史

段韶為司空以錄尚書事常山王演為大司馬以錄尚

書事長廣王湛為司徒起大莊嚴寺是歲殺永安王浚

上黨王渙

十年春正月戊戌以司空侯莫陳相為大將軍辛丑太尉長樂郡公尉粲肆州刺史濮陽公婁仲遠並進爵為王甲寅行幸遼陽甘露寺二月丙戌帝於甘露寺禪居深觀

佛藏曰初天保年中道士陸脩靜自梁至與僧曇顯角法不勝帝乃升座自驗臧否敕諸道士皆染剃從沙門教不從者斬其自號神仙者皆令上三爵臺投

欽定四庫全書

南北史合注
卷九十三

三十一

身飛遊恣委屍於地帝每受戒於僧法上必面掩地令法上履髮而授天竺僧耶舍病帝率李后躬問起居尤尊禮稠禪師每親往參觀受菩薩戒其好佛如此 愚按文宣奉佛愈虔殺人愈烈真吐吐怪事故備錄之以誌怪

唯軍國大政奏聞三月戊戌以侍中高德正為尚書右僕射丙辰車駕至自遼陽是月梁王蕭莊至邳州遣使朝貢夏閏四月丁酉以司州牧彭城王浟為兼司空以

侍中高陽王浟為尚書左僕射乙巳以兼司空彭城王

浟為兼太尉攝司空事封皇子紹廉為長樂王五月癸未害魏宗室始平公元世哲東平公元景式等二十五家禁止特進元韶等十九家尋並害之男子無少長皆斬所殺三千人

愚按魏宗室彭城王元韶傳內書殺元氏七百二十一人此又云三千誤耶抑槩指平日所殺不獨元氏耶

欽定四庫全書

南北史合注
卷九十三

三十一

並投漳水六月陳武帝殂秋八月戊戌封皇子紹義為廣陽王以尚書右僕射河間王孝琬為左僕射癸卯詔諸軍人或有父祖改姓冒入元氏或假托摛認妄稱姓元者不問世數遠近悉聽改復本姓是月殺左僕射高德正九月己巳行幸晉陽冬十月甲午帝暴崩於晉陽宮德陽堂

釋道宣感通錄云帝於晉陽宮不豫命劉桃枝負行鼻血淋漓具夜崩

時年三十一遺詔凶事一從儉約喪月之斷限以三十
 六日嗣子百寮內外遐邇奉制割情悲從公除癸卯發
 喪斂於宣德殿十一月辛未梓宮還鄴十二月梓宮殯
 於太極前殿乾明元年二月丙申葬武寧陵謚曰文宣
 皇帝廟號顯祖帝沈敏有遠量外若不速內鑒甚明文
 襄年長英秀神武特所愛重百僚承風莫不震懼而帝
 善自晦迹言不出口恒自貶退言咸順從故深見輕雖
 家人亦以為不及文襄嗣業帝以次長見猜嫌帝后李
 氏美每預宴會容貌遠過文襄元后文襄彌不平帝每
 為后私營服玩小佳文襄即令逼取后恚有時未與帝
 笑曰此物猶應可求兄何須容法文襄媿不取便恭受
 亦無飾讓每退朝還第輒閉閣靜坐雖對妻子能竟日
 不言或袒跣奔躍后問其故對曰為爾漫戲蓋習勞而
 不肯言也所寢至夜曾有光巨細可察后驚告帝帝曰
 慎勿妄言自此惟與后寢侍御皆令出外文襄崩秘不
 發喪其後漸露天子竊謂左右曰大將軍死似是天意

欽定四庫全書

南北史合注
卷九十三

三

威權當歸王室矣及帝將赴晉陽親辭謁於昭陽殿從
 者千人居前持劍者十餘輩帝在殿下數十步立而衛
 士升階已二百許人皆攘袂扣刃若對嚴敵令主者傳
 奏曰臣有家事須詣晉陽言訖再拜而出天子失色目
 送帝曰此人又似不見容朕不知死在何日及至并州
 慰諭將士指辭款實衆皆欣然曰誰謂左僕射翻不減
 令公令公指文襄也時訛言上黨出聖人帝聞之將從
 一郡而郡人張思進上言殿下生於南宮坊名上黨即
 是上黨出聖人帝悅而止先是童謠曰一朶葦兩頭然
 河邊叛鴉飛上天葦然兩頭於文為高河邊殺鴉謂水
 邊羊指帝名也於是徐之才盛言宜受禪帝曰先父亡
 兄功德如此尚終非吾又何敢當之才曰正為不及
 父兄須升九五如其不作人將生心且識云羊飲盟津
 角挂天盟津水也羊飲水邊名也角挂天大位也又有
 陽平郡界回星驛旁有大水土人常見羸羊數百立卧
 其中就視不見事與識合願王勿疑帝以聞高德正德

欽定四庫全書

南北史合注
卷九十三

三

正亦贊成之乃使李密卜之遇大橫曰大吉漢文帝之封也復鑄像卜之一寫而成使段韶問斛律金於肆州金來朝深言不可以鎧曹宗景業首陳符命請殺之乃議於太后前太后謂諸貴曰我兒獍直必無此意直高德正樂禍教之耳然帝意已決乃整兵而東使高德正之鄴諷諭公卿莫有應者司馬子如逆帝於遼陽固言未可杜弼亦抱馬諫帝欲還尚食李集曰此行非小而言還帝偽言使向東問殺之別令賜絹十足五月帝

欽定四庫全書

南北史合注
卷九十三

三

復東赴鄴令左右曰異言者斬是月光州獻九尾狐帝至鄴城南台入并齋板築且高隆之進謁曰用此何為帝作色曰我自有事若欲族滅耶隆之謝而退乃作圓丘備法物草禪讓事及登極後神明轉茂外柔內剛果於斷割人莫能窺又特明吏事留心政務簡靖寬和坦於任使故楊愔等得盡匡贊朝政祭燕兼以法馭下或有違犯不容勲戚內外肅然至於軍國機策獨決懷抱規謀宏遠有人君大畧又以三方鼎峙繕甲練兵左右

宿衛置百保軍士每臨行陣親當矢石鋒刃交接唯恐前敵不多屢犯艱厄常致剋捷嘗追及柔然令都督高阿那肱率騎數千塞其走道時鹵軍猶五萬餘肱以兵少請益帝更減其半騎肱奮擊大破之鹵主踰越巖谷僅以身免都督高元海王師羅並無武藝先稱怯弱一旦交鋒有踰驍壯嘗於東山游宴以關隴未平投盃震起台魏收於前立為詔書宣示遠近將事西行

欽定四庫全書

南北史合注
卷九十三

三

復泣謂羣臣曰黑獺非我所制卒不行是歲魏相宇文泰薨西人震恐嘗為度隴計既征伐四剋威震戎夏六七年復以功業自矜遂留情耽酒肆行淫暴或躬自鼓舞歌謳不息從且通宵以夜繼晷或袒露形體塗粉黛散髮胡服雜衣錦綵拔刀張弓遊行市肆勲戚之第朝夕臨幸時乘鹿車白象駱驢並不施鞍勒或盛夏炎赫日中暴身隆冬酷寒去衣疾走從者不堪帝居之自若銜坐巷宿處處夜行多使劉桃枝崔

季舒負行或擔胡鼓拍之親戚貴臣左右近習侍從錯雜無復差等微集淫姬悉去衣裳分付從官朝夕臨視或聚棘為馬紐草為索逼遣乘騎牽引來去流血洒地以為娛樂凡諸殺害多令走解或焚於火或投於河沈既既久彌以狂惑每至將醉輒拔劍挂手或張弓傳矢或持執年梨遊行市廛問婦人曰天子何如荅曰顛顛癡癡何承天子乃殺之或馳騁衢路散擲錢物恣人拾取爭競喧嘩方以為喜

欽定四庫全書

南北史合注 卷九十三

三十三

資治通鑑曰婁太后以帝酒狂舉杖擊之曰如此父生如此兒帝曰即當嫁此老母與胡太后大怒遂不言笑帝欲太后笑而不得

太后嘗在北宮坐一小榻帝時已醉手自舉牀后便墜落頗有傷損醒後大慙恨令多娶柴大將入其中太后驚懼親自持免又設地席令平秦王高歸彥執杖口自責數脫背就罰初歸彥杖不出血即斬汝太后泣抱之帝流涕苦請太后聽許方拾背杖笞脚五十衣冠拜謝

悲不自勝因是戒酒一旬還復如初耽酒轉劇嘗幸李后家以鳴鏑射后母崔正中其頰因罵曰吾醉時尚不識太后老婢何事馬鞭亂打一百有餘三臺構木高二十七丈兩棟相距二百餘尺工匠危怯皆繫繩自防帝登脊疾走都無怖畏時復雅憚折旋中節傍人見者莫不寒心又台死囚以席為翅從臺飛下免其罪戮果敢者盡皆獲全猶豫者或致損跌沈酗既久轉虧本性怒大司農穆子容使之脫衣而伏親射之不中以楸貫其

欽定四庫全書

南北史合注 卷九十三

三十四

下竅入腸雖以楊憎為宰輔使進廁籌以其體肥呼為楊大肚馬鞭鞭其背流血浹袍以刀子務其腹崔季舒託俳言曰老小公子惡戲因掣刀而去又置憎棺中載以輜車幾下釘數四曾至彭城王液宅謂其母爾朱曰憶汝辱我母壻時向何由可耐手及之

愚按本史爾朱氏傳內又云文宣將無禮於太妃不從過禍豈因其不從假此為辭手不熱豈一事兩歧又至故僕射崔暹第謂暹妻李曰頗憶暹否李曰結髮

義深實懷追憶帝曰若憶時自往看也親斬之

愚按本史崔暹傳云暹妻為子婦梁安公主所諧文
宣召殺之或受公主諧未便因婦殺姑且暹猶在故
暹亡而李氏殺實緣主諧耶

棄頭牆外嘗在晉陽以稍戲刺都督尉子耀應手死在
三臺太光殿上鋸殺都督穆嵩又幸開府暴顯家有都
督韓哲無罪忽衆中台斬之數段魏樂安王元昂后之
婢塔其妻有色帝數幸之欲納為昭儀台昂令伏以鳴

欽定四庫全書

南齊書卷九十三

三十五

鏑射百餘下凝血垂將一石竟死後帝自往弔哭於喪
次逼擁其妻仍令從官脫衣助履兼以錢綵號為信物
一日所得將踰巨萬后啼不食乞讓位於姊太后又為
言帝意乃釋所幸薛嬪甚寵忽憶其與高岳私通無故
斬首

愚按既云私通何云無故且其事載后妃傳甚詳非
無故也本紀特欲甚文宣之暴措辭未免兩岐耳
歲之懷內尋宴東山勸酬始合忽探其首投祥上支解

其屍弄其解為琵琶一座驚怖帝方收取對之流涕云
佳人難再得甚可惜也載屍以出被髮步哭而隨之至
有閭巷庸猥人無識知者忽令台斬鄴下繫徒罪至大
辟簡取隨駕號供御四手刃為戲

隋書刑法志曰楊愔命憲司先定死囚置仗衛中帝
欲殺人則執以應經三月不殺則赦其死又曾幸金
鳳臺受佛戒因召死囚編籬簪為翼命飛下為之放
生墜皆致死

欽定四庫全書

南齊書卷九十三

三十五

北齊書曰文宣末年每言見諸鬼物聞異音聲
凡所屠害動多支解或投烈火或棄漳沔兼外築長城
內營臺殿賞費過度境內騷然各懷怨毒而素巖斷臨
下加之默識強記百寮戰慄不敢為非曾幸晉陽夜宿
杠門嶺嶺有數株松樹皆將千年枝葉嫩茂似有神物
所託時帝已被酒向嶺瞋罵射中一株未幾枯死又言
屢中時為之神靈不專云昏暴末年不能進食惟數飲
酒麴藥成災因而致斃初帝登祚改年天保識者曰天

保之字為一大人只十其不過十乎又先是謠云馬子

入石室三千六百日帝以午年生故曰馬子三臺石虎

舊居故云石室三千六百日十年也又帝曾問泰山道

士曰吾得幾年天子答曰三十年道士出帝謂李后曰

十年十月十日得非三十也過此無慮人生有死何足

致惜但憐正道尚幼人將奪之耳及期果崩濟南竟不

終位先是霍州發楚夸王女塚尸如生得珠襦玉匣帝

珍之遂以欽馬祖祖珽險薄多過帝數罪之每呼為老

欽定四庫全書

南北史合注 卷九十三

三十一

賊及武成時珽被任遇乃說武成曰文宣狂暴何得稱

文既非創業何得稱祖若文宣為祖陛下萬歲後將何

以稱武成溺於珽說天統初詔改謚曰景烈廟號威宗

武平初趙彥深執政又復奏本謚廟號云

廢帝殿字正道小字道人文宣帝長子母李后天保元

年立為皇太子時年六歲性敏慧初學反語於跡字下

注云自反時侍者未達其故太子曰跡字足傍亦為跡

豈非自反耶嘗宴北宮獨令河間王勿入左右問其故

太子曰世宗遇賊處王復何以在此文宣每言太子得

漢家性質不似我欲廢之立太原王初詔國子博士李

寶鼎傳之寶鼎卒復詔國子博士邢峙侍講太子雖富

於春秋而溫裕開朗有人君之度貫綜經業省覽時政

甚有美名七年冬文宣召朝臣文學者及禮學官於宮

宴會令以經義相質親身臨聽太子手筆措問在坐莫

不歎美九年文宣在晉陽太子監國集諸儒講孝經令

欽定四庫全書

南北史合注 卷九十三

三十二

對曰散愁自少以來不登嬰童之牀不入季女之室服

膺簡策不知老之將至若斯而已太子曰顏子縮屋稱

貞柳下樞而不亂未若此翁白首不娶者乃齋絹百足

後文宣登金鳳臺召太子使手及囚太子惻然再三不

斷其首文宣怒親以馬鞭撞太子三下由是氣悖語吃

精神時復昏擾十年十月文宣崩癸卯太子即皇帝位

於晉陽宣德殿大赦內外百官普加汎級亡官失爵聽

復資品庚戌尊皇太后為太皇太后皇后為皇太后立

欽定四庫全書

南北史合注
卷九十三

三十九

妃李氏為皇后詔九州軍人七十已上授以板職武官
 年六十已上及癯病不堪驅使者並皆放免王本營造
 金銅鐵諸雜作工一切停罷十一月乙卯以右丞相咸
 陽王斛律金為左丞相以錄尚書事常山王演為大傅
 以司徒長廣王湛為太尉以司空段韶為司徒以平陽
 王淹為司空高陽王湜為尚書左僕射河間王孝琬為
 司州牧侍中燕子獻為右僕射戊午分遣使者巡省四
 方求政得失省察風俗問民疾苦十二月戊戌改封上

欽定四庫全書

南北史合注
卷九十三

四十一

下咸放免各有差乙巳太師常山王演大司馬長廣王
 湛矯詔誅尚書令楊愔尚書右僕射燕子獻領軍大將
 軍可朱渾天和侍中宋敏道散騎常侍鄭子默戊申以
 演為丞相都督中外諸軍錄尚書事以湛為太傅京畿
 大都督以司徒段韶為大將軍以前司空平陽王淹為
 太尉以司空平秦王歸彥為司徒彭城王浹為尚書令
 又以高麗王世子湯為使持節領東夷校尉遼東郡公
 高麗王是月王琳為陳所敗蕭莊自拔至和州三月甲

黨王紹仁為漁陽王廣陽王紹義為范陽王長樂王紹
 廣為隴西王是歲周武成元年

乾明元年春正月癸丑朔改元己未詔寬徭賦癸亥太
 皇太后杖殺高陽王湜是月車駕至自晉陽己亥以太
 傅常山王演為太師錄尚書事以太尉長廣王湛為大
 司馬并省錄尚書事以尚書左僕射平秦王歸彥為司
 空趙郡王獻為尚書左僕射詔諸元良口配沒宮內及
 賜人者並放免甲辰帝幸芳林園觀錄囚徒及死罪已

寅詔軍國事皆申晉陽稟大丞相常山王規算壬申封
 文襄第二子孝珩為廣寧王第三子長恭為蘭陵王夏

四月癸亥詔河南定冀趙瀛滄南膠光南青九州往因
 冬蝨水頗傷時稼遣使分塗贍恤是月周冢罕宇文護弒
 明帝五月壬子以開府儀同三司劉洪徽為尚書右僕
 射秋八月壬子太皇太后令廢帝為濟南王全食一郡
 以常山王演入纂大統是日帝居別宮皇建二年九月
 孝昭帝弒帝於晉陽時年十七帝聰慧寬厚天保間雅

有令名及承大位楊愔燕于獻米欽道等同輔以常山
王地親望重內外畏服加以文宣初崩太后本欲立之
故愔等並懷猜忌王憂悵乃白太后誅其黨時平秦王
歸彥亦預謀皇建二年秋天文告變歸彥慮有後害仍
白孝昭以帝當咎乃遣歸彥馳駟至晉陽害之

資治通鑑曰孝昭遣人酖之王不從遂扼殺之

遇害二旬而孝昭遇崇崩見後本紀大寧二年葬於武

寧之西北謚閔悼王初文宣命邢劭制帝諱名殷字正

欽定四庫全書

南北史合注
卷九十三

道尤之曰殷家弟及正字一止吾身後兒不得也卻懼

請改之文宣不許曰天也因謂孝昭曰奪時但奪慎勿

殺

愚按文宣既殺魏孝靜又并其三子與宗族奪殺兩

兼是為身教孝昭不從其令有以夫

孝昭皇帝演字延安神武第六子文宣母弟也幼而英

峙有大成之量武明皇太后早所愛重魏元象元年封

常山郡公及文襄執政遣中書侍郎李同軌就霸府為

諸弟師公所見文籍源其指歸而不好辭彩每歎云雖

盟津之師左驂震而不衄同軌以為能遂篤志讀漢書

至李陵傳恒壯其所為聰敏過人所與游一知其家諱

終身未嘗誤犯同軌病卒又命開府長流參軍刁柔代

之性嚴褊不善誘訓中被遣出王送出閭慘然流涕其

敬業重舊如此天保初進爵為王五年除并尚書令王

善斷割長思理省內畏服七年從文宣還鄴以尚書奏

事多有異同令王與朝臣先論定得失然後敷救王長

欽定四庫全書

南北史合注
卷九十三

於政術割斷咸盡其理文宣歎重之八年轉司空錄尚

書事九年除大司馬仍錄尚書事文宣溺於遊宴王憂

悵憤見神色文宣覺之謂王曰但令汝在我何為不縱

樂王唯啼泣拜伏竟無所言文宣亦大悲抵盃於地曰

汝似嫌我自今敢進酒者斬因取所御盃盡皆棄壞後

益沈酒或入諸貴戚家角力批拉不限貴賤惟王至內

外肅然王又密撫事條將諫其友王晞不可王不從因

間極言遂逢大怒王性頗嚴尚書郎中割斷有失輒加

捶楚令史奸慝便即考竟文宣乃立王於前以刀環擬脅台被罰者臨以白刃求王之短咸無所陳方見釋自是不許笞箠即中後賜王魏時宮人醒而忘之謂王擅取刀環亂築因此致困皇太后日夜啼泣文宣不知所為乃擇王晞禁令侍王王月餘漸瘳不敢復諫及文宣崩王居禁中護喪事幼主即位乃即朝班除大傳錄尚書事朝政皆決於王月餘乃居藩邸自是詔敕多不關預或言於王曰驚鳥捨巢必有探卵之患今日之地何

欽定四庫全書

南北史合注 卷九十三

四十三

宜屢出乾明元年從廢帝赴鄴居領軍府時楊愔燕子獻可朱渾天和宋欽道鄭子默等以王威望既重內懼權逼請以王為太師司州牧錄尚書事長廣王湛為大司馬錄並省尚書事解京畿大都督王既以尊親猜斥乃與長廣王期獵謀於野三月甲戌王初上省且發領軍府大風起壞所御車幔甚惡之及至省朝士咸集坐定酒數行愔惜子獻天和欽道等與坐王戎服與平原王段韶平秦王高歸彥領軍劉洪徽入自雲龍門至中

書省前過鄭子默又執之同斬於御府王至東閣門都督成休寧抽刃呵王王令高歸彥喻之休寧厲聲大呼不從歸彥既作領軍素為兵士所服皆弛仗休寧方嘆息而罷王入至昭陽殿幼主大皇太后皇太后並出臨御坐王奏愔等之罪求伏專擅之辜時庭中及兩廊下衛士二千餘人皆被甲待詔武衛永樂武力絕倫久被文宣重遇撫及思劾廢帝吃訥謀倉卒不知所言大皇太后又為皇太后誓言帝無異志唯去逼而已高歸彥

欽定四庫全書

南北史合注 卷九十三

四十四

救勞衛士永樂方內刃而泣王令歸彥引侍衛之士向華林園以京畿軍入守門閣斬永樂於園詔以王為大丞相都督中外諸軍錄尚書事相府佐史進位一等王尋如晉陽有詔軍國大政咸諮決焉既當大位知無不為擇其令典考綜名實少主恭已以聽政大皇太后尋下令廢少主命王統大業皇建元年八月壬午皇帝即位於晉陽宣德殿大赦改乾明元年為皇建詔奉大皇太后還稱皇太后皇太后

稱文宣皇后宮曰昭信乙酉詔自太祖創業已來諸有
佐命功臣子孫絕滅國統不傳者有司搜訪近親以名
聞當量為立後諸郡國老人各授板職賜黃帽鳩杖又
詔謬正之士並聽進見陳事軍人戰亡死王事者以時
申文當加榮贈督將朝士名望素高位歷通顯天保以
來未蒙追贈者亦皆錄奏又以廷尉中丞執法所在繩
違案罪不得舞文弄法其官奴婢年六十已上免為庶

欽定四庫全書

南北史合注
卷九十三

四十五

為太傅以尚書令彭城王浟為大司馬壬辰詔分遣大
司馬省四方觀察風俗問民疾苦考求得失搜訪賢良
詔曰昔武王克殷先封往代兩漢魏晉無廢茲典及元
氏統歷不循舊章朕纂承大業思弘古典但二王三恪
舊說不同可議定是非列名條奏其禮儀體式亦仰議
之又詔國子寺可備立官屬舊生講習經典歲時考試
其文襄帝所運石經宜即施列學館外州大學亦仰典
司勤加督課丙申詔九州勲人有重封者聽分授子弟

以廣骨肉之恩九月壬申詔議定三祖樂冬十一月辛
亥立妃元氏為皇后世子百年為皇太子賜天下為父
後昭爵一級癸丑有司奏獻武皇帝廟宜奏武德之樂
舞者烈之舞文襄皇帝廟宜奏文德之樂舞宣政之舞
文宣皇帝廟宜奏文正之樂舞光大之舞詔曰可庚申
以故太師尉景故太師竇泰故太師太原王婁昭故太
宰章武王庫狄干故太尉段榮故太師万俟普故太師
高乾故司徒莫多婁貸文故太保劉貴故太保封祖裔

欽定四庫全書

南北史合注
卷九十三

四十五

故廣州刺史王懷十二人配饗獻武廟庭故太師清河
王岳故太宰安德王韓軌故太宰扶風王可朱渾道元
故太師高昂故大司馬劉豐故太師万俟受洛干故太
尉慕容紹宗十一人配饗文襄廟庭故太尉河東王潘
相樂故司空薛脩義故太尉破六韓常三人配饗文宣
廟庭是月帝親御戎北討庫莫奚出長城虜奔遁
三國典畧曰孝昭至庫莫奚以木瓜反毒魚魚死浮
出庫莫奚竊相謂曰池有靈魚犯之不祥乃遁

分兵致討大獲牛馬括入晉陽宮十二月丙午車駕至

晉陽

二年春正月辛亥祀圓丘壬子禘於太廟癸丑詔降罪人各有差二月丁丑詔內外執事官從五品已上及三府主簿錄事參軍諸王文學侍御史廷尉三官尚書郎中中書舍人每二年內各舉一人秋九月弒濟南王冬十月丙子以尚書令彭城王浹為太保長樂王尉粲為太尉已酉野雉棲於前殿之庑

欽定四庫全書

南北史合注 卷九十三

四十七

隋書食貨志曰皇建中干州刺史稽曇議開幽州督亢舊陂長城左右營屯歲收稻粟數十萬石北境得贍又於河內置懷義等屯以給河南費自是稍止轉輸之勞

十一月甲辰詔曰朕嬰此暴疾奄忽無逮今嗣子冲眇未聞政術社稷業重理歸上德右丞相長廣王湛體道居宗海內瞻仰同胞共氣家國所憑可違尚書左僕射趙郡王叡喻旨徵王統茲大寶其喪紀之禮一同漢文

三十六日悉從公除山陵施用悉從儉約先是帝不豫

而無闕聽覽是日崩於晉陽宮時年二十七

大寧元年閏十二月癸卯梓宮還鄴上謚曰孝昭皇帝

庚午葬文靖陵帝聰敏有識度深沈能斷身長八尺腰

帶十圍儀望風表迥然獨秀自居臺省留心政術開明

簿領吏所不逮及正位宸居彌所克勵輕徭薄賦勤恤

民隱內無私寵

北齊興亡論曰後庭墳塋晉藩邸之舊數不盈十

欽定四庫全書

南北史合注 卷九十三

四十八

外收人物雖后父位亦特進無別日曷臨朝務知人善

惡每訪左右冀獲直言曾問舍人裴澤在外議論得失

澤率爾對曰陛下聰明至公但有識之士咸言傷細帝

王之度頗為未弘帝笑曰誠如卿言朕初臨萬幾慮不

周悉故致爾耳此事安可久行恐後又嫌疎漏澤因被

寵遇其樂聞過如此趙郡王叡與庫狄顯安侍坐帝曰

須拔我同堂弟顯安我親姑子今序家人禮除君臣之

敬可言我不逮顯安曰陛下多妄言曰若何對曰陛下

昔見文宣以馬鞭撻人常以為非而今行之非妄言耶
 帝握手謝之又使直言對曰陛下太細天子似更帝曰
 朕甚知之久將整之以至無為耳又聞王晞晞答如顯
 安皆從容受納性至孝太后不豫出居南宮帝行不正
 履容色貶瘁衣不解帶殆將四旬殿去南宮五百餘步
 鷄鳴而去辰時方還去來徒行不乘輿輦太后所苦小
 增便寢伏閣外食飲藥物盡皆躬親太后嘗心痛不堪
 帝立侍帷前以爪搗手心血流袖友愛諸弟無君臣
 隔雄勇有謀于時國富兵強將雪神武遺恨意在頓駕
 平陽為進取策遠圖不遂惜哉初帝與濟南約不相害
 及駕在晉陽武成鎮鄴望氣者云鄴城有天子氣帝恐
 濟南復興弑之後頗愧悔初苦內熱頻進渴散時有尚
 書令史姓趙於鄴見文宣從楊愔子獻等西行言相與
 復仇帝在晉陽宮與毛夫人亦見之遂漸危篤備襪厭
 之事或煮油四洒或持炬燒逐諸厲方出殿梁山騎棟
 上歌呼自若了無懼容

欽定四庫全書

南北史合注 卷九十三

四九

愚按文宣篡弑兼行孝昭所為亦學前人耳受厲不
 暇何暇厲人吾未敢信
 當時有天狗下乃於其所講武殿之有兔驚馬帝墜而
 絕肋太后視疾問濟南所在者三帝不對太后怒曰殺
 去耶不用吾言死其宜矣臨終之際唯扶服牀枕叩頭
 求哀
 顏氏家訓曰遺詔言恨不見皇太后山陵
 遣使詔退長廣王湛入纂大統又手書云宜將吾妻子
 置一好處勿學前人也
 論曰神武平定四方威權在已遷鄴後雖主祭有人號
 令所加政皆自出文宣因循鴻業自朝及野莫敢不推
 曾未期月遂登宸極始則存心政事風化肅然數年之
 間朝野安乂其後縱酒肆欲事極猖狂昏邪殘暴近代
 未有饗國不永實由斯疾濟南繼業大革其弊風教繁
 然股肱輔弼雖懷厥誠既不能贊弘道德和睦親懿又
 不能遠慮防身深謀衛主應斷不斷自取其災臣既誅

欽定四庫全書

南北史合注 卷九十三

五

肖君尋廢辱皆任非其人所致爾孝昭早居臺閣故事
通明文宣崩大革前弊及臨君極留心更深時人服其
明而譏其細也情好稽古率由禮度將封先代之夷且
敦學校之風徵召才賢文武畢集于時周氏朝政移於
宰臣主將相猜不無危殆乃睠闕右實懷兼并之志經
謀宏曠近代明主而降年不永其故何哉豈幽顯之塗
別有復報將齊之基宇止在於斯帝欲大之天不許也

欽定四庫全書

南北史合注
卷九十三

五十一

南北史合注卷九十三

欽定四庫全書

南北史合注卷九十四

明 李清 撰

齊本紀下第八

北史八

世祖武成皇帝諱湛神武第九子孝昭母弟也儀表瓌
傑神武尤所鍾愛神武方招懷荒遠乃為世子娉柔然
太子奄羅辰女號隣和公主世祖時八歲冠服端嚴神
情閑遠華戎歎異元象中封長廣郡公天保初進爵為

欽定四庫全書

南北史合注
卷九十四

王拜尚書令尋兼司徒遷太尉乾明初楊愔等密相疎
忌以王為大司馬領并州刺史王既與孝昭謀誅諸執
政遷太傅錄尚書事領京畿大都督皇建初進位右丞
相孝昭幸晉陽王以懿親居守鄴政事咸見委託二年
孝昭崩遺詔徵王入統大位發喪於晉陽宮崇德殿皇
太后令司宣遺詔左丞相斛律金率百寮敦勸三奏乃
許之

大寧元年冬十一月癸丑皇帝即位於南郊大赦

三國典畧曰宣令於殿門外建金鷄宋孝王不識其
義以問光祿大夫司馬膺之曰案海中有占曰天鷄
星動當有赦由是帝王以鷄為候

改皇建二年為大寧乙卯以司徒平秦王歸彥為太傅
以尚書右僕射趙郡王叡為尚書令以太尉尉粲為太
保以尚書令段韶為大司馬以豐州刺史婁叡為司空
以太傅平陽王淹為太宰以太保彭城王浹為太師錄
尚書事以冀州刺史博陵王濟為太尉以中書監任城

欽定四庫全書

南北史合注
卷九十四

王潛為尚書左僕射以并州刺史斛律光為右僕射封
孝昭皇帝太子百年為樂陵王庚申詔大使巡行天下
求政善惡問民疾苦擢進賢良是歲周武帝保定元年
河清元年春正月乙亥車駕至自晉陽辛巳祀南郊壬
午享太廟丙戌立妃胡氏為皇后子緯為皇太子大赦
內外百官普加汎級諸為父後者賜爵一級己亥以前
定州刺史馮翊王潤為尚書左僕射詔斷屠殺以順春
令二月丁未以太宰平陽王淹為青州刺史太傅領司

徒領軍大將軍宗師平秦王歸彥為太宰冀州刺史乙
卯兼尚書令任城王潛為司徒詔散騎常侍崔瞻聘於
陳閏二月後梁宣帝殂夏四月辛丑皇太后婁氏崩乙
巳青州刺史上言今月庚寅河濟清改大寧二年為河
清降罪人各有差五月甲申祔葬武明皇后於義平陵
乙丑以尚書右僕射斛律光為尚書令秋七月太宰冀
州刺史平秦王歸彥據州城反詔大司馬段韶司空婁
叡討擒之乙未斬歸彥并其三子及黨與二十人於市

欽定四庫全書

南北史合注
卷九十四

丁酉以大司馬段韶為太傅司空婁叡為司徒以太傅
平陽王淹為太宰以尚書令斛律光為司空以太子太
傅趙郡王叡為尚書令中書監河間王孝琬為尚書左
僕射癸亥行幸晉陽陳人來聘冬十一月丁丑詔兼散
騎常侍封孝琬使於陳十二月丙辰車駕至自晉陽是
歲殺太原王紹德
是歲後梁孝明帝天保元年
二年春正月乙亥帝詔臨朝堂策試秀孝以太子少傅

魏收為兼尚書右僕射已卯收以阿緄除名丁丑以武明皇后配祭北郊辛卯帝臨都亭錄見囚降在京罪人各有差三月己丑詔司空斛律光督五營軍士築戍於軹關丙戌以兼尚書右僕射趙彥深為左僕射夏四月并汾晉東雍南汾五州蟲旱傷稼遣使賑恤戊午陳人來聘五月壬午詔以城南雙堂之苑迴大總持寺六月乙巳齊州上言濟州水口見八龍升天乙卯詔兼散騎常侍崔子武使於陳庚申殺司州牧河南王孝瑜秋八

欽定四庫全書

南北史合注 卷九十四

及突厥大敗人畜死者相枕數百里不絕詔平原王段韶追出塞而還三月辛酉以律令班下大赦己巳盜殺太師彭城王浹庚辰以司空斛律為司徒以侍中武興王普為尚書左僕射甲申以尚書令馮翊王潤為司空夏四月辛卯詔兼散騎常侍皇甫亮使於陳五月甲子帝至自晉陽壬午以尚書令趙郡王叡為錄尚書事以前司徒婁叡為太尉甲申以太傅段韶為太師丁亥以太尉任城王湝為大將軍壬辰行幸晉陽六月庚子大雨晝夜不息至甲辰乃止是月晉陽訛言有鬼兵百姓競擊銅鐵以捍之殺樂陵王百年歸宇文媼於秋九月乙丑封皇太子緯為南陽王儼為東平王是月歸閭媼於周陳人來聘突厥寇幽州入長城虜掠而還閏月乙未詔遣十二使巡行水滸州免其租調乙巳突厥寇幽州周軍三道並出使其將尉遲迴寇洛陽楊標入軹關權景宣趣懸瓠冬十一月甲午迴等圍洛陽戊戌詔兼散騎常侍劉逖使於陳甲辰太尉婁叡大破周軍於

欽定四庫全書

南北史合注 卷九十四

軹關禽楊標十二月乙卯豫州刺史王士良以城降周
將權景宣丁巳帝自晉陽南征己未太宰平陽王淹薨
壬戌太師段韶大破尉遲迥等解洛陽圍丁卯帝至洛
陽免洛州經周軍處一年租賦赦州城內死罪以下囚
己未以太師段韶為太宰司徒斛律光為太尉并州刺
史蘭陵王長恭為尚書令壬辰帝至虎牢經滑臺次於
黎陽所經減降罪人丙子車駕至自晉陽

欽定四庫全書

南北史合注
卷九十四

六

冊府元龜載是年詔每年春月早課農桑自春及秋

男子十五以上皆就田畝桑蠶之月婦女十五以上

皆營蠶桑務使地無遺力人無游手

是歲高麗靺鞨新羅並遣使朝貢山東大水饑死者不
可勝計詔發賑事竟不行

四年春正月癸卯以大將軍任城王潛為大司馬辛未

幸晉陽二月甲寅詔以新羅國王金真為使持節東

夷校尉樂浪郡公新羅王壬申以年穀不登禁酤酒已

卯詔減百官食粟各有差三月戊子詔給西兗梁滄趙

州司州之東郡陽平清河武都冀州之長樂勃海遺水

滂之處貧下戶粟各有差家別斗升而已又多不付異

月彗星見有物墮於殿廷如赤漆鼓帶小鈴殿上石自

起兩兩相對又有神見於後園萬壽堂前山穴中其體

壯大不辨其面兩齒絕白長出於唇帝直宿嬪御以下

七百人咸見焉帝又夢之夏四月戊午大將軍東安王

婁叡坐事免乙亥陳人來聘太史奏天文有變占當易

主丙子乃使太宰段韶兼太尉持節奉皇帝璽綬傳位

欽定四庫全書

南北史合注
卷九十四

六

皇太子大赦改元為天統元年百官進級降罪各有差

又詔皇太子妃斛律氏為皇后於是羣公尊帝為太上

皇帝軍國大事咸以奏聞始將傳政使內參乘子尚乘

驛送詔書於鄴子尚出晉陽城見人騎隨後忽失之尚

未至鄴而其言已布矣天統四年十二月辛未上皇崩

於鄴宮乾壽堂時年三十二

三國典畧曰齊長廣郡廳梁木忽作人像太守惡而

刷去明日復出鄉人伐枯桑於中得折足死龍長尺

餘識者以為長廣齊太上本封齊氏木運得龍為吉

木枯龍死非吉徵至是崩

謚曰武成皇帝廟號世祖五年二月甲申葬永平陵

盧思道北齊興亡論曰武成少稟凶德不孝不仁龍

擯在殯淚不承臉太后之喪亦不哀哭纔及公除便

衣縫裏縱侈荒淫不知紀極甘酒嗜音夜以繼日

三國典畧曰武成後宮無限衣皆珠玉每歲費萬金

寒月皆食葦芽

欽定四庫全書

南北史合注
卷九十四

後主諱緯字仁綱武成皇帝長子母胡皇后夢於海上

坐玉盆日入裙下遂有娠天保七年五月五日生後主

於并州邸少主少美容儀武成特所愛寵拜世子及武

成入纂大業大寧二年正月丙戌立為皇太子河清四

年武成禪位太子

天統元年夏四月丙子皇帝即位於晉陽宮大赦改河

清四年為大統丁丑以太保賀拔仁為太師太尉侯莫

陳相為太保司空馮翊王潤為司徒錄尚書事趙郡王

歡為司空尚書左僕射河間王孝琬為尚書令戊寅以

瀛州刺史尉彙為太尉斛律光為大將軍東安王婁歡

為太尉尚書右僕射趙彥深為左僕射六月壬戌彗星

出文昌東北其大如手後稍長至丈餘百日乃滅己已

詔兼散騎常侍王季高使於陳秋七月乙未增置都水

使者一人冬十一月癸未上皇至自晉陽己丑上皇詔

改太祖獻武皇帝為神武皇帝廟號高祖獻明皇后為

武明皇后具文宣謚號委有司議定十二月庚戌上皇

欽定四庫全書

南北史合注
卷九十四

狩於北郊壬子狩南郊乙卯狩西郊壬戌上皇幸晉陽

丁卯帝至自晉陽庚午有司奏改顯祖文宣皇帝為威

宗景烈皇帝河南大疫是歲高麗契丹鞞鞞並遣使朝

貢

二年春正月辛卯祀圓丘癸巳禘祭於太廟詔降罪人

各有差丙申以吏部尚書尉瑾為尚書右僕射庚子行

幸晉陽二月庚戌上皇至自晉陽壬子陳人來聘三月

乙巳上皇詔以三臺施興聖寺以旱故降禁囚夏四月

陳文帝殂五月乙酉以兼尚書左僕射武興王普為尚書令己亥上皇詔封皇子儼為東平王仁弘為齊安王仁固為北平王仁英為高平王仁光為淮南王六月詔兼散騎常侍韋道儒聘於陳秋八月上皇幸晉陽冬十月乙卯以太保侯莫陳相為太傅大司馬任城王潛為太保太尉婁叡為大司馬徙馮翊王潤為太尉開府儀同三司韓念祖為司徒十一月大雨雪盜竊太廟御服十二月乙丑陳人來聘是歲殺河間王孝琬突厥鞞鞞

欽定四庫全書

南北史合注 卷九十四

國並遣使朝貢周天和元年

是歲陳天康元年

三年春正月壬辰上皇至自晉陽乙未大雪平地二尺戊戌詔京官執事散官三品以上舉三人五品以上各舉二人稱事七品以上及殿中侍御史尚書都檢校御史主書及門下錄事各舉一人鄴宮九龍殿災延燒西廊二月壬寅朔帝加元服大赦九州職人各進四級內外百官普進二級夏四月癸丑詔兼散騎常侍司馬幼

之使於陳五月甲午上皇以領軍大將軍東平王儼為尚書令乙未大風晝晦發屋拔樹六月乙未上皇詔封王子仁機為西河王仁約為樂浪王仁儉為潁川王仁雅為安樂王仁統為丹陽王仁謙為東海王閏六月辛巳左丞相斛律金薨壬午上皇詔尚書令東平王儼錄尚書事以尚書左僕射趙彥深為尚書令并省尚書右僕射婁定遠為尚書左僕射中書徐之才為右僕射秋八月辛未上皇以太保任城王潛為太師馮翊王潤為

欽定四庫全書

南北史合注 卷九十四

大司馬太宰段韶為左丞相太師賀拔仁為右丞相太傅侯莫陳相為太宰大司馬婁叡為太傅大將軍斛律光為太保司徒韓祖念為大將軍司空趙郡王叡為太尉尚書令東平王儼為司徒九月己酉詔諸寺署所館雜保戶姓高者天保初雖有優放權假力用未免者今可悉蠲雜戶任屬郡縣一准平人丁己上皇幸晉陽是秋山東大水民饑僵尸滿道冬十一月丙午以晉陽大明殿成故大赦文武百官進二級免并州居城太原一

郡來年租癸未上皇至自晉陽十二月己巳以故左丞相趙郡王琛配饗神武廟廷是年突厥大莫婁室韋百濟靺鞨等國並遣使朝貢

是歲陳主伯宗光大元年

四年春正月壬子以故清河王岳河東王湍相樂十人並配饗神武廟廷癸亥詔兼散騎常侍鄭大護使於陳三月乙巳上皇以司徒東平王儼為大將軍南陽王緯為司徒開府儀同三司廣寧王孝珩為尚書令夏四月

欽定四庫全書

南北史合注 卷九十四

辛未鄴宮昭陽殿災及宣光瑤華等殿辛巳上皇幸晉陽五月癸卯以尚書右僕射胡長仁為左僕射中書監和士開為右僕射壬戌上皇至自晉陽自正月不雨至於六月甲子朔大雨甲申大風拔木折樹是月彗星見東井秋九月周人來通和詔侍中斛斯文畧報聘於周冬十月辛巳以尚書令廣寧王孝珩為錄尚書事左僕射胡長仁為尚書令右僕射和士開為左僕射中書監唐邕為右僕射十一月壬辰詔兼散騎常侍李壽

使於陳是月陳安成王頊廢其主伯宗而自立十二月辛未太上皇帝崩丙子大赦九州職人普加一級內外百官並加兩級戊寅上太上皇后尊號為皇太后甲申詔細作之務及所在百工悉罷之又詔掖廷晉陽中山宮人等及鄴下并州太官官口二處其年六十已上及有癘患者仰所司簡放庚寅詔天保七年以來諸家緣坐配流者所在令還是歲契丹靺鞨國並遣使朝貢

五年春正月辛亥詔以金鳳等三臺未入寺者施大典

欽定四庫全書

南北史合注 卷九十四

聖寺是月殺定州刺史博陵王濟二月乙丑詔應宮刑者普免刑為官口又詔禁網捕鷹鷄及畜養籠放之物己丑改東平王儼為瑯琊王詔侍中叱列長叉使於周是月殺太尉趙郡王叡三月丁酉以司空徐顯秀為太尉并省尚書令婁定遠為司空是月行幸晉陽夏四月甲子詔以并州尚書省為大基聖寺晉祠為大崇皇寺乙丑車駕至自晉陽秋七月己丑詔降罪人各有差戊申詔使巡省河北諸州無雨處境內偏旱者優免租調

冬十月壬戌詔禁造酒十一月辛丑詔以太保斛律光為太傅大司馬馮翊王潤為太保大將軍瑯琊王儼為大司馬十二月庚午以開府儀同三司蘭陵王長恭為尚書令庚辰以中書監魏收為尚書右僕射是歲大莫婁國遣使朝貢

是歲陳孝宣帝太建元年

武平元年春正月乙酉朔改元太師并州刺史東安王婁叡薨戊申詔兼散騎常侍裴獻之聘於陳二月癸亥

欽定四庫全書

南北史合注 卷九十四

十四

以百濟王餘昌為使持節侍中驃騎大將軍帶方郡公王如故己巳以太傅咸陽王斛律光為右丞相并州刺史右丞相安定王賀拔仁為錄尚書事冀州刺史任城王浩為太師丙子降死罪以下囚閏月戊戌錄尚書事安定王賀拔仁薨三月辛酉以開府儀同三司徐之才為尚書左僕射夏六月己酉以廣寧王孝珩為司空甲辰以皇子恒生故大赦內外百官普進二級九州職人普進二級己酉以開府儀同三司唐邕為尚書右僕射

秋七月癸丑封孝昭皇帝子彥基為城陽王彥康為定

陵王彥忠為梁郡王甲寅以尚書令蘭陵王長恭為錄尚書事中領軍和士開為尚書令癸酉以華山王凝為太傅八月辛卯行幸晉陽九月乙巳立皇子恒為皇太子冬十月辛巳以司空廣寧王孝珩為司徒以上洛王思宗為司空封蕭莊為梁王戊子曲降并州死罪己下囚己丑復顯祖文宣皇帝諡號十二月丁亥車駕至自晉陽詔左丞相斛律光出晉州道脩城戍是歲鞞鞞遣

欽定四庫全書

南北史合注 卷九十四

十五

使朝貢

二年春正月丁巳詔兼散騎常侍劉環偽使於陳戊寅以百濟王餘昌為使持節都督東青州刺史二月壬寅以錄尚書事蘭陵王長恭為太尉并省錄尚書事趙彥深為司空尚書令和士開為錄尚書事左僕射徐之才為尚書令右僕射唐邕為左僕射吏部尚書馮子琮為右僕射夏四月壬午以大司馬瑯琊王儼為太保甲午陳遣使連和謀伐周議弗許六月段韶攻周汾州尅之

獲刺史楊敷秋七月庚午太保瑯琊王儼矯詔殺錄尚
書事和士開於南臺即日誅領軍大將軍庫狄伏連治
書侍御史王子宣等尚書右僕射馮子宗賜死殿中八
月已亥行幸晉陽九月辛亥以太師任城王潛為太宰
馮翊王潤為太師己未左丞相段韶薨戊午曲降并州
界內死罪以下各有差庚午殺太保瑯琊王儼壬申陳
人來聘冬十月罷京畿府入領軍府己亥車駕至自晉
陽十一月庚戌詔侍中赫連子悅使於周丙寅以徐州

欽定四庫全書

南北史合注
卷九十四

五

行臺廣寧王孝珩為錄尚書事庚午以錄尚書事廣寧
王孝珩為司徒癸酉以右丞相斛律光為左丞相

隋書五行志曰是年有兔出廟社中

三年春正月己巳祀南郊辛亥追贈故瑯琊王儼為楚
帝二月己卯以衛菩薩為太尉辛巳以并省吏部尚書
高元海為尚書左僕射庚寅以左僕射唐邕為尚書令
侍中祖珽為左僕射三月辛酉詔文武官五品以上各
舉一人是月周誅冢宰宇文護夏四月周人來聘秋七

月戊辰害左丞相咸陽王斛律光及其弟幽州行臺荆
山公豐樂八月庚寅廢皇后斛律氏為庶人以太宰任
城王潛為右丞相太師馮翊王潤為太尉蘭陵王長恭
為大司馬廣寧王孝珩為大將軍安德王延宗為司徒
詔領軍封輔相聘於周戊子拜右詔儀胡氏為皇后己
丑以司州牧北平王仁堅為尚書令特進許季良為左
僕射彭城王寶德為右僕射癸巳行幸晉陽是月脩文
殿御覽成勅付史閣九月陳人來聘冬十月降死罪以

欽定四庫全書

南北史合注
卷九十四

五

下囚甲午拜弘德夫人穆氏為左皇后大赦十二月辛
丑廢皇后胡氏為庶人

隋書五行志曰是年龍見邯鄲井中氣五色屬天

是歲新羅百濟勿吉突厥並遣使朝貢周建德元年
四年春正月戊寅以并省尚書令高阿那肱為錄尚書
事庚辰詔兼散騎常侍崔象使於陳是月鄴都并州並
有孤嫗多截人髮二月乙巳拜左皇后穆氏為皇后丙
午置文林館乙卯以尚書令北平王仁堅為錄尚書事

丁巳行幸晉陽是月周人來聘三月辛未盜入信州殺
刺史和士休南兖州刺史鮮于世榮討平之庚辰車駕
至晉陽夏四月戊午以大司馬蘭陵王長恭為太保大
將軍定州刺史南陽王緯為大司馬大司馬太尉衛菩
薩為大將軍司徒安德王延宗為太尉司空武興王普
為司徒開府儀同三司宣陽王趙彥深為司空癸丑祈
皇祠壇壇絕之內忽有車軌之轍案驗旁無人跡不知
車從所來乙卯詔以為大慶班告天下己未周人來聘

欽定四庫全書

南北史合注
卷九十四

六

五月丙子詔史官更撰魏書癸巳以領軍穆提婆為尚
書左僕射以侍中中書監段孝言為右僕射是月開府
儀同三司尉破胡長孫洪畧等與陳將吳明徹戰於呂
梁南大敗破胡走免洪畧戰歿遂陷秦涇二州明徹進
陷和合二州是月殺太保蘭陵王長恭六月明徹進圍
壽陽壬子幸南苑從官喝死者六十人以錄尚書事高
阿那肱為司徒丙辰詔開府王師羅使於周秋九月校
獵於鄴東冬十月陳將吳明徹陷壽陽辛丑殺侍中崔

季舒張彤唐散騎常侍劉遼封孝琰黃門侍郎裴澤郭
遵癸卯行幸晉陽十二月戊寅以司徒高阿那肱為右
丞相是歲高麗鞞鞞並遣使朝貢突厥使求婚

五年春正月乙丑置左右城英各一人二月乙未車駕
至自晉陽朔州行臺南安王思好反辛丑行幸晉陽尚
書令唐邕等大破思好思好投火死焚其尸并其妻李
氏丁未車駕至自晉陽甲寅以尚書令唐邕為錄尚書
事夏五月大旱晉陽得死魃長二尺面頂各二目帝聞

欽定四庫全書

南北史合注
卷九十四

七

之使刻木為形以獻庚申大赦丁亥陳人侵淮北秋八
月癸卯行幸晉陽甲辰以高勣為尚書右僕射是歲殺
南陽王緯

六年春三月乙亥車駕至自晉陽丁丑烹襖賊鄭子饒
於都市是月周人來聘夏四月庚子以中書監陽休之
為尚書右僕射秋七月甲戌行幸晉陽八月丁酉冀定
趙幽滄瀛六州大水是月周師入洛川屯芒山攻逼洛
城縱火船焚浮橋河橋絕閏月己丑遣右丞相高阿那

肱自晉陽禦之師次河陽周師夜遁庚辰以司空趙彥
深為司徒斛律阿列羅為司空辛巳以軍國費用不足
稅關市舟車山澤鹽鐵店肆輕重各有差開酒禁是歲
蘇鞞遣使朝貢

隋書五行志曰宮中有數圍大樹無故自拔齊以木
德王亡國之兆 又并州招遠樓下有赤蛇與黑蛇
鬪數日赤蛇死赤齊色黑周色赤死亦齊亡象

七年春正月壬辰詔去秋以來水潦人饑不自立者所

欽定四庫全書

南北史卷之九十四

在付大寺及諸富戶濟其性命甲寅大赦乙卯車駕至
自晉陽二月辛酉括雜戶女年二十以下十四以上未
嫁悉集省隱匿者家長處死刑二月丙寅風從西北起
發屋拔樹五日乃止夏六月戊申朔日有蝕之庚申司
徒趙彥深卒秋七月丁丑大雨霖是月以水滂遣使巡
撫流亡民戶八月丁卯行幸晉陽雉集御座獲之有司
不敢聞詔營却鄆宮冬十月丙辰帝大狩於祁池周師
攻晉州癸亥帝還晉陽甲子出兵大集晉祠庚午帝發

晉陽癸酉帝列陣而行上難栖原與周齊王憲相對至
夜不戰周師歛陣退十一月周武帝退還長安留偏帥
守晉州

顏氏家訓曰張延雋為青州行臺左丞匡維主將鎮
撫疆場儲器愛民隱若敵國羣小不得行志同力排
之既代後公私擾亂周師一舉此鎮先平齊亡遂啟
於此

高阿那肱等圍晉州城戊寅帝至圍所十二月戊申周

欽定四庫全書

南北史卷之九十四

武帝來救晉州庚戌戰於城南帝棄軍先還齊軍大敗
癸亥入晉陽憂懼不知所之甲寅大赦帝謂朝臣曰周
師甚盛若何羣臣咸曰一得一失自古皆然宜停百賦
安朝野收遺兵背城死戰以存社稷帝意猶豫欲向北
朔州乃留安德王延宗廣寧王孝珩等守晉陽若晉陽
不守即欲奔突厥羣臣皆不可帝不從開府儀同三司
賀拔伏恩封輔相慕容鍾葵等宿衛近臣三十餘人西
奔周師乙卯詔募兵遣安德王延宗為左廣廣寧王孝

珩為右廣延宗入見帝帝告欲見北朔州延宗泣諫不從帝密遣王康德與中人齊紹等送皇太后皇太子於北朔州丙辰帝幸城南軍營勞將士其夜欲遁諸將不從丁巳大赦改武平七年為隆化元年

隋書五行志曰時人離合其字曰降死竟以降周死

其日穆提婆降周詔除安德王延宗為相國委以備禦

延宗流涕受命帝乃夜斬五龍門而出欲走突厥從官

多散領軍梅勝郎叩馬諫乃迴艱時唯高阿那肱等十

欽定四庫全書

南北史合注 卷九十四

餘騎廣寧王孝珩襄城王彥道續至得數十人同行戊

午延宗從衆議即皇帝位於晉陽改隆化為德昌元年

庚申帝入鄴辛酉延宗與周師戰於晉陽大敗為周所

虜帝遺募人重加官賞雖有此言竟不出物廣寧王孝

珩奏請出宮人及珍寶班賜將士帝不悅斛律孝卿居

中受委帶甲處分請帝親勞為帝撰辭且曰宜慷慨流

涕感激入心帝既出臨衆將令之不復記所受言遂大

笈左右亦羣咤將士莫不解體自大丞相以下太宰大

司馬三師大將軍三公等官並增員而授或三或四不

可勝數甲子皇太后從北道至引文武一品以上入朱

華門賜酒食及紙筆問禦周方畧羣臣各異議帝莫知

所從又引高元海宋士素盧思道李德林等欲議禪位

皇太子先是望氣者言當有羊易於是依天統故事授

位幼主

幼主名恒後主長子母穆皇后武平元年六月生於鄴

其年十月立為皇太子隆化二年春正月乙亥即皇帝

欽定四庫全書

南北史合注 卷九十四

位時年八歲改元為承光元年大赦尊皇太后為太皇

太后帝為太上皇帝后為太上皇后於是黃門侍郎顏

之推中書侍郎薛道衡侍中陳德信等勸上皇往河外

募兵更為經畧若不濟南投陳國從之丁丑太皇太后

上皇自鄴先趣濟州周師漸逼癸未幼主又自鄴東走

己丑周師至紫陌橋癸巳焚城西門上皇將百餘騎東

走乙亥渡河入濟州其日幼主禪位於大丞相任城王

潛令侍中斛律孝卿送禪文璽紱於瀛州孝卿持之歸

周又為任城王詔尊上皇為無上皇幼主為守國天王
留太皇太后濟州遺高阿那肱留守上皇并皇后攜幼
主走青州韓長鸞鄧顥等數十人從上皇既至青州即
為入陳計而高阿那肱召周軍約生致齊主乃屢使人
告賊軍在遠今令人燒斷橋路上皇所以停緩周軍奄
至青州上皇窘急將遜於陳置金囊鞶後與長鸞淑妃
等十餘騎至青州南鄒村為周將尉遲綱所獲送鄴周
武帝與抗賓主禮

欽定四庫全書

南北史合注
卷九十四

五

拜
三國典畧曰齊主緯夢黑衣貴人送相驅逐已向之

并太后幼主諸王俱送長安封帝溫國公至建德七年
誣與宜州刺史穆提婆謀反及延宗等數十人無少長
咸賜死神武子孫所存者一二而已

愚按神武所存子孫不止一二齊諸王傳可考惟武
成子仁英仁雅得免當云一二耳

犬象末陽休之陳德信等啟大丞相楊堅請收葬聽之

葬於長安北原洪濱川帝幼而令善

冊府元龜曰幼時曾讀詩賦語人云終有解作此理
否

及長頗學綴文置文林館引諸文士而言語澁訥無志
度不喜見朝士自非寵私昵狎未嘗交語性懦不堪人
視視者即忿責其奏事者雖三公令錄莫得仰視皆畧
陳大旨驚走而出每災異寇盜水旱亦不自貶損唯諸
處設齋以此為脩德雅信巫覡解禱無方初邠郡王儼

欽定四庫全書

南北史合注
卷九十四

五

舉兵人告者諛云庫狄伏連反帝曰必仁威也又斛律
光死後諸武官舉高思好堪大將軍帝曰思好喜反皆
如所言遂自謂策無遺莫乃益驕縱威為無愁之曲自
彈胡琵琶而唱之侍和者百數人間謂之無愁天子嘗
出見羣屬盡殺之或殺人剥面皮視之任陸令萱和士
開高阿那肱穆提婆韓長鸞等宰制朝政陳德信鄧長
顥何洪珍參預機權各引親黨起居非次官由財進獄
以賄成亂政害民難以備載諸官奴婢闖入商人胡戶

雜戶歌舞人見鬼人濫得富貴者將以萬數庶姓封王者將以百數不復可紀開府千餘儀同無數領軍一時三十連判文書各作依字不具姓名莫知誰也諸貴寵祖禰追贈官歲一進位極乃止宮掖婢皆封郡君宮女實衣玉食者五百餘人

隋書五行志作千餘人

一裙直萬足鏡臺直千金競為變巧朝衣夕弊

隋書五行志曰後主好令宮人以白越布折額狀如

欽定四庫全書

南北史合注 卷九十四

三

髮幘又為白蓋皆喪禍之服

承武成奢麗以為帝王當然乃更增益宮苑造偃武脩文臺其嬪嬙諸院中起鏡殿寶殿瑇瑁殿丹青彫刻妙極當時又於晉陽起十二院壯麗過鄴下所愛不恆數毀又復夜以火照作寒以湯為泥百工困窮無時休息鑿晉陽西山為大佛像一夜燃燈油萬盆光照宮內又為胡昭儀起大慈寺未成改為穆皇后大寶林寺窮極工巧運石填泉勞費億計人牛死者不可勝紀

隋書食貨志曰計財用不給乃減朝士祿斷諸曹糧膳及九州軍民常賜以供之

御馬則藉以種芻食物有十餘種將合北壯則設青廬具牢饌而親觀之狗飼以梁肉馬及鷹犬有儀同郡君之號故有赤彪儀同逍遙郡君陵霄郡君高思好書所謂馱龍逍遙著也犬於馬上設褥抱之鬪雞亦號開府犬馬雞鷹多食縣幹鷹之入養者稍割犬肉飼之至數日乃死又於華林園立貧窮村舍帝自弊衣為乞食兒又為窮兒之市躬自交易寫築西鄙諸城黑衣為羗兵鼓譟陵之親率內參臨拒或實彎弓射人自晉陽東巡單馬駝駑衣解髮散而歸入好不急之務曾一夜索竭及旦得三升特愛非時之物取求火急皆須朝徹夕辦當勢者因之貸一責十賦歛日重徭役日繁民力既殫帑藏空竭乃賜諸佞幸賣官或得郡兩三或得縣六七各分州郡下逮鄉官亦多降中者故有敕用州主簿敕用功曹於是州縣職司多出富商大賈競為貪縱民不

欽定四庫全書

南北史合注 卷九十四

三

聊生爰自鄴都及諸州郡所在徵稅百端俱起

隋書食貨志曰齊武平後權倖並進賜與無限加之

早蝗國用轉屈乃料境內六等富人調令出錢顏之

推奏請立闕市邸店之稅鄧長顓贊成之後主大悅

於是以其所入供御府聲色之費軍國之用不豫未

幾亡

凡此諸後皆漸於武成至帝增廣然未嘗有帷薄淫穢

唯此事頗優於武成云初河清末武成夢大蝟攻破鄴

欽定四庫全書

南北史合注
卷九十四

元

城故索境內蝟膏以絕之識者以後主名聲與蝟相協

亡齊徵也又婦人皆翦剔著假髻危邪之狀如飛鳥至

於南面則髻心正西始自宮內為之被於四遠天意若

曰元首翦落危則當走西也

隋書五行志曰齊鄴中有童謠曰金作掃帚玉作把

淨掃殿屋迎西家至是驗

又為刀子者刃皆狹細名曰盡勢遊童戲者好以兩手

持繩拂地而却上跳且唱曰高末高末之言蓋高氏運

祚之末也

三國典畧曰齊後主末有九頭鳥見色赤似鴨九頭

皆鳴

然則亂亡之數蓋有兆云

論曰武成風度高爽經筭弘長文武之官俱盡謀力有

帝王之量矣但愛狎庸豎委以朝權帷薄之間淫侈過

度滅亡之兆其在斯乎玄象告變傳位元子名號雖殊

政由已出迹有虛飾事非憲典又河南河間太原樂陵

欽定四庫全書

南北史合注
卷九十四

元

諸王或以時嫌或以猜忌皆無罪而殞非所謂知命任

天體大道之義也後主以中庸之姿懷易染之性永言

先訓教非義方始自襁褓至於傳位隔以正人閉其善

道養德所履異乎春誦夏弦過庭所聞莫非不軌不物

輔以中官嬖媼屬以麗色淫聲縱鞿緹之娛恣朋淫之

好泊乎在御彌見淪胥罕接朝士不親政事一日萬幾

委諸凶族內侍帷幄外吐絲綸威厲風霜志迴天日虐

人害物搏噬無厭賣獄鬻官寤室難滿重以名將貽禍

忠臣顯戮始見浸溺之萌俄觀土崩之勢周武因機遂
混區夏悲夫蓋桀紂罪人其亡也忽焉自然之理矣

唐魏徵論曰神武以雄傑之姿始基霸業文襄以英明
之畧伐叛柔遠於時喪君有君師出以律河陰之役推

宇文如反掌馮陽之戰掃侯景如拉枯故能氣懾西隣
威加南服文宣因累世之資遂遷魏鼎懷謫詐非常之

才運屈奇不測之智網羅俊乂明察臨下文武名臣盡
其力用親戎出塞命將臨江定單于於龍城納長君於

欽定四庫全書

南北史合注
卷九十四

梁國外內充實疆場無警胡騎息其南侵秦人不取東

顧既而荒淫敗德罔念作狂為善未能亡身餘殃足以
傳後得以壽終幸也胤嗣不永宜哉孝昭地逼身危逆

取順守外教文教內蘊雄圖將以牢籠區域奄有函夏
享齡不永續用無成若或天假之年足使秦吳肝食武

成即位雅道陵遲昭襄之風摧焉已墜豈乎後主外內
崩離衆潰平陽身禽青土天道深遠或未易談吉凶由

人抑可揚摧觀夫有齊全盛控帶遐阻西包汾晉南極

江淮東盡海隅北漸沙漠六國之地我獲其五九州之
境彼分其四料甲兵之衆寡校帑藏之虛實折衝千里

之將帷幄六奇之士二方之優劣無等級以寄言然其
太行長城之固自若也江淮汾晉之險不移也帑藏輸

稅之富未虧也士庶甲兵之衆不缺也然前王用之有
餘後主守之不足何哉前王御時沐風櫛雨拯其溺而

救其焚信必賞過必罰安而利之既與共其存亡故得
同其生死後主則不然以人從欲損物利已雕牆峻宇

欽定四庫全書

南北史合注
卷九十四

甘酒嗜音廊肆過於宮園禽邑荒於外內俾畫作夜罔

水行舟所欲必成所求必得既不軌不物又暗於聽受
忠信弗聞萋蜚必入視人如草芥從惡如順流佞闖處

當軸之權婢媼擅迴天之力賣官鬻獄亂政淫刑剗削
被忠良祿位加於犬馬讒邪並進法令多聞持馭者非

止百人搖樹者不唯一手於是土崩瓦解衆叛親離顧
瞻周道咸有西歸之志方更盛其宮觀窮奢極淫謂黔

首可愚指白日自保驅倒戈之旅抗前歌之師五世崇

基一舉而滅豈非鑄金石者難為功摧枯朽者易為力
歟抑又聞之皇天無親唯德是輔齊自河清逮於武平
牛沐^立不恩壙塲之選無已征稅盡入刀殫物產無
以給其求^海不能贍其欲所謂火熾矣更負薪以足
大^厥既^窮矣又為惡以促之欲求大厦不燔延期過歷
石亦難^辨也此言之齊氏敗亡蓋亦由人匪唯天道也

欽定四庫全書

南北史合注
卷九十四

三

南北史合注卷九十四

總校官檢 討臣 彭元琬

侍讀學士 臣 王保

校對生 員 臣 梁寶繩

欽定四庫全書

南北史合注卷九十五

明 李清 撰

北史九

周太祖文帝姓宇文氏諱泰字黑獺代郡武川人其

先世封於帝天帝為黃帝所滅子孫遁居朔野後有葛

烏兔者雄武多美略鮮卑奉以為主遂總十二部落世

為大人裔孫曰普回因狩得玉璽三紐文曰皇帝璽普

欽定四庫全書

南北史合注 卷九十五

回以為天授獨異之其俗謂天子曰宇文故國號宇文

并以為氏普回子莫那自陰山南徙始居遼西是曰獻

侯為魏舅甥之國自莫那九世至歸豆為慕容晃所滅

其子陵仕燕拜駙馬都尉封玄菟公及慕容寶敗歸魏

拜都牧主賜爵安定侯天興初魏遷豪傑於代郡陵隨

例徙居武川即為其郡縣人陵生系系生韜韜生皇考

肱並以武略稱肱任俠有氣幹正光末沃野鎮人破六

韓拔陵作亂其偽署王衛可瓌最盛肱糾合鄉里斬瓌



眾乃散後陷鮮于脩禮脩禮令肱還統其部眾為定州

軍所破戰沒於陣武城初追謚德皇帝太祖其少子也

母王氏初孕五月夜夢抱子升天纔不至而止寤以告

皇考皇考喜曰雖不至天貴亦極矣太祖生而有黑氣

如蓋下覆其身及長身長八尺方頰廣額美鬚鬣髮長

委地垂手過膝背有黑子宛轉若龍盤之形面有紫光

人望而敬畏之少有大度不事家人生業輕財好施以

交結賢士大夫為務隨皇考在鮮于脩禮軍及葛榮殺

欽定四庫全書

南北史合注 卷九十五

脩禮太祖時年十八榮任以將帥察其無成謀與諸兄

去之計未行會榮滅因隨爾朱榮遷晉陽榮忌太祖兄

弟雄傑託以他罪殺太祖第三兄洛生太祖以家寃自

理辭旨慷慨榮感而免之益加敬待始命統軍從已征

討後以別將從賀拔岳討北海王顥於洛陽孝莊反正

以功封寧都子後從岳入關平万候醜奴行原州事時

關隴寇亂太祖撫以恩信百姓皆喜曰早遇宇文使君

吾等豈從逆亂太祖嘗從數騎於野忽聞蕭鼓音問從

者皆莫聞意獨異之普泰二年尔朱天光東拒勃海王
 高歡留弟顯壽鎮長安召秦州刺史侯莫陳悅東下岳
 知天光必敗欲留悅共圖顯壽而計無所出太祖謂岳
 曰今天光尚近悅未必貳心若以此事告恐其驚懼然
 悅雖為主將不能制物若先說其眾必人有留心進失
 尔朱之期退恐人情變動若乘此說事無不遂岳大喜
 喜即令太祖入悅軍說之遂與岳襲長安太祖輕騎為
 為前鋒追至華陰擒顯壽及岳為關西大行臺以太祖

欽定四庫全書

南北史合注
卷九十五

三

為左丞領岳府司馬事無巨細皆委決焉歡既除尔朱
 氏遂專朝政太祖請往觀之至并州

冊府元龜曰歡問岳軍事太祖占對雄辨

歡以太祖非常人曰此小兒眼目異常將留之太祖詭
 陳忠款具託左右苦求復命倍道而行行一日而歡乃
 悔發上驛千里追太祖至闕不及而反太祖還謂岳曰
 高歡豈人臣耶逆謀未發者憚公兄弟耳侯莫陳悅庸
 材亦不為歡忌但為之備圖之不難今費也頭控弦之

騎不下一萬夏州刺史斛拔彌俄突勝兵三千餘人及

靈州刺史曹泥並恃僻遠常懷異望河西流人紇豆陵
 伊利等戶口富實未奉朝風今若移軍近隴扼其要害
 示之以威懷之以德即可收其士馬以資吾軍西輯氏
 羗北撫沙塞還軍長安匡輔魏室此桓文之舉也岳大
 悅復遣太祖詣閣請事密陳其狀魏孝武帝納之加太
 祖武衛將軍還令報岳岳引軍西次平涼岳以夏州隣
 接寇賊欲以良刺史鎮之眾皆舉太祖岳曰宇文丞

欽定四庫全書

南北史合注
卷九十五

四

吾左右手何可廢也沉吟累日乃從眾議表為夏州刺
 史太祖至州伊利望風疑附而曹泥猶通使於歡魏永
 熙三年正月賀拔岳欲討曹泥太祖曰曹泥孤城阻遠
 未足為憂侯莫陳悅密通貪而無信是宜先圖岳不聽
 遂與悅俱討泥二月至河曲果為悅所害眾散還平涼
 唯大都督趙貴率部曲收岳尸還營三軍未知所屬諸
 將以都督寇洛年最長推總兵事洛素無雄畧威令不
 行乃請遜位於是趙貴言於眾稱太祖英姿雄畧若告

喪必來赴難因而奉之大事濟矣諸將皆稱善乃令赫連達馳至夏州告太祖士吏咸泣請留以觀其變太祖曰

周書載太祖言曰悅害元帥應乘勢直據平涼而反趙超屯兵永洛吾知其無能為也

難得易失者時也不俟終日者機也今不早赴恐衆心自離都督彌姐元進規應悅密圖太祖事發斬之乃率帳下輕騎馳赴平涼時歡遣長史侯景招引岳衆太祖

欽定四庫全書

南北史合注 卷九十五

五

至安定過於傳舍吐哺上馬謂曰賀拔公雖死宇文泰尚存卿何為也景失色曰我猶箭耳隨人所射乃還太祖至平涼哭岳甚慟將士悲且喜曰宇文公至吾無憂矣歡又使景與常侍張華原義寧太守王基勞太祖太祖不受命與基有舊將留之并欲留景並不屈乃遣之時斛斯椿在太祖所曰景人傑也何故放之太祖亦悔驛追不及基亦逃歸言太祖雄傑請及其未定滅之歡曰卿不見賀拔侯莫陳乎吾當以計拱手取之及沙苑

之敗歡始追悔時天子將圖神武聞岳被害遣武衛將軍元毗宣旨勞岳軍追還洛陽毗到平涼會諸將已推太祖侯莫陳悅亦被敕追還悅既附歡不肯應召太祖曰悅枉害忠良不復應詔此國大賊令諸軍戒嚴將討悅及毗還太祖表於天子辭以高歡至河東

冊府元龜又載表曰在此軍士多是關西人皆戀鄉邑不願東下今迫以上命悉令赴關悅躡其後歡邀其前

欽定四庫全書

南北史合注 卷九十五

六

首尾受敵乞少停緩太祖志在討悅而未測朝旨且衆未集假為此辭因與元毗及諸將刑牲盟誓同獎王室初賀拔岳營河曲軍吏獨行忽見一翁謂曰賀拔雖據此衆終無所成當有一字文家從東北來後必大盛言訖不見至是方驗天子因詔太祖為大都督即統賀拔岳軍太祖密表悅逆狀復與悅書責以殺賀拔岳罪又喻令歸朝

周書載書曰頃正光之末天下沸騰故將軍賀拔公

攘袂勃起志寧寓縣西顧無憂繫公是賴勳茂賞隆
遂征闕右君名微行薄故將軍降遷高之志薦君為
隴右行臺朝議以君功名闕然未之許也頻煩請謁
至于再三天子難違上將方相聽許高氏專權主上
虛心寄隆晉鄭君復與故將軍同受容旨結盟并力
共匡時難口血未乾七首已發協黨國賊共危本朝
孤恩負誓有覲面目吾以弱才猥當藩牧蒙天子拔
擢之恩荷故將軍國士之過聞問之日魂魄驚駭便

欽定四庫全書

南北史合注
卷九十五

七

陳啓天朝暫來奔赴眾情所推遂當戎重比有敕旨
召吾還闕亦有別詔令君入朝君若督率所部自山
隴東邁吾亦總勒師徒北道還闕如首鼠兩端不時
奉詔專戮違旨國有常刑枕戈坐甲指日相見幸圖
利害無貽噬臍

悅乃詐為詔書與秦州刺史万侯普撥令為己援普撥
疑之封呈太祖太祖表奏之天子因問安秦隴計太祖
請召悅授以內官及處以瓜涼一藩不然則終致猜虞

三月太祖進軍至原州眾軍志集論以討悅意士卒莫
不懷憤遂表於天子陳討悅狀

冊府元龜載表曰自大都督臣岳沒後臣頻奉詔還
闕直以督將已下咸稱賀拔公視我如子今仇耻未
報何顏處世若得一雪寃酷萬死無恨且悅外附強
臣內違朝旨今上思逐惡之志下遂節士之心冀
伏天威為國除害小違大順實在茲辰克定之後伏
代斧鉞

欽定四庫全書

南北史合注
卷九十五

四月引兵上隴留兄子遵為都督鎮原州太祖軍令嚴
肅秋毫無犯百姓大悅軍出木狹闕大雪平地二尺太
祖知悅怯而多猜乃倍道兼行出其不意悅果疑左右
有異志左右不自安眾遂離貳聞大軍且至退保畧陽
留一萬餘人據守永洛太祖至圍之城降太祖即率輕
騎數百趣略陽以臨悅軍其部將皆勸悅退保上邽時
南秦州刺史李弼亦在悅軍密遣使請為內應其夜悅
出軍軍自驚潰將卒或來降太祖縱兵奮擊大破之悅

與其子弟及麾下數十騎遁走

周書載太祖曰悅本與曹泥應接不過走向靈州耳帝乃命原州都督導等追悅至牽屯山斬之傳首洛陽太祖至上邽悅府庫財物山積皆以賞士卒臺麓無所取左右竊以一銀甕歸太祖知而罪之即剖賜將士衆大悅歡聞關隴克捷遣使使於太祖深相倚結太祖拒不納封其書以聞時歡已有異志故天子深仗太祖令引軍稍東乃命大都督梁禦率步騎五千將鎮河渭合

欽定四庫全書

南北史合注
卷九十五

九

口為圖河東計魏帝進太祖侍中驃騎大將軍開府儀同三司關西大都督略陽縣公承制封拜使持節如故時天子方圖歡又遣徵兵公令前秦州刺史駱超為大都督率輕騎一千赴洛乃進投公兼尚書左僕射關西大行臺餘官如故公乃傳檄方鎮曰皇家創歷保安四海運距孝昌屯沴屢起乘釁之徒因翼生羽賊臣高歡一介鷹犬効力戎行颺冒私恩遂階榮寵不能竭誠盡節專挾奸回乃勸尔朱榮行篡及榮以專政伏誅世隆

以凶黨外叛歡若相敷勉令取京師又勸吐万兒復為

弑虐暫奉建明以今天下假推普泰欲竊威權並歸廢斤俱見酷害於是稱兵河北假討尔朱亟通表奏云取讓賊既行廢黜遂將篡弑以人望未改恐鼎鑊交及乃求宗室權允人心天方與魏必將有主胡戴聖明誠非歡力而阻兵安忍自以為功廣布腹心跨州連郡端揆禁闔莫非親黨皆行貪虐寔寔生靈而舊將名臣正人直士橫生瘡痍動挂網羅故武衛將軍伊琳清貞剛毅

欽定四庫全書

南北史合注
卷九十五

十

禁旅攸屬直閭將軍鮮于康仁忠亮驍傑爪牙斯在歡收而戮之曾聞奏司空高乾是其黨與每相影響謀危社稷恐先泄漏乃密白朝廷使殺高乾方哭對其弟稱天子橫戮孫騰任祥歡之心脅並使入居樞近伺國閒隙知歡逆謀將發相繼歸逃歡益加撫待亦無陳白故關西大都督清水公賀拔岳勲德隆重興亡攸寄歡好亂樂禍深相忌毒乃與侯莫陳悅陰圖陷害幕府以受律專征便即討戮歡知逆狀已露稍懷旅拒遂遣蔡儁

拒代令竇泰佐之又遣侯景等云向白馬輔世珍等徑趨石濟高隆之及婁昭等屯據壹闕韓軌之徒擁眾蒲坂於是上書天子數論得失訾毀乘輿威侮朝廷藉此微庸冀茲大寶或言徑赴荆楚開疆於外或言分詣伊洛取彼讒人或言欲來入關與幕府決戰今聖明御運人盡忠良誰為傾側而歡威福自己生是亂階緝構南箕指鹿為馬包藏凶逆伺我神器是而可忍孰不可容幕府親當受賑惟敵是俟頗有詔書班告天下稱歡逆

欽定四庫全書

南北史合注
卷九十五

十一

亂徵兵致伐今便分命將帥應機進討或趣其要害或襲其窟穴若稍逼官廟則分命諸將直取并州幕府躬自東轅電赴伊洛若固其巢穴未敢發動亦命羣帥百道俱前輟裂賊臣以謝天下其州鎮郡縣率土黎民或州鄉冠冕或勳庸世濟並宜捨逆歸順立効軍門封賞之科已有別格凡百君子可不勉哉公謂諸軍曰高歡雖智不足而詐有餘今聲言欲西意在入洛吾欲令寇洛率馬步萬餘自涇州東引王羆率甲士一萬先據華

州歡若西來羆足抗拒如其入洛洛即襲汾晉吾便速駕直赴京邑使其進有內顧之憂退有被躡之勢一舉而定此為上策眾咸稱善七月公率眾發自高平前軍至弘農而歡稍逼京師天子親總六軍屯河橋令左衛元斌之領軍斛斯椿鎮虎牢公謂左右曰高歡一日行八九百里曉兵者所忌正須乘便擊之而主上以萬乘之重不能渡河決戰方緣津據守且長河萬里捍禦為難一處得渡大事去矣即以大都督趙貴為別道行臺

欽定四庫全書

南北史合注
卷九十五

十二

自蒲坂濟趣并州遣大都督李賢將精騎二千赴洛陽會斌之與斛斯椿爭權鎮防不守天子遂輕騎入關公備儀衛奉迎謁見東陽驛免冠流涕謝罪

周書戴公言曰臣不能弋遏寇虐使乘輿遷幸請拘司敗帝曰公之忠節暴於朝野朕以不得負乘致寇今日相見深用厚顏何勞謝也 資治通鑑又曰朕方以社稷委公公其勉之

乃奉天子都長安披草萊立朝廷軍國之政咸取決於

帝仍加授大將軍雍州刺史兼尚書令進封略陽郡公
 別置二尚書隨機處分解尚書僕射餘如故初天子在
 洛陽許以馮翊長公主配公未及結納而天子西遷至
 是詔公尚之拜駙馬都尉八月歡襲陷潼關侵華陰公
 率諸軍屯霸上待之歡留其將薛瑾守關而退乃進軍
 斬瑾鹵其卒七千還長安進位丞相冬十月高歡立清
 河王亶子善見為帝遷於鄴是為東魏十一月遣儀同
 李虎與李弼趙貴等討曹泥於靈州虎引河灌之明年
 欽定四庫全書 南北史合注 卷九十五
 泥降遷其豪帥於咸陽十二月魏孝武帝復與公隙遇
 酖崩公與羣公定冊尊立魏南陽王寶炬為嗣是為文
 帝
 大統元年正月己酉天子進公都督中外諸軍錄尚書
 事大行臺改封安定郡王公固讓王及錄尚書許之乃
 改封安定郡公東魏將司馬子如寇潼關公軍灞上子
 如乃回軍自蒲津寇華州刺史王羅擊走之三月公命
 有司為二十四條新制

周書曰命所司斟酌今古參考變通可以益國利民
 便時適治者為二十四條新制
 奏行之
 二年五月秦州刺史建忠王万俟普撥率所部入東魏
 公輕騎追之至河北千餘里不及而還
 三年正月東魏丞相高歡寇龍門屯軍蒲坂造三道浮
 橋渡河又遣其將竇泰趣潼關高昂圍洛州公出軍廣
 陽召諸將謂曰高歡倚吾三面又造橋示欲必渡是欲
 欽定四庫全書 南北史合注 卷九十五
 綴吾軍使竇泰得西入耳且歡起兵以來泰每先驅下
 多銳卒屢勝而驕今出其不意襲之必剋剋泰則歡不
 戰而走矣諸將咸曰賊在近捨而襲遠若有蹉跌悔何
 及也公曰歡前再襲潼關吾軍不過灞上今者大來謂
 吾但自守耳又狃於得志有輕我心乘此擊之何往不
 克歡雖造橋未能徑渡比五日中吾取泰必矣庚戌公
 還長安聲言欲向隴右辛亥謁天子而潛軍至小關竇
 泰卒聞軍至陳未成公襲之盡俘其眾斬泰傳首長安

高昂聞之焚輜重走歡亦撤橋退公乃還長安六月公請罷行臺天子復申前命授公錄尚書事固讓乃止八月丁丑公率李弼獨孤信梁禦趙貴于謹若于惠怡峰劉亮王德侯莫陳崇李遠達奚武十二將東伐至潼關誓於師曰與爾有眾奉天威誅暴亂惟爾眾士整爾甲兵戒爾戎事無貪財以輕敵無暴民以作威用命有賞不用命有戮爾眾士其勉之乃遣于謹先徇地至盤豆拔之獲東魏將高叔禮送於長安戊子至弘農攻之

欽定四庫全書

南北史合注 卷九十五

五

冊府元龜曰時連日雨乃率諸將冒雨攻之

城潰擒東魏陝西刺史李徽伯擄其戰士八千守將高千走渡河命賀拔勝追擒之並送長安於是宜郡等郡皆歸附先是南豪傑應東魏者皆降高歡懼眾下蒲坂將自后土濟遣其將高昂以三萬人出河南是歲關中饑公館穀弘農五十餘日時軍士不滿萬人聞歡將渡乃引兵入關歡遂渡河逼華州刺史王羅嚴守乃涉洛軍於許原西公至渭南徵諸州兵未會將擊之

周書載公言曰高歡越山渡河遠來至此天亡之時也

諸將以眾寡不敵請待歡更西觀之公曰歡若至咸陽人情轉騷動今及其新至可擊之即造浮橋於渭南軍士齋三日糧輕騎渡渭輜重自渭南夾渭而西十月壬辰至沙苑拒東魏軍六十餘里歡引軍來會癸巳候騎告東魏軍至公召諸將謀李弼曰彼眾我寡不可平地置陣此東十里渭曲可先據以待之遂進至渭背水

欽定四庫全書

南北史合注 卷九十五

六

東西為陣李弼為右拒趙貴為左拒將士皆偃戈葭蘆中聞鼓聲而起日晡東魏師至望見軍少競萃於左軍亂不成列兵將交公鳴鼓士皆奮起于謹等六軍與之合戰李弼等率鐵騎橫擊之絕其軍為二遂大破之斬六千餘級臨陣降者二萬餘人歡夜遁追至河上復大克前後擄其卒七萬留其甲兵二萬餘悉縱歸收其輜重兵甲獻俘長安李穆言高歡膽破逐之可獲公不聽還軍渭南時所徵諸州兵始至乃於戰所準當時兵人

種樹一株栽柳七千根以旌武功天子進公柱國大將軍增邑以左僕射馮翊王元海為行臺與開府獨孤信帥步騎二萬向洛陽賀拔勝李弼渡河圍蒲坂蒲坂鎮將高子信開門納勝軍東魏將薛崇禮棄城走勝等追獲之公進軍蒲坂略定汾絳初公自弘農入關後東魏將高昂圍弘農聞歡軍敗退守洛陽獨孤信至新安昂復走渡河遂入洛陽自梁陳已西將吏降者相屬於是東魏將克雄趙育是云寶出潁川欲復降地公遣儀同

欽定四庫全書

南北史合注 卷九十五

七

宇文貴梁遷等復擊破之又遣都督韋孝寬取豫州是率河南兵與堯雄合儀同怡峯與貴遷等復擊破之又遣都督韋孝寬取豫州是云寶殺其東揚州刺史以州來降
四年三月公率諸將入朝禮畢還華州七月東魏將侯景等圍獨孤信于洛陽歡繼之公奉天子至穀城臨陣斬東魏將莫多婁貸文悉鹵其眾送弘農進軍瀍東景等夜解圍去及旦公率輕騎追至河上景等北據河橋

南屬邙山為陣與諸軍戰公馬中流矢驚逸軍中擾亂都督李穆下馬投公軍復振於是大捷斬其將高昂李猛宋顯等鹵其甲士一萬五千人赴河死者萬數是日置陣既大首尾懸遠從旦至未戰數十合氛霧四塞莫能相知獨孤信李遠居右趙貴怡峯居左戰並不利又未知天子及公所在皆棄其卒先歸開府李虎念賢等為後軍過信等退即與俱還由是班師洛陽亦失守大軍至弘農守將皆已棄城西走所鹵降卒在弘農者相

欽定四庫全書

南北史合注 卷九十五

六

與開門拒守進攻拔之誅其魁首數百人大軍之東伐也關中所留兵少前後所鹵東魏士卒皆散在民間乃謀亂及虎等至長安計無所出乃與太尉王盟僕射固惠達輔魏太子出次渭北關中大震百姓相剽劫於是沙苑所俘軍人趙青雀雍州人于伏德等遂反青雀據長安子城伏德保咸陽與太守慕容思度各收降卒以拒還師長安民皆相率拒青雀每日接戰天子留閩鄉令公討之長安父老見公且悲且喜白不意今日復得

見公士女咸相賀華州刺史宇文導襲咸陽斬思度擒
伏德南渡渭與公會攻破青雀太傅梁景歡以疾留長
安與青雀通謀至是亦伏誅關中乃定天子還長安公
復屯華州十二月是云寶襲洛陽東魏將王元軌棄城
走都督趙剛襲廣州拔之自襄廣以西城鎮復西屬
五年冬公大閱於華陰

六年春東魏將侯景出三鶚將侵荊州公遣開府李弼
獨孤信各率騎出武關景乃還夏柔然渡河至夏州公

欽定四庫全書

南北史合注
卷九十五

十九

召諸軍屯沙苑備之

七年十一月公奏行十二條制恐百官不免於職事又
下令申明之

八年公四月大會諸軍於馬牧十月東魏相高歡侵
汾絳圍玉壁公出軍蒲坂歡退渡汾追之遂遁去

九年二月東魏北豫州刺史高慎舉州來附公帥師迎
之三月東魏相高歡據邙山陣不進者數日公留輜重

於灑曲軍士銜枚夜登邙山未明擊之歡軍騎為賀拔

勝所逐僅免公率右軍若于惠大破歡軍悉禽其步卒
趙貴等五將軍居右戰不利歡復合戰公又不利夜引
還入關屯渭上歡進至陝開府達奚武等禦之乃退公
以邙山諸將失律上表自貶天子不許

周書載魏帝報曰公仗鉞專征舉無遺冀朕垂拱九
載寶資元輔之力今大寇未殄以諸將失律便欲自
貶宜抑此謙光恤予一人

於是廣募關隴豪右以增軍旅十月公大閱於櫟陽還

欽定四庫全書

南北史合注
卷九十五

二十

屯華州

十年五月公朝於京師七月天子以公前後所上二十

四條及十二條新制定為中興永式命尚書蘇綽更損
益之總為五卷班於天下於是搜簡賢才為牧守令習

新制而遣焉數年間百姓便之十月公大閱於白水遂
西狩岐陽

周書載春三月令曰古帝王內立百官非欲富貴其
身蓋以天下非一人能治是故博訪賢才以禮命之

其人聞命則慘然曰凡受之之事任人之勞何捨已
從人又自勉曰天生偽士所以利時彼人主欲與我
為治安可苟辭於是降心受命及其居官也晝不甘
食夜不甘寢思所以匡主安民不遑恤家故妻子不
免饑寒於是人主賜以俸祿尊以軒冕不以為惠賢
臣受之亦不以為德位不虛加祿不妄賜則天下可
不言而治矣後世衰微此道遂廢乃以官職為私恩
爵祿為榮惠人君命官親則授之愛則任之人臣受
位可以尊身而潤屋則迂道求之損身而利物則巧
言辭之於是公道沒奸詐生天下由此不治矣諸在
朝之士當念職事艱難夙夜兢兢才堪則審已而當
之不堪則收短而避之使天官不妄加王爵不虛受
則淳素之風庶幾可反

十二年春涼州刺史宇文仲和據州反瓜州人張保害
刺史盛慶以應之公遣開府獨孤信討之東魏將侯景
侵襄州公遣開府若于惠禦之至穰景遁去五月獨孤

欽定四庫全書

南北史合注
卷九十五

五

信平涼州擒仲和遷其百姓六千餘家於長安瓜州都
督令孤延起義誅張保瓜州平七月公大會諸軍於咸
陽

十三年正月東魏丞相高歡薨子澄嗣事河南大行臺
侯景與澄有隙舉河南六州來附被圍於潁川六月公
遣開府李弼援之東魏將韓軌遁去景遂徙鎮豫州於
是遣開府王思政據潁川弼引軍還七月侯景密圖附
梁公知其謀即追還前後所配景將士景懼遂叛

欽定四庫全書

南北史合注
卷九十五

五

十四年春天子詔封公長子覺為寧都郡公初公以平
元顥納孝莊帝功封寧都縣子至是改為郡封覺用彰
勤王之始也五月天子進公位太師公奉魏太子巡撫
西境登隴刻石紀事遂至原州歷北長城大狩東趣五
原至蒲州聞天子不豫而還及至疾已愈乃還華州是
歲東魏將高岳圍王思政於潁川

十五年春公遣大將軍趙貴帥師援王思政高岳堰洧
水灌城潁川以北皆為陂澤救兵不得至六月潁川陷

初侯景圍建業梁司州刺史柳仲禮赴臺城梁竟陵郡守孫暹以郡內附公使大都督符貴鎮之及建鄴陷仲禮還司州來寇暹以郡叛公大怒十一月遣開府楊忠攻克隨州進圍仲禮長史馬岫於安陸是歲東魏大將軍高澄為蘭京所殺弟洋嗣事

十六年正月仲禮來援安陸楊忠逆擊於滌頭大破之擒仲禮馬岫以城降三月天子封第二子震為武邑公

夏五月東魏丞相高洋篡位國號齊

欽定四庫全書

南北史合注 卷九十五

五

周書曰齊文宣廢其主元善見而自立臣前君名顛謬乃爾

七月公奉天子詔東討拜章武公尊為大將軍總督留守諸軍屯涇北鎮關中九月丁巳軍出長安連雨自秋及冬諸軍馬驢多死遂於弘農北造橋濟河自蒲坂還於是河南自洛陽河北自平陽以東遂入於齊
十七年三月魏文帝崩皇太子嗣位公以冢宰總百揆十月遣大將軍王雄出子午伐上津魏興大將軍達奚

武出散關伐南鄭

廢帝元年春王雄平上津魏興以其地置東梁州四月達奚武圍南鄭月餘梁州刺史宜豐侯蕭倫以州降武八月東梁州百姓圍州城公復遣王雄討之

二年正月天子詔公為左丞相大行臺都督中外諸軍事

周書云去丞相大行臺與此不同

二月東梁州平遷其豪帥於雍州三月公遣大將軍魏

欽定四庫全書

南北史合注 卷九十五

五

安公尉遲迴伐梁武陵王蕭紀於蜀四月公勒銳騎三萬西踰隴渡金城河至姑臧吐谷渾震懼遣使獻其方物七月公至自姑臧八月尉遲迴克成都劔南平十一月尚書元烈謀害公公殺之

三年正月始作九命之典以叙內外官爵以第一品為九命第九品為一命改流外品為九秩亦以九為上又改置州郡縣凡改州四十六置州一改郡一百六改縣三百三十天子以元烈死有怨言密謀圖公事泄公與

公卿議廢帝立齊王廓是為恭帝

恭帝元年四月乙亥天子詔封公子邕為輔城公憲為安城公七月公西狩至原州梁孝元帝遣使請據舊圖以定疆界又結連於齊言辭悖慢公曰古人有言天之所廢誰能興之其蕭繹之謂乎十月壬戌遣柱國于謹中山公護與大將軍楊忠率銳騎先屯江陵城下丙申于謹至江陵列營圍守辛亥克其城戕梁孝元帝鹵百官士庶以歸沒為奴婢者十餘萬免者二百餘家遂立

欽定四庫全書

南北史合注 卷九十五

蕭譽為梁主居江陵為魏附庸是為梁宣帝魏氏之初統國三十六大姓九十九後多絕滅

愚按魏氏西遷後多留東魏不得言絕滅

至是以諸將功高者為三十六國後次者為九十九姓後所統軍人亦改從其姓

二年梁廣州刺史王琳寇邊十月公遣大將軍豆盧寧帥師討之

三年正月丁丑初行周禮建六官天子進公位太師大

冢卑公以漢魏官繁思革前弊大統中令蘇綽盧辯依

周制改創其事尋亦置六卿官然因創次未成眾務猶歸臺閣至是始畢乃命行之四月公北巡七月渡北河天子封公子直為秦郡公招為正平公九月公不豫還至雲陽命中山公護受遺輔嗣子十月乙亥公殂於雲陽宮還長安發喪時年五十二年甲申葬成陵宋禪塵錄曰太祖乾德四年詔置三戶歲一饗以太牢然不及武帝何也

欽定四庫全書

南北史合注 卷九十五

諡文公及孝閔受禪追尊為文王廟曰太祖武成元年追尊為文皇帝文帝知人善任使從諫如順流崇尚儒術明達政事思信被物能駕馭英豪一見之者咸思用命沙苑所獲囚俘釋而用之及河橋之役以充戰士皆得其死力諸將出征授以方畧無不制勝性好樸素不尚虛飾恒以反風俗復古始為心云

孝閔皇帝諱覺字陀羅尼文帝第三子母元皇后大統八年生於同州七歲封略陽郡公時善相者史元華見

公退謂所親曰此公子有至貴相但恨不壽耳魏恭帝三年三月命為安定公世子四月拜大將軍十月乙亥文帝殂丙子世子嗣位為太師大冢宰十二月丁亥天子詔以岐陽地封為周公庚子詔禪位於公

愚按周氏受禪獨無建天子旌旗出警入蹕及加九錫諸惡套猶存樸耶抑史官失記耶

曰子聞皇天之命不于常惟歸於德故堯授舜舜授禹時宜也天厭我魏邦垂變以告惟爾罔弗知予雖不明

欽定四庫全書

南北史合注 卷九十五

五

敢弗冀天命格有德哉今踵唐虞舊典禪位於周庸布告遐邇焉使大宗伯趙貴持節奉冊書曰咨爾周公帝王之德弗常有德者受命時乃天道予式時庸荒求於唐虞之彞踵曰我魏德之終舊矣我邦小大罔弗知今其可久怫於天道而不歸有德歟時用詢謀僉曰公昭考文公格勲德於天地丕濟黔黎暨公又躬宣重光故玄象徵見於上謳訟奔走於下天之厯數用實在焉予安敢弗若是以欽祗聖典遜位於公公其享茲天命保

有萬國可不慎歟天子臨朝遣戶部中大夫濟北公元迪致皇帝璽綬公固辭公卿百辟勸進太史陳祥瑞乃從之

元年春正月天王即位柴燎告天朝百官于路門追尊皇考文公為文王皇妣為文后大赦封魏帝為宋公是日槐里獻赤雀百官奏議曰帝王之興罔弗更正朔明受之於天革民視聽也逮于尼父稽諸陰陽云行夏之時後王所不易今魏歷告終周室受命以木承水實當

欽定四庫全書

南北史合注 卷九十五

五

行錄正用夏時式遵聖道惟文王誕玄氣之祥有黑水之讖服色宜尚馬制曰可以大司徒趙郡王李弼為太師以大宗伯南陽王趙貴為太傅大冢宰以大司馬河內公獨孤信為太保以大宗伯中山公護為大司馬以大將軍寧都公毓高陽公達奚武武陽公巨盧寧小司寇陽平公李遠小司馬博陵公賀蘭祥小宗伯魏安公尉遲迥等並為柱國壬寅祀圜丘詔曰予本自神農其于二丘宜作厥主始祖獻侯啟主遠海配南北郊文考

德符五運受天明命祖於明堂以配上帝癸卯祀方丘
 甲辰遂祭太社初除市門稅乙巳享太廟丁未會于乾
 安殿班賞各有差戊申詔有司分命使者巡察風俗求
 民得失禮餼高年恤于鰥寡辛亥祀南郊壬子立王后
 元后辛酉享太廟癸亥親耕藉田二月癸酉朔朝日於
 東郊戊寅祭太社丁亥大司馬護矯詔害柱國楚國公
 趙貴太保獨孤信坐免甲午以大司空梁國公侯莫陳
 崇為太保大司馬晉國公護為大冢宰柱國博陵公賀
 欽定四庫全書 南北史合注 卷九十五 五

蘭祥為大司馬高陽公達奚武為大司寇大將軍化政
 公宇文貴為柱國是月冢宰護弒宋公三月己酉護矯
 詔害衛國公獨孤信壬子詔以浙州飢免其租輸癸亥
 省六府士員三分之一夏四月壬申降死罪已下囚壬
 午謁成陵丁亥享太廟五月己酉王將觀漁於昆明池
 博士姜頌諫乃止秋七月壬寅王聽訟於右寢多所哀
 宥辛亥享太廟八月戊辰祭太社辛未降死罪已下囚
 甲午詔二十四軍舉賢良九月庚申改太守為郡守王

性剛果忌晉公護之專司會李植軍司馬孫恒以先朝
 佐命入侍左右亦疾護權重乃與宮伯乙鳳賀拔提等
 潛請王誅護王許之又引宮伯張先洛先洛以白護護
 乃出植為梁州刺史恒為潼州刺史鳳等更奏王將召
 羣臣入因此誅護先洛又白之時小司馬尉遲綱仍總
 統宿衛兵護乃召綱入殿中詐呼鳳等論事以次執送
 護等並誅之綱仍罷禁兵王無左右獨在內殿以宮人
 執兵自守護遣大司馬賀蘭祥逼王遜位賤為略陽公
 欽定四庫全書 南北史合注 卷九十五 三

幽於舊邸月餘日護弒帝崩時年十六
 冊府元龜曰在位二百七十日

植恒等亦遇害及武帝誅護乃詔曰故略陽公至德純
 粹天姿秀傑屬魏祚告終寶命將改謳歌允集歷數攸
 歸上協蒼靈之慶下昭后祗之錫而禍生肘腋釁起蕭
 牆白虎噬驂蒼鷹集殿幽辱神器弒酷乘輿寃結生靈
 毒流寓縣今河海澄清氛疹消蕩追尊之禮宜崇徽號
 遣太師蜀國公迴於南郊上謚曰孝閔皇帝陵曰靜陵

世宗明皇帝諱毓小名統萬突文帝長子母姚夫人永熙三年文帝臨夏州生於統萬城因名焉大統十四年封寧都郡公魏恭帝三年累遷大將軍鎮隴右孝閔踐阼進位柱國轉岐州刺史有美政

嘉運燕話曰帝刺史岐州時堂上時有圓雲若蓋五色相間經時滅韋敬遠曰此天子氣也及帝立知敬遠非常人側席禮聘卒不肯出

及孝閔廢晉公護遣迎公於岐州九州癸亥至京師止

欽定四庫全書

南北史合注
卷九十五

主

舊邸羣臣上表勸進備法駕奉迎公固讓羣臣固請乃許之元年秋九月天王即位大赦乙丑朝羣臣於延壽殿冬十月癸酉太師趙國公李弼卒己卯以大將軍昌平公尉遲綱為柱國乙酉祀園丘丙戌祀方丘甲午祭太社冢宰護矯詔害陽平公李遠辛未梁敬帝遜位於陳是月冢宰護弒略陽公十一月庚子享太廟祀園丘十二月庚午謁成陵庚辰以大將軍輔城公邕為柱國戊子赦長安見囚甲午詔元氏子女坐趙貴等事以來

有沒為官口者悉免之

周書載詔曰善人之後猶屢世獲宥矧魏氏以禮讓代終豈容不加隱卹是歲陳武帝永定元年

二年春正月乙未以冢宰晉公護為太師辛亥親耕籍田癸丑立王后獨孤氏丁巳於雍州置十二郡

冊府元龜載二月詔曰王者宰世一物失所若納於隍偽齊境土本同大化往因時難致阻東西遂使疆場交相抄掠悉可哀傷自元年以來有被掠者皆可

欽定四庫全書

南北史合注
卷九十五

主

放免

三月甲午北豫州刺史司馬洸難舉州來附改雍州刺史為牧京兆郡守為尹庚申詔三十六國九十九姓有魏南徙皆稱河南人今周室既都關中宜改稱京兆人夏四月己巳以太師晉公護為雍州牧辛未降死罪囚一等五歲刑己下皆原之甲戌天王后獨孤氏崩甲申葬敬后五月乙未以大司空梁國公侯莫陳崇為大宗伯六月己巳板授高年刺史守令恤鰥寡孤獨各有差

分長安為萬年縣並居京城辛未幸昆明池壬申遣使分行州郡理囚徒察風俗掩骸埋齒秋七月順陽獻三足鳥八月甲子羣臣上表稱慶於是大赦文武普進三級

周書載詔曰天不愛寶地稱表瑞莫不威鳳巢閣圖龍躍沼豈直日月珠連風雨玉燭是以鈞命決曰王者至孝則出元命苞曰人君至治所有虞舜烝烝來茲異趾周文翼翼翔此靈禽文考至德下覃遺仁爰

欽定四庫全書

南北史合注 卷九十五

被遠符千載降茲三足將使三方歸本九州俞定惟

此大體景福在民予安敢讓宗廟之善弗宣大惠可大赦天下文武官進二級

九月辛卯以大將軍楊忠王雄並為柱國甲辰封少師元羅為韓國公以紹魏後

愚按羅乃道武後見列傳

丁未行幸同州故宅賦詩

周書載詩曰玉燭調秋氣金輿歷舊宮還如過白水

更似入新豐霜潭浸晚菊寒井落疎桐舉杯延故老
令聞歌下風

冬十月癸亥太廟成乙亥以功臣賀拔勝等十三人配享文帝廟庭壬午大赦是歲噉噉突厥遣使朝貢

武成元年春正月乙酉太師晉公護上表歸政天王始親萬幾軍旅猶總於護初改都督諸州軍事為總管三月癸巳陳六軍天王親擐甲胄迎太白於東方吐谷渾寇邊庚戌遣大司馬賀蘭祥率眾討之夏五月戊子詔

欽定四庫全書

南北史合注 卷九十五

有司造周歷

周書載詔曰皇王之迹異因革道殊莫不播八政成

物兆三元為紀是以容成創定於軒轅羲和欽命於唐世鴻範九疇大弘五法易曰澤中有火革君子以

治歷明時故歷之為義大矣但忽微成象象極則差

分積命時時積則舛開闢至於獲麟二百七十六萬歲畧度推移餘分盈縮南正無聞疇人靡記暑往寒

來理平攸序敬授民時何其積謬昔漢世三郡洛下

閱善治厯云後八百歲當有聖人定之自火行至今
木德應其運矣朕何讓焉可命有司傍稽六律仰觀
七曜博推古今造我周厯量定以聞

己亥聽訟于正武殿辛亥以大宗伯梁國公僕莫陳崇
為大司徒大司寇高陽公達奚武為大宗伯武陽公豆
盧寧為大司寇柱國輔城公邕為大司空乙卯詔曰比
屢有紕發官司赦前事者有司自今勿推究唯庫廩倉
廩與海內所共漢帝有云朕為天下守財耳若有侵盜

欽定四庫全書

南北史合注
卷九十五

五

公家財畜錢粟者魏朝之事年月既遠一不須問自周
有天下以來雖經赦宥事迹可知者有司宜即推窮得
實之日免其罪徵備如法賀蘭祥攻拔洮陽洪和二城
吐谷渾遁走閏月高昌遣使朝貢六月戊子大雨霖
冊府元龜載詔曰朕拱運膺圖罔敢怠荒而霖雨作
沴害麥傷苗隕屋湮垣洎于昏墊諒朕不德蒼生何
咎

詔公卿大夫士爰及牧守黎庶等令各上封事謹言極

諫無有所諱其遭水者有司可時巡檢條列以聞庚子

詔曰潁川從我是曰元勳無忘父城實起王業文考屬
天地草昧造化權輿極彼流亡匡茲頽運賴英賢盡力
文武同心翼贊大功克隆帝業而被堅執銳櫛風沐雨
永言疇昔良用憮然若功成名遂建國割符子唯休也
其有致死王事妻子無歸者朕甚傷之凡從先王向夏
州發夏州從來見在及薨亡者並量賜錢帛稱朕意焉
是月陳武帝殂秋八月己亥改天王稱皇帝追尊文王

欽定四庫全書

南北史合注
卷九十五

五

為文皇帝大赦改元癸丑增御正四人位上大夫
周書載辛未進封輔城公邕為魯國公安成公憲為
齊國公秦郡公直為衛國公正平公招為趙國公封
皇弟儉為譙國公純為陳國公盛為越國公達為代
國公通為冀國公道為滕國公進封天水公廣為蔡
國公高陽公達奚武為鄭國公武陽公豆盧寧為楚
國公博陵公賀蘭祥為涼國公寧蜀公尉遲迴為蜀
國公化政公宇文貴為許國公陳留公楊忠為隋國

公昌平公尉遲綱為吳國公武威公王雄為曹國公

邑名萬戶

冬十月齊文宣帝殂

二年春正月癸丑朔大會羣臣於紫極殿始用百戲三

月辛酉重陽閣成會羣臣公侯列將卿大夫及突厥使

於芳林園賜錢帛各有差夏四月冢宰護置毒於糖糲

帝食之庚子大漸詔曰有生有死者物理必然朕雖不

德性好典墳披覽聖賢餘論未嘗不以此自曉今乃命

欽定四庫全書

南北史合注
卷九十五

五

也將啟手啟足從先帝於地下實無恨於心矣所可恨

者朕享大位四年不能使政化脩理黎庶豐足九州未

一二方猶梗概顧抱此恨目用不瞑唯冀仁兄冢宰洎

先正先父公卿大臣等勿忘太祖遺志提挈後人朕雖

沒九泉形骸不朽今大位虛曠社稷無主朕兒幼少未

堪當國魯國公邕朕之介弟寬仁大度海內共聞能弘

我周家必此子也夫人貴有始終公等事太祖輔朕躬

可謂有始矣若顧其艱難輔邕王天下可謂有終矣哀

死事生人臣大節公等可思念此言念萬代稱歎朕稟

生儉素每寢大布之被服大帛之衣凡是器用皆無彫

刻身終之日豈容違棄此好喪事所須務從儉約欲以

時服勿使有金玉之飾若以禮不可缺皆令用瓦小飲

訖七日哭文武百官各權辟麻且以素服從事葬日選

擇不毛之地因勢為墳勿封勿樹且厚葬傷生聖人所

誠既服膺聖教安敢違之凡百官司勿異朕意四方州

鎮使到各令三日哭哭訖權辟凶服以素服從事待大

欽定四庫全書

南北史合注
卷九十五

五

例除非有呼召各按部自守不得輒奔赴闕庭禮有通

塞隨時之義葬訖內外悉除服從吉三年內勿禁婚娶

一如平常事有不盡準此為斷死而可忍古人有之朕

今忍死盡此懷抱其詔即帝口授也辛丑帝崩於延壽

殿時年二十七謚曰明皇帝廟號世宗五月辛未葬昭

陵帝寬仁明厚敦睦九族有君人之量幼而好學博覽

羣書善屬文詞彩溫麗及即位集公卿已下有文學者

八十餘人於麟趾殿刊校經史又摭採衆書自義農已

來訖於魏末叙為世譜凡百卷所著文章十卷

論曰昔者水運將終羣凶放命或權威震主或釁逆滔天咸謂大寶可以力致神器可以求得而卒誅奪繼及亡不旋踵是知天命有底庸可怡乎周文爰自潛躍衆無一旅驅馳戎馬之際躡足行伍之間時屬與能運膺啟聖鳩集義勇糾合同盟一舉而殄仇讐再駕而匡王室內詢帷幄外仗材雄推至誠以待人弘大順以訓物高氏藉甲兵之衆恃戎馬之強屢入近畿志圖吞噬及

欽定四庫全書

南北史合注 卷九十五

完

英謀電發神旆風馳弘農建城漢之勳沙苑有昆陽之捷取威定霸以弱為強紹元宗衰緒創隆周景命南清江漢西舉巴蜀北控沙漠東據伊瀍乃擯落魏晉憲章古昔修六官廢典成一代鴻規德刑並用勳賢兼叙遠安邇悅俗阜人和功業若此人臣以終盛矣哉非求雄畧冠時英姿不世天與神授緯武經文者孰能與於此乎昔漢獻蒙塵曹公成夾輔之業晉安播蕩宋武建匡合之勳校德論功綽有餘裕至於諸官制勝闔城擊戮

柔然歸命盡種誅夷

太平廣記曰秦遣兵襲破荊州鹵繫朝士民庶百四十餘萬口殺梁孝元又為突厥所逼盡誅柔然來歸者五百餘人其主臨死仰天而嘆後病見孝元及柔然主為祟怒罵之

雖事出權道而用事德教斯為過矣

愚按周文兩弑其君祚安得長乃舍其內而摘其外何也

欽定四庫全書

南北史合注 卷九十五

平

考閔承既安之業廢樂推之運明皇處代即之尊纂太宗之緒始則權臣專命終乃政出私門俱懷芒刺之疑用致幽弑之禍惜哉

南北史合注卷九十五

欽定四庫全書

南北史合注卷九十六

明 李清 撰

周本紀下第十

北史十

高祖武帝諱邕字禰羅突文帝第四子母叱奴太后
魏大統九年生於同州有神光照室幼而孝敬聰敏有
器質文帝異之曰成吾志者此兒年十二封輔城郡公

孝閔帝踐阼拜大將軍出鎮同州明帝即位遷柱國授

欽定四庫全書

南北史合注
卷九十六

蒲州刺史入為大司空行御正進封魯國公領宗師甚

見親愛叅議朝廷大事性沈深有遠識非因顧問終無

所言明帝每歎曰夫人不言言必有中武成二年四月

帝崩遺詔傳位於公公固讓百官勸進乃從之壬寅即

皇帝位大赦冬十二月改作路門是歲齊考昭帝廢其

主殷而自立

是歲陳文帝天嘉元年又齊主殷乾明元年考昭帝

皇建元年

保定元年春正月戊申改元文武百官各增四級以大

冢宰晉公護為都督中外諸軍事令五府總於天官庚

戌祀圓丘士子祀方邱甲寅祀感帝於南郊乙卯祭太

社己巳享太廟班文帝所述六官於廟庭

冊府元龜載詔曰太祖文皇帝捨末魏敵風誕述六

官厥用允集所謂乾坤改而重構詎止帝王洪範已

哉今可班於太祖廟庭以揚休烈

甲戌板授高官各有差乙亥親耕籍田丙子大射於

欽定四庫全書

南北史合注
卷九十六

正武殿賜百官各有差二月己卯遣大使巡察天下風

俗甲午朝日於東郊丙午省輦輿去百戲弘農上言九

尾狐見三月丙寅改八丁兵為十二丁兵率歲一月後

夏四月丙子朔日有蝕之庚寅以少傅吳公尉遲綱為

大司空丁酉白蘭遣使獻犀甲鐵鎧五月丙午封孝閔

帝子康為紀國公皇子贇為魯國公晉公護獲玉斗以

獻六月乙酉遣御正殷不害使於陳秋七月戊申以早

故詔所在降死罪已下囚更鑄錢文曰布泉以一當五

與五銖並行

周書載已酉追封皇伯父顥為郡國公次伯父連為杞國公第三伯父洛生為莒國公又追封武邑公震為宋國公並襲封

九月甲辰南寧州使獻滇馬及蜀鎧冬十月甲戌朔日有蝕之十一月乙巳陳人來聘進封柱國廣武公竇熾為鄧國公丁巳狩於岐陽是月齊孝昭帝殂十二月車駕至自岐陽是歲突厥吐谷渾高昌宕昌龜茲等國並

欽定四庫全書

南北史合注
卷九十六

遣使朝貢

是歲齊武成帝大寧元年

二年春正月壬寅初於蒲州開河渠同州開龍首渠以廣灌溉丁未以陳主弟頊為柱國送還江南閏月己亥大司馬涼公賀蘭祥卒二月癸丑以久不雨宥罪人京城三十里內禁酒梁宣帝殂夏四月甲辰以旱故禁屠宰

周書載丁巳南陽獻三足烏湘州上言見二白鹿從

三角獸而行

癸亥詔曰諸柱國等勲德隆重宜有優崇各準別制邑戶聽寄食他縣五月庚午以山南衆瑞並集大赦免今年後及租賦之半壬辰以柱國隋公楊忠為大司空六月己亥以柱國蜀公尉遲迥為大司馬分山南荊州安州襄州江陵為四總管秋七月己巳封開府賀拔緯為霍國公九月戊辰朔日有蝕之陳人來聘冬十月辛亥帝御大武殿大射戊午講武於少陵原

欽定四庫全書

南北史合注
卷九十六

冊府元龜載丁未詔曰昔唐堯疎葛之衣鹿麕之食

尚臨汾陽而永嘆登姑射而興想况無聖人之德而嗜欲過之朕甚惡焉今巨寇未平軍費甚廣百姓誰與為足凡朕衣服飲食所須爰及宮內調度朕今手自減削凡爾百司其各思省約最朕不逮十一月丁卯以大將軍衛公直趙公招並為柱國是歲齊河清元年後梁孝明帝天保元年

三年春正月辛未改光遷國為遼州乙酉冢宰護逼殺

太保梁公侯莫陳崇二月庚子初頒新律辛丑渭州獻
三足烏辛酉詔自今舉大事行大政非軍機急速皆依
月令以順天心三月乙丑朔日有蝕之丙子宿昌國獻
生猛虎二詔放之南山乙酉益州獻三足烏夏四月乙
未以柱國鄭公達奚武為太保大將軍韓果為柱國己
亥帝御正武殿錄囚徒癸卯大雩癸丑有牛足生於背
戊午幸太學以太傅燕公子謹為三老而問道馬初禁
報讎犯者以殺人論壬戌詔百官及庶人上封事極言

欽定四庫全書

南北史合注
卷九十六

五

得失五月甲午朔以旱故避正寢不受朝甲戌兩秋七
月戊辰行幸原州庚午陳人來聘丁丑幸津門問百姓
賜以金帛又賜高年板職各有差降死罪囚一等八月
丁未改作路寢九月甲子自原州登隴山丙戌幸同州
戊子詔柱國楊忠帥騎一萬與突厥伐齊己丑初令世
襲州郡縣者悉改為五等爵州封伯郡封子縣封男冬
十月庚戌陳人來聘十二月辛卯車駕至自同州遣太
保達奚武率騎三萬出平陽以應楊忠是月有人生子

男而陰在背後如尾兩足指如獸爪有大生子腰以後
分為二身兩尾六足

四年春正月庚申楊忠破齊長城至晉陽而還二月庚
寅朔日有蝕之三月庚辰初令百官執笏夏四月癸卯
以柱國鄧公竇熾為大宗伯五月壬戌封明帝長子賢
為單國公癸酉以大將軍安武公李穆為柱國丁亥改
禮部為司宗大司禮為禮部大司樂為樂部六月庚寅
改御伯為納言秋八月丁亥朔日有蝕之詔柱國楊忠

欽定四庫全書

南北史合注
卷九十六

六

帥師與突厥東伐至北河而還戊子以柱國齊公憲為
雍州牧以許公宇文貴為大司徒九月丁巳以柱國衛
公直為大司空封開府李虎為唐國公若于鳳為徐國
公陳人來聘是月以皇世母閻氏自齊至大赦閏月己
亥以大將軍韋孝寬長孫儉並為柱國冬十月癸亥以
大將軍陸通宇文盛蔡公廣並為柱國甲子詔大家宰
晉公護伐齊帝齋於太廟庭授以斧鉞

周書宇文護傳載詔曰太祖丕授天明造我周室高

氏乘釁跋扈竊有并冀世濟其惡腥穢彰聞皇天震怒假手突厥驅略汾晉掃地無遺坐待滅亡鑿之愚智故突厥班師仍屯彼境更集諸部傾國齊至星流電擊數道俱進期在仲冬同會并鄴大家宰晉公朕之懿昆惟公是屬朕當親執斧鉞廟庭祇受有司宜勒衆軍量程赴集進止遵速委公處分

於是護總大軍出潼關大將軍權景宣帥山南諸軍出豫州少師楊樹出軹關丁卯帝幸沙苑勞帥癸酉還宮

欽定四庫全書

南北史合注 卷九十六

七

十一月甲午柱國尉遲迥圍洛陽柱國齊公憲營芒山晉公護次陝州十二月丙辰齊豫州刺史王士良以州降壬戌齊師渡河晨至洛陽諸軍驚散尉遲迥帥麾下數十騎扞敵得却至夜引還柱國王雄力戰死之遂班師楊樹於軹關戰沒權景宣亦棄豫州而還是歲突厥粟特焉耆等國並遣使朝貢

五年春正月甲申朔以柱國王雄死王事故廢朝辛卯白虹貫日乙巳以雄世子謙為柱國二月辛丑詔陳公

純等逆皇后於突厥丙寅以柱國李穆為大司空綏德公陸通為大司寇壬申行幸岐州戊子柱國豆盧寧卒夏四月齊武成帝禪位太子緯自稱太上皇帝五月丙戌以皇族父興襲虞國公己亥左右武伯各置中大夫一人六月庚申彗星出三台入文昌犯上將經紫宮入苑漸長丈餘百日乃滅辛未詔江陵人年六十五已上為官奴婢者已令放免其公私奴婢年七十以外者所在官私宜贖為庶人秋七月辛巳朔日有蝕之庚寅行

欽定四庫全書

南北史合注 卷九十六

八

辛秦州降死罪已下刑辛丑遣大使巡察天下八月丙子車駕至自秦州九月益州獻三足鳥冬十月辛亥改函谷關城為通洛坊十一月庚辰岐州上言一角獸見丁未陳人來聘是歲吐谷渾遣使朝貢是歲齊後主緯天統元年

天和元年春正月己卯朔日有蝕之辛巳考路寢命羣臣賦古詩京邑耆老亦會馬頌賜各有差癸未大赦改元百官普加四級己亥親耕籍田丁未於宕昌國置宕

州遣小戴師杜杲使於陳二月戊辰詔三公已下各舉

所知庚午日關光遂微日中見鳥三月丙午祀南郊夏

四月辛亥雩甲子日有交暈白虹貫之是月陳文帝殂

五月庚辰帝御正武殿集羣臣親講禮記吐谷渾龍涸

王莫昌率戶內附以其地為扶州甲午詔曰甲子乙卯

禮云不樂甚弘表昆吾之稔杜蕢有揚解之文自世道

喪亂禮儀紊毀此典茫然已墜於地宜依是日省事停

樂庶知為君之難為臣不易為之後昆殷鑒斯在六月

欽定四庫全書

南北史合注
卷九十六

九

丙午以大將軍辛威為柱國秋七月戊寅築武功郿斜

谷武都留谷津坑諸城以置軍民壬午詔諸胄子入學

但束脩於師不勞釋奠釋奠者學成之祭自今為恒式

八月己未詔諸有三年喪或負土成墳或寢苫骨立一

志一行可稱揚者本部官司隨事上言當加弔勉以勵

薄俗九月乙亥信州蠻反詔開府陸騰討平之冬十月

甲子初造山雲儼以備六代樂十一月丙戌行幸武功

等城十二月庚申還宮

是歲陳天康元年

二年春正月癸酉朔日有蝕之己亥親耕籍田三月癸

酉改武遊園為道會苑丁亥初立郊邱壇禮制度夏四

月乙巳省併東南諸州以大將軍陳公純為柱國五月

丁丑進封安武公李穆為申國公六月辛亥尊所生叱

奴氏為皇太后閏月庚午地震戊寅陳湘州刺史華皎

帥眾來附遣衛國公直等援之因而南伐壬辰以大將

軍譙公儉為柱國秋七月辛丑梁州上言鳳凰集楓樹

欽定四庫全書

南北史合注
卷九十六

十

羣鳥列侍萬數甲辰立路門學置生七十二人九月衛

公直等與陳將淳于量吳明徹戰於沌口王師敗績元

定以步騎數千先渡遂沒江南冬十一月戊戌朔日有

蝕之癸丑太保許國公宇文貴卒

冊府元龜載是年省掖庭四夸樂後宮羅綺宮人五

百餘人

是歲突厥吐谷渾安息等國並遣使朝貢

是歲陳主伯宗光大元年

三年春正月辛丑祀南郊二月丁卯幸武功丁亥還宮

三月癸卯皇后阿史那氏至自突厥甲辰大赦丁未大

會百寮及賓客於路寢戊午太傅燕公于謹卒夏四月

辛巳以太保達奚武為太傅大司馬尉遲迥為太保柱

國齊公憲為大司馬五月庚戌享太廟庚申幸醴泉宮

六月甲戌有星孛於東井秋七月壬寅柱國隨公楊忠

薨戊午車駕還宮八月乙丑韓公元羅薨齊人來聘請

和親詔軍司馬陸逞報聘癸酉帝御大德殿集百寮及

欽定四庫全書

南北史合注
卷九十六

十二

沙門道士等親講禮記冬十月癸亥享太廟丁亥帝親

帥六軍講武於城南京邑觀者車馬彌漫數十里諸蕃

使咸在馬十一月壬辰朔日有蝕之甲辰幸岐陽壬子

遣開府崔彥穆使於齊甲寅陳安成王頊廢其主伯宗

而自立十二月丁丑車駕還宮是月齊武成帝殂

四年春正月辛卯朔以齊武成殂故廢朝遣司會李綸

等會葬於齊二月戊辰帝御大德殿集百寮道士沙門

等討論釋老夏四月己巳齊人來聘五月己丑帝製象

經成集百寮講說封魏廣平公子元譙為韓國公以紹

魏後

愚考新唐書宰相世系圖乃知譙為西魏廣平公贊

子孝文帝玄孫

丁巳柱國吳公尉遲綱卒六月築原州及涇州東城秋七

月車駕還宮丁巳突厥遣使獻馬柱國昌寧公長孫儉

卒

是歲陳孝宣帝太建元年

欽定四庫全書

南北史合注
卷九十六

十三

五年春二月己巳封邵惠公孫曹為邵國公三月辛卯

進封柱國韋孝寬為鄆國公甲辰初令宿衛官往關外

者將家累入京不樂者解宿衛夏四月甲寅以柱國宇文

威為大宗伯幸醴泉宮省帥都督官丙寅遣大使巡

察天下六月壬辰封開府梁睿為蔣國公丙子以皇女

生故降宥罪人并免通租懸調七月車駕還宮冬十月

辛巳朔日有蝕之丁酉太傅鄭公達奚武卒十一月乙

丑追封章武公導為豳國公丁卯柱國豳公廣薨十二

月癸巳大將軍鄭恪帥師平越雋至西寧州是月齊將斛律光侵邊於汾北築城自華谷至龍門

是歲齊武平元年

六年春正月己酉朔以路門未成故廢朝詔齊公憲率師禦斛律光丁卯以大將軍王傑譚公會鴈門公田弘魏公李暉等並為柱國三月己酉齊公憲自龍門渡河斛律光退保華谷憲攻拔其新築五城夏四月戊寅朔日有蝕之辛卯信州蠻反遣大將軍趙閭帥師討平之

欽定四庫全書

南北史合注 卷九十六

十三

庚子以大將軍司馬消難侯莫陳瓊大安公閻慶神武公竇毅南陽公叱羅協平高公侯伏侯龍恩並為柱國封開府斛斯徵為岐國公右宮伯長孫覽為薛國公五月癸亥遣納言鄭詡使於陳丙寅以大將軍李虎中山公訓祀公亮上庸公陸騰安義公宇文邕北平公冠紹許宇文文善捷為公高琳鄭公達奚震隴東公楊纂常山公子翼並為柱國六月乙未以大將軍太原公王肅為柱國是月齊將段韶攻陷汾州秋七月乙丑以大將

軍越公盛為柱國八月癸酉省掖庭四夷樂後宮羅綺工五百餘人冬十月壬午冀公通薨乙未遣右武伯公會琨使於齊壬寅帝親帥六軍講武城南十一月壬子以大將軍侯莫陳芮大將軍李意並為柱國丙辰齊人來聘丁巳行幸散關十二月己丑還宮是冬牛疫死者十六七

建德元年春正月戊午帝幸玄都觀親御法座講說公卿道俗論難事畢還宮降死罪及流罪一等其五歲刑

欽定四庫全書

南北史合注 卷九十六

十四

已下並宥之二月癸酉遣大將軍昌城公深使於突厥司宗李際使於齊乙酉柱國安義公宇文邕薨二月癸卯朔日有蝕之齊人來聘丙辰誅大冢宰晉公護及其子柱國譚公會并柱國侯伏侯龍恩及其弟大將軍萬壽大將軍劉勇等大赦改元

周書宇文護傳載詔曰太師大冢宰晉公護地實宗親義秉家國爰初草創同濟艱難遂任總朝權寄深家國不能竭其誠効罄以心力盡事君之節申送往

之情朕兄故畧陽公英風神機禮歸當壁遺訓在耳
忍害先加永尋摧割貫切骨髓世宗明皇帝聰明神
武護內懷凶悖外託尊崇凡厥臣民誰無怨憤朕纂
承洪基十有三載委政師輔責成宰司護志在無君
義違臣節懷茲螫毒逞彼狼心任情誅暴肆行威福
朋黨相煽貨賄公行所好加羽毛所惡生瘡痍朕約
已罪躬情存庶政每思施寬惠下輒抑而不行遂使
戶口彫殘征賦勞劇家無日給民不聊生且三方未

欽定四庫全書

南北史合注
卷九十六

十五

定邊隅尚阻疆場待車旗之備武夫資扞城之力侯
伏侯龍思萬壽劉勇等未効勲庸先居上將高門峻
宇甲第雕牆實繁有徒同惡相濟百姓嗷嗷含生業
業嘗恐七百之基忽焉顛墜億兆之命一旦陷危上
累祖宗之靈下負蒼生之責今肅正典刑護已即罪
其餘凶黨咸亦伏誅氛霧既清遐邇同慶可大赦天
下改天和七年為建德元年

罷中外府癸亥以太傅尉遲迥為太師柱國竇熾為太

傅大司空李穆為太保齊公憲為大冢宰衛公直為大
司徒趙公招為大司空柱國辛威為大司寇綏德公陸
通為大司馬詔曰民亦勞止則星動於天作事不時則
石言於國頃興造無度徵發不已加以頻歲師旅農畝
廢業去秋災蝗年穀不登自今正調外無妄徵發夏四
月甲戌以代公達滕公迥並為柱國已卯詔公卿已下
各舉所知遣工部代公達使於齊丙戌詔百官軍民上
封事極言得失丁亥詔斷四方非常貢獻庚寅追尊畧

欽定四庫全書

南北史合注
卷九十六

十六

陽公為孝閔皇帝癸巳立魯公贇為皇太子大赦百官
各加封級五月封衛公直長子寶為莒國公紹莒莊公
洛生後壬戌以大旱集百寮於庭詔之曰亢陽不雨豈
朕德薄刑賞乖中歟將公卿大臣或非其人歟宜盡直
言無有所隱公卿各引咎自責其夜澍雨六月庚子改
置宿衛官員秋七月辛丑陳人來聘九月庚子朔日有
蝕之庚申扶風掘地得玉盃以獻冬十月庚午詔江陵
所獲俘虜充官口者悉免為民辛未遣小匠師楊總使

於陳大司馬綏德公陸通卒十一月丙午帝親御六軍
講武於城南庚戌行幸羌橋集京城以東諸都督以上
頒賜各有差乙卯還宮壬戌以大司空趙公招為大司
馬十二月壬申行幸斜谷集京城以西諸軍都督以上
頒賜有差丙戌還宮己丑帝御正武殿親錄囚徒至夜
罷庚寅幸道會苑以上善殿壯麗遂焚之

隋書五行志曰是年濮陽郡有石像郡官令載向府
將刮取金在道自躍投地如是者再乃以大繩縛著

欽定四庫全書

南北史合注
卷九十六

十七

車壁又絕繩而下

二年春正月辛丑祀南郊乙巳以柱國田弘為大司空
大將軍若于鳳為柱國庚戌復置帥都督官乙卯享太
廟閏月己巳陳人來聘二月辛亥白虹貫日甲寅詔皇
子贊巡撫西土壬戌遣司會侯莫陳凱使於齊省雍州
內八部併入京兆馮翊扶風咸陽等郡三月己卯皇太
子於岐州獲鹿二以獻詔答曰在德不在瑞癸巳省六
府諸司大夫以下官府置四司以下大夫為官之長上

士貳之夏四月己亥享太廟丙辰增改東宮官員五月
丁丑以柱國侯莫陳瓊為大宗伯滎陽公司馬消難為
大司寇上庸公陸騰為大司空六月庚子省六府員外
諸官皆為丞士子皇孫衍生文武官普加一級大階大
選諸軍將帥丙辰帝御路寢集諸軍將勗以戎事庚申
詔諸軍旗旌皆畫猛虎鷲鳥之狀秋七月己巳享太廟
自春末不雨至是月壬申集百寮於大德殿帝責躬罪
已問以時政得失戊子兩八月丙午改三夫人為三妃

欽定四庫全書

南北史合注
卷九十六

十八

關中大蝗九月乙丑陳人來聘戊寅詔以頃者婚嫁競
為奢靡有司宜加宣勅使遵禮制壬午納皇太子妃楊
氏冬十月癸卯齊人來聘甲辰奏六代樂成帝御崇信
殿集百官觀之十一月辛巳帝親帥六軍講武城東癸
未集諸軍都督以上五十人於道會苑大射帝親臨射
堂大備軍容十二月癸巳集羣官及沙門道士等帝升
高座辨三教先後以儒教為先道教次之佛教為後以
大將軍赫連達為柱國詔軍民間年多耆壽可頒授老

職使榮沾邑里戊午聽訟於正武殿自旦及夜繼之以燭

三年春正月壬戌朝羣臣於路門進柱國齊公憲衛公直趙公招譙公儉陳公純越公盛代公達滕公道爵為王已已享太廟庚午突厥遣使獻馬癸酉詔自今男年十五女年十三以上爰及鰥寡所在以時嫁娶務從節儉乙亥親耕籍田丙子初服短衣享二十四軍督將以下試以軍旅之法縱酒盡歡詔以往歲年穀不登令公

欽定四庫全書

南北朝合注
卷九十六

十一

私道俗凡有貯積粟麥者皆準口聽留已外盡糶二月壬辰朔日有蝕之丁酉紀公康畢公賢鄴公貞宋公實漢公贊秦公贊曹公允並進爵為王丙午令六府各舉賢良清正之士癸丑柱國許公宇文善有罪免乙卯幸雲陽宮丙辰大赦三月辛酉車駕還宮癸酉皇太后叱奴氏崩帝居倚廬朝夕供一溢米羣臣表請累旬乃止詔皇太子贊總庶政夏四月乙卯齊人來弔賜會葬丁巳有星孛於東井五月庚申莫文宣后於永固陵帝袒

跣至陵所辛酉詔曰齊斬之情經籍彛訓近代沿革

七斯禮伏奉遺令既葬便除攀慕几筵情實未忍三年之喪違於天子古今無易之道王者所常行但時有未諧不得全制軍國務重庶有聽朝衰麻之節苦廬之禮率遵前典以申罔極百寮已下宜遵遺令公卿上表固請俯就權制過葬即吉帝不許引古答之羣臣乃止遂申三年之制五服內亦令依禮初置太子諫議員四人文學十人皇子皇弟友員各二人學士六人戊辰詔故

欽定四庫全書

南北朝合注
卷九十六

十二

晉公護及諸子追復先封改葬加謚初斷佛道二教經像悉毀罷沙門道士並令還俗

佛藏曰帝將廢佛法集眾僧名儒道士文武二千餘人會議者四時見帝精悟明鑒內烈外溫必莫敢爭獨僧靜諒智炫爭之甚力智炫至云今欲廢佛存道猶以庶代嫡帝生母叱奴太后也帝作色入內終不聽然亦不罪明日出勅二教俱廢靜諒憤法淪沒以刀刺心死智炫尋遁齊

隋書五行志曰齊後主時有桑門貌如狂人見鳥則向之作禮見沙門則毆辱之烏周色未幾周滅齊除佛法

并禁諸淫祀非祀典所載者盡除之六月丁未集諸軍將教以戰陣之法壬子更鑄五行大布錢以一當十與布泉錢並行戊午詔曰至道弘深混成無際體包空有理極幽玄但岐路既分源流逾遠淳離朴散形器斯乖遂使三墨八儒朱紫交競九流七畧異說相勝道隱小

欽定四庫全書

南北史合注 卷九十六

三十一

成其來舊矣不有會歸爭驅靡息今可立通道觀聖哲微言先賢訓典金科玉篆秘蹟玄文可以濟養黎元扶成教義者並宜弘闡一以貫之俾夫翫培塿者識嵩岱之崇崛首積礫者悟渤澥之泓澄不亦可乎

佛藏曰周武雖滅二教意存道術乃置通道觀學士三百人並選佛道兩宗奇才俊邁者充之不久廢觀聽士隨才賦任

秋七月庚申行幸雲陽宮乙酉衛王直在京反欲突入

肅章門司武尉遲運等拒守直敗遁走戊子車駕還宮

八月辛卯禽直於荊州免為庶人丙申幸雲陽宮冬十月丙申詔御正楊尚希使於陳唐子詔蒲州民遭饑乏絕者令向郿城以西及荊州管內就食甲寅幸蒲州乙卯曲赦蒲州見囚大辟以下丙辰幸同州十一月戊午于闐遣使獻名馬己巳大閱於同州城東甲戌車駕至自同州十二月戊子大會衛官及軍民以上賜錢帛各有差丙申改諸軍軍人並名侍官癸卯集諸軍講武於

欽定四庫全書

南北史合注 卷九十六

三十二

臨臯澤涼州比年地震壞城郭地裂湧泉出

四年春正月戊辰初置營軍器監壬申詔刺史守令親勸農桑事非機要悉停至秋布寬大之令多所蠲免癸酉幸同州二月丙戌朔日有蝕之辛卯改置宿衛官員已酉柱國廣德公孝意有罪免三月丙辰遣小司寇元偉使於齊郡縣各省主簿一人丙寅車駕還宮甲戌以柱國趙王招為雍州牧夏四月甲午柱國燕公子實有罪免丁酉初令上書者並為表於皇太子以下稱啟秋

七月丙辰幸雲陽宮己未禁五行大布錢不得出入關
布泉錢聽入而不聽出丁卯車駕還宮甲戌陳人來聘
丙子召大將軍以上於大德殿帝親諭以伐齊之旨言
往以政出權宰無所措懷自親覽萬機便圖東討惡衣
菲食繕甲練兵數年以來戰備稍足而偽主昏虐恣行
無道伐暴除亂斯實其時

周書又載帝言曰今欲數道出兵水陸並進北拒太
行之路東扼黎陽之險若東拔河陰充豫馳檄可定

欽定四庫全書

南北史合注
卷九十六

三三

然後養銳享士以待其至但得一戰破之必矣
羣臣咸稱善丁丑下詔暴齊氏過惡

周書載詔曰高氏因時放命據有汾漳擅假名器歷
年永久朕以亭毒為心遂敦聘好而彼懷惡不悛背
言負信竊邑藏奸往者軍下宜陽嚮由彼始兵興汾
曲事非我先此獲俘因禮送相繼彼所拘執曾無一
反加以淫刑妄逞毒賦繫興齊魯軫珍碎之哀幽并
啟來蘇之望既禍盈惡稔衆叛親離不有一戎何以

大定今白藏辰涼風戒節朕當躬御六師恭行天
罰庶憑祖宗之靈潛資將士之力風馳九有電掃八
紘可分命衆軍指期進發

以柱國陳王純為前一軍總管司馬消難為前一軍總
管鄭公達奚震為前三軍總管越王盛為後一軍總管
周昌公侯莫陳瓊為後二軍總管趙王招為後三軍總
管齊王憲帥衆二萬趣黎陽隋公楊堅廣寧公侯莫陳
迴帥舟師三萬自渭入河柱國梁公侯莫陳芮帥衆一

欽定四庫全書

南北史合注
卷九十六

三四

萬守太行道申國公李穆帥衆三萬守河陽道常山公
子翼帥衆二萬出陳汝壬午帝親帥六軍衆六萬直指
河陰八月癸卯入齊境禁伐樹殘苗稼犯者以軍法從
事丁未帝親帥諸軍攻拔河陰大城攻子城未剋帝有
疾九月辛酉夜班師水軍焚舟而退齊王憲于翼李穆
等所在剋捷降拔三十餘城皆棄而不守唯以王藥城
要害令儀同三司韓正守之正尋以城降齊戊寅至自
東伐冬十月戊子初置上柱國上大將軍官改開府儀

同三司為開府儀同大將軍又置上開府上儀同官甲午幸同州閏月以柱國齊王憲蜀公尉遲迥為上柱國蔡陽公司馬消難為梁州總管詔諸畿郡各舉賢良十一月己亥改置司內官員十二月辛亥朔日有蝕之庚午車駕還宮丙子陳人來聘是歲岐寧二州民饑詔開倉賑恤

五年春正月辛卯行幸河東涑川集關河東諸軍校獵甲午還同州丁酉詔分遣大使周省四方察訟聽謠問

欽定四庫全書

南北史合注 卷九十六

五十五

民郵隱廢布泉錢戊申初令鑄錢者至絞從者遠配二月辛酉遣皇太子贊巡撫西土仍討吐谷渾三月壬寅車駕至自同州支宣皇太后服再期戊申祥夏四月乙卯幸同州五月壬辰還宮六月戊申朔日有蝕之辛亥享太廟丙辰利州總管紀王康有罪賜死丁巳幸雲陽宮秋七月乙未京師旱八月戊申皇太子伐吐谷渾至伏侯城而還乙卯車駕還宮乙丑陳人來聘九月丁丑大醮正武殿以祈東伐冬十月帝復諭羣臣曰朕去歲

屬有疹疾遂不得起平逋寇

周書載帝言曰前入賊境備見敵情觀彼行師殆同兒戲又聞其朝政昏亂改由羣小百姓嗷然朝不謀夕天與不取恐貽後悔

于時出軍河外直為撫背未扼其喉然晉州本高歡所起統攝要重今往攻之彼必來援嚴軍擊之擊之必剋然後乘破竹之勢鼓行而東足以窮其窟穴諸將多不願行帝曰機者事之微不可失沮軍事者以軍法裁之

欽定四庫全書

南北史合注 卷九十六

五十六

已酉帝總戎東伐以越王盛為右一軍總管杞公亮為右二軍總管隋公楊堅為右三軍總管譙王儉為左一軍總管大將軍竇泰為左二軍總管廣化公邱崇為左三軍總管齊王憲陳王純為前軍癸亥帝至晉州遣齊王憲帥精騎二萬守雀鼠谷陳王純步騎二萬守千里徑鄭公達奚震步騎一萬守統軍川大將軍韓明步兵五千守齊子嶺烏氏公尹升步騎五千守鼓鐘鎮涼城公辛詔步騎千守蒲津闕柱國趙王招步騎一萬自華

谷攻汾州諸城柱國宇文盛步騎兵一萬守汾水關遣內

史王誼監六軍攻晉州城帝屯於汾曲齊王憲攻洪洞

永安二城並拔之是夜虹見於晉州城上首向南尾入

紫宮帝每日自汾曲赴城下親督戰庚午齊行臺左丞

侯子欽出降壬申齊晉州刺史崔嵩夜密使送款上開

府王軌應之未明登城遂剋晉州甲戌以上開府梁士

彥為晉州刺史鎮之十一月己卯齊主自并州帥衆來

援帝以其兵集且避之詔諸軍班師齊主遂圍晉州齊

欽定四庫全書

南北朝合注
卷九十六

三十一

王憲屯諸軍於凍水為晉州聲援河東地震癸巳至自

東代獻俘於太廟

周書載冬十一月甲午詔曰偽齊違信背約惡稔禍

盈是以親總六師問罪汾晉兵威所及莫不摧殄賊

衆危惶烏栖自固暨元戎反旆方來聚結遊魂境首

尚敢趨超朕方更率諸軍應機除剪

丙申放齊諸城鎮降人還丁酉帝發京師壬寅渡河與

諸軍合十二月戊申次晉州庚戌帝帥諸軍八萬置陳

東西二十餘里乘常御馬從數人巡陣所至輒呼主帥

姓名慰勉之將士感見知各思自厲將戰有司請換馬

帝曰朕獨乘良馬何所之齊主亦於塹北列陣

周書曰初齊攻晉州恐王師猝至於城南穿塹自喬

山臨汾水

申後齊人填塹南引帝大喜勅諸軍擊之齊人便退齊

主與其麾下數十騎走還并州齊衆大潰軍資甲仗數

百里間委棄山積辛亥帝幸晉州仍率諸軍追齊主諸

欽定四庫全書

南北朝合注
卷九十六

三十二

將固請還師帝曰縱敵患生卿等若疑朕將獨往諸將

不敢言甲寅齊主遣其丞相高阿那肱守高壁帝麾軍

直進那肱望風退散丙辰師次介休齊將韓建業舉城

降以為上柱國封郟國公丁巳大軍次并州齊主留其

從兄安德王延宗守并州自將輕騎走鄴是月詔齊王

公以下示以順逆之道

冊府元龜載詔曰朕君臨萬國志清四海嗟彼齊趙

獨為匪氓乃眷東顧載深長思偽主高緯涼德早聞

醜聲夙著酒色是耽盤遊是悅闔壁居阿衡之位胡人寄唇吻之重棟梁骨鯁剪為仇讐狐趙餘緒降為皂隸民不見德唯虐是聞朕懷茲滿網置之度外欲各靜封疆而爾之主相反構厲階惟懼獻兼弱之謀爪牙奮干戈之勇羸糧裹甲若赴私仇是以一鼓而定晉川再舉而摧通醜偽丞相高阿那肱驅逼餘燼竊據高壁偽定南王韓建業作守介休規相抗擬聊示兵威應時崩潰或單馬宵遁或面縛軍門若懷遠

欽定四庫全書

南北史合注 卷九十六

三九

以德則爾難德綏若處隣以義則爾難義服朕親馭羣雄長驅海內大軍舒旆萬隊啟行望歲之民室家相慶來蘇之后思副厥成偽主若妙盡人謀深達天命當惠以焚爛待以列侯偽相王公以下衣冠士民之族如有深知事宜建功立效官榮爵賞各有加隆執迷不改則委之執憲以正刑書嗟爾士庶胡寧自棄善求多福無貽後悔

於是齊將帥降者相繼封其特進賀拔伏恩為部國公

餘官爵有差戊午高廷宗僭即偽位改年德昌己未軍次并州帝帥諸軍合戰齊人退帝遂北及城東門諸軍遠城置陣至夜廷宗帥其眾排陣而前城中軍却人相蹂踐大為廷宗所敗齊人欲閉門以閹下積尸扉不得闔帝從數騎崎嶇危險僅得出門至明

資治通鑑曰帝駐馬鳴角收兵

帥諸軍更戰大破之擒廷宗并州平壬戌詔曰昔天厭水運龍戰於野兩京否隔四紀于茲朕垂拱巖廊君臨

欽定四庫全書

南北史合注 卷九十六

三九

宇縣相邠人於海內混楚弓於天下一物失所有若推溝方欲德綏未服義征不諛偽主高緯放命燕齊怠慢典刑倣擾天紀加以背惠怒隣棄信忘義朕應天從物伐罪弔民一鼓而蕩平陽再舉而摧強敵偽署王公相繼道左高緯智窮數屈逃窺草間偽安德王高廷宗擾攘之間遂竊名號與偽齊昌王莫多婁叟顯等收合餘燼背城借一王威既振魚潰鳥離破竹更難建瓴非易延宗眾散衿甲軍門根本既傾枝葉自實幽青海岱折

簡而來奠北河南傳檄可定八紘共貫六合同風方當
偃伯靈臺休牛桃塞無疆之慶非獨在予漢皇約法除
其苛政姬王輕典刑彼新邦思覃惠澤被之率玉新集
臣庶皆從蕩滌可大赦天下高緯及王公以下若釋然
歸順咸許自新或我之將卒亡入偽朝亦從寬宥官榮
次序依例無失齊制偽令即宜削除鄒魯搢紳幽并騎
士一介可稱即宜銓錄丙寅出齊宮中金銀寶器珠玉
麗服及宮女二十人班賜將士以柱國趙王招陳王純

欽定四庫全書

南北史合注
卷九十六

三十一

越王盛杞公亮梁公侯莫陳芮庸公王謙北平公冠紹
鄭公達奚震並為上柱國封齊王憲子安城郡公賢為
河間王

周書載進大將軍廣化公邱崇為潞國公神水公姬
願為原國公廣業公尉遲運為魯國公
諸有功者封授各有差矣酉帝帥六軍趣鄴

是歲齊隆化元年

六年春正月乙亥齊主傳位於其太子恒改年承光自

號太上皇壬辰帝至鄴癸巳帥諸軍圍之齊人拒守諸
軍奮擊大破之遂平鄴

興亡論曰軍令肅然秋毫無犯數旬而定不戮一人
未及下車革其弊政山東士女欣戴如歸

齊主先送其母及妻子於青州及城陷帥數十騎走青
州遣大將軍尉遲勤追之是戰也於陣獲其齊昌王莫
多婁敬顯帝數之曰汝有死罪三前從并州走鄴棄母
攜妻妾不孝外為偽主戮力內實通啟於朕不忠送款

欽定四庫全書

南北史合注
卷九十六

三十二

後猶持兩端不信如此用懷不死何待遂斬之是日西
方有聲如雷甲午帝入鄴詔去年大赦班宣未及之處
皆從赦例封齊開府洛州刺史獨孤永業為應國公已
亥詔曰晉州大陣至鄴身殞戰場者其子即授父本官
尉遲勤禽齊主及其太子恒於青州庚子詔曰偽齊之
末奸佞擅權濫罰淫刑動挂羅網偽右丞相咸陽王啟
斛律光偽侍中特達開府故崔季舒等七人
愚按崔季舒為權臣高澄心腹拳殿孝靜一死不足

贖何優贈之有

或功高獲罪或直言見誅朕兵以義動剪除凶暴表閣封墓事切下車宜追贈謚并加寬措其見在子孫各隨蔭叙錄家口田宅沒官者並還之辛丑詔偽齊東山南園及三臺並毀撤瓦木諸物凡入用者盡賜百姓山園之田各還本主

周書載詔曰偽齊叛渙竊有漳濱世縱淫風事窮彫飾或穿池運石為山學海或層臺累構蔽日凌雲以

欽定四庫全書

南北史合注 卷九十六

三十三

暴亂之心極奢侈之事有一於此未或弗亡朕菲食薄衣以弘風教追念生民之費尚想力役之勞方當易茲變俗率歸節儉其東山南園及三臺可並毀撤瓦木諸物凡入用者盡賜下民山園之田各還本主二月丙午論定諸軍勲置酒於齊太極殿會軍士以上班賜有差丁未齊主至帝降自阼階見以賓主禮齊任城王潛在冀州擁兵未下遣上柱國齊王憲與柱國隋公楊堅討平之齊范陽王高紹義叛入突厥齊諸行臺

州鎮悉降關東平合州五十五即一百六十二縣三百八十五戶三十萬二千五百二十八口二十萬六千八百八十六乃於河陽及幽青南交豫徐北朔定州置總管府相并二總管各置官及六府官癸丑詔自偽武平三年以來河南諸州人為齊破掠為奴婢者不問公私並放免其住在淮南者亦即聽還願任淮北者可隨便安置瘡疾孤老不能自存者所在矜恤

欽定四庫全書

南北史合注 卷九十六

三十四

周書載詔曰無侮笄獨事顯前書哀彼矜人惠流往訓偽齊末政昏虐實繁災甚滔天毒流北屋無罪無辜係虜三軍之手不飲不食僵仆九遠之門朕為民父母職養黎民念甚泣孤情深罪已除其苛政事屬改張宜加寬宥兼行賑卹云乙卯車駕發自鄴丙辰以柱國楊堅為定州總管三月壬午詔山東諸州各舉士僧道論衡曰周武平齊復欲除齊地佛法召諸大德赴殿集議帝升座言曰朕受天命世弘三教儒教禮

義忠信所出故須存立若真佛無像遙敬表心經塔
何情徒為支費且父母恩重沙門不敬朕欲毀經除

塔返沙門於家如何時僧慧遠抗言不可帝不聽下

詔盡除之嘗言以民為子可謂大慈四海為家即同

法界治政以理何異救物安樂百姓寧殊拔苦其持

論如此 歷代三寶記曰周武毀滅佛法前代關山

西東數百年來所造佛塔掃地悉盡融刹聖容焚滅

經典八州祠廟出四十千盡賜王公充為第宅三方

欽定四庫全書

南北史合注
卷九十六

三五

釋子減三百萬皆復軍民還歸編戶

夏四月乙巳至自東伐列齊主於前其王公等並從車

輿旌旗及器物以次陳於其後備大駕布六軍奏凱樂

獻俘於太廟京邑觀者皆稱萬歲戊申封齊主為溫國

公庚戌大會羣臣及諸蕃客於路廟乙卯廢蒲陝涇寧

四州總管已巳享太廟詔分遣使人巡方撫慰觀風省

俗

冊府元龜載詔曰東夏既平王道初被偽齊弊政餘

風未珍朕劬勞萬機恐下民疾苦不能上達寢輿軫
慮用切於懷宜分道使人云

五月丁丑以柱國譙王儉為大冢宰庚辰以上柱國杞

公亮為大司徒鄭公達奚震為大宗伯梁公侯莫陳芮

為大司馬柱國應公獨孤永業為大司寇鄒公章孝寬

為大司空辛巳大黜於正武殿以報功己丑祀方邱詔

曰往者冢臣專任制度有違正殿別寢事窮壯麗非直

雕牆峻宇深戒前王而締構弘敞有踰清廟不軌不物

欽定四庫全書

南北史合注
卷九十六

三五

何以示後兼東夏初平人未見德率先海內宜自朕始

其路寢會義崇信舍仁雲和思齊諸殿等農隙之時悉

可撤毀雕斲之物並賜貧民締造之宜務從卑朴癸巳

辛雲陽宮戊戌詔曰京師宮殿已從撤毀并鄴二所華

侈過度誠復作之非我豈容因而弗革諸堂殿壯麗並

可除蕩堯宇雜物分賜窮民三農之隙別寢營構止樊

風雨務在卑狹庶子陳人來聘是月青城門無故自崩

六月辛亥御正武殿錄囚徒甲子東巡丁卯詔曰自今

不得娶母同姓以為妻妾秋七月己卯封齊王獻第四子廣都公員為莒國公丙戌幸洛州己丑詔山東諸州舉有才望者赴行在所共論政事得失戊戌以上柱國庸公王謙為益州總管八月壬寅議權衡度量頒於天下其不依新式者悉追停之詔曰以刑止刑以輕代重罪不及嗣皆有定科雜役之徒獨異常憲一從罪配百代不免伐既無窮刑何以措凡諸雜戶悉放為民配雜之科因之永削甲子鄭州獻九尾狐皮肉銷盡骨體猶

欽定四庫全書

南北史合注 卷九十六

五十七

具帝曰瑞應之來必昭有德若使五品時序四海和平家識孝慈乃能致此今無其時恐非實錄乃焚之九月壬申以柱國鄧公竇熾申公李穆為上柱國戊寅初令庶人以上非朝祭之服唯得衣綢綿綢絲布圓綾紗絹綃葛布等九種壬申詔東土諸州儒生明一經以上並舉送州郡以禮發遣癸卯封上黃公王軌為鄆國公冬十月戊申行幸鄴宮戊午改葬德皇帝於冀州帝服總哭於太極殿百官素服哭是月誣溫公高緯謀反殺之

夸其族十一月壬申封皇子充為道王充為蔡王癸酉陳將吳明徹侵呂梁徐州總管梁士彥與戰不利退守徐州遣上大將軍王軌討之是月稽胡反遣齊王憲討平之詔自魏永熙三年以來十月以前東土人被鈔在化內為奴婢者及平江陵日良人沒為奴婢者並免同民伍詔曰王位於中有聖通典質文相革損益不同五帝則四星之象三王制六宮之數劉曹已降等列彌繁選擇偏於生靈命秩方於庶職椒房丹地有衆如雲本

欽定四庫全書

南北史合注 卷九十六

五十八

由嗜欲非闕風化朕運當澆季思復古始弘贊後庭事從簡約可置妃二人世婦二人御妻三人按詔所云周武嬪御之簡如此然齊孝昭故后元氏既云入周氏宮而南陽王緯妃鄭氏又云為周武所幸豈八人中齊已居二耶恐未可信自茲以外宜悉簡省己亥晦日有蝕之初行刑書要制持杖羣強盜一疋以上不持杖羣強盜五疋以上監臨主掌自盜二十疋以上小盜及詐請官物三十疋以上

正長隱五戶及十丁以上隱地三頃以上皆至死刑書所不載者自依律科十二月北營州刺史高寶寧據州起兵唐申行幸并州官移并州軍人四萬戶於關中丁郊以隋國公楊堅為南交刺史戊辰廢并州官及及六府

隋書五行志曰是年楊武有獸三狀如水牛一黃一黑一赤赤與黑關久之黃者自傍觸之黑者死黑周所尚色死乃亡象後數年周果滅而隋有天下旌旗

欽定四庫全書

南北史合注 卷九十六

三

尚赤戎服以黃

是歲吐谷渾百濟並遣使朝貢

是歲齊幼主恒承先元年亡

宣政元年春正月癸酉吐谷渾偽趙王他婁屯來降壬

午行幸鄴宮辛卯幸懷州癸巳幸洛州詔於懷州置宮

二月甲辰柱國大冢宰譙王儉薨丁巳車駕至自東巡

乙丑以上柱國趙越盛為大冢宰陳王純為雍州牧三

月戊辰於蒲州置宮廢同州及長春二宮壬申突厥遣

使朝貢甲戌初服常冠以皂紗為之加簪不施纓導其

制若今折角巾云上大將軍王軌破陳師於呂梁禽其

將吳明徽等所有士庶為人奴婢者悉依江陵赦免江

南武陵南平等郡所有士庶為人奴婢者悉依江陵赦

免壬辰改元夏四月壬子初令遭父母喪聽終制庚申

突厥入寇幽州五月己丑帝總戎北伐遣柱國原公姬

願東平公宇文神舉等五道俱入發關中公私馬驢悉

從軍癸巳帝不豫止雲陽宮丙申詔停諸軍六月丁酉

欽定四庫全書

南北史合注 卷九十六

四

帝疾甚還京其夜崩於乘輿時年三十六遺詔曰人肖

形天地稟質五常脩短之間莫非命也朕君臨宇縣十

有九年未能使百姓安樂刑措不用未旦求衣分宵忘

寢昔魏室將季海內分崩太祖扶危翼傾肇開正業燕

趙榛蕪又竊名號朕上述先志下遂人心遂與王公將

帥共平東夏雖復妖氛蕩定而民勞未康每一念此若

臨冰谷將欲包舉六合混同文軌今邁疾大漸力氣稍

微有志不申以此歎息天下事重萬機不易王公以下

爰及庶寮宜輔導太子副朕遺意令上不負太祖下不
失為臣朕雖瞑目九泉無所復恨朕平生居處每存菲
薄非訓子孫亦本心所好喪事資用須使儉而合禮墓
而不墳自古通典隨吉即葬莫託公除四方士庶各三
日哭妃嬪以下無子者悉放還家上謚曰武皇帝廟號
高祖已未葬孝陵帝沉毅有智謀初以晉公護專權常
自晦迹人莫測其深淺及護後始親萬機克已勵精聽
覽不怠用法嚴整多所罪殺

欽定四庫全書

南北史合注
卷九十六

三

興亡論曰帝天性嚴忍果於殺戮血流盈前不廢飲
噉尤好田獵從禽非夜不返飛走之類值無免者
帝號令懇惻惟屬意於政羣臣畏服莫不肅然性既明
察少恩惠凡布懷立行皆欲踰越古人身衣布袍寢布
被無金寶之飾諸宮殿華綺者皆撤毀之土階數尺不
施楹拱其雕文刻鏤錦繡纂組一皆禁斷後宮嬪御不
過十餘人

興亡論曰帝屏重肉之膳躬大布之衣始自六宮被

於九服令行禁止內外肅然

勞謙接下自強不息以海內未康銑情教習至於校兵
閱武步行山谷履涉勤苦皆人所不堪平齊之後見軍
士有跣行者帝親脫靴賜之每宴會將士必自執盃勸
酒或手付賜物至於征伐躬在行陣性又果決能斷大
事故能得士卒死力以弱制強破齊後遂欲平突厥定
江南一二年間必使天下一統此其志也

欽定四庫全書

南北史合注
卷九十六

三

佛藏曰帝滅齊後前沙門任道琳表言不宜殘壞太
祖所立寺廟請復後佛法帝曰自廢法以來民役稍
稀祖調年增兵師日盛東平偽齊西定妖戎國樂民
安豈非有益且太祖何以屢討齊不克至朕乃平耶
道琳曰此偶會耳滅桀誅紂豈皆緣壞佛止見道消
國滅未聞兵強祚久帝不聽

宣皇帝諱贇字乾伯武帝長子母李太后武成元年生
於同州保定元年五月丙午封魯國公建德元年四月
癸巳武帝親告廟冠於阼階立為皇太子二年詔皇太

子巡撫西土文宣後崩武帝諒闇詔太子總朝政五旬
罷武帝每巡幸四方太子常留監國五年二月又詔太
子巡西土因討吐谷渾

宣政元年六月丁酉武帝崩戊戌太子即皇帝位尊皇
后曰皇太后甲子害上柱國齊王獻閏月乙亥詔山東
流民新復業及突厥侵掠家口破亡不能存濟者給復
一年立妃楊氏為皇后辛巳以上柱國趙王招為太師

陳王純為太傅柱國代王達滕王迪盧公尉遲運薛公

欽定四庫全書

南北史合注
卷九十六

四三

長孫覽並為上柱國是月幽州盧昌期據范陽反詔柱
國東平公宇文神舉討平之秋七月乙巳享太廟丙午
祀圓丘戊申祀方澤庚戌以小宗伯岐公斛斯徵為大
宗伯壬戌以南交州總管隋公楊堅為上柱國大司馬
癸亥尊所生李氏為帝太后八月丙寅夕月於西郊長
安萬年二縣民居京城者給復三年壬申幸同州遣大
使巡察諸州制九條

周書載曰一曰法獄科罪皆准律文二曰母族絕服

外者聽婚三曰以杖決罰悉令依法四曰郡縣當境
賊盜不擒獲者並仰錄奏五曰孝子順孫義夫節婦
表其門閭才堪任用者即宜申薦六月或昔經驅使
名位未達或沉流蓬單文武可施宜並採訪具以名
奏七曰偽齊七品已上敕收用八品以下爰及流外
若欲入仕皆聽預選降二等授官八曰州舉高才博
學者為秀才郡舉經明行脩者為孝廉上州郡歲一
人下州郡三歲一人九曰年七十以上依式授官鰥寡

欽定四庫全書

南北史合注
卷九十六

四三

困乏不能自存者並加稟恤

宣下州郡以上柱國薛公長孫覽為大司徒柱國楊公
王誼為大司空丙戌以柱國永昌公椿為大司寇九月
丁酉以柱國宇文盛張掖公王傑枹罕公辛威鄆國公
韋孝寬並為上柱國庚戌封皇弟元為荆王詔諸應拜
者皆以三拜成禮冬十月癸酉至自同州十一月己亥
講武道會苑帝親擗甲冑是月突厥犯邊圍酒泉殺掠
吏民十二月甲子以柱國畢王賢為大司空己丑以上

柱國河陽總管滕王逌為行軍元帥伐陳免京師見徒
令從軍是歲百濟遣使朝貢

大象元年春正月己丑受朝於路門帝服通天冠絳紗
袍羣臣皆服漢魏衣冠大赦改元大成初置四輔官以

大冢宰越王盛為大前疑蜀公尉遲迥為大右弼申公

李穆為大左輔大司馬隋公楊堅為大後丞癸卯封皇

子衍為魯王甲辰東巡丙午以柱國常山公子翼為大

司徒辛亥以柱國許公宇文善為大宗伯戊午行幸洛

欽定四庫全書

南北史合注
卷九十六

四十五

陽立魯王衍為皇太子二月癸亥詔曰河洛之地舊稱

朝市魏氏失馭城闕為墟我太祖受命豐鎬有懷先宅

高祖往巡東夏布政此宮朕以眇身祇承寶運庶幾聿

修之志敢忘燕翼之心昨踰蹕金墉備嘗遊覽百玉制

度基址尚存今若因循為功易立宜命邦事修復舊都

奢儉取文質之間功役因子來之義北瞻河內咫尺非

遙前詔經營今宜停罷於是發山東諸州兵增一月功

為四十五日役起洛陽宮常役四萬人以迄晏駕并移

相州六府於洛陽稱東京六府殺柱國徐公總管王軌
停南討諸軍以趙王招女為千金公主嫁於突厥乙亥

行幸鄴丙子初令總管刺史行兵者加持節餘悉罷之

辛巳詔傳位於皇太子衍

周書載詔曰朕以寡薄祇承鴻緒思隆國本用弘天

歷皇太子衍地居上嗣正統所歸遠憑積德之休允

協無疆之祚帝王之量未肅而成天祿之期不謀已

至今傳位於衍乃睠四海深合謳歌之望俾予一人

欽定四庫全書

南北史合注
卷九十六

四十六

高蹈風塵之表萬方兆庶知朕意焉

大赦改元大成為大象帝於是自稱天元皇帝所居稱

天臺冕二十有四旒車服旗鼓皆以二十四為節內史

御正皆置上大夫皇帝衍稱正陽宮置納言御正諸衛

等官皆准天臺尊皇太后為天元皇太后封內史上大

夫鄭譯為沛國公癸未日出將入時其中並有烏色大

如雞卵經四日乃滅戊子以大前疑越王盛為太傅大

右弼尉遲迥為大前疑尋出為相州總管代王達為大

右弼辛卯詔徙鄴石經於洛陽又詔洛陽凡是元遷戶
並聽還洛州此外欲往者聽之河陽幽相豫毫青徐七
總管受東京六府處分三月庚申車駕至自東巡大陳
軍伍親擗甲冑入自青門皇帝衍備法駕從百官迎於
青門外是時驟雨儀衛失容辛酉封趙王招第二子賈
為永康縣王

夏四月壬戌朔有司奏言日蝕不視事過時不食乃臨
軒立妃朱氏為天元皇后癸亥以柱國畢王賢為上柱

欽定四庫全書

南北朝合注
卷九十六

四十一

國已已享太廟壬午大醮於正武殿五月辛卯以洛州
襄國郡為趙國齊州濟南郡為陳國豐州武當安富二
郡為越國洛州上黨郡為代國荊州新野郡為滕國邑
各一萬戶令趙王招陳王純越王盛代王達滕王迥並
之國是月遣使簡視京城及諸州士庶女充選後宮突
厥冠并州六月咸陽有池水變為血徵山東諸州民修
長城秋七月庚寅以大司空畢王賢為雍州牧大後丞
隋公楊堅為大前疑柱國榮陽公司馬消難為大後丞

丙申納大後丞司馬消難女為正陽宜皇后已酉尊帝
太后李氏為天皇太后壬子改天元帝后朱后為天皇
后立妃元氏為天右皇后妃陳氏為天右皇后八月庚
申幸同州壬申還宮甲戌以天左皇后父大將軍陳山
提天右皇后父開府元晟並為上柱國山提封鄜國公
晟封翼國公初武帝作刑書要制用法嚴重及帝即位
恐物情未附除之至是為刑經聖制其法深刻

隋書刑法志曰周宣殘暴初即位首誅功王重臣內

欽定四庫全書

南北朝合注
卷九十六

四十二

外危懼帝恐失衆心乃行寬法數行肆赦為姦者皆
輕犯法於是又廣高祖刑書要制而更峻其法謂之
刑經聖制

大醮於正武殿告天而行壬午以上柱國雍州牧畢王
賢為太師上柱國鄆公韓建業為大左輔是月所在蠶
羣鬪各四五尺死者十八九九月己卯以鄆王貞為大
冢宰上柱國鄆公為孝寬為行軍元帥率行軍總管祀
公亮鄆公梁士彥伐陳遣御正杜杲等使於陳冬十月

壬戌幸道會苑大醮以高祖武皇帝配醮初復佛像及天尊像帝與二像俱南坐大陳雜戲令京城士庶縱觀是月相州人段德舉謀反伏誅十一月乙未幸渦陽戊戌幸同州壬寅還宮乙巳初鑄永通萬國錢以一當千與五行大布並行是月韋孝寬拔壽陽祀國公亮拔黃城梁士彥拔廣陵陳人退走江北盡平十二月戊午以災異屢見帝御路寢見百官詔曰朕以寡德君臨區宇至有金入南斗木犯軒轅熒惑干房又與土合流星照

欽定四庫全書

南北史合注 卷九十六

四十九

夜東南而下然則南斗主於爵祿軒轅為於後宮房曰明堂布政所也火土則憂孽之兆流星為兵凶之驗豈其宮人失序女謁尚行政事垂方憂患將至何其昭著若斯之甚將避正殿齋居克念惡衣減膳去飾徹懸披不諱之誠開直言之路欲使刑不濫及賞弗踰等選舉以才宮闈修德宜宣諸內外庶盡弼諧允叶人心用消天譴於是舍仗衛往天興宮百官上表勸復寢膳許之甲子還宮御正武殿集百官及宮人內外命婦大列妓

樂又縱胡人乞寒用水澆沃以為戲樂乙丑行幸洛陽帝親御驛馬日行三百里四皇后及文武侍衛數百人並乘駟從令四后方駕齊驅或有先後便加譴責人馬頓仆相屬於道巳卯還宮

二年春正月丁亥帝受朝於道會苑癸巳享太廟乙巳造二辰畫日月像以置左右戊申雨雪止又兩細黃土移時乃息乙卯詔江西諸州新附民給復二十年稅入市者人一錢二月丁巳帝幸路門學行釋奠禮戊

欽定四庫全書

南北史合注 卷九十六

五十一

午突厥獻方物且逆千金公主乙丑改制詔為天制敕為天敕尊天元皇太后為天元上皇太后天皇太后李氏為天元聖皇太后癸未立天元皇后楊氏為天元大皇后天皇后朱氏為天大皇后天右皇后元氏為天右大皇后天左皇后陳氏為天左大皇后正陽宮皇后直稱皇后是月洛陽有禿鷲鳥集新太極殿前榮州有黑龍見與赤龍鬪於汴水側黑龍死三月丁亥賜百官及百姓大酺詔進封孔子為鄒國公邑數準舊并立後承

襲別於京師置廟以時祭奠

周書載詔曰孔子德惟藏往道實生知以大聖之才屬千古之運載弘儒業式叙彝倫至如幽贊天人之理裁成禮樂之務故以作範百王垂風萬葉朕欽承寶歷服膺禮義眷言洙泗懷道滋深且褒成啟號雖彰故實旌崇聖績猶有闕如可追封鄒國公邑數准舊并立後承襲別於京師置廟以時祭享

戊子行軍總管祀公亮舉兵反行軍元帥韋孝寬獲而

欽定四庫全書

南北朝合注 卷九十六

五十二

殺之辛卯以永昌公椿為祀國公紹簡公連後行幸同州增侯正前驅式道為三百六十重自應門至赤岸澤數十里間播旗相蔽鼓樂俱作又令武賁執鈸馬上稱警蹕以至同州乙未改同州宮為天成宮庚子車駕至自同州詔天臺侍衛皆著五色及紅紫綠衣以雜色為綉名曰品色衣有大事與公服間服之士寅詔內外命婦皆執笏其拜宗廟及天臺皆俛伏

興亡論曰內外命婦朔望朝謁皆令為丈夫拜伏以

示肅恭

甲辰初置天中大皇后立天左大皇后陳氏為天中大皇后立妃尉遲氏為天左大皇后夏四月己巳享太廟己卯以旱故降囚死罪已下壬午幸中山祈雨至咸陽宮兩降甲申還宮今京城士女於衢巷作音樂迎候五月甲午帝備法駕幸天興宮乙未帝不豫還宮揚州總管隋公楊堅入侍疾丁未追趙越陳代滕五王入朝己酉大漸御正下大夫劉昉與內史上大夫鄭譯矯制以

欽定四庫全書

南北朝合注 卷九十六

五十三

隋公楊堅受遺輔政是日帝崩於天德殿時年二十二謚曰宣皇帝七月丙申葬定陵

隋書五行志曰周宣帝與宮人連臂蹋踑歌曰自知身命促把燭夜行遊果即位二年崩

帝在東宮武帝慮其不堪承嗣遇之甚嚴朝見進止與諸臣無異雖隆寒盛暑亦不得休息惟嗜酒武帝遂禁醪醴不許至東宮每有過輒加捶扑嘗謂之曰古來太子被廢者幾人餘兒豈不堪立耶於是遣東宮官屬錄

帝言語動作每月奏聞帝懼威嚴矯情修飾以是惡不
外聞嗣位之初方逞其欲大行在殯曾無戚容即逼亂
先帝宮人

興亡論曰帝朋淫於家乃至長樂亦有醜聲

纒踰年便恣聲樂采擇天下子女以充後宮好自矜夸
飾非拒諫禪位後彌復驕奢耽醜後宮或旬日不出公
卿近臣請事皆附閣官奏之所居宮殿帷帳皆飾以金
玉珠寶光華炫耀極麗窮奢及營洛陽宮雖未成畢其

欽定四庫全書

南北史合注
卷九十六

五十一

現摹壯麗踰漢魏遠矣唯自尊崇無所顧憚國典朝儀
率情改變後宮位號莫能詳錄每對臣下稱天不稱朕
以五色土塗所御天德殿各隨方色又於後宮與皇后
等列坐用宗廟禮器樽彝瓊瓚之屬以次食焉又令羣
臣朝天臺者致齋三日清身一日車旗章服倍於前王
之數既自比上帝不欲令人同已常自帶綬及冠通天
冠加金附蟬顧見侍臣武弁上有金蟬及王公有綬者
並令去之

興亡論曰帝少在儲宮頗覽經籍臨朝對衆亦有精
神但稟性猜狂特好詭異

又不聽人有高大之稱諸姓高者改為姜九族稱高祖
者為長祖曾為次長祖官稱名位凡謂上及大者改為
長有天者亦改之又令天下車皆渾稱為輪禁天下婦
人皆不得施粉黛唯宮人得乘有輻車加粉黛西陽公
温乃杞公亮子帝之從祖兄也其妻尉遲氏有色因入
朝帝飲以酒逼淫之亮聞之懼謀反纒誅温即追尉遲

欽定四庫全書

南北史合注
卷九十六

五十二

氏入宮初為妃尋立為皇后每左右侍臣論議唯欲興
造革易未嘗言及政事遊戲無恒出入不節羽儀仗衛
晨出夜還或幸大興宮或遊道會苑陪侍之官皆不堪
命散樂雜戲魚龍爛慢之伎常在目前好令京城少年
為婦人服飾入殿歌舞以後宮觀之以為喜樂擯斥舊
臣多所猜怨又吝於財略無賜與恐羣臣規諫不得行
已志常遣左右察伺察之動止所為莫不抄錄小有乖
違輒加其罪

興亡論曰帝屏棄羣臣內外門閣各別令宦者守視
出入去來皆錄其數殿省以目相視

自公卿以下皆被楚撻其間黜戮黜免者不可勝言每
捶人皆以百二十為度名曰天杖後又加至二百四十
宮人內職亦如之后妃嬪御雖被寵嬖亦多杖背

興亡論曰後廷嬪妾房有數人自旦至夕每令危坐
相對有不如法便即捶楚 隋書刑法志曰嘗作霹

靂車以威婦人又曰帝酣飲過度嘗中飲有下士楊

欽定四庫全書

南北朝史合注
卷九十六

五十五

汝祐歌曰朝亦醉暮亦醉日日恒常醉政事日無次

鄭譯奏之命杖二百四十死後更使中士皇甫猛歌

猛歌又諷諫譯復奏之賜猛杖一百二十

於是內外恐懼人不自安皆求苟免莫有固志重足累
息以逮於終

靜皇帝諱衍後改名闡宣帝長子母朱皇后建德二年

六月生於東宮大象元年正月癸卯封魯王戊午立為

皇太子二月辛巳宣帝居鄴宮傳位於帝居正陽宮

二年五月乙未宣帝寢疾詔帝入宿路門學己酉宣帝
崩帝入居天臺廢正陽宮大赦停洛陽宮作庶戎尊天

元上皇太后為太皇太后天元聖皇太后李氏為大帝
太后天元太皇后為皇太后天太皇后朱氏為帝太后

其天中太皇后陳氏天右大皇后元氏天左大皇后尉
遲氏並出俗為尼以柱國漢王贊為上柱國揚州總管

隋公楊堅為假黃鉞左大丞相柱國秦王贊為上柱國
帝居諒闇百官總已聽於左大丞相壬子以上柱國鄔

欽定四庫全書

南北朝史合注
卷九十六

五十六

公韋孝寬為相州總管罷入市稅錢六月戊午以相國

許公宇文善神武公竇毅修武公侯莫陳瓊大安公閻

慶並為上柱國趙王招陳王純越王盛代王達滕王道

來朝庶申復佛道二教辛酉以柱國杞公贊燕公子竇
部公賀拔伏恩並為上柱國甲子相州總管尉遲迥舉

兵討丞相堅不受代詔發關中兵以韋孝寬為行軍元

帥攻之柱國畢王賢謀討丞相堅事泄遇害以上柱國

秦王贊為大冢宰杞公椿為大司徒己巳詔南定北光

衡巴四州人為宇文亮抑為奴婢者並免之甲戌有赤氣起西方漸東行徧天庚辰罷諸魚池及山澤公禁者與百姓共之以柱國蔣公梁睿為益州總管秋七月甲申突厥送齊範陽王高紹義庚寅申州刺史李惠起兵討丞相堅庚子詔陳趙越代滕五王入朝不趨劍履上殿榮州刺史邵公宇文胃舉兵討丞相堅堅遣大將軍楊素攻之青州總管尉遲勤舉兵討丞相堅丁未隋公楊堅為都督內外諸軍事己酉鄖州總管司馬消難舉

欽定四庫全書

南北史合注 卷九十六

五七

兵討丞相堅以柱國楊公王誼為行軍元帥攻之壬子趙王招越王盛謀討丞相堅遇害癸丑封皇弟衍為萊王衍為鄆王是月豫州襄州總管諸蠻各帥種落起兵八月庚申益州總管王謙舉兵討丞相堅不受代以梁睿為行軍元帥攻之庚午韋孝寬破尉遲迴於鄴迴自殺相州平移相州於安陽其鄴城及邑毀廢之丙子以漢王贊為太師以上柱國并州總管申公李穆為太傅以送王實為大前疑以秦王贊為大右弼以燕公子實

為大左輔己卯以尉遲迴平大赦

李德林集載詔曰逆賊尉遲迴志懷奸慝因緣戚屬位冠朝倫屬先皇晏駕獨欣天災稱兵擁眾便懷問鼎乃詔太師肅茲九伐而凶徒孔熾充原蔽野諸將肆雷震之威壯士綴貔貅之氣直指漳濱擒斬无惡羣醜喪魄咸集鼓下順高秋之氣就上天之誅兩河妖孽一朝掃蕩自朝及野喜忭相趨思弘寬簡之政用副億兆之心可大赦天下

欽定四庫全書

南北史合注 卷九十六

五八

愚按此楊堅所假也指忠為逆特錄之以著其惡庚辰司馬消難擁眾以魯山甌山二鎮奔陳遣大將軍元景山追擊之鄖州平沙州氏帥開府楊永安起兵應王謙遣大將軍達奚儒攻之楊素破宇文胃於滎陽害之以上柱國神武公竇毅為大司馬以齊公子智為大司空廢相青荆金晉梁州六總管九月丙戌廢河陽總管為鎮隸洛州以小宗伯竟陵公楊慧為大宗伯壬辰廢皇后司馬氏為庶人戊戌以柱國楊公王誼為上柱

國庚戌以柱國常山公子翼化政公宇文忻並為上柱國進封翼為保國公忻為英國公壬子丞相去左右號隋公楊堅為大丞相冬十月甲寅日有蝕之壬戌丞相堅矯詔殺陳王純加堅大冢宰五府總於天官戊寅梁睿破王謙害之傳首京師益州平十一月甲辰達異儒破楊永安沙州平丁未上柱國鄖公韋孝寬卒十二月壬子以柱國蔣公梁睿為上柱國丁巳以柱國邗公楊雄普安公賀蘭蕃邲公梁士彥上大將軍新寧公叱列

欽定四庫全書

南北朝合注
卷九十六

五九

長文武鄉公崔弘度大將軍中山公宇文思濮陽公宇文述渭原公和干子任城公王景漁陽公楊銳上開府廣宗公李崇隴西公李詢並為上柱國庚申以柱國楚公豆盧勳為上柱國癸亥詔曰太祖受命龍德猶潛三分天下志扶魏室多所改作冀允上玄文武羣官賜姓者衆本殊國邑實乖昨上不敵非類異骨肉而共蒸嘗不愛其親嗟行路而叙昭穆朕君臨區宇累世於茲可仍遵謙挹之旨久行權宜之制諸改姓者悉宜復舊甲

子大丞相隋公楊堅進爵為王以郡為隋國己巳以柱國沛公鄭譯為上柱國辛未隋王堅矯詔殺代王達滕王迪壬申以大將軍長寧公楊勇為上柱國大司馬以小冢宰始平公元孝矩為大司寇

大定元年春正月壬午改元

冊府元龜載曰朕以不天夙遭強罰先陰邁速遽及此辰踰祀革號憲章前典可改大定元年

丙戌詔戎秩上開府以上職事下大夫以上外官刺史

欽定四庫全書

南北朝合注
卷九十六

五九

以上各舉賢才二月庚午大丞相隋王楊堅為相國總百揆加九錫甲子帝遜位於隋居別宮隋氏封帝為介國公邑萬戶車服禮樂一如周制上書不稱表答表不稱詔有其文事竟不行

隋書五行志曰周初有童謠云白楊樹頭金雞鳴祇有阿舅無外甥帝嫡母楊后也為隋氏甥

隋開皇元年五月壬申隋主楊堅弒帝崩時年九歲謚曰靜皇帝莫恭陵

隋書本紀曰以其族人洛嗣 愚按宇文氏保全元
族自罹亦族詎曰天道然考介公一爵歷隋唐梁後
唐晉五朝或備二王後或備三恪見五代史冊府元
龜不絕其血食亦云長矣夫猶是保全元族之餘波
也

論曰自東西否隔二國爭強戎馬生郊干戈日用兵連
禍結力敵勢均疆場之事一彼一此武皇繼業未親萬
機慮遠謀深以蒙養正及英威電發朝政惟新內難既


欽定四庫全書

南北史合注
卷九十六

三

除外畧方始苦心焦思克已勵精勞役為士卒之先居
處同匹夫之儉修富國之政務強兵之術乘讎人之有
釁順天道而推亡數年之間大勳斯集撫祖宗宿憤拯
東夏陷危盛矣哉有成功者也若使翌日之瘳無堯經
營之志獲申黷武窮兵雖見譏於良史雄圖遠畧足方
駕於前王而識嗣子非才顧宗祏至重滯愛同於晉武
則哲異於宋宣但欲威之覆楚期於懲肅義方之教豈
若是乎卒使昏虐君臨奸回肆毒宣后之行事身沒已

幸矣靜帝越自幼冲紹茲衰統內外挾孫劉之詐戚藩
無齊代之強隋氏因之遂遷龜鼎雖復岷峨投袂翻成
凌奪之威漳滏勤王無救宗周之隕嗚呼以文皇經啟
鴻基武皇克隆景業未踰二紀不祀忽諸斯蓋宣帝餘
殃非孺子罪戾也



欽定四庫全書

南北史合注
卷九十六

三

南北史合注卷九十六

欽定四庫全書

南北史合注卷九十七

明李清撰

北史十一

楊氏諱堅小名那羅延本弘農華陰

人漢太尉震十四世孫也震八世孫燕北平太守鉉鉉

子元壽魏初為武川鎮司馬因家於神武樹額馬元壽

生太原太守惠嘏嘏生平原太守烈烈生寧遠將軍禎

欽定四庫全書

南北史合注
卷九十七

初禎屬魏末喪亂避地中山結義徒以討鮮于脩禮遂

死之周保定中皇考著勲追贈柱國大將軍少保興城

郡公禎生皇考忠賜姓普六茹改別傳開皇元年追尊

為武元皇帝廟號太祖帝武元長子皇批呂氏以西魏

大統七年六月癸丑夜生高祖於馮翊波若寺

愚按宇文泰是時方專魏政去代魏之期尚遠而代

周之人已生可如何

有紫氣充庭

總校官檢 討臣彭元琬

侍讀學士臣王保

校對 生員臣梁寶繩

僧道論衡曰狀如樓閣色染人衣

時有尼來自河東謂皇妣曰此兒所從來甚異不可俗
間處之乃將高祖舍別館躬自撫養皇妣抱高祖忽見
頭上出角扁體起鱗墜高祖於地尼自外見曰已驚我
兒致令晚得天下

僧道論衡曰尼名智仙河東劉氏女少出家有戒行

沉静寡言時道吉凶莫不符驗初在時養帝年至十

三還家

欽定四庫全書

南北史合注
卷九十七

高祖龍顏額上有五柱入項目光外射有文在手曰王

字長上短下深沉嚴重初入太學雖至親昵不敢狎也
年十四京兆尹薛善辟為功曹十五以皇考勳授散騎
常侍車騎大將軍儀同三司封成紀縣公十六遣驃騎
大將軍加開府周文帝見而歎曰此兒風骨非世間人
明帝即位授右小宗伯進封大興郡公明帝嘗遣善相
者來和視公和詭對曰不過柱國既而私謂公曰公當
為天下君必大誅殺而後定

愚按隋書所記則周明帝所遣相者乃趙昭耳來和

之言皆昭言也若和對周武見於本傳者原另有言

三國典畧隋書同北史誤

武帝即位遷小宗伯出為隨州刺史進位大將軍後徵
還遇皇妣寢疾三年晝夜不離左右以純孝稱宇文護
執政尤忌公屢將害焉

李德林天命論載周齊王憲謂晉蕩公曰觀隋公神

彩恐不為人臣晉公納其言將加不利

欽定四庫全書

南北史合注
卷九十七

賴大將軍侯伏侯壽等救護以免後襲爵隋國公武帝
既為皇太子娉公長女為妃益加禮重齊王憲言於帝
曰普六茹堅相貌臣每見之不覺自失恐非人下請早
除之帝曰此止可為將耳內史王軌驟諫曰皇太子非
社稷主普六茹堅有反相

賜姓見皇考忠傳

三國典畧曰軌以隋公堅相異因入侍武帝宴佯醉
撥去堅頭上帽曰是何物頭額又皇甫某見堅舉手

自拍其額武帝謂公曰皇甫道公額也

帝不悅曰必天命有在將若之何公甚懼深自晦匿後
從帝平齊進柱國又與齊王憲破齊任城王潛於冀州
除定州總管先是州城門久閉不行齊人白文宣時或
請開之文宣不許曰當有聖人啟之及公至而開之莫
不驚異遷亳州總管宣帝即位以後父徵拜上柱國大
司馬大象初遷大後丞右司武俄轉大前疑帝每巡幸
恒委以居守時宣帝為刑經聖制其法深刻公以法令

欽定四庫全書

南北朝史合注
卷九十七

滋章非興化之道切諫不納公位望益隆帝頗以為忌
時帝四幸女並為皇后爭寵相毀帝每謂后曰必族滅
爾家因召公命左右曰若色動即殺之公容色自若遂
免大象二年五月即以公為揚州總管將發暴足疾而
止乙未帝不豫時靜帝幼冲前內史上大夫鄭譯御正
大夫劉昉以公后父衆望所集遂矯詔引公入侍疾因
受遺輔政都督內外諸軍事公恐周氏諸藩生變稱趙
王招將嫁女於突厥為辭徵之已酉宣帝崩庚戌天子

詔公假黃鉞左大丞相百官總已而聽以正陽宮為丞
相府以鄭譯為長史劉昉為司馬具置寮佐宣帝時刑
政峻酷者悉更以寬大之制天下歸心矣

天命論曰帝嘗出長安城東獵馬上思濟生民夜夢
一長大人素服冠幘謂曰時未至及欲作相夢人曰
時至矣

六月趙王招陳王純越王達代王盛滕王迥並至長安
相州總管尉遲迥自以宿將心不能平遂舉兵趙魏之

欽定四庫全書

南北朝史合注
卷九十七

士響應旬日間衆至十餘萬宇文弔以榮州石懸以建
州席毗以沛郡毗弟義羅以襄州皆應迥遣子質於陳
以求拔公命上柱國鄭公韋孝寬擊之雍州牧畢王賢
及趙陳等五王謀殺公公執賢斬之而掩趙王等不問
因詔五王劍履上殿入朝不趨以安之時五王陰謀滋
甚公以酒肴造趙王觀其指趙王伏甲卧內公賴元曹
免於是害趙越二王八月庚午韋孝寬破尉遲迥斬之
傳首闕下餘黨悉平初迥之起兵鄆州總管同馬消難

據州應迴淮南州縣多從之襄州總管王誼攻之消難
奔陳荆郢羣蠻乘釁而起命亳州總管賀若誼討平之
先是上柱國王謙為益州總管亦擁衆已蜀以匡復為
辭公以東夏山南為事未遑興謙遂屯劍口陷始州至
是乃命上柱國梁睿往平之傳首闕下隳劍閣之險以
絕亂萌九月壬子天子進公大丞相十月詔追贈公曾
祖烈為柱國太保都督十州諸軍事徐州刺史隋國公
諡曰康祖禎為柱國都督十三州諸軍事同州刺史隋

欽定四庫全書

南北史合注
卷九十七

六

國公諡曰獻考忠為上柱國太師大冢宰都督十三州
諸軍事雍州牧壬戌害陳王純天子進公大冢宰五府
總於天官十一月辛未害代王達滕王通十二月甲子
天子授公相國總百揆去都督內外諸軍事大冢宰之
號進爵為王以隋州之崇業鄖州之安陸城陽温州之
宜人應州之平靖上明順州之淮南士州之永川昌州
之廣昌安昌申州之義陽淮安息州之新蔡建安豫州
之汝南臨潁廣寧初安蔡州之蔡陽鄖州之漢東二十

郡為隋國劍履上殿入朝不趨贊拜不名倫九錫之禮
加璽紱遠遊冠相國印綠綬綬位在諸侯王上隋國置
丞相以下一依舊式王再讓乃受王爵辭十郡天子詔
進王曾祖祖考爵並為王夫人為王妃
大定元年二月壬子下令曰以前賜姓皆復其舊甲寅
王受九錫之禮

欽定四庫全書

南北史合注
卷九十七

七

代上玄之工斯則大聖而已曰惟先正翊亮皇朝種
德積善載誕上相精采不代風骨異人匡國濟時除
凶撥亂百神奉職萬國宅心殷相以先知悟人周輔
乃弘道於代方斯幾如也今將授王典禮其敬聽朕
命朕以不德早承丕緒上靈降禍夙構慙凶妖醜覲
覲密圖社稷宮省之內疑慮驚心公受命先皇志在
匡弼輯諧內外潛運機衡奸人懾憚謀用丕顯俾贊
疏之危為太山之固是公重造皇室作霸之基也伊

我祖考之代寄任已深入掌禁兵外司藩政文經武

略久播朝野戎軒大舉長驅晉魏平陽震熊羆之勢

冀部耀貔虎之威初平東夏人心未一叢臺之北易

水之南西距井陘東至滄海比數千里舉袂如帷委

以連城建旌杖節教因其俗刑用輕典如泥從印猶

草隨風此又公之功也吳越不賓多歷年代淮海之

外時非國有爰整其旅出鎮於亳武以威物文以懷

遠羣盜自奔外戶不閉民黎慕義襁負而歸自北之

欽定四庫全書

南北史合注
卷九十七

風化行南國此又公之功也宣帝御宇任重宗臣入

典八屯外司九伐禁衛勤巡警之務治兵得蒐狩之

禮又此公之功也鑿駕遊幸頻委留臺文武注意軍

國諮票萬事咸理反顧無憂此又公之功也朕在諒

闇公實總已磐石之宗奸回者衆招引無賴結連羣

小往者國哀甫爾已創陰謀積惡數旬昆吾方稔泣

誅罄向宗廟以寧此又公之功也尉遲猖狂稱兵鄴

邑欲長戟而指北闕強弩而圍南斗憑陵三魏之間

震驚九州之半聚徒百萬悉成蛇豕公乃戒彼

鷹揚出車練卒誓蒼兕於河朔建瓴水於東山口授

兵書手畫行陣量敵制勝指日剋期諸將遵其成旨

壯士感其大義輕死忘生轉鬪千里旗鼓奮發如火

燎毛玄黃變漳河之水京觀比爵臺之峻百城氛祲

一旦廓清此又公之功也青土連率跨據東秦籍負

海之鏡倚連山之險望三輔而將逐鹿指六國而顧

連雞風雨之兵助鬼為虐本根既拔枝葉自殞屈法

欽定四庫全書

南北史合注
卷九十七

申恩示以大信此又公之功也申部殘賊充斥一隅

蠅飛蟻聚攻州畧地播以玄澤迷更知反服而捨之

無費遺鏃此又公之功也宇文冑親則宗枝外藩巖

邑影響鄰賊有同就燥迫脅吏民叛渙城戍偏師誅

滅遂入網羅束之虎牢有同囹圄事窮將軍如伏國刑

此又公之功也擅讓席毗擁衆河外陳韓梁鄭宋衛

鄒魯村落成裊獍之墟民庶為豺狼之餌城有畫閉

巷無行人授律出師隨機掃定讓既授首毗亦梟懸

此亦公之功也司馬消難與國親姻作鎮安陸性多嗜欲意好貪聚擅誅刺舉之使專殺儀台之臣懼罪畏威動而內鬩蚕食郡縣鳩毒華夸聞有王師自投南裔帝唐崇山之罰僅可方此大漢流禦之刑是亦相匹逋逃入數荆郢周安此亦公之功也王謙在蜀翻為厲階閉劍閣之門塞靈關之宇自謂五丁復起萬夫莫向分閭推轂嘗不踰時風馳席卷一舉大定擒斬兇惡掃地無遺此又公之功也陳頊因循偽業自擅

欽定四庫全書

南北史合注 卷九十七

金陵屢遣醜徒超超江北公指麾藩鎮無不摧珍方置文深之柱非止尉佗之拜此又公之功也公有濟天下之勤重之以明德序百揆而穆四門耻一匡之舉九合尊賢崇德尚齒貴功錄舊旌善興亡繼絕寬猛相濟彞倫攸叙敦睦帝親崇獎王室星象不折陰陽自調玄冥祝融如奉太公之召兩師風伯以應成王之宰祥風嘉氣觸石搖林瑞獸異禽遊園鳴閣至功至德可大可久朕又聞之昔明王設官胙土營丘四

履得征五侯參墟寵章異其祉物故藩屏作固垂拱責成沉嘿巖廊不下堂席公道高往烈賞薄前王求諸故實甚用惧焉往加大典憲章在昔謙以自收未應朝禮日月不居便已隔歲時談物議其謂朕何今進授相國總百揆以申州之義陽等二十郡為隋國今命使持節太傅上柱國祀國公椿太宗伯大將軍金城公趙嬰授相國印綬相國禮絕百辟任摠羣官舊職常典宜與事革昔唐臣太尉舜佐司空桓且相

欽定四庫全書

南北史合注 卷九十七

周霍光輔漢不居藩國唯在天朝其以相國總百揆去衆號馬上所假節大丞相大冢宰印綬又加九錫其敬聽朕後命以公執律脩德慎獄恤刑為其訓範人無異志是用錫公大輅戎輅各一玄牡二駟公勤心地利所保人天崇本務農公私殷阜是用錫公袞冕之服亦鳥副焉公樂以移風雅以變俗遐邇胥悅天地咸和是用錫公軒懸之樂六佾之舞公仁風德教覃及海隅荒忽幽遐回首內向是用錫公朱戶以居

公水鏡人倫銓衡庶職能官流詠遺賢必舉是用錫

公納陛以登公執鈞於內正性率下犯義無禮罔不

屏黜是用錫公虎賁之士三百人公此段元本闕是用錫

公鈇鉞各一公威嚴夏曰精厲秋霜猾夏必誅顧盼

天壤掃清奸宄折衝無外是用錫公彤弓一彤矢百

盧弓十盧矢千惟公孝通神明肅恭祀典尊嚴如在

情切幽明是用錫公和邑一白珪瓚副馬隋國置丞

相以下一遵舊式往欽哉其敬循往策祇服大典簡

欽定四庫全書

南北史合注
卷九十七

恤爾庶功對揚我太祖之休命

丙辰天子又詔玉冕十有二旒建天子旌旗出警入蹕

乘金根車駕六馬備五時副車置旄頭雲罕樂舞八佾

設鐘簋宮懸王妃為王后世子為太子前後三讓乃受

俄下詔依唐虞漢魏故事王三讓不許乃遣太傅上柱

國祀國公棧奉冊曰咨爾相國隋王粵若上古之初爰

啟清濁降符授聖為天下君非以區宇之富未以宸極

為尊大庭軒轅以前驪連赫胥之日咸以無為無欲不

將不迎遐哉其詳不可聞已厥有載籍遺文可觀聖莫

逾於堯美莫過於舜堯得太尉已作運衡之篇舜遇司

空便叙菁華之竭彼褰裳脫屣三宮設饗百官歸禹若

帝之初斯蓋上則天時下祇天命不敢不受湯伐於夏

武革於殷干戈揖讓雖復異揆應天順人其道不異自

漢迄晉有魏至周天歷逐獄訟之歸神鼎隨謳歌之去

道高者稱帝祿盡者不王與夫文祖神宗無以別也周

德將盡禍難頻興宗戚奸回咸將竊發顧瞻宮闕將圖

欽定四庫全書

南北史合注
卷九十七

宗社藩維連率逆亂相尋搖蕩三方不合如礪蛇行鳥

攫投足無所王受天明命獻德在躬除羣凶於城社廓

妖氛於遠服八極九野萬方四裔圓首方足莫不樂推

往歲長星夜掃經天晝見八風比夏后之作五緯同漢

帝之聚除舊之徵昭然在上近者赤雀降祉玄龜効靈

鍾石變音蛟龍出穴布新之貺煥焉在下朕仰祇皇靈

俯順民願敬以帝位禪於爾躬天祚告窮天祿永終於

戲王其允執厥和儀刑典訓升圖丘而敬蒼昊御皇極

而撫黔黎副率土之心恢無疆之祚可不盛歟

愚考李德林集以上諸文皆德林筆

遣大宗伯大將軍金城公趙嬰奉皇帝璽紱百官勸進

受焉

廣五行記曰周大定時永州得白石割為二股中有

揚樹形黃根紫葉

開皇元年春二月甲子王自相府常服入宮備禮即皇

帝位於臨光殿設壇南郊遣兼太傅上柱國鄧公竇熾

欽定四庫全書

南北史合注
卷九十七

柴燎告天是日告廟大赦改元

音義考曰帝以周齊不違寧處去隨之足國號大隋

然於音為墮失正音矣

京師慶雲見改周官依漢魏舊制以相國司馬高穎為

尚書左僕射兼納言相國司錄虞慶則為內史監兼吏

行部尚書相國內郎李德林為內史令上開府韋世康

為禮部尚書上開府元暉為都官尚書開府戶部尚書

元巖為兵部尚書上儀同司宗長孫毗為工部尚書尚

書上儀同司會楊尚希為度支尚書雍州牧楊會為左
衛大將軍乙丑追尊皇考為武元皇帝廟號太祖

愚按歷代受禪之君皆追封三代隋獨否與桓玄同

皇妣呂氏為元明皇后改周氏左社右廟制為右社左

廟遣八使巡省風俗丙寅脩廟社立王后獨孤氏為皇

后王太子勇為皇太子丁卯以大將軍趙嬰為尚書右

僕射上開府伊婁彥恭為右武侯大將軍己巳以五千

戶封周帝介國公為隋室賓周氏諸王皆降為公尋盡

欽定四庫全書

南北史合注
卷九十七

滅其族辛未以皇弟同安郡公爽為雍州牧己亥封皇

弟郡國公慧為滕王同安公爽為衛王皇子厲門公廣

為晉王俊為秦王秀為越王諒為漢王并州總管李穆

為太師上柱國竇熾為太傅幽州總管于翼為太尉觀

國公田仁恭為太子太師武德郡公柳敏為太子太保

丁丑以晉王廣為并州總管封陳留郡公智積為蔡王

興城郡公靜為道王戊寅改東京府為尚書省發官牛

五千頭分賜貧民

佛藏曰是月命京師及諸州城居聚落各創佛寺

此周武後興佛法之始故謹書之

三月宣仁門槐樹連理衆枝內附壬午白狼國獻方物

甲申太白晝見乙酉又晝見丁亥詔犬馬器翫口味不

得獻上戊子弛山澤禁己丑墊屋獻連理樹植於宮庭

戊戌以太子少保蘇威兼納言吏部尚書庚子詔前代

品爵悉依舊定丁未梁孝明帝使其太宰蕭巖等來賀

夏四月辛巳太赦壬午太白歲星晝見戊戌太常散樂

欽定四庫全書

南北史合注
卷九十七

並免為編戶禁雜樂百戲辛丑陳人來聘于周至而帝

已受禪致之介國是月發稽胡脩築長城二旬而罷五

月戊午封邗國公揚雄為廣平王永康郡公楊弘為河

間王辛未弒介公帝舉哀朝堂六月癸未詔以初受命

赤雀降祥推五德相生為火色其郊及社廟依服冕之

儀如朝會之服旗幟犧牲盡尚赤戎服尚黃秋七月乙

卯帝始服黃百寮畢賀

李德林集載詔曰太祖武元皇帝魏氏將謝躬事經

綸周室勃興同心匡贊閭闔二代造我帝基往者梁

氏將滅親尋構禍蕭登稱兵擁衆據有襄陽將入魏

朝狐疑未決先帝出師樊鄧飲馬漢濱彼感感懷連

城頓頽隋郡安陸未即風從敵人聘輔車之援重城

固金湯之守乃復練卒簡徒一舉而克始於是日遂啓

漢東蕭繹往在江陵主梁稱制外通表奏陰有異圖

王師薄伐帝實先鋒誅厥致命繼其絕祀有齊未亡

凶徒孔熾連山巨防艱危萬里晉水之陽是其心腹

欽定四庫全書

南北史合注
卷九十七

於是鳴鑿秉鉞假道北憐懸兵萬里直指參墟左縈

右拂麻積草靡雖事未既也而英風大震齊人因以

挫切周武賴以成功積德累仁福流後嗣俾朕虛薄

君臨區有昔夏因治水尚且銘山周曰巡遊猶因勒

石其襄陽隋郡江陵晉陽並宜立寺一所建碑頌德

八月壬午廢東京官甲午遣使賑給戰亡者家庚午陳將

青海破降之九月戊申遣使賑給戰亡者家庚午陳將

周羅曠攻臨朝豎蕭摩訶寇江北辛未以越王秀為益

州總管改封蜀王壬申以薛公長孫覽宋安公元景山並為行軍元帥伐陳仍令尚書左僕射高穎節度諸軍是月行五銖錢冬十月乙酉百濟王扶餘昌遣使來賀授昌上開府儀同三司帶方郡公戊子行新律壬辰行幸岐州十一月乙卯以永富郡公竇榮定為右武侯大將軍遣兼散騎侍郎鄭撫使於陳已有流星如墜墻光照於地十二月甲申以禮部尚書韋世康為吏部尚書庚子至自岐州壬寅高麗王高陽遣使朝貢授陽大將軍遼東郡公太子太保柳敏卒是歲靺鞨突厥阿波可汗沙鉢略可汗並遣使朝貢

二年春正月癸丑幸上柱國王誼第庚申辛亥戍長公主第庚申陳孝宣帝殂辛酉置河北道行臺尚書省於并州以晉王廣為尚書令置河南道行臺尚書省於洛州以秦王俊為尚書令置西南道行臺尚書省於益州以蜀王秀為尚書令戊辰陳遣使請和求歸胡豎甲戌詔舉賢良二月己丑詔以陳有喪命高穎等班師庚寅

欽定四庫全書

南北史合注 卷九十七

六

加晉王廣左武衛大將軍辛卯幸趙國公獨孤陀第庚子京師雨土三月初命入宮殿門通藉戊甲開渠引杜陽水於三時原夏四月丁丑以寧州刺史竇榮定為左武侯大將軍庚寅大將軍韓僧壽破突厥於雞頭山上柱國李充破突厥於河北山五月戊申以上開府長孫平為度支尚書己酉以旱故帝親省囚徒其日大雨己未高寶寧寇平州突厥入長城庚申以豫州刺史皇甫績為都官尚書甲子國璽曰受命璽丁卯詔民年六十以上免課六月壬午以太府卿蘇孝慈為兵部尚書甲申使使弔於陳乙酉上柱國李充破突厥於馬邑丙申詔曰朕祇奉上玄君臨萬國屬生靈之弊處前代之宮以為作之者勞居之者逸改創之事心未違也而王公大臣陳謨獻策咸云義農以降至于姬劉有當世而屢還無革命而不徙曹馬之後時見因循乃末世宴安非往聖宏義此城從漢彫殘日久屢為戰場舊經喪亂今之宮室近代權宜又非謀筮從龜瞻星揆日不足建皇

欽定四庫全書

南北史合注 卷九十七

七

王之邑合大眾所聚論變通之數具幽顯之情同心固
請詞情深切然則京師百官之府四海歸向非朕一人
所獨有苟利於物其可違乎且殷之五遷恐人盡死是
則吉凶之土制長短之命謀新去故如農望秋雖則劬
勞其究安宅今區宇寧一陰陽順序安安以遷勿懷胥
怨龍首山川原秀麗卉物滋阜卜食相土宜建都邑定
馬之基永固無窮之業在斯公私府宅規模遠近營構
資須隨事條奏仍詔左僕射高頴將作大匠劉龍鉅鹿

欽定四庫全書

南北史合注
卷九十七

十一

郡公賀婁子幹太府少卿高龍義等創造新都秋七月
癸巳詔新置都處墳墓令悉遷葬且設祭仍給人功無
主者命官為殯墓甲午行新令冬十月以撤毀故徙居
東宮給内外官人祿癸酉皇太子勇屯兵咸陽以脩胡
虜庚寅帝疾愈享百寮於觀德殿賜錢帛皆任自取盡
力以出辛卯以營新都副監賀婁子幹為工部尚書十
一月丙午初命為方陣戰法及制軍營圖樣下諸軍府
擬征突厥十二月辛未帝講武後園甲戌上柱國竇毅

卒丙子名新都曰大興城乙酉遣彭城公虞慶則屯弘
化以備胡突厥寇周擊行軍總管達奚長儒為虜所敗
丙戌賜國子生經明者束帛丁亥親錄囚徒是歲高麗
百濟並遣使朝貢
三年春正月庚子將遷新都大赦禁大刀長稍始令人
以二十一歲丁歲役功不過二十日不役者收庸廢遠
近酒坊罷鹽井禁

冊府元龜隋書食貨志曰是月詔罷酒坊又以周末

欽定四庫全書

南北史合注
卷九十七

十一

專利鹽池鹽井皆禁詔與百姓共之矯前弊也又詔
朔州總管趙仲卿大興屯田於長城北以實塞下又
詔河西勤民立堡營田積穀京師置常平監
二月己巳朔日有蝕之癸酉陳人來聘突厥犯邊癸未
以左武衛大將軍李禮成為右武衛大將軍三月丁未
上柱國鮮虞縣公謝慶恩卒丙辰以兩故常服入新都
京師承明里醴泉出了已詔購遺書於天下癸亥城榆
關夏四月己巳衛王爽大破突厥於白道山停築原陽

雲內紫河等鎮而還上柱國建平郡公于義卒庚午吐
谷渾寇臨洮洮州刺史皮子信死之壬申以尚書右僕
射趙巽兼內史令丁丑以滕王瓚為雍州牧庚辰行軍
總管陰壽大破高寶寧於黃龍甲申以旱故帝親祀雨
師丙戌詔天下勸學行禮

冊府元龜詔曰魏氏不競周齊抗衡處為強弱多歷
年所務權詐而薄儒雅重干戈而輕俎豆朝野以機
巧為師文史刻深為法雖復建立庠序業非時貴道

欽定四庫全書

南北史合注
卷九十七

五

亦不行然維持名教微相弘益治國立身非禮不可
而積習生常閭閻吉凶之禮動悉乖方執憲之職率
爾無聞古今之學且耕且養若敦以學業勸以經術
自可家慕大道人希至德始自京師爰及州郡宜祇
朕意勸學行禮

己丑陳郢州城主張子譏遣使請降帝以和好不納辛
卯遣兼散騎常侍薛舒聘於陳癸巳帝親雩五月癸卯
太尉任城公于翼卒行軍總管李晃破突厥於摩那渡

口乙巳梁太子蕭琮來賀遷都辛酉親祀方澤壬戌行
軍元帥竇榮定破突厥及吐谷渾於涼州救黃龍死罪
以下六月庚午封衛王爽子集為遂安郡王戊寅突厥
遣使求和庚辰行軍總管梁遠破吐谷渾於爾汗山斬
其名王秋七月壬戌詔曰往者山東河表經此妖亂孤
城遠守多不自全濟陰太守杜猷身陷賊徒命懸寇手
郡省事范臺攻傾產營護免其戮辱眷言誠節實有可
嘉宜超恒賞用明沮勸臺攻可大都督假湘州刺史丁

欽定四庫全書

南北史合注
卷九十七

五

卯日有蝕之八月壬午遣尚書右僕射高穎出寧州道
史部尚書虞慶則出原州道並為行軍元帥以擊胡戊
子親祀太社九月壬子幸城東觀稼癸丑大赦冬十月
甲戌發河南道行臺省十一月發使巡省風俗又詔使
者舉賢才以脩銓擢庚辰陳人來聘陳主知帝貌異世
人使副使袁彥圖像而去甲午罷天下諸郡十一月乙
卯遣兼散騎常侍唐令則使於陳戊午以刑部尚書蘇
威為戶部尚書是歲高麗突厥鞞鞞並遣使朝貢

是歲陳後主至德元年

四年春正月甲子朔日有蝕之祀太廟辛未祀南郊壬申梁孝明帝來朝甲戌大射於北苑十日罷壬午齊州水辛卯渝州獲獸似麋一角同蹄壬辰班新歷二月乙

己帝餞梁帝於灞上庚戌行幸隴州突厥可汗阿史那玷厥率其屬來降夏四月己亥勅總管刺史父母及子

年十五以上不得將之官庚子以吏部尚書虞慶則為尚書右僕射瀛州刺史楊高希為兵部尚書毛州刺史

欽定四庫全書

南北史合注 卷九十七

五十四

劉仁恩為刑部尚書五月癸酉契丹主莫賀弗遣使南降拜大將軍六月庚子降囚徒壬子開通濟渠自渭達

河以通運漕

隋書食貨志載詔曰京邑所居五方輻湊重關四塞

水陸艱難大河之流波瀾東注百川海瀆萬里交通

雖三門之外或有危慮但發自小平陸運至陝還從

河水入於渭川兼及上流控引汾晉舟車來去為益

殊廣而渭川水力大小無常流沙淺深即成阻閼計

其途路數百而已動移氣序不能往復汎舟之役人亦勞止公私之弊情實愆之故東發潼關西引渭水因藉民力開通漕渠量事計功易可成就不有暫勞安能久逸宣告民庶知朕意焉

甲寅制官人非戰功不授上柱國以下戎官以雍同華岐宜五州早命無出今年租調戊午秦王俊來朝秋七月丙寅陳人來聘八月甲午遣十使巡省境內戊戌衛王爽來朝壬寅上柱國太傅鄧公竇熾卒乙卯陳將夏

欽定四庫全書

南北史合注 卷九十七

五十五

侯苗請降帝以通和不納九月甲子幸襄國公主第乙丑幸灊水觀漕渠賜督役者帛己巳帝親錄囚從庚午契丹內附甲戌以關中饑行幸洛陽癸未太白晝見冬十一月壬戌遣兼散騎常侍薛道衡使於陳甲戌改周十二月為臘蜡

冊府元龜載詔曰古稱臘者接也取新故交接姬周歲首今仲冬建亥之月稱蜡可也後周用夏后之時行姬氏之蜡考諸先代於義有違其十一月行蜡者

停可以十二月為臘

是歲韃韃女國並遣使朝貢

五年春正月戊辰詔行新禮壬申詔罷江陵總管後至

梁主琮時依舊三月戊午以尚書左僕射高頌為左領

軍大將軍以上柱國宇文忻為右領軍大將軍夏四月

壬寅上柱國王誼謀反誅乙卯詔徵山東大儒馬榮伯

等戊申車駕至自洛陽五月甲申初置義倉梁孝明帝

殂遣上大將軍元契使於突厥阿波可汗秋七月庚申

欽定四庫全書

南北史合注
卷九十七

十六

陳人來聘壬午突厥沙鉢略可汗上表稱臣八月甲辰河南

諸州水遣戶部尚書蘇威賑給之戊申有流星數百四散而

下己酉幸栗園九月丁巳至自栗園乙丑改鮑波曰杜波瀾

水曰滋水丙子遣萬散騎常侍李若使於陳冬十一月丁卯

晉王廣來朝十二月丁未降囚徒是歲契丹遣使朝貢

六年春正月甲子黨項羌內附庚子班愿於突厥壬申

使戶部尚書蘇威巡省山東二月乙酉山南荆浙七州

水遣前工部尚書長孫毗賑恤之丙戌制刺史上佐每

歲暮更入朝上考課丁亥發丁男十一萬脩築長城二

旬罷庚子大赦三月己未洛陽男子高德上書請帝為

太上皇太子帝曰朕承天命撫育蒼生日旰食夜衣猶恐

不逮豈學近代帝王事不師古傳位於子自求逸樂哉

癸亥突厥沙鉢略可汗遣使朝貢夏四月己亥陳人來

聘秋七月辛亥河南諸州水乙丑京師雨毛如馬尾長

者二尺餘短者六七寸八月辛卯關內七州旱蠲其賦

稅遣散騎常侍裴世豪使於陳戊申上柱國太師申公

欽定四庫全書

南北史合注
卷九十七

十七

李穆卒閏月丁卯皇太子鎮洛陽辛未晉王廣泰王俊

並來朝丙子上柱國郟國公梁士彥上柱國杞公宇文

忻柱國舒公劉昉謀反伏誅上柱國許公宇文善有罪

除名九月辛巳帝素服御射殿詔百寮射梁士彥三家

資物丙戌上柱國宋安公元景山卒辛丑詔賑恤大象

以來死事之家

隋書刑罰志曰是年詔免尉遲迴王謙司馬消難三

逆人家口配没者悉官贖贖使為編戶因除擊戮相

坐法

冬十月己酉以河北道行臺尚書令并州總管晉王廣為雍州牧餘官如故以兵部尚書楊尚希為禮部尚書癸丑置山南道行臺尚書省於襄州以秦王俊為尚書令隋書五行志曰是年霍州有老翁化為虎 梁後主琮廣運元年

七年春正月癸巳祀太廟乙未制諸州歲貢三人二月丁巳祀朝日於東郊己巳陳人來聘壬申幸醴泉宮是

欽定四庫全書

南北史合注
卷九十七

天

月癸丁男十萬脩築長城二旬罷夏四月己酉幸晉王第庚戌於揚州開山陽瀆以通運漕突厥沙鉢略可汗卒癸亥頒青龍符於東方總管刺史西方以西方以白虎南方以朱雀北方以玄武甲戌遣兼散騎常侍揚周使于陳以戶部尚書蘇威為吏部尚書五月乙亥朔日有蝕之己卯隕石於武安滏陽間十餘里秋七月己丑衛王爽薨帝發喪於門下外省八月庚申梁後主蕭琮來朝九月乙酉梁安平王蕭巖掠於其國以奔陳辛卯

廢梁國曲赦江陵以梁主蕭琮為柱國封莒國公冬十

月庚申行幸同州以先帝所居曲降囚徙癸亥幸蒲州丙寅宴父老帝極歡曰此間人物衣服鮮麗容止閑雜良由士宦之鄉陶染成俗也十一月甲午幸馮翊祭故社父老對詔失旨帝大怒免其縣官而去戊戌車駕至自馮翊

隋書五行志曰是年相州有桑門變為蛇尾繞樹而自抽長二丈許陳禎明元年

欽定四庫全書

南北史合注
卷九十七

天

八年春正月乙亥陳人來聘二月辛酉陳人寇破州三月辛未上柱國隴西公李詢卒甲戌遣兼散騎常侍程尚賢使於陳戊寅詔大舉伐陳

隋書載詔曰有陳竊據江表逆天暴物朕初受命陳項尚存往來脩睦望其遷善時日無幾讒惡已聞厚納叛亡侵犯城戍于時王師大舉將一車書陳項反地收兵責躬請約俄而致殞仍詔班師叔寶承風因求繼好每見珪璋入朝輜軒出使何嘗不殷勤曉喻戒

欽定四庫全書

南北史合注
卷九十七

三

以惟新而狼子之心出而彌野威侮五行怠棄三正
 誅翦骨肉夷滅才良據手掌之地恣溪壑之險却奪
 閭閻資產俱竭驅蹙內外勞役弗已徵責女子擅造
 宮室日增月益止足無期惟薄墻有逾萬數賢衣
 玉食窮奢極侈淫聲樂飲俾晝作夜斬直言之客滅
 無罪之家欺天造惡祭鬼求恩歌舞衢路酣醉宮閭
 盛粉黛而執干戈曳綺羅而呼警蹕躍馬振策從旦至
 昏負甲持戈隨逐徒行天災地孽物怪人妖衣冠鉗
 口道路以目自古昏亂罕或能比傾心翹足普告於我重
 以背德違言搖蕩疆場巴峽之下海澨以西江南江北為
 鬼為蜮抄掠人畜斷截樵蘇市井不立農事廢寢歷陽廣
 陵窺覲相繼或圖謀城邑劫剝吏民晝伏夜遊鼠竄狗盜
 彼則羸兵敝卒來必就擒此則重門設險有勞藩捍天之
 所覆無非朕臣每關聽覽有懷傷惻梁國我南藩也其君
 入朝潛相招誘不顧朕恩士女迫脅城府空虛豈容對而
 不誅忍而不救近日秋始謀欲弔民益部樓船盡令

欽定四庫全書

南北史合注
卷九十七

三

東驚便有神龍數十騰躍江流引伐罪之師向金陵之
 路船作則龍止船行則龍去四日之內三軍皆觀豈非
 蒼昊愛人幽明展事降神先路協贊軍威便可以出師
 授律永清吳越其將士糧仗水陸資須期會進止一准
 別勅
 隋書五行志曰是年四月幽州民家以白楊木懸灶
 上積十餘年忽生三條皆長三尺餘甚鮮茂
 秋八月丁未河北諸州饑遣吏部尚書蘇威賑恤之九
 月癸巳嘉州言龍見冬十月己亥太白出西方己未置
 淮南行臺省於壽春以晉王廣為尚書令辛酉陳人來
 聘拘不遣甲子有星孛於牽牛將伐陳有事太廟授律
 令晉王廣秦王俊清河公楊素並為行軍元帥伐陳於
 是晉王出六合秦王出襄陽素出信州荊州刺史劉仁
 恩出江陵宣陽公王世積出斬春新義公韓擒虎出廬
 江襄邑公賀若弼出吳州落叢公燕榮出東海合總管
 九十兵五十一萬八千皆受晉王節度東接滄海西距

巴蜀旌旄舟楫橫亘數千里

明楊慎集載帝詔曰陳國未盡藩節誠須責罪若命水龍終當屈水龍謂戰船也

仍曲赦陳國十一月丁卯車駕錢師詔購陳叔寶位上柱國萬戶公乙亥行幸定陳師誓衆丙子幸河東十二月車駕至自河東

九年春正月己巳白虹夾日癸酉以尚書左僕射虞慶則為右軍大將軍丙子賀若弼敗陳師於蔣山獲其將

欽定四庫全書

南北史合注
卷九十七

蕭摩訶韓擒虎進師入建鄴獲陳主叔寶陳國平合州

四十郡一百縣四百戶五十萬口二百萬癸巳遣使持

節巡撫之二月乙未廢淮南尚書省丙申制五百家為

鄉正一人百家為里長一人夏四月己亥辛驪山親勞

旋師乙巳三軍凱入獻俘太廟以晉王廣為太尉庚戌

帝御廣陽門宴將士頒賜各有差辛亥大赦以陳都官

尚書孔範散騎常侍王瑳王儀御史中丞沈觀等邪佞

以致滅亡皆投之邊裔陳人普給復十年軍人畢世免

徑役擢陳文武衆才而用之宮奴數千可歸者歸之餘

盡分賜將士及王公貴臣其資物皆於五梁賜王公以下大射毀所得秦漢三大鐘越二大鼓又設亡陳女樂

謂公卿等曰此聲似啼朕聞甚不喜故與公等一聽亡國之音俱為永鑿辛酉以吏部侍郎宇文弼為刑部尚

書宗政卿弼為工部尚書壬戌詔曰今率土大同含生遂性兵可立威不可不戢刑可措化不可專行禁衛九

重之餘鎮守四方之外戎旅軍器皆宜停罷武力之子

欽定四庫全書

南北史合注
卷九十七

俱可學文民間甲仗悉皆除毀閏三月丁丑頒木魚符

於總管刺史雌一雄三己卯以吏部尚書蘇威為尚書

右僕射六月乙丑以荊州總管楊素為納言丁卯以吏

部侍郎盧愷為禮部尚書時羣臣咸請封禪詔不許曰

豈可命一將軍除一小國以薄德封名山用虛言干上

帝耶八月壬戌以廣平王雄為司空冬十一月壬辰考

使定州刺史豆盧通等上表請封禪亦不許庚子以右

衛大將軍虞慶則為右武衛大將軍右領軍將軍李安

為右領軍大將軍甲寅降囚徒十二月甲子詔太常卿
牛弘通直散騎常侍許善心祕書丞姚察通直郎虞世
基等議定樂

隋書載詔曰朕清蕩萬方情存古樂鄭衛淫聲魚龍
雜戲樂府之內盡以除之今欲更調律呂改張琴瑟
且妙術精微非因教習工人代掌止傳糟粕不足達
神明之德論天地之和區域之間奇才異議天知神
授何代無之蓋晦迹於非時俟昌言於所好宜可搜訪

欽定四庫全書

南北史合注
卷九十七

速以奏聞庶睹一藝之能共就九成之業 冊府元

龜載是年詔曰朕君臨區宇於斯九載開直言之路
披不諱之心自頃逞議論功昌言乃衆推誠切諫其
事甚疎公卿士庶非所望也各啟至誠輔茲不逮無
或默默退有後言

十年春正月乙未以皇孫昭為河南王楷為華陽王二
月庚申行幸并州

隋書五行志曰帝幸并州宴秦王及王子相帶為四

言詩曰紅顏詎幾玉貌須臾一朝花落白髮難除明
年後歲誰有誰無明子相卒十八年王薨

夏四月辛酉車駕還宮五月乙未詔曰魏末喪亂縣宇
瓜分役軍歲動未遑休息兵士軍人權置坊府南征北
伐居處無定家無完堵地罕芑桑恒流為寓之人竟無
鄉里之號朕甚愍之凡是軍人可悉屬州縣墾田籍帳
一同編戶軍府統領宜依舊式罷山東河南及北方緣
邊之地新置軍府六月辛酉制民年五十免役收庸秋

欽定四庫全書

南北史合注
卷九十七

七月癸卯以納言楊素為內史令庚戌帝親錄囚徒辛
亥高麗遼東郡公高陽卒八月壬申遣柱國韋洸上開
府王景並持節巡撫嶺南百越皆服九月丁酉至自并
州冬十月甲子頒木魚符於京官五品以上十一月辛
卯幸國學頒賜各有差辛丑祀南郊是月婺州人汪文
進會稽人高智慧蘇州人沈玄愴皆舉兵反自稱天子
樂安蔡道人饒州吳世華永嘉沈孝徹泉州王國慶餘
杭楊寶英交趾李春等皆自稱大都督詔內史令楊素討

平之是歲吐谷渾契丹並遣使朝貢

十一年春正月丁酉以平陳所得古器多為妖變悉毀之丙午皇太子妃元氏薨帝舉哀東宮文思殿二月戊午以大將軍蘇孝慈為工部尚書丙子以臨穎令劉曠政績尤異擢莒州刺史辛巳晦日有蝕之夏五月癸卯詔百官悉詣朝堂上封事乙巳以右衛將軍元昊為左衛大將軍秋八月壬申幸粟園滕王瓚薨乙亥至自粟園上柱國沛國公鄭譯卒是歲突厥高麗靺鞨並遣使

欽定四庫全書

南北史合注
卷九十七

朝貢突厥獻七寶盤

十二年春二月己巳以蜀王秀為內史令兼右領軍大將軍以漢王諒為雍州牧右衛大將軍秋七月乙巳尚書右僕射邳公蘇威禮部尚書容城侯盧愷並坐事除名壬申幸昆明池即日還宮己巳享太廟晦日有蝕之八月甲戌制天下死罪諸州不得使決皆令大理覆之乙亥幸龍首池癸巳制宿衛者不得輒離所守丁酉上柱國楚公豆盧勣卒戊戌帝親錄囚徒冬十月丁丑以

遂安王集為衛王壬午祀太廟至太祖神主前帝流涕嗚咽不自勝十一月辛亥祀南郊己未上柱國新義公韓擒虎卒甲子百寮大射於武德殿十二月乙酉以內史令楊素為尚書右僕射是歲突厥吐谷渾靺鞨並遣使朝貢

欽定四庫全書

南北史合注
卷九十七

十三年春正月乙巳上柱國郇公韓建業卒壬子祀感帝己未以信州總管韋世康為吏部尚書壬戌行幸岐州二月丙子詔營仁壽宮丁亥至自岐州己卯立皇孫暕為豫章王戊子晉州刺史南陽郡公賈悉達隰州總管撫寧郡公韓延等以賄伏誅己丑制坐事去官者配防一年丁酉制私家不得隱藏緯候圖讖夏五月癸亥詔禁民間撰集國史臧否人物秋七月丁巳幸昆明池戊辰晦日有蝕之九月丙辰降囚徒庚申封郃公楊綸為滕王冬十一月乙卯上柱國華陰公梁彥光卒是歲契丹奚雷室韋靺鞨並遣使朝貢十四年夏四月乙丑詔曰比命有司總令研究正樂雅

聲詳定已訖宜即施用見行者停民間音樂流僻日久
 棄其舊體競造繁聲流宕不歸遂以成俗宜加禁約務
 存其本五月辛酉京師地震關內諸州旱六月丁卯詔
 省府州縣皆給解田不得治生與民爭利秋七月乙未
 以邳公蘇威為納言八月辛未關中大旱民饑帝率戶
 口就食洛陽并命民山東就食冬閏十月甲寅詔曰梁
 齊陳徃皆創業一方綿歷年代既宗祀廢絕祭奠無主
 興言矜念良以愴然莒國公蕭瑒及高仁英陳叔寶等

欽定四庫全書

南北史合注 卷九十七

宜令以時世修祭祀所須器物有司給之

時帝已先封周族人洛為介國公尹起莘謂獨不及

周誤

乙卯制外官九品以上父母及子年十五不得從之官

十一月壬戌制州縣佐史三年一代不得重任癸未有

星孛於角亢十二月乙未東巡狩

佛藏曰是歲也勅自十年四月以前諸有僧尼私度

者並給額附貫任其出家凡增數十萬人

十五年春正月壬戌車駕次齊州親問疾苦丙寅旅王
 符山庚午以歲旱祀泰山謝咎大赦天下二月丙辰禁
 私家畜兵器闕中緣邊不在其例禁河以東不得乘馬
 丁巳上柱國蔣公梁睿卒三月己未車駕至自東巡望
 祭五嶽海濱丁亥幸仁壽宮夏四月己丑朔大赦甲辰
 以趙州刺史楊遵為工部尚書五月丁亥制京官五品
 以上佩銅魚符六月戊子詔鑿砥柱庚寅相州刺史豆
 盧通貢綾文布命焚於朝堂辛丑詔名山未祀典者

欽定四庫全書

南北史合注 卷九十七

悉命祀之秋七月甲戌遣邳公蘇威巡省江南戊寅至

自仁壽宮辛巳制九品以上官以理去官者並聽執笏

冬十一月辛酉幸温湯乙丑至自温湯十二月戊子敕

盜邊糧一升以上皆斬籍沒其家己丑詔文武官以四

考更代是歲吐谷渾林邑等國並遣使朝貢

十六年春二月丁亥封皇孫裕為平原王筠為安成王

焜為安平王恪為襄城王該為高陽王韶為建安王暉

為潁川王夏六月甲午制工商不得進任并州大蝗辛

盜邊糧一升以上皆斬籍沒其家己丑詔文武官以四考更代是歲吐谷渾林邑等國並遣使朝貢

十六年春二月丁亥封皇孫裕為平原王筠為安成王

疑為安平王恪為襄城王該為高陽王韶為建安王暕

為潁川王夏六月甲午制工商不得進仕并州大蝗辛

丑詔九品以上妻五品以上妾夫亡不得改嫁秋八月

庚戌詔決死罪者三奏方行刑冬十月己丑幸長春宮

十一月壬子至自長春宮

欽定四庫全書

南北史合注 卷九十七

甲

十七年春二月癸未太平公史萬歲伐西寧克之庚寅行幸

仁壽宮庚子上柱國王世積討桂州賊李光任平之三月丙

辰詔諸司屬官有犯聽于律令外斟酌決杖辛酉帝親錄囚

徒癸亥上柱國彭城公劉昶以罪伏誅庚午遣御史柳或皇

甫誕巡省河南北夏四月戊寅頒新曆壬午詔功臣世子世孫

未經州任者量才序用五月庚申宴百寮於玉女泉班

賜各有差己巳蜀王秀來朝閏月己卯羣鹿入殿門馴

擾侍衛內秋七月丁丑桂州人李世賢反遣右武侯大

帝異樂三王殊禮皆隨事有損益因情立節文仰惟祭

享宗廟瞻敬如在罔極之感情深茲日而禮畢并路鼓

吹發音還入宮門金石振響斯則哀樂同日心事相違

宜改茲往式用弘禮教自今享廟日不須備鼓吹殿庭

勿設樂懸辛未京師大索十二月壬子上柱國桂州道

行軍總管魯公虞慶則以罪伏誅

隋書五行志曰大興城西南袁村設佛會有一老翁

白裙襦衣求食而去眾莫識追觀之行二里許不見

欽定四庫全書

南北史合注 卷九十七

甲

但一陂中白魚長丈餘小魚從者無數人爭射之或

弓折弦斷竟中之剖其腹得稗飯始知此魚向老翁

也後數日漕渠水暴溢人皆溺死

吳歲高麗突厥並遣使朝貢

十八年春正月辛丑詔曰吳越之民往承弊俗所在之

處私造大船因相聚結致有侵害江南諸州民間有船

長三丈以上悉括入宮二月甲辰幸仁壽宮乙巳以漢

王諒為行軍元帥水陸三十萬伐高麗夏五月辛亥詔

畜猫鬼盡毒厭魅野道之家投于四裔六月丙寅詔黜高麗王高元官爵秋八月丙子詔京官五品以上總管刺史舉志行脩謹清平幹濟之士九月己丑漢王諒師遇疾疫而旋死者十二三庚寅敕舍客無公驗者坐及刺史縣令辛卯車駕至自仁壽宮冬十一月甲戌帝親錄囚徒癸未祀南郊十二月庚子上柱國夏州總管東萊公王景以罪伏誅是歲自京師至仁壽宮置行宮十所祀宋陳亳曹戴穎等州水詔並免庸調

欽定四庫全書

南北史合注 卷九十七

四十五

十九年春正月癸酉大赦戊寅大射於武德殿二月己亥晉王廣來朝甲寅幸仁壽宮夏四月丁酉突厥利可汗內附達頭可汗犯塞行軍總管史萬歲擊破之六月丁酉以豫章王暕為內史令秋八月癸卯上柱國尚書左僕射齊公高穎坐事免辛亥上柱國皖城公張威卒甲寅上柱國城陽公李徹卒九月乙丑以太常卿牛弘為史部尚書冬十月甲午以突厥利可汗為啟民可汗築大利城處其部落十一月有司言元年己未日漸長

十二月乙未突厥都藍可汗為部下所殺國大亂星隕於勃海

二十年春正月辛酉朔帝幸仁壽宮突厥高麗契丹並遣使朝貢二月丁丑無雲而雷三月辛卯熙州人李英林反遣行軍總管張衡討之夏四月壬戌突厥犯塞以晉王廣為行軍元帥擊破之乙亥天有聲如瀉水自南而北六月丁丑秦王俊薨九月丁未車駕還宮冬十月己未太白晝見乙丑廢皇太子勇及諸子為庶人

欽定四庫全書

南北史合注 卷九十七

四十五

隋書太子勇傳載詔曰太子之位實為國本自古儲副長惡不悛仍令守器皆由情溺寵愛致使宗社傾亡蒼生塗地由此言之天下安危繫乎上嗣豈不重哉皇太子勇地則居長情所鍾愛初登大位即建春宮而性識庸闇仁孝無聞昵近小人委任奸佞前後愆謬難以具舉豈敢以不肖子亂天下勇及其男女為王公主者並可廢為庶人事非獲己良深愧嘆殺柱國太平公史萬歲己巳殺左衛大將軍五原公元

吳十一月戊子立晉王廣為皇太子天下地震京城大風雪十二月戊午詔東宮官屬於皇太子不稱臣辛巳詔毀壞偷盜佛及天尊像嶽鎮海瀆神形者以不道論沙門壞佛像道士壞天尊像以惡逆論

仁壽元年春正月乙酉朔大赦改元以尚書右僕射楊素為左僕射以納言蘇威為右僕射丁酉徙河南王昭為晉王突厥寇恒安遣柱國韓洪擊之敗績以晉王昭為內史令辛丑詔曰君子立身雖云百行惟誠與孝最

欽定四庫全書

南北史合注
卷九十七

四

為其首故投生殉節自古稱難殞身王事禮加二等而世俗之徒不達大義致命戎旅不入兆域興言念此每深愍歎且入廟祭祀並不廢闕何止墳塋獨在其外自今戰亡之徒宜入墓域二月乙卯朔日有蝕之夏五月己丑突厥男女九萬餘口來降壬辰驟雨震雷大風拔木宜君湫水移於始平六月乙卯遣十六使巡省風俗乙丑廢太學及州縣學唯留國子一學取正三品以上子七十二人充生

隋書載詔曰儒學之道訓教生人朕撫臨天下思弘德教延集學徒崇建庠序開進仕之路佇賢雋之人而國學胄子垂將千數州縣諸生咸亦不少徒有名錄空度歲時未有德為代範才任國用良由設學之理多而未精今宜簡省明加獎勵於是國子學唯留學生七十人太學四門及州縣學並廢

頒舍利於諸州秋七月戊戌改國子為太學

隋書五行志載是年十月蘭州楊樹上松生高三尺

欽定四庫全書

南北史合注
卷九十七

五

六節十二枝

十一月己丑祀南郊十二月楊素擊突厥大破之二年春三月己亥帝幸仁壽宮夏四月庚戌岐雍二州地震秋七月丙戌詔內外官各舉所知八月己巳皇后獨孤氏崩九月丙戌車駕還宮壬辰河南北諸州大水遣工部尚書楊達賑恤之乙未上柱國袁州總管金水公周搖卒隴西地震冬十月壬子曲赦益州管内癸丑以工部尚書楊達為納言閏月甲申詔尚書左僕射楊

素與諸術者判定陰陽舛謬已丑詔楊素右僕射蘇威
吏部尚書牛弘內史侍郎薛道衡祕書丞許善心內史
舍人虞世基著作郎王劼等脩定五禮

隋書載詔曰禮之為用時義大矣黃琮蒼璧降天地
之神燄盛牲食展宗廟之敬正父子君臣之序明婚
姻喪紀之節故道德仁義非禮不成安上治民莫善
於禮自區宇亂離綿歷年代王道衰而變風作微言
絕而大義乖與代推移其弊日甚至於四時郊祀之

欽定四庫全書

南北史合注
卷九十七

五

節文五服麻葛之隆殺是非異說踏駭殊塗致使聖
教凋訕輕重無准朕當澆滌之時屬干戈之代刪正
彙典日不暇給今四海又安五戎勿用理宜弘風訓
俗導德齊禮綴往聖舊章興先生茂則尚書左僕射
越國公楊素尚書右僕射邳國公蘇威吏部尚書奇
章公牛弘內史侍郎薛道衡祕書丞許善心內史舍
人虞世基著作郎王劼或任居端揆博達古今或罷
推今望學綜經史委以裁緝實允僉議可並脩定五

禮

壬寅葬獻皇后於太陵十二月癸巳益州總管蜀王秀
有罪廢為庶人交州人李佛子舉兵反遣行軍總管劉
方討平之三年春二月戊子以大將軍蔡陽郡公姚辨
為左武侯大將軍夏五月癸卯詔曰哀哀父母生我劬
勞但風樹不靜嚴敬莫追霜露既降感思徒切六月十
三日是朕生日其日令海內為武元皇帝元明皇后斷
屠六月甲午詔曰禮云親以暮斷蓋以四時之變易萬

欽定四庫全書

南北史合注
卷九十七

五

物之更始故聖人象之其有三年加隆爾也但家無二
尊母為厭降是以父在喪母還服於暮者服之正也豈
容暮內而更小祥然三年之喪而有小祥者禮云暮祭
禮也暮而降喪道也以是之故雖未再暮而天地一變
不可不祭不可不除故有練馬以存喪祭之本然暮喪
有練於理未安雖云十一月而練乃無所法象非暮非
時豈可除祭而儒者徒擬三年之喪立練禫之節可謂
苟存其變而失其本欲漸於奪但薄於喪致使子則冠

欽定四庫全書

南北文合注
卷九十七

四

練去經黃裏綿緣經則布葛在躬麤服未敢豈非經哀
尚存子情已奪親疎失倫輕重顛倒乃不順人情豈聖
人之意故知先聖之禮廢于人邪三年之喪尚有不行
者至于祥練之節安能不墜禮云父母之喪無貴賤一
也而大夫士之喪父母乃貴賤異服然則禮壞樂崩由
來漸矣所以晏平仲斬麤練其老謂之非禮滕文公服
三年其臣咸所不欲蓋由王道既衰諸侯異政將踰越
法度惡禮制害已乃滅去篇籍自制其宜遂至骨肉之
恩輕重從俗無易之道隆殺任情夫禮不從天降不從
地出由人而已謂情緣於恩也故恩厚者禮隆情輕者
禮薄聖人以此稱情立文別親疎貴賤之節自臣子道
消上下失序莫大之恩遂情而簿莫重之化與時而殺
此乃服不稱喪容不稱服非聖人緣恩表情制禮之義
然喪與其易也寧戚則禮之本也禮有其餘未若於哀
則情之實也今十一月而練非禮之本非情之實由是
言之父在喪母不宜有練但依禮十三月而祥月中而

欽定四庫全書

南北文合注
卷九十七

四

禪庶合聖人之意達人子之心秋七月丁卯詔州縣搜揚
賢哲皆取明知古今通識安危究政教之本達禮樂之
源不限多少不得不舉徵台將送必須以禮
隋書載詔曰日往月來唯天所以運序山鎮川流唯
地所以宣氣故能成天地大德育萬物為功况一人
君四海獨見致治不藉羣才未之有也是以唐堯欽
明命義和居嶽虞舜睿德升元凱作相此則鳴鶴在
陰其子必和風雲之從龍虎賢哲之應聖明德不回
臣道以正故能通天地之和順陰陽之序自王道衰
民風簿上莫能公道以御物下必踵私法以希時上
下相蒙君臣義失則政乖政乖則人困蓋同德之風
難嗣離德之軌易追則任者不休休者不任是以行
歌避代辭位灌園卷而可懷黜而勿愠放逐江湖之
上沉赴河海之流至於閭巷秀異之士鄉曲博雅之
儒言足佐時行足勵俗遺棄於草野埋滅而無聞所
以覽古而歎息也方今區宇一家實乃天意朕夙夜

祇懼日慎一日兆庶未康一物失所雖求傳巖莫見
幽人徒相崆峒未聞至道唯恐喬歌長夜抱關夷門
遠跡犬羊之間屈身僮僕之伍其令州縣搜訪賢哲
皆取明知古今通識治亂究政教之本達禮樂之原
不限多少不得不舉限以三旬咸令進路徵召將送
必須以禮

八月壬申上柱國檢校幽州總管落藜公燕榮以罪伏
誅九月壬戌置常平倉甲子以營州總管韋冲為戶部

欽定四庫全書

南北史合注
卷九十七

尚書十二月癸酉河南諸州水遣納言楊達賑恤之

四年春正月丙辰大赦甲子帝幸仁壽宮夏四月乙卯
帝不豫六月庚午大赦有星八月中數日而退長人見
鴈門秋七月乙未日青無光八日乃復甲辰帝疾甚卧
於仁壽宮與百寮辭訣握手歔歔丁未太子廣弒帝崩
于大寶殿

趙毅大業畧記曰煬帝聞高祖欲召太子勇呼楊素
張衡進毒藥又簡驍健宮奴三十人皆服婦人衣衣

下置仗立於門巷間為衛素等既入高祖暴崩馬總
通厯曰張衡入拉高祖血濺御屏寃痛之聲聞外兩
說未知孰是

時年六十四詔曰嗟乎自晉室播遷天下分裂以至周
齊戰爭相尋上天降監授命於朕撥亂反正天下大同
所以味且臨朝不敢逸豫一日萬幾留心親覽匪曰朕
躬蓋為百姓故也王公卿士每日闕庭刺史以下歲時
朝集何嘗不罄竭心腑誠刺殷勤義乃君臣情兼父子

欽定四庫全書

南北史合注
卷九十七

庶藉百寮之習安率土之民不謂遘疾彌留至於大漸
但四海百姓衣食不豐教化政形猶未盡洽與言念此
唯以留恨朕今踰六十不復稱天但筋力精神一時勞
竭欲安養百姓所以致此人生子孫誰不念愛既為天
下事須割情勇及秀等並懷悖惡既無臣子之心所以
黜廢古人有云知臣莫若君知子莫若父今勇秀得志
共理家國亦當戮辱遍公卿酷毒流民庶今惡子孫已
為百姓黜屏好子孫足堪負荷大業此雖朕家事理不

容隱皇太子廣地居上嗣堪承朕志內外同心共安天下朕雖瞑目何所復恨國家大事不可恨以常禮既葬公除行之自昔今宜遵用不勞改定凶禮所須纔令周事務從險約不得勞人諸州總管刺史以下宜率其職不須奔赴自古哲王因人作法前帝後帝沿革隨時律令格式有不便於事者宜依前脩改務當以政要嗚呼敬之哉無墜朕命乙卯發喪河間楊柳四株無故黃落既而花葉復生八月丁卯梓宮至自仁壽宮丙子殯於

欽定四庫全書

南北史合注
卷九十七

大興前殿謚曰文皇帝廟號高祖十月乙卯葬太陵

宋揮塵錄曰太祖乾德四年詔置三戶歲一饗以太

宰

同墳異穴士庶赴墓者皆聽入視陵內帝性嚴重有威容外質木而內明敏有大略得政之始羣情不附諸子幼弱內有六王之謀外致三方之亂握強兵居重鎮者皆周之舊臣帝推以赤心各盡其用不踰朞月起定三邊未及十年平一四海薄賦輕刑內脩制度外撫戎夷

每旦聽朝日昃忘倦居處服翫務存節儉令行禁止上下化之開皇仁壽間丈夫不衣綾綺無金玉之飾常服率多布帛裝帶不過銅鐵骨角而已雖嗇於財賞賜有功亦無所愛惜

隋書食貨志曰帝躬履儉約六宮咸服澣濯之衣乘輿供御有故敝者隨令補用皆不改作非宴享事所食不過一肉有司嘗進香用毳袋笞所司戒後由是內外率職府帑充實百官祿賜及賞功臣皆出豐厚

欽定四庫全書

南北史合注
卷九十七

九年陳平親御朱雀門因行慶賞自門外夾道列金帛之積達於南郭以次頒給所費三百餘萬段給復江表十年諸州並免當年租賦十年五月又以宇內無事益寬徭賦十二年有司上言庫藏皆滿帝曰朕薄賦於人又大經賜用何得爾也對曰用處常出納處常入乃更闢左藏院構屋受之下詔曰既富而教方知廉耻寧積於人無藏府庫河北河東今年田租三分減一兵減半庸調全免

於是執武庫令及諸受遺者出開遠門外親自臨決死者數十人又往往潛令賄遺令史府史受者必死議者以此少之

資治通鑑曰帝晚節用法者峻御史於元日不勅武官衣劔不齊者帝曰爾為御史縱捨自由命殺之諫議大夫毛思祖諫又殺之將作寺丞以課麥類遲晚武庫令以署庭荒蕪左右出使或授牧宰馬鞭鷄鵠帝察知並親臨斬之帝既喜怒不恒不依科律信任

欽定四庫全書

南北史合注
卷九十七

五十四

楊素素復任情不平與鴻臚少卿陳延有隙嘗經蕃客館庭中有馬屎又蕃僕於氈上擣捕以白帝帝大怒主客令及擣捕者皆杖殺之極陳延幾死帝遣親衛大都督長安屈突通往隴西檢覆羣牧得隱匿馬二萬餘匹帝大怒將斬太僕卿慕容悉達及諸監官千五百人通諫曰人命至重陛下奈何以畜產故殺千有餘人命帝感寤曰朕不明至此賴卿忠言耳悉達等皆減死論擢通左武侯將軍

隋書刑法志曰帝尚慘急而奸回不止京師白日公行劫盜命盜一錢以上皆棄市此後又定制行署取一錢以上聞見不告言者罪至死自此四人共盜一椽楠三人同竊一瓜事發即決有數人劫執事謂之曰吾豈求財者為枉人來耳而為我奏至尊自古體國立法未有盜一錢即死者而不為我上聞吾更來而屬無遺類矣帝聞為停此法

論曰文帝樹基立本積德累仁

欽定四庫全書

南北史合注
卷九十七

五十五

二語不切不如用隋書龍德在田奇表見異二語徒以外戚之尊受託孤之任與能之議未為所許是以周室舊臣咸懷憤慨既而王謙固三蜀之阻不踰期月尉遲迴舉全齊之衆一戰而亡非止人謀抑亦天贊乘茲機運遂遷周鼎于時蠻夷猾夏荆揚未一劬勞日昃經營四方樓船南邁則金陵失險驃騎北指則單于款塞職方所載並入疆理禹貢所圖咸受正朔雖晉武克平兵會漢宣推亡固存不能尚也七德既敷九歌已洽

尉侯無警遐邇肅清於是躬節儉平徃賦倉廩實法令

行君子樂生小人安業強不凌弱衆不暴寡民物殷阜

朝野歡娛自開皇二十年間天下無事區宇晏如也但

素無術業不能盡下無寬仁之度有刻薄之資暨手暮

年此風愈扇又雅好瑞符暗於大道建彼維城權侂京

室皆同帝制靡所適從聽妬婦之言惑邪臣之說溺寵

廢嫡託付失所滅父子之道開昆弟之隙縱其尋斧剪

伐本根墳土未乾子孫繼踵為戮松檟纒列天下已非

欽定四庫全書

南北史合注
卷九十七

五十六

隋有惜哉迹其衰怠之源稽其亂亡之兆起自文皇成
于煬帝所由來遠矣不紀忽諸未為不幸也

南北史合注卷九十七

欽定四庫全書

南北史合注卷九十八

明 李清 撰

隋本紀下第十二

北史十二

煬皇帝

東恭帝先諡為世祖明皇帝從煬不從明者從實也
諱廣一名英小字阿摩高祖第二子母獨孤后美姿儀
少敏慧高祖及后於諸子中特所鍾愛在周以高祖熟

欽定四庫全書

南北史合注
卷九十八

封鴈門郡公開皇元年立為晉王拜柱國州并總管時
年十三尋授武衛大將軍進上柱國河北道行臺尚書
令大將軍如故高祖令項城公歆安道公才李徹輔導
之王好學善屬文沈深嚴重高祖密令善相者來和徧
視諸子和曰晉王眉上雙骨隆起貴不可言繼而高祖
幸王所居第見樂器絃多斷絕又有塵埃若不用者以
為不好聲妓王尤自矯飾當時稱為仁孝嘗觀獵遇雨
左右進雨衣王曰士卒皆霑濕我獨衣此乎乃令持去

六年轉淮南道行臺尚書令其年徵拜雍州牧內史令八年冬大舉伐陳以王為行軍元帥

煬帝集載王檄曰我大隋之有天下也惟彼江表獨

阻皇風夫物極則返否終斯泰郭璞有云年經三百

天下大同乃欲以區區之陳違上天冥數慕不可存

一也彼恃長江舟楫矜其夙習而我據上游鼓柂之

能吳楚不異高疆巨舫東西萬里况彼之兵士不過

十萬首尾分布所在危急守以時月則魚爛土崩接

欽定四庫全書

南北史合注 卷九十八

三

以鋒刃則鳥驚鹿走理在必然不暇枚卜慕不可存

二也豐侯好酒實喪厥邦梁伯役民潰其宗社偽主

覆車是襲日夜沈湎繕造宮室莫知窮已寶衣玉食

墳積後宮短褐粗糲不充編戶慕不可存三也偽主

忌能護短酷法淫刑骨鯁之臣盡見疎斥諫諍之士

皆被屠害遠邇結舌衣冠解體慕不可存四也以此

小邦攝於大國累其十二方此未危而長惡益甚縱

毒彌深帝乃憫然矜彼黎庶授鉞推轂弔民伐罪惟

廢偽主自餘士庶皆從肆青若膠柱不移率其蟻衆

敢抗王師軍有常刑禍不旋踵悔無及矣宜早圖之

廣白 愚按廣之此檄乃他年所以自檄故節存之

及陳平執陳湘州刺史施文慶散騎常侍沈客卿市令

湯慧朗刑法監徐析尚書都令史暨慧以其邪佞有害

於民斬之石闕下以謝三吳於是封府庫資財無所取

天下稱賢進位太尉賜路車乘馬充冕之服玄圭白璧

各一雙拜并州總管俄江南高智慧等聚衆作亂徙王

欽定四庫全書

南北史合注 卷九十八

三

為揚州總管鎮江都每歲一朝高祖祠泰山領武侯大

將軍明年歸藩後數載突厥寇邊復為行軍元帥出靈

武無鹵而旋及太子勇廢立王為皇太子是月當受冊

高祖曰吾以大興公成帝業令王出舍大興其夜烈風

大雪地震山崩民舍多壞壓死者百餘口仁壽初奉詔

巡撫東南是夜高祖每避暑仁壽宮恒令王監國四年

七月高祖遇弒王即皇帝位於仁壽宮八月奉梓宮還

京師并州總管漢王諒舉兵詔尚書左僕射楊素討平

之九月乙巳以備身將軍崔彭為左領軍大將軍十一月乙未幸洛陽丙申發丁男十數萬掘塹自龍門東接長平汲郡抵臨清開渡河至浚儀襄城達於上洛以置關防癸丑詔曰朕聞姬邑兩周如武王之意殷人五徙成湯后之業雒邑自古之都王畿之內天地所合陰陽所和控以三河固以四塞水陸通貢賦等故漢祖曰吾行天下多矣唯見雒陽自古皇王何嘗不留意所不都者或九州未一或因其府庫作雒之制所以未暇我有

欽定四庫全書

南北史合注
卷九十八

隋之始便欲創茲懷雒日復一日越暨于今朕肅膺寶歷纂臨萬邦遵而不失心奉先志今者漢王諒悖逆毒被山東遂令州縣或淪非所由關河懸遠兵不赴急加以并州移戶復在河南周遷殷民意在於此况復南服遐遠東夏殷大因機順動今也其時羣司百辟僉諧厥議但成周墟塉弗堪胥宇今可於伊維營建東京便即設官分職以為民極夫宮室之制本以便生民豈謂瑤臺瓊室方為宮殿土階采椽而非帝王者乎今所營構

務從儉約無令雕牆峻宇復起於當今欲使卑宮菲食將貽於後世有司明為條格稱朕意焉十二月乙丑以右武衛將軍來護兒為右驍衛大將軍戊辰以柱國李景為右武衛大將軍以右衛率周羅暉為右武侯大將軍

大業元年

隋書五行志曰識者謂離合其字為大苦尋天下喪亂率土遭酷

欽定四庫全書

南北史合注
卷九十八

春正月壬辰朔大赦改元立妃蕭氏為皇后改豫州為溱州洛州為豫州廢諸州總管府丙申立晉王昭為皇太子丁酉以上柱國宇文述為左衛大將軍己亥以豫章王暕為豫州牧戊申發八使巡省風俗下詔曰昔者哲王治天下其在愛民乎既富而教家給人足遠至邇安治定功成率由斯道朕恭嗣寶位聿遵先緒永言政術多有缺然况以四海之遠兆民之衆未獲親臨問其疾苦每慮幽晁莫舉冤屈不申一物失所致傷和氣所

以興寤增歎而夕惕載懷者也布政為始宜存寬大可
分遣使人巡省方俗宣揚風化荐拔淹滯申達幽枉孝
悌力田給以優復鰥寡孤獨不能自存者量加賑濟義
夫節婦旌表門閭高年之老加其板職並依別條賜以
粟帛篤疾之徒給侍丁者雖有侍養之名曾無調贍之
實明加檢校使得存養若有名行顯著操履修潔及學
業才能一藝可取咸宜訪採將身入朝所在州縣以禮
發遣其蠹政害民不便於時者使還之日具錄奏聞已

欽定四庫全書

南北史合注
卷九十八

西以吳州總管宇文弼為刑部尚書二月己卯以尚書
左僕射楊素為尚書令三月丁未詔尚書令楊素納言
楊達將作大匠宇文愷管建東京徙豫州郭下居民實
之

隋書食貨志曰每月役丁三百萬人命黃門侍郎王
弘上儀同于士澄採大木於江南諸州引至東都所
經州縣遞送往返首尾相屬千里不絕而東都役使
促迫而死者十四五每月載死丁東至城皋北至河

陽車相望於道

戊申詔曰聽採輿論謀及庶民故能審政刑得失是知
昧且思治欲使幽枉必達彛倫有章而牧宰苟能僥倖
以求考課虛立殿最不存理實綱紀罔理寃屈莫申關
河重阻無由自達朕故建立東京躬親存問今將存歷
淮海觀省風俗眷求讜言徒繁詞翰而鄉校之內闕爾
無聞恇然夕惕用勞興寢其民下有知州縣官人政治
苛刻侵害百姓背公徇私不便於民者聽詣朝堂封奏

欽定四庫全書

南北史合注
卷九十八

庶乎四聽以達天下無寃又於阜澗營顯仁宮
隋書食貨志曰顯仁宮苑園連接北至新安南及飛
山西至澠池周圍數百里

採海內奇珍異獸草木之類以實園苑徙天下富商大
賈數萬家於東京辛亥發河南諸郡男女七百萬開通
濟渠自西苑引穀洛水達於河自板渚引河通於淮
隋書食貨志曰謂之御河河畔築御道樹以柳杜
寶大業雜記曰苑內造山為海周十餘里水源數丈

中有方丈蓬萊瀛洲諸山各相去三百步山高出水百餘尺

庚申遣黃門侍郎王弘上儀同于士澄往江南採木造龍舟計鳳舳黃龍赤艦樓船等數萬艘夏四月癸亥大將軍劉仲方擊林邑破之五月庚戌戶部尚書義豐侯韋沖卒六月甲子熒惑入太微秋七月丁酉制戰亡家給復十年丙午滕王綸衛王集並奪爵徙邊閏七月甲子以尚書令楊素為太子太師安德王雄為太子太傅

欽定四庫全書

南北史合注
卷九十八

河間王弘為太子太保丙子詔曰君民建國教學為先而言絕義乖多歷年代雖復黷宇時建示同愛禮函文或陳殆為虛器遂使紆青拖紫非以學優製錦操刀類多牆面雅缺道消實由於此方今區宇平一文軌攸同十步之內必有芳草四海之中豈無孝秀諸在家及見入學者若有篤志好古耽典悅禮學行優敏堪膺時務所在採訪具以名聞即當隨其器能擢以不次若研精經術未願仕進可依其藝業深淺門蔭高卑雖未升朝

並量準給祿庶恂恂善誘不日成器其國子等學亦宜申明舊制教習生徒其為課試之法以盡砥礪之道八月壬寅帝御龍舟幸江都以左武衛大將軍郭衍為前軍右武衛大將軍李景為後軍文武官五品以上給樓船九品以上給黃篋舳舻相接二百餘里

隋書食貨志曰募諸水工謂之殿脚衣錦行滕執青絲纜挽舟以幸江都所經州縣並令供頓獻食豐者加官爵乏者譴至死 資治通鑑曰龍舟四重高四

欽定四庫全書

南北史合注
卷九十八

十五尺長二百尺上重有正殿內殿東西朝堂中二重有百二十房皆飾以金玉下重內侍處之皇后乘翔螭舟制度差小而妝飾無異別有浮景九艘三重皆水殿也又有漾彩朱鳥蒼螭白虎玄武飛翔青鳧陵波五樓道場玄壇樓船板楫黃篋等數千艘後宮諸王公主百官僧尼道士蕃客乘之及載內外百官供奉之物共用挽船士八萬餘人其挽漾彩以上者九千餘人謂之船脚皆以錦綵為袍又有平乘青龍

蒙撞艘艘八檣艇舸等數千艘並十二衛兵乘之並載兵器帳幕兵士自引不給夫舳艫相接二百餘里照耀川陸騎兵翊兩岸而行旌旗蔽野所過州縣五百里內皆令獻食多者一州至百舉極水陸奇珍後官厭飫將發之際多棄埋之

冬十月己丑赦江淮已南揚州給復五年舊總管內給復三年十一月己未以大將軍崔仲方為禮部尚書

冒夢齡龍語曰是年也鴈門人房四安母年百歲首

欽定四庫全書

南北史合注 卷九十八

生角長二寸

二年春正月辛酉東京成

杜寶大業雜記曰東京成徙都之其宮北據邛山南

直伊闕之口洛水貫都有河漢之象其宮室臺殿皆

宇文愷所創愷巧思絕倫制造頗窮奢麗前代都邑

莫比

賜監督者有差以大理卿梁毗為刑部尚書丁卯遣十

使併省州縣二月丙戌詔尚書令楊素吏部尚書牛弘

大將軍宇文愷內史侍郎虞世基禮部侍郎許善心制定輿服始備輦輅及五時副車

大業雜記曰輦路輿車並朱絲碧油網絡裝以金玉填以雜寶珠璫紅翠極天下奇巧文物羽儀書記未

有

帝常服皮弁十有二珥文官皮服佩玉五品已上給犢車通幃三公親王加油絡武官巾幘袴褶三品已上給爬梁下至吏胥服色各有差非庶人不得戎服戎置

欽定四庫全書

南北史合注 卷九十八

都尉官三月庚午車駕發江都先是太府少卿何稠太

府丞雲定與盛修儀仗於是課州縣送羽毛百姓求捕

之網羅被水陸禽獸有堪斃耗之用者殆無遺類

隋書禮志曰是年翟雉尾一直十縑白鷩鮮半之

資治通鑑曰烏程有高樹踰無附枝上有鶴巢民欲

取之不可上乃伐其根鶴恐殺其子自拔斃毛投地

時人語曰天子造羽儀羣鳥自獻羽

至是成夏四月庚戌帝自伊闕陳法駕備千乘萬騎入

於東京辛亥帝御端門大赦天下免今年租賦癸丑以冀州刺史楊文思為民部尚書五月甲寅金紫光祿大夫兵部尚書李通坐事免乙卯詔曰旌表先哲式在饗祀所以優禮賢能顯彰遺愛朕永鑒前修尚想名德何嘗不興歎九原屬懷君子其自古以來賢人君子有能樹聲立德佐世匡時博利殊切有益於民者並宜管祠字以時致祭墳壟之處不得侵踐有司量為條式稱朕意焉六月壬子以尚書令太子太師楊素為司徒進封

欽定四庫全書

南北史合注
卷九十八

三

豫章王暕為齊王秋七月癸丑以衛尉卿衛玄為工部尚書庚申制百官不得計考增級必有德行功能灼然顯著者擢之壬戌擢藩邸舊臣鮮于羅等二十七人官爵有差甲戌皇太子昭薨乙亥上柱國司徒楚國公楊素卒八月辛卯封皇孫佖為燕王侗為越王侑為代王九月乙丑立秦王俊子浩為秦王冬十月戊子以靈州刺史段文振為兵部尚書十二月庚寅詔曰前代帝王因時創業君民建國禮尊南面而歷運推移年代永久

丘壘殘毀樵牧相趨塋兆埋蕪封樹莫辨興言淪滅有愴於懷自古以來帝王陵墓可給隨近十戶蠲其雜役以供守視

杜祐通典曰是冬置洛口回洛倉此外諸倉儲粟多者千萬石少者數百石天下義倉又皆充滿京都及并州庫布粟各數千萬魏晉以降未有

三年春正月癸亥敕并州逆人已流配而逃亡者所獲之處即宜斬決丙子長星竟天出於東壁二旬而止是

欽定四庫全書

南北史合注
卷九十八

三

月武陽郡士言河水清二月巳丑彗星見於東井文昌歷大陵五軍北河入太微掃帝座前後百餘日而止三月辛亥車駕還京師壬子以大將軍姚辨為左衛將軍癸丑遣羽騎朱寬使於流求國乙卯河間王弘薨夏四月庚辰詔曰古者帝王觀風俗所以憂勤兆庶安集遐荒自蕃夷內附未遑親撫山東經亂復加存恤今欲安集河北巡省趙魏所司依式甲申頒律令大赦天下關內給復三年壬辰改州為郡改度量衡並依古式改上

柱國以下官為大夫甲午詔曰天下之重非獨理所安周稱多士漢號得人尚想前風載懷欽佇朕引領巖谷寘行周行冀興羣才共康庶績而彙茅寂寞投竿罕至豈美璞韜米未值良工將介石在懷確乎難拔永鑒前哲憮然興懷凡厥在位譬諸股肱若濟巨川義同舟楫豈得保茲寵祿晦爾所知優游卒歲甚無謂也初大夫舉善良史以為至公臧文仲蔽賢尼父譏其竊位宜思進善用匡寡薄夫孝悌有聞人倫之本德行敦實立身

欽定四庫全書

南北史合注
卷九十八

四

之基或節義可稱或操履清潔所以激貪厲俗有益風化強毅正直執憲不撓學業優敏文才美秀並廟廊之用寶瑚璉之資才堪將畧則拔以禦侮力有驍壯則任以爪牙爰及一藝可取亦宜採錄若眾善畢舉與時無棄以此求理庶幾非遠文武有職事者五品已上宜依令十科舉人有一於此不必求備朕當待以不次隨才升用其見任九品已上官不在舉送之列丙申車駕北巡狩丁酉以刑部尚書宇文弼為禮部尚書戊戌敕百

司不得踐暴禾稼其有須開為路者有司計地所收即以近倉酬賜務從優厚己亥至赤岸澤以太牢祭故太師李穆墓五月丁巳突厥啟民可汗遣子拓特勒來朝戊午發河北十餘郡丁男自太行山達於并州以通馳道丙午啟民可汗遣其兄子毗黎伽特勒來朝辛酉啟民可汗請自入塞奉迎與駕帝不許癸酉有星孛於文昌上將星皆動搖六月辛巳獵於連谷丁亥詔曰聿追孝饗德莫至焉崇建寢廟禮之大者然則質文異代損

欽定四庫全書

南北史合注
卷九十八

十五

益殊時學滅坑焚經典散逸憲章湮墜廟堂制度師說不同所以世數多矣莫能是正連室異宮亦無定準朕欽承景運冀隆大典於是詢謀在位博訪儒術咸以為文皇帝受天明命恤獄緩刑輕徭薄賦芟夷宇宙混壹車書東漸西被無思不服南征北怨俱荷來蘇駕羸乘風歷代所弗至辨髮左社聲教所罕及莫不厥角闕塞頓頽闕庭猗歟偉歟無得而名者也朕又聞之德厚者流光理辨者禮縟是以周之文武漢之高光典章特立

謚號斯重豈非緣情稱述即崇顯之義乎文皇帝宜別建廟宇以彰巍巍之德仍遵月祭用表蒸蒸之懷有司以時創造務合典制又名位既殊禮亦異等天子七廟事著前經諸侯二昭義有差降故知以多為貴王者之禮今可依用貽厥後昆戊子次榆林郡丁酉啟民可汗來朝甲辰帝御北樓觀漁於河以宴百寮秋七月辛亥啟民可汗上表請變服襲冠帶詔啟民贊拜不名在諸侯王上甲寅帝於郡城東御大帳其下倜儀衛建旌旗

欽定四庫全書

南北史合注
卷九十八

十一

宴啟民及其部落三千五百人奏百戲之樂賜啟民及其部落各有差丙子殺光祿大夫賀若弼禮部尚書宇文弼太常卿高顯尚書左僕射蘇威坐事免發丁男百餘萬築長城西距榆林東至紫河綿亘千餘里二旬而罷死者十五六八月壬午車駕發榆林乙酉啟民飾廬清道以侯乘輿帝幸其帳啟民奉觴上壽宴賜極厚帝謂高麗使者曰歸語而王當早來朝見不然者吾與啟民巡彼土矣皇后亦幸義城公主帳己丑啟民可汗歸

蓄癸巳入樓煩關壬寅次太原詔營晉陽宮九月己未次濟源幸御史大夫張衡宅宴飲極歡己巳至東都壬申以齊王暕為河南尹開府儀同三司癸酉以戶部尚書楊文思為納言是歲吐谷渾高昌並遣使朝貢四年春正月乙巳詔發河北諸郡男女百餘萬開永濟渠引沁水南達於河北通涿郡

隋書食貨志曰自是男丁不供始以婦人從役

庚戌百寮大射於允武殿丁卯賜城內居民米各十石

欽定四庫全書

南北史合注
卷九十八

十二

壬申以太府卿元壽為內史令鴻臚卿楊玄感為禮部尚書癸酉以工部尚書衛玄為右武侯大將軍大理卿長孫熾為戶部尚書二月己卯遣司朝謁者崔殺使突厥處羅致汗血馬三月辛酉以將作大匠宇文愷為工部尚書乙丑車駕幸五原因出塞巡長城

資治通鑑曰行宮設大合板城載以槍車每頓舍則外其轅為外圍內布鈇菱次施弩牀以繩連機有人觸繩則弩機旋轉向所觸發

丙寅遣屯田主事常駿使赤土致羅罽夏四月丙午以
離石之汾源臨泉鴈門之秀容為樓煩郡起汾陽宮

資治通鑑曰帝無日不治宮室兩京及江都園圍亭

殿雖多久而愈厭每遊幸左右顧盼無可意者不知

所適乃脩青天下山川園躬自歷覽詔於汾州之北

汾水之源營汾陽宮

癸丑以河內太守張定和為左屯衛大將軍乙卯詔曰

突厥啟民可汗率領部落保附關塞頻入謁見屢有陳

欽定四庫全書

南北史合注
卷九十八

請以氈牆毳幕事窮荒陋上棟下宇願同此屋誠心懇

切朕之所重宜於萬壽成置城造屋其帷帳床褥以上

隨事量給務從優厚稱朕意焉五月壬申蜀郡獲三足

烏張掖獲玄狐各一秋七月辛巳發丁男二十餘萬築

長城自榆林而東乙未左翊衛大將軍宇文述破吐谷

渾於曼頭赤水八月辛酉親祠恒岳河北道郡守畢集

大赦天下車駕所經郡縣免一年租調九月辛未徵天

下鷹師悉集東京至者萬餘人戊寅彗星出五車掃文

昌至房而減辛巳詔免長城役者一年租賦冬十月丙

午詔曰先師尼父聖德在躬蘊茲素王而頽山之歎忽

踰千祀盛德之美不在百代永惟懿範宜有優崇可立

孔子後為紹聖侯有司求其苗裔以聞辛亥詔曰昔周

王下車首封唐虞之胤漢帝承歷亦命殷周之後皆所

以褒立先代憲章在昔朕嗣膺景業傍求雅訓有一弘

益欽若令典以為周兼夏殷文質大備漢有天下車書

混一魏晉沿襲風流未遠並宜立後以存繼絕之義有

欽定四庫全書

南北史合注
卷九十八

司可求其胄緒列聞乙卯頒新式於天下是歲百濟倭

迦羅舍國並遣使朝貢

五年春正月丙子改東京為東都癸未詔天下均田戊

子自東都還京師已丑制民間鐵叉搭鈎積刃之類皆

禁絕之太守每歲密上屬官政迹二月戊戌次闕鄉詔

祭古帝王陵及開皇功臣墓庚子制魏周官不得為蔭

戊申車駕至京師丙辰宴者舊四百人於武德殿頒賜

各有差已未帝御崇德殿之西院愀然不悅顧謂左右

曰此先帝所居實用增感情所未安於此院西別營一殿壬戌制父母聽隨子之官三月己巳車駕西巡河右庚午有司言武功男子史永遵與從父昆弟同居帝嘉之賜物一百段米二百石表其門閭乙亥幸扶風舊宅

夏四月己亥大獵於隴西乙巳次狄道癸亥出臨津關度黃河至西平陳兵講武五月乙亥帝大獵於延山長圍周亘二千里庚辰入長寧谷壬午度星嶺甲辰宴羣臣於金山之上丙戌梁浩疊御馬度而橋壞斬朝散大

欽定四庫全書

南北史合注 卷九十八

五

夫黃亘及督役者九人吐谷渾主率眾保覆索州帝分命內史元壽南屯金山兵部尚書段文振北屯雪山太僕卿楊義臣東屯琵琶峽將軍張壽西屯泥嶺四面圍之吐谷渾主伏允以數十騎遁遣其名王詐稱伏允保車拔真山士辰詔右屯衛大將軍張定和往捕之定和挺身挑戰為賊所殺亞將柳武建擊破之斬首數百級甲午其仙頭王窮蹙率男女十餘萬口來降

資治通鑑載帝謂侍臣曰自古天子有巡狩禮而江

東諸主傳脂粉坐深宮不與百姓相見此何禮也六月丁酉建左光祿大夫梁默右翊衛將軍李瓊等追吐谷渾主皆遇賊死之癸卯經大斗拔谷山路隘險魚貫而出風霰晦冥與後宮相失

資治通鑑曰妃主後宮狼狽相失與軍士雜宿山間士卒凍死者大半丙午次張掖辛亥諸諸郡學業該通才藝優洽膂力驍壯超絕等倫在官勤奮堪理政事立性正直不避強禦四科舉人壬子高昌王麴伯雅來朝

欽定四庫全書

南北史合注 卷九十八

五

伊吾吐屯設等獻西域數千里之地帝大悅癸丑置西海郡善河源且末等四郡

隋書食貨志曰時謫天下罪人配為戍卒大開屯田發西方諸郡運糧給之道里懸遠蒸遇寇掠死亡相續

丙辰帝御觀風行殿盛陳文物奏九部樂設魚龍曼延宴高昌王吐屯設於殿上以寵異之其蠻夷陪列者三十餘國戊午大赦天下開皇已來流配悉放還鄉晉陽

逆黨不在此例隴右諸郡給復三年秋七月丁卯置馬
牧於青海渚中以求龍種無効而止九月癸未車駕入
長安冬十月癸亥詔曰優德尚齒載之典訓尊事乞言
義彰膠序嚮熊為師無取筋力方叔元老克壯其猷朕
永言稽古用求至理是以龐眉黃髮更求收斂務簡秩
優無虧藥餌庶等臥理佇其弘益今歲者老赴集者可
於近郡處置年七十已上疾患沈滯不堪居職即給賜
帛送還本郡其官至七品以上者量給粟以終厥身十

欽定四庫全書

南北史合注
卷九十八

一月丙子車駕幸東都是歲赤土高麗吐谷渾伊吾黨
頃並遣使朝貢

六年春正月癸亥朔旦有盜數十人皆素冠練衣焚香
持華自稱彌勒佛入自建國門監門者皆稽首既而奪
衛士仗將為亂齊王暕遇而斬之於是都下大索與相
連坐者千餘家丁丑以諸苗酋長畢集盛陳角觝大戲
於端門街天下奇伎異藝畢集

資治通鑑曰戲場周圍五千步執絛竹者萬八千人

聲聞四十里自昏達旦燈火燭天地

終月而罷上數微服往觀之二月乙巳武賁郎將陳稜
朝請大夫張鎮州擊流求破之獻俘萬七千口頒賜百
官乙卯詔曰帝國草創王業艱難咸依股肱協同心德
用能救厥頽運克膺大寶然後疇庸茂賞開國承家誓
以山河傳之不朽近代凋喪四海未壹茅土妄假名實
相乖歷茲永久莫能懲革皇運之初百度伊始猶循舊
貫未暇改作今天下交泰文軌攸同宜率遵先典永垂

欽定四庫全書

南北史合注
卷九十八

大訓自今以後唯有功勳乃得賜封仍令子孫承襲其
舊賜五等爵非有功者皆除之丙辰改封安德王雄為
觀王河間王子慶為郟王庚辰徵魏齊周陳樂人悉配
太常三月癸亥幸江都宮甲子以鴻臚卿史祥為左驍
衛大將軍夏四月丁未宴江淮已南父老頒賜各有差
六月壬辰鴈門賊師尉文通聚眾三千保於莫壁谷遣
鷹揚楊伯泉擊破之甲寅制江都太守秩同京尹冬十
月壬申刑部尚書梁毗卒壬子戶部尚書銀青光祿大

夫長孫熾卒十二月己未左光祿大夫吏部尚書牛弘
卒辛酉朱崖人王萬昌舉兵作亂遣隴西太守韓洪討
平之

資治通鑑曰是冬敕穿江南河自京口至餘杭八百
餘里廣十餘丈通龍舟

是歲室韋赤土並遣使朝貢

七年春正月壬寅左武衛大將軍光祿大夫真定侯郭
衍卒二月己未帝升釣臺臨揚子津大宴百寮頒賜各

欽定四庫全書

南北史合注
卷九十八

五

有差乙亥帝自江都御龍舟入通濟渠遂幸涿郡

資治通鑑曰敕選部門下內史御史四司之官於舟

前選補其受選者三千餘人或徒步隨舟三千餘里
不得處分凍餒疲頓因而致死者什一二

壬午詔曰武有七德先以安民政有六本興以教義高
麗虧失藩禮將欲問罪遠左恢宣勝畧雖懷伐國仍事
省方今往涿郡巡撫民俗其河北諸郡及山西山東年
九十已上版授太守八十者授縣令三月丁亥右光祿

大夫左屯衛大將軍姚辨卒夏四月庚午幸涿郡之臨
朔宮五月戊子以武威太守樊子蓋為民部尚書秋大
水山東河南漂沒三十餘郡民相賣為奴婢冬十月乙
卯底柱山崩偃水逆流數十里戊午以東平太守吐萬
緒為左屯衛大將軍十二月己酉突厥處羅多利可汗
來朝帝大悅接以殊禮時遼東戰士及饋運者填咽於
道晝夜不絕苦役者為羣盜

資治通鑑曰敕幽州總管往東萊海口造舟官吏督

欽定四庫全書

南北史合注
卷九十八

五

役日夜立水中不敢息自股以下皆生蛆於是盜羣
起

甲子敕都尉鷹揚與郡縣相知追捕隨獲決斬之是歲
百濟遣使朝貢

八年春正月辛巳大軍集於涿郡以兵部尚書段文振
為左侯衛大將軍壬午詔曰粵我有隋誕膺靈命提封
所漸細柳蟠桃之外聲教爰暨紫杏黃枝之域遠至邇
安罔弗和會高麗小醜迷昏不恭崇聚勃碣之間薦食

遼穢之境雖復漢魏誅夷巢窟暨擾亂雜多阻種落選
集萃川數於前代播寔繁以迄今睽彼華壤蔚為夷類
歷年永久惡稔既盈移告之嚴未嘗面受朝覲之禮莫
肯躬親誘納叛亡不知紀極充斥邊垂亟勞烽侯在昔
薄伐已漏天網曾不懷恩翻其長惡乃兼契丹之黨度
劉海戍習鞬之服侵軼遼西又青丘之表咸修職貢
碧海之濱同稟正朔遂復寇攘琛賚過絕往來軺軒奉
使爰暨海東旌節所次途經藩境而擁塞道路拒絕王

欽定四庫全書

南北史合注
卷九十八

五

人此而可忍孰不可容且法苛酷賦歛煩重賄貨如市
寃枉莫申重以仍歲災凶比屋飢饉兵戈不息徭役無
期力竭轉輸身填溝壑境內哀惶不勝其弊省俗觀風
爰暨幽朔弔民間罪無俟再駕今宜授律啟行分麾屆
路掩勃海而雷震及扶餘以電掃左第一軍可鏤方道
第二軍可長岑道第三軍可海冥道第四軍可蓋馬道
第五軍可南蘇道第六軍可建安道第七軍可遼東道
第八軍可玄菟道第九軍可扶餘道第十軍可朝鮮道

第十一軍可沃沮道第十二軍可樂浪道右第一軍可
粘蟬道第二軍可含資道第三軍可渾彌道第四軍可
臨屯道第五軍可侯城道第六軍可提吳道第七軍可
踏頓道第八軍可肅慎道第九軍可碣石道第十軍可
東曉道第十一軍可帶方道第十二軍可襄平道凡此
眾軍先奉廟畧路驛引途總集平壤莫非如豺如貔之
勇百戰百勝之雄朕躬馭戎為其節度涉遼而東循
海之右其外輕齋游閱隨機應響卷甲銜枚出其不意

欽定四庫全書

南北史合注
卷九十八

五

又滄海道軍舟艦千里高颿電逝巨艦雲飛廣斷沮江
逕造平壤其餘被髮左衽之人控弦待發傲盧彭濮之
旅不謀同辭杖順臨逆人百其勇若高元泥首棘門自
歸司寇即解縛焚櫬弘之以恩其餘臣民願朝奉化咸
加慰撫各安生業隨才任用無隔夷夏營壘所次務在
整肅芻蕘有禁勿犯若同惡相濟抗拒官軍國有常刑
俾無遺類明加曉示稱朕意焉總一百一十三萬三千
八百號二百萬餽運倍之癸未第一軍發終四十四日引

師乃盡旌旗亘千里近古出師之盛未之有也乙未以
右侯衛大將軍衛玄為刑部尚書甲辰內史令元壽卒
二月甲寅詔曰朕觀風燕裔問罪遠濱文武叶力爪牙
恩奮莫不執銳勤王捨家從役罕蓄倉廩之資兼捐播
殖之務雖復素飽之衆情在忘私悅使之徒宜從其厚
諸行從一品以下飲飛募人以上家口郡縣宜數存問
若有糧食之少皆賑給之或雖有田疇貧弱不若自耕
種可于多丁富室勸課相助使居者有歛積之豐行役

欽定四庫全書

南北史合注
卷九十八

三

無顧後之慮壬戌司空京兆尹光祿大夫觀王雄雋三
月辛卯兵部尚書左侯衛大將軍段文振卒癸巳帝御
師甲子臨戎於遼水橋戊戌大軍為賊所拒不果濟右
屯衛大將軍右光祿大夫麥鐵杖武贲郎將錢士雄孟
金義等皆死之甲午車駕度遼大戰於東岸擊賊破之
遼東

冊府元龜載丙申詔曰朕嗣膺天命曷緯不占之鄉
梯航所絕之域罔弗來庭而遼左島夷獨懷逆命朕

爰整六師親麾三令歷代通醜一鼓大定憬彼遐夷
萬里肅清今凱旋言及宜順茲含養與物惟新可大
赦天下 愚按煬帝功未立而氣已盈其敗宜哉故
錄之

乙未大頓見二大鳥高丈餘臍身朱足游泳自若帝異
之命工圖寫并立銘頌五月戊午納言楊達卒時諸將
各奉旨不敢越機既而高麗各城守攻之不下六月已
未幸遼東責怒諸將將止城西數里御六合城七月壬午

欽定四庫全書

南北史合注
卷九十八

三九

宇文述等敗績於薩水右屯衛將軍薛世雄死之九軍
並陷師奔還亡者千餘騎癸未班師九月庚辰帝至東
都己丑詔曰軍國異容文武殊用時當揆亂屠販可以
登朝世屬隆平經術然後升仕豐都爰肇儒服無預於
周行建武之朝功臣不參于吏職自三方未一四海交
爭不遑文教唯尚武功設官分職罕以才授班朝理民
乃由勲敘莫非拔足行陣出自勇夫學數之道不習政
事之方無取是非暗於在己威福專於下吏貪冒賞賄

不知紀極蠹政害民實由於此自今已後諸授勲官者
並不得回授文武職事庶遵彼更張取類于調瑟求諸
名製不傷於美錦若吏部輒擬用者御史即宜糾彈冬
十月戊寅工部尚書宇文愷卒十一月己卯以宗女華
容公主嫁高昌王辛巳光祿大夫韓壽卒甲申宇文述
子仲文等除名為民斬尚書右丞劉士龍以謝天下是
歲大旱疫人多死山東尤甚密詔江淮南諸郡閱視民
間童女姿質端麗者每歲貢之

欽定四庫全書

南北史合注
卷九十八

三

九年春正月丁丑徵天下兵募民為驍勇集於涿郡壬
午賊帥杜彥永王潤等陷平原郡大掠而去辛卯置折
衝果殺武勇雄武等即將官以領驍果乙未平原李德
逸聚眾數萬稱阿舅賊劫掠山東靈武白榆妄稱奴賊
劫掠牧馬北連突厥隴石多被其患遣將軍范貴討之
連年不能克戊戌大赦己亥遣代王侑刑部尚書衛玄
鎮京師辛丑以右驍衛將軍李渾為驍衛大將軍二月
己未濟北人韓進洛聚眾數萬為羣盜壬午復宇文述

等官爵又徵兵討高麗三月丙子濟北人孟海公起兵
為盜眾至數萬丁丑發丁男十萬城興戊寅幸遼東以
越王侗工部尚書樊子蓋鎮東都庚子北海人郭方預
聚徒為賊自號盧公眾至三萬攻陷郡城大掠而去夏
四月庚午車駕度遼壬申遣宇文述楊義臣趣平壤城
五月丁丑熒惑入南斗己卯濟北人甄寶車聚眾萬餘
寇掠城邑六月乙巳禮部尚書楊玄感反於黎陽

欽定四庫全書

南北史合注
卷九十八

三

往伊吾河源且未運糧多者數百頭每頭價至萬餘
又發諸州丁分為四番于遼西柳城運屯往來艱苦
盜賊四起道路南絕隴石牧馬盡掠奴賊楊玄感遂
乘虛為亂

丙辰玄感逼東都河南贊理裴弘策拒之反為所敗戊
辰兵部侍郎斛斯政奔高麗庚午帝班師高麗犯後軍
勅右武衛大將軍李景為後拒遣左翊衛大將軍宇文
述左候衛將軍屈突通等馳傳發兵討玄感秋七月己

卯令所在發民城縣府驛癸未餘杭人劉元進舉兵反
眾至數萬八月壬寅左翊衛大將軍宇文述等破楊玄
感於閩鄉斬之餘黨悉平

資治通鑑曰玄感之敗龍舟水殿皆為所焚詔江都
更造凡數千艘制度仍大於舊

癸卯吳人朱燮晉陵人管崇擁眾十萬餘自稱將軍寇
江左甲辰制驍果家蠲免賦役丁未詔郡縣城去道過
五里已上者徙就之戊申制盜賊籍沒其家乙卯賊帥

欽定四庫全書

南北史合注
卷九十八

五十五

陳瑱等三萬攻陷信安郡辛酉司農卿光祿大夫葛國
公趙元叔以罪伏誅九月己卯濟陰人吳海流東海人
彭孝才並舉兵為盜眾數萬庚辰賊帥梁慧尚聚眾四
萬陷蒼梧郡甲午車駕次上谷以供費不給大怒免太
守虞荷等官丁酉東陽人李三兒向但子舉兵作亂眾
至萬餘閏月己巳幸博陵庚午帝謂侍臣曰朕昔從先
朝周旋于此年甫八歲日月不居倏經三紀追惟曩昔
不可復希言未卒流涕嗚咽侍衛者皆泣下沾襟冬十

月丁丑賊帥呂明星率眾數千圍東郡武賁郎將費青
奴擊斬之乙酉詔曰博陵昔為定州地居衝要先皇歷
試所基王化斯遠朕巡撫氓庶爰屆茲邦瞻望郊廛緬
懷敬止思所以宣播慶澤覃被下人式光令緒可改博
陵為高陽郡赦境內死罪已下給復一年於是召高祖
時故吏皆量才授職壬辰納言蘇威為開府儀同三司
朱燮管崇推劉元進為天子遣將軍吐萬緒魚俱羅討
之連年不能尅齊人孟讓王簿等眾十餘萬據長白山

欽定四庫全書

南北史合注
卷九十八

五十五

攻剽諸郡清河賊張金稱眾各數萬勃海賊帥格謙自
號燕王孫宣雅自號齊王眾各十萬山東苦之丁亥以
右候衛將軍郭榮為右候衛大將軍十一月己酉右候
衛將軍馮孝慈討張金稱於清河反為所敗孝慈死之
十二月甲辰車裂楊玄感弟朝散大夫積善及黨與十
餘人仍焚而揚之丁亥扶風人向海明舉兵作亂稱皇
帝建元白鳥遣太僕卿楊義臣擊破之
十年春正月甲寅以宗女為信義公主嫁突厥曷娑那

可汗二月卒未詔百寮議伐高麗數日無敢言者戊子詔曰竭力王役致身戎事咸由拘義莫非勤誠委命草芥暴骨原野興言念之每懷慙惻往年問罪將屆遠濱廟算勝畧具有進止而楊諒懜凶高潁悞狠不遵成規坐貽撓退遂令死亡者衆不及埋藏今宜遣使人分道收葬設祭於遼西郡立道場一所思加泉壤庶弭窮魂之冤澤及枯骨用弘仁者之惠卒卯詔曰黃帝五十二戰成湯二十七征方令行天下蕞爾高麗僻居荒裔抄竊我邊乘侵逼我城鎮是以去歲出軍問罪遼碣風馳霆逝追奔逐北焚其城郭汙其宮室高元伏鑽泥首送款軍門尋請入朝歸罪司寇許其改過乃詔班師而長惡靡悛宴安鴟毒便可分命六師百道俱進朕當親執武節臨御諸軍秣馬九都觀兵遼水順天誅于海外拯窮黎於倒懸止除元惡餘無所問若有識存亡之分悟安危之機翻然北首自求多福必其同惡相濟抗拒王師若火燎原刑茲無赦有司便宜宣布咸使知聞丁酉

欽定四庫全書

南北史合注 卷九十八

三五

扶風人唐弼舉兵反聚衆十萬推李弘為天子自稱唐王

後代隋者果唐李氏亦一奇也

三月壬子行幸涿郡癸亥次臨渝宮親御戎服禡祭黃帝斬叛軍者以鑿鼓夏四月辛未彭城賊張大彪聚衆數萬保縣薄山為盜遣榆林太守董純擊破斬之甲午車駕次北平五月庚子詔舉郡孝悌廉潔各十人壬寅賊帥宋世謨陷琅邪庚申延安人劉迦論舉兵反自稱

欽定四庫全書

南北史合注 卷九十八

三五

皇王建元大世六月辛未賊帥鄭文雅林寶護等衆三萬陷建安郡太守楊景祥死之秋七月癸丑車駕次懷遠鎮甲子高麗遣使請降囚送斛斯政帝大悅八月己巳班師右衛大將軍左光祿大夫鄭榮卒冬十月丁卯帝至東都已丑還京師十一月丙申支解斛斯政於金光門外乙巳有事于南郊己酉賊帥司馬長安破長平郡乙卯離石胡劉苗王舉兵反自稱天子以其第六兒為永安王衆至數萬將軍潘長文討之不能尅是月賊

師王德仁擁眾數萬保林慮山為盜十二月壬申帝如車都其日大赦天下戊子入東都庚寅賊帥孟讓眾十餘萬據都梁宮遣江都丞王世充擊破之悉鹵其眾是歲曹國遣使貢方物

十一年春正月甲午朔宴羣寮戊戌虎賁郎將高建毗破賊帥顏宣政於齊郡鹵男女數千口乙卯大變蠻夷設魚龍曼延之樂頒賜各有差二月戊辰賊帥楊仲緒等率眾萬餘攻北平滑公李景破斬之庚午詔曰設險

欽定四庫全書

南北史合注 卷九十八

三五

守國著在前經重門禦暴事彰往策近代戰爭居民散逸田疇無伍郭郭不脩遂使遊惰實繁寇攘未息今宜令民悉城居田隨近給使強弱相容力役兼濟穿窬無所厝其姦宄萑蒲不得聚其逋逃有司具為事條務令得所丙子王頊拔反自稱漫天王國號燕賊魏刁兒自稱歷山飛眾各十餘萬北連突厥南寇趙三月丁酉殺右驍衛大將軍光祿大夫邴公李暉將作監光祿大夫李敏並族其家癸卯賊帥司馬長安破西河乙酉幸太

原避暑汾陽宮秋七月己亥淮南人張起緒舉兵為盜

眾至三萬辛丑光祿大夫右禦衛大將軍張壽卒八月乙卯巡北塞戊辰突厥始畢可汗率騎數十萬謀襲乘與義成公主遣使告變壬申車駕馳幸鴈門癸酉突厥圍城官軍頗戰不利帝大懼欲率精騎潰圍出民部尚書樊子蓋固諫乃止齊王暕以後車保崞縣甲申詔天下諸郡募兵於是守令各來赴難九月甲辰突厥解圍去丁未曲赦太原鴈門死罪以下冬十月壬戌帝至東

欽定四庫全書

南北史合注 卷九十八

三五

都

隋書食貨志曰是時百姓廢業屯集城堡無以自給然所在倉廩猶大充仞吏皆畏法莫肯賑救初皆剝樹皮食之漸及於葉皮葉皆盡乃煮土或搏藁為末食之後乃人相食

丁卯彭城人魏麒麟聚眾萬餘為盜寇魯郡壬申賊帥盧明月聚眾十餘萬寇陳汝間東海賊李子通擁眾度淮自號楚王建元明政寇江都十一月乙卯賊帥王頊

拔破高陽郡十二月戊寅有大流星如斛墜明月營破其衝車庚辰詔民部尚書樊子蓋發關中兵討絳郡賊敬盤陔柴保昌等經年不能尅譙郡人朱榮擁衆數十萬寇荆襄僭稱楚帝建元昌達漢南諸郡皆為所陷是歲突厥新羅鞅鞞畢大辭訶吐傳越烏那曷波臘吐火羅俱慮建忽論鞅鞞訶多沛汗龜茲疏勒于闐安國曹國何國穆國畢衣密失範延伽折契丹等國並遣使朝貢

欽定四庫全書

南北史合注 卷九十八

五

十二年春正月甲午鴈門人翟松柏起兵于靈丘衆至數萬轉攻傍縣

資治通鑑曰詔毗陵通守路道德集十郡兵數萬於郡東南起宮苑周圍十二里內為十六離宮倣東都西苑制而奇麗過之又欲築宮會稽因亂不果成二月甲子夜有二大鳥似鵬飛入大業殿止御帳至明去癸亥東海賊盧公暹率衆萬餘保蒼山

資治通鑑曰帝於上巳與羣臣飲於西苑命杜寶創

水飾圖經采古水事七十二使朝散大夫黃衰以木為之問以妓航酒舸人物自動如生鐘磬笙瑟能成音曲

夏四月丁巳顯陽門災

資治通鑑曰是月大業殿西院火帝以為盜起驚走入西苑匿草間火定乃還帝自八年以後每夜眠恒驚悸云有賊令數婦人搥撫乃得眠

癸卯魏刁兒所部將甄程兒復號歷山飛衆十萬轉寇

欽定四庫全書

南北史合注 卷九十八

五

太原將軍潘長文討之反為所敗長文死之五月丙戌朔日有蝕之既癸巳大流星殞於吳郡為石壬午帝於景華宮徵求螢火得數斛夜出遊山而放之光遍巖谷唐貞觀政要載太宗謂侍臣曰人君言不可易隋煬帝幸甘泉宮怪無螢火敕云捉取照夜所司遽命數千人採拾進五百車於宮側小事尚爾況大乎

秋七月壬戌民部尚書光祿大夫樊子蓋卒甲子辛江

都宮

隋書五行志曰帝幸江都作詩曰求歸不得去真成
真箇春鳥聲爭勸酒梅花笑殺人帝以三月被弑遭
春之應及至江都復夢二豎子歌曰住亦死去亦死
未若乘船渡江水由是築居丹陽功未就遇弑

以越王侗光祿大夫段達太府卿元文都檢校民部尚
書韋津右武衛將軍皇甫無逸右司郎盧楚等總留守
事戊辰馮翊人孫華自號總管舉兵為盜高涼通守洗
瑤撤舉兵作亂嶺南溪洞多應之己巳熒惑守羽林月

欽定四庫全書

南北史合注
卷九十八

四

餘乃退八月乙巳賊帥趙萬海眾數十萬自恒山寇高
陽壬子有大流星如斗出王良閣道聲如壞牆癸丑大
流星如甕出羽林九月丁酉東海人杜伏威揚州沈寬
敵等作亂眾至數萬右禦衛將軍陳稜擊破之戊午有
二枉矢出北斗魁委曲蛇形注於南斗壬戌安定人荔
非世雄殺臨涇令舉兵反自號將軍冬十月己丑開府
儀同三司左翊衛大將軍光祿大夫許公宇文述卒十
二月癸未鄆陽人操天成舉兵反自號元興王建元始

與攻陷豫章郡乙酉以右翊衛大將軍來護為開府儀
同三司行左翊衛大將軍壬辰鄆陽人林士弘自稱皇
帝國號楚建元太平攻陷九江廬陵郡唐公李淵

愚按李延壽以唐臣撰北史故不敢注唐公名氏此
君臣之辭也

破甄翟兒於西河鹵男女千口是歲真臘遣使貢方物
十三年春正月壬子齊郡杜伏威率眾度淮攻陷歷陽
郡丙辰勃海人竇建德設壇河間之樂壽自稱長樂王

欽定四庫全書

南北史合注
卷九十八

四

建元丁丑辛巳賊帥徐圓朗率眾數千破東平郡弘化
人到企成聚萬餘人為盜傍郡苦之二月壬午朔方人
梁師都殺郡丞唐世宗據郡反自稱大丞相遣銀青光
祿大夫張世隆擊之反為所敗戊子賊帥王子英破上
谷郡己丑馬邑校尉劉武周殺太守王仁恭舉兵作亂
北連突厥自稱定陽可汗庚寅賊帥李密翟讓等陷興
洛倉越王侗遣虎賁郎將劉長恭光祿少卿房胤擊之
反為所敗死者十五六庚子李密自號魏公稱元年開

倉賑羣盜衆至數十萬河南諸郡相繼陷壬寅劉武周破武賁即將王智辯於桑乾鎮智辯死之三月戊午廬江人張子路舉兵反遣右禦衛將軍張鎮州擊破之夏四月癸未金城校尉薛舉率衆反自稱西秦霸王建元秦興攻陷隴右諸郡己丑賊帥孟讓夜入東都外郭燒豐都市而去癸巳李密陷回洛東倉丁酉賊帥房憲伯陷汝陰郡是月光祿大夫虎賁郎將裴仁基淮陽太守趙佗等並以衆叛歸李密五月辛卯夜有流星如甕墜

欽定四庫全書

南北史合注 卷九十八

三

於江都甲子唐公李淵起兵於太原丙寅突厥數千寇太原淵擊破之秋七月壬子熒惑守積屍丙辰武威人李軌舉兵反攻陷河曲諸郡自稱梁王建元安樂八月辛巳唐公李淵破虎牙將宋老生於霍邑斬之九月己丑帝括江都人女寡婦以配從兵是月武陽郡丞元寶藏以郡叛歸李密與賊帥李文相攻陷黎陽倉彗星見於營室冬十月丁亥太原陽世洛聚衆萬餘人寇掠京邑丙申故梁後羅令蕭銑據縣起兵鄆陽人董景珍以

郡迎銑於羅縣號梁王攻陷傍郡戊戌虎賁郎將高毗敗濟北郡賊甄寶車於嶺山十一月丙辰唐公李淵入京師辛酉遥尊帝為太上皇立代王侑為帝改元義寧帝起宮丹陽將遜於江左有烏鵲來巢帳帳驅不能止熒惑犯太微有石自江浮入楊子曰光四散如流血帝甚惡之

欽定四庫全書

南北史合注 卷九十八

三

資治通鑑曰帝至江都荒淫益甚宮中為百餘房各盛供張實以美人日令一房為主人江都郡丞趙元楷掌供酒饌帝與蕭后及幸姬歷就宴飲酒厄不離口從姬十餘人亦常醉然帝見天下危亂亦擾擾不安退朝則幅巾短衣策杖步遊徧歷臺館非夜不止汲汲顧景唯恐不足十四年二月右屯衛將軍宇文化及虎賁郎將司馬德戡元禮監門直閣裴虔通將作少監宇文智及武勇郎將趙行樞鷹揚郎將孟景内史舍人元敏符璽郎李覆牛方裕千牛左右李孝本弟孝質直長許弘仁薛世良

城門即唐奉義醫正張愷等以驍果作亂入犯宮闈弑
帝帝崩於溫室時年五十蕭后令宮人撤牀簀為襯瘞
之化及發後右禦衛將軍陳稜奉梓宮於成象殿葬吳
公臺下發斂之始容貌若生衆皆異之唐高祖謚曰煬
皇帝

隋書五行志曰帝喜習吳音卒死江都 冊府元龜
曰屯衛將軍張鎮州督運江上為帝發喪哭甚慟哀
感行路

欽定四庫全書

南北史合注
卷九十八

四

新唐書載武德二年詔隋帝及其宗室柩在江都者
為營窆置陵廟以故宮人守之

及平江南後改葬雷塘帝初以已藩王於次不當立每
矯情飾行思釣虛名陰為奪宗計時高祖雅重文獻后
而性忌妾媵太子勇內多嬖幸由此失愛帝後庭有子
皆不育亦無私寵取媚於后大臣用事者傾心與交中
使至第無貴賤皆曲承顏色申以厚禮婢僕往來者無
不稱其仁厚入常私入宮掖密謀於文獻后楊素等因

機構扇遂成廢立自高祖大漸豎諒闇中蒸淫無度山
陵始就即事巡游以天下承平日久士馬全盛慨然慕
秦皇漢武之事乃盛理宮室窮極侈靡

資治通鑑曰帝即大位先詔內史舍人封德彝營顯
仁宮南接澗北跨路凡大江以南五嶺以北奇材異
石悉輸洛陽又求海內佳木異草珍禽奇獸以實園
囿又築西苑周二百里其內為海為方丈為蓬萊瀛
洲諸山亭觀宮殿羅絡山上向背如神

欽定四庫全書

南北史合注
卷九十八

四

召募行人分使絕域諸蕃至者厚加禮賜有不恭命以
兵擊之或興屯田於玉門柳城外課天下富室分道市
武馬馬疋直十餘萬坐是凍餒者十家而九性多詭譎
所幸之處不欲人知每幸之所輒數道頓置四海珍羞
殊味水陸必備求市者無遠不至郡縣官民競為獻食
奸吏侵漁內外虛竭頭會箕歛民不聊生於時軍國多
務日不暇給帝方驕息惡聞政事奏請罕決又忌猜臣
下無所專任朝廷不合意者必捕其罪族滅之高頊賀

若弼先皇心膂參謀惟幄張衡李金才藩邸惟舊績著
經綸惡其直道忌其正議求其無形之罪加以丹頸之
戮其餘事君盡禮蹇蹇匪躬無罪夷戮者不可勝紀
隋書五行志曰帝嘗謂近臣曰我性不欲諫若位望
通顯諫我求名本所不耐若卑賤之士雖少寬假然
卒不置之要地

政刑弛紊賄貨公行莫敢有言道路以目六軍不息百
役繁興行者不歸居者失業民飢相食邑落為墟帝弗

欽定四庫全書

南北史合注
卷九十八

之恤也東西行幸靡有定居每以供費不給逆取數年
之賦所至惟與後宮流連沉酒惟日不足

資治通鑑曰海北有龍鱗渠滌紈注海乃緣渠作十
大院開門臨渠每院以四品夫人主之宮樹秋冬凋
落則剪綵為花葉色渝則易以新者沼內亦剪綵為
荷芰菱芡十六院爭以肴饌精麗相高求恩市寵帝
以月夜從宮女數騎遊西苑作清夜遊曲奏之馬上
招迎姥媪朝夕共肆醜言又引少年令與宮人穢亂以

為娛樂賦盜蜂起近臣互相掩蔽不以實對或言賊多
輒大被詰責各求苟免上下相蒙每出師徒敗亡相繼
戰士盡力不加賞賜百姓無辜咸被屠戮蒸庶積怨天
下土崩至于就擒而猶未悟也

資治通鑑曰帝喜讀書自為揚州總管置王府學士
百人恒令修撰以至為帝前後近三十載修撰未嘗
暫輟自經術文章兵農地里醫卜釋道至蒲卜鷹犬
皆為新書共成三十一部萬七千餘卷初西京嘉則

欽定四庫全書

南北史合注
卷九十八

殿有書三十七萬卷帝命秘書監柳顧言等詮次除
其複雜得正御本三萬七千餘卷納於東都修文殿
又曰帝於觀文殿前為書室十四間每三間開方
戶垂錦幔上有二飛仙戶外地中施機發之帝幸書
室有宮人執香爐前行踐機則飛仙收幔而上戶扉
廚扉皆自啟帝出則垂閉復故 隋書文苑傳曰煬
帝初習藝文為庾信體及即位一變其舊與越公書
建東都詔冬至受朝詩並存雅體歸於典制故當時

綴文之士得依而取正 五行志曰帝自負才學嘗

謂侍臣曰天下謂朕承籍餘緒若與士大夫高選亦

當為天子 天文志曰帝遣宮人四十就太史局詔

袁充教以星歷業成者進內以參占驗 經籍志曰

帝即位秘閣之書限寫五十副本分三品上品紅琉

璃軸中品紺瑠璃軸下品漆軸擇東都觀文殿東西

廂構室居之又聚魏以來古跡名畫起二臺殿後東

曰妙楷臺藏古跡西曰寶臺藏古畫 大業拾遺曰

欽定四庫全書

南北史合注 卷九十八

四

帝平日愛惜書史積如丘山一字不許外出及唐平

東都將取觀文殿寶厨新書八千許卷載還長安或

夢帝大叱云何將我書取去後風覆舟一卷無遺又

夢帝喜云我得書矣

東恭皇帝伺

愚按隋有兩恭帝一伺一侑伺都於東都東魏之洛

陽也侑都於關中西魏之長安也故做兩魏例以東

西別之

字仁謹元德太子之子母劉良娣大業三年立為越王

帝每巡幸王常留守東都楊玄感反與戶部尚樊子蓋

拒之

隋書食貨志曰伺與段達等守東都東都糧盡布帛

山積乃以絹為汲綆然布以炊

事平朝於高陽拜高陽太守俄以本官留守東都十三

年帝幸江都復令王與金紫光祿大夫段達太府卿元

文都攝戶部尚書韋津右武衛將軍皇甫無逸等總留

欽定四庫全書

南北史合注 卷九十八

四

臺事宇文化及弑逆文都等議立王奉表勸進

皇恭元年五月戊辰皇帝即位於東都大赦改元上大

行皇帝廟謚追尊皇考元德太子曰孝成皇帝廟號世

宗尊皇母劉良娣為皇太后以段達為納言陳國公右

翊衛大將軍攝禮部尚書王世充為納言鄭國公左翊

衛大將軍攝吏部尚書元文都為內史令魯國公左驍

衛大將軍盧楚為內史令皇甫無逸為兵部尚書杞國

公右武衛大將軍郭文懿為內史侍郎趙長文為黃門

侍郎乙酉李密遣使請降拜密太尉尚書令魏國公令東平化及然後入朝輔政秋七月詔曰我大隋有天下於茲三十八載高祖文皇帝聖畧神功載造區夏世祖明皇帝則天法地混一華戎莫不盡入提封皆為臣妾往因歷試統臨南服自居皇極順茲望幸所以往歲省方展禮肆覲豈意釁起非常延及冕旒奉諱之日五情崩殞宇文化及世傳庸品其父迷往屬時來早沾厚遇賜以婚媾置之公輔徒承海岳之恩未有涓埃之答化

欽定四庫全書

南北史合注 卷九十八

五

及以此下材夙蒙顧盼昔陪藩國統領衛兵及從升皇祚陪列九卿但本性兇狠恣其貪穢或交結惡黨或侵掠商賈事重刑籤狀盈獄簡三經除解尋復本職再徙邊裔仍即追遂生成之恩昊天罔極獎擢之義人事罕聞而乃梟獍為心禽獸不若縱毒與禍傾覆行官諸王兄弟一時殘酷朕所以刻骨崩心飲膽嘗血瞻天視地無處自容今王公卿士庶尹百辟咸以大寶鴻名不可顛墜至元凶巨滑須早夷殄翼戴朕躬嗣守寶位出黼

辰而仗旄鉞釋袞麻而擐甲冑銜誓衆忍淚臨兵指日邁征以平大盜且化及偽立秦王之子幽逼比于拘囚其身自稱霸相專擅擬於九五履踐禁御據有官闈昂首揚眉初無慙色衣冠朝望外懼兇威志士誠臣內懷憤怨以我義師順彼天道梟夷醜族匪夕伊朝太尉尚書令魏公李密丹誠內發宏畧外舉率勤王之師討違王之逆朕親御六軍星言繼軌以此衆戰兼斯順舉若火焚毛如湯沃雪况賊擁此人徒皆離德京都侍衛

欽定四庫全書

南北史合注 卷九十八

五

西憶鄉家江左淳民南思鄉邑比來表書駭驛人信相尋若王師一臨舊章暫睹自應解甲倒戈冰銷葉散且聞化及自恣天奪其心殺戮不辜挫辱人士莫不道路以目號天踴地朕今復讎雪恥梟輟者一人拯溺救焚所哀者士庶唯望天鑒孔殷佑我宗社億兆感義俱會朕心梟戮元凶策勲飲至四海交泰稱朕意焉兵衛軍機並受魏國公節度冬十月丙戌鄭國公王世充殺元文都盧楚鄆文懿趙長文等皇甫無逸走長安以世充

為左僕射總督內外諸軍事尊皇太后為聖感皇太后
甲寅王世充敗李密密奔虎牢尋降唐癸未以王世充
為太尉守尚書令

二年春正月夏王竇建德討宇文文化及於聊城誅之遣
使以表至詔封為夏王三月辛巳進鄭國公王世充為
鄭王加九錫夏四月乙巳帝禪位於鄭鄭封為潞國公
五月癸巳鄭王王世充弑帝崩帝眉目如畫温厚仁愛
風格儼然王世充擁兵殺元盧等不得已命開門納之

欽定四庫全書

南北史合注
卷九十八

五

世充入見於乾陽殿帝曰公擅相誅殺曾不聞奏豈臣
道乎今肆其強力敢及我耶世充拜伏流涕陳辭告哀
乃命上殿引見劉太后自是專擅朝政帝無所關預及
世充敗李密勢愈張帝力不能制唯取內庫綵物大造
幡花又出諸服玩令僧散施貧乏世充聞使其黨張績
董濬守章善顯福二門宮內雜物雖毫釐不得出也世
充欲加九錫使段達等入請於帝帝曰鄭公近平李密
已拜太尉自是以來未有殊績俟天下稍平議之未晚

達曰太尉欲之帝不得已熟視達曰任公及將篡位又
命達同雲定興等十餘人入奏曰天命不于常鄭王功
德甚盛願陛下遵唐虞之迹帝欽膝據鞍怒曰天下者
高祖之天下東都者世祖之東都若隋德未衰此言不
可輒發必天命有改何煩禪讓公等或先朝舊臣或台
鼎重望忽有斯言朕亦何望神色凜然侍衛者莫不流
汗既而退朝對太后泣世充遂幽帝於舍涼殿及遜位
後宇文儒童裴仁基等謀誅世充復尊立帝事泄儒童

欽定四庫全書

南北史合注
卷九十八

五

等見害帝亦遇弑詳見王世暉傳世充謚曰恭皇帝
明楊慎集載帝楊叛兒歌云青春正陽日結伴戲京
華龍媒玉珂馬鳳軫繡香車水映臨橋柳風吹夾路
花日昏歡宴罷相將歸挾斜予憐其以亡國遇弑特
錄之

西恭皇帝諱侑元德太子之子母章妃性聰敏有氣度
大業三年立為陳王後數載徙為代王及煬帝親征遼
東令於京師總留事十一年從幸晉陽拜太原太守尋

鎮京師唐公李淵入長安尊煬帝為太上皇秦王纂業
義寧元年十一月壬戌皇帝即位於大興殿詔曰王道
喪亂天步不康屬之於朕達此百罹襁褓之歲夙遭憫
凶孺子之辰太上播越興言感動實疚于懷太尉唐公
李淵糾合義兵翼戴皇室爰奉明詔弼予幼冲一人在
遠三讓不遂僣倪南面屠身無所苟利社稷莫敢或違
可大赦天下改大業十三年為義寧元年十一月十六
日昧爽以前大辟罪已下皆赦除之常赦所不免者不

欽定四庫全書

南北史合注
卷九十八

五五

在赦限尊煬帝為太上皇甲子以光祿大夫大將軍太
尉唐公李淵為假黃鉞使持節大都督內外諸軍事尚
書令大丞相進封唐王丙寅詔曰朕惟孺子未出深宮
太上遠巡追蹤穆滿時逢多難委當尊極若涉大川罔
知所濟民之情偽曾未之聞賴股肱戮力上宰賢良匡
佐冲人輔其不逮軍國機務事無大小文武設官位無
貴賤憲章賞罰咸歸相府庶績其凝責成斯屬己巳以
唐王李淵子隴西公建成為唐國世子敦煌公世民為

京兆尹改封恭公元吉為齊公太原置鎮北府乙亥張
掖康老和舉兵反十二月癸未薛舉僭稱天子魁扶風
秦公李世民為元帥擊破丁亥桂陽人曹武徹舉兵反
建元通聖丁酉擒驍衛大將軍屈突通於閩鄉乙巳賊
帥張善安攻陷廬江郡

欽定四庫全書

南北史合注
卷九十八

五五

通皆死之庚戌河陽郡尉獨孤武都降於李密三月丙
辰右屯衛將軍宇文化及弒太上皇於江都宮右禦衛
將軍獨孤盛死之齊王暕趙王杲燕王倓右翼衛大將
軍宇文協內史侍郎虞世基御史大夫裴蘊給事郎許
善心皆遇害化及立秦王浩為帝自稱大丞相朝士文
武皆受其官爵光祿大夫宿公麥折衝即將朝請大夫
沈同謀討賊夜襲化及營反為所害戊辰詔唐王李淵
備九錫之禮加璽紱遠游冠綠綬綬位在諸侯王上唐

相置丞相已下一依舊式五月乙巳朔詔唐王李淵見
十有二疏建天子旌旗出警入蹕金根車駕備五時副
車置旄頭雲罕車儼八佾設鐘簷宮懸王后王子王女
爵命之號一依舊典戊午詔曰天禍隋國太行太上皇
遇盜江都憫予小子哀號永感仰惟荼毒仇復靡申相
國唐王膺期命世扶危拯溺縱九合于一匡決百勝於
千里糾率夷夏保乂朕躬功格蒼旻歷數斯在屈為人
臣載違天命當今九服崩離三靈改卜大運去矣請避

欽定四庫全書

南北史合注
卷九十八

五

賢路私僮命駕須歸藩國予本代王及予而代天之所
廢豈期如是庶憑稽古之聖以謀凶幸值惟新之恩
預充三恪雪寃恥於皇祖守禮祀為孝孫朝聞夕殞及
泉無恨今遵故事遷於舊邸庶官羣辟改事唐朝若釋
重負感恭兼懷乃敕有司凡有表奏皆不得聞是日帝
遜位於唐唐氏廢帝為鄴國公武德二年夏五月崩時
年十五諡曰恭皇帝

新唐書曰太宗貞觀十七年六月葬隋恭帝噫何其

緩也高祖不得辭其罪矣鄭樵通志於本紀大書帝
崩編年又細書唐人害之不知何據無乃因薄生疑
也夫 資治通鑑曰鄴公薨以其族子行基嗣 唐
書宰相世系圖曰行基四傳至幼言皆為鄴國公冊
府元龜曰玄宗開元二年敕二王後周介公隋鄴公
四時饗廟牲及祭服祭品並官給而於鄴公尤厚每
年給絹三百疋米一百石天寶七年又詔求魏孝文
帝嫡系一人續封韓國公以恪三恪五代史曰梁太

欽定四庫全書

南北史合注
卷九十八

五

祖開平二年封唐族人李崧為萊國公與鄴公為二
王後以介公恪三恪則韓公除矣冊府元龜曰唐莊
宗同光二年詔前代二王三恪皆繼襲則韓公又復
矣五代史曰晉高祖天福二年封唐明宗子許王從
益為鄴國公與鄴公為二王之後以介公恪三恪則
韓國除而復除矣冊府元龜曰漢隱帝即位詔求唐
晉兩朝子孫為二王後則隋之二王後與三恪盡除
矣二王三恪猶存古道然介鄴名耳惟韓公實魏嫡

派今倏錄於此

史臣曰煬帝爰在弱齡早有志尚南平吳會北却匈奴
昆弟之中獨著聲績於是馭情飾貌肆厥奸回故得獻
后鍾心文皇草慮天方肇亂遂升儲兩踐峻極之榮基
承丕顯之休命地廣三代威振八紘單于頓顙越裳重
譯赤仄之泉流溢於都內紅腐之粟充積於塞下負其
富強之資思逞無厭之欲狹殷周之制度尚秦漢之規
摹恃才矜已傲很明德內懷險躁外示凝簡威冠服以

欽定四庫全書

南北史合注
卷九十八

五

塞其奸除諫官以掩其過荒淫無度法令滋彰教絕四
維刑參五虐誅鋤骨肉屠剿忠良受賞者莫見其功為
戮者莫聞其罪驕怒之兵屢動土木之功不息頻出朔
方三駕遠左旌旗萬里征稅百端猾吏侵漁人弗堪命
乃急令暴賦以擾之嚴刑峻法以臨之甲兵威武以董
之自是海內騷然無聊生矣俄而玄感肇黎陽之亂向
奴有鴈門之圍天子方棄中土遠之楊越奸宄乘釁強
弱相陵關梁閉而不通皇輿往而莫返加以師旅因

之以飢饉流離道路轉死溝壑十七八焉於是相聚桂

符蝟毛而起大則跨州連郡稱帝稱王小則千百為羣
攻城剽邑流血成川澤死人如亂麻炊者不及析骸食
者不遑易子茫茫九土並為麋鹿之場慄慄黔黎俱充
蛇豕之餌四方萬里簡書相續猶謂鼠竊狗盜不足為
虞上下相蒙莫肯念亂振蟬蛸之羽窮長夜之樂土崩
魚爛貫盈惡稔普天莫匪仇讐左右皆為敵國終然不
悟同彼望夷遂以萬乘之尊死於匹夫之手億兆靡感

欽定四庫全書

南北史合注
卷九十八

五

恩之士九牧無勤王之師子弟同就誅夷體骨棄而莫
掩社稷顛隕本枝殄絕自肇有書契以迄於茲宇宙崩
離生靈塗炭喪身滅國未有若斯之甚也

唐朱敬則論曰隋之亡也小人方興羣盜孔熾天子
乃幸維揚泛軸驅虎賁之騎唱龍舟之歌以大江
為天塹以長淮為地險周章至戲下猶自未知閭閻
入廡前何不告我彼煬帝者聰明多知廣學博聞乃
棄嶠函奧區違河雒重阻蛟龍失雲漁父為害鯨鯢

去水螻蟻成災豈不色醉其心天奪之鑿乎

書曰天作孽猶可違自作孽不可活觀隋室之存亡斯言有徵矣

恭帝侗立於正議奪於凶渠賢而不終與魏孝靜同悲焉

恭帝侗年在幼冲遭家多難羣盜蜂起豺狼塞路南巢遂往流彘不歸既而謳歌有屬笙鐘變響雖欲不遵堯舜之迹庸可得乎

欽定四庫全書

南北史合注
卷九十八

辛

隋書曰自周邦不競隋運將隆武元高祖並著大功於王室平南國推東夏總百揆定三方然後變謳歌遷寶鼎於是匈奴驕倨勾吳不朝既爭長黃池亦飲馬清渭高祖內綏外禦日不暇給委心膂于俊傑寄折衝於爪牙文武爭馳羣策畢舉服猾夏之酋掃黃旗之寇五岳作鎮四海為池厚澤被于域中餘威震於殊俗煬帝蒙故業踐丕基矜歷數在已忽王業艱難不務以道恤人將以申威海外運拒諫之智聘飾

非之辨恥轍迹之未遠忘德義之不修於是鑿通渠

開馳道樹以柳祀隱以金槌西出玉門東踰碣石塹山埋谷浮河達海民力凋盡徭戍無期率土之心鳥驚魚潰方西規奄蔡南討流求親總入狄之師屢踐三韓之域自以鞬轆軒唐奄吞周漢遂乃外疎猛士內忌忠良出師命將不料衆寡兵少力屈者以畏懦受顯誅竭誠克服者以功高蒙隱戮或斃鋒刃之下或殞鳩毒之中賞不可以有功求刑不可以無罪免

欽定四庫全書

南北史合注
卷九十八

辛

畏首畏尾進退維谷彼山東羣盜多出廝役無尺土之資十家之產豈有陳涉亡秦張角亂漢之謀哉皆苦於上欲無厭下不堪命飢寒交切救死萑苻莫識旌旗什伍之容安知行師用兵之勢但人自為戰衆怒難犯故攻無完城野無橫陣星羅碁布以千百數豪傑因其機以動之乘其勢而用之雖有勇敢之士明智之將連踵覆沒莫之能禦煬帝魂褫氣懾望絕兩京謀竄身於江湖襲永嘉之舊迹既而禍生轂下

釁起舟中身棄南巢之野首懸白旗之上子孫勤絕
宗廟為墟夫以開皇之初比大業之盛度土地廣狹
料戶口衆寡算甲兵多少校倉廩虛實九鼎之譬鴻
毛未喻輕重培塿之方嵩岱曾何等級論地險則遠
隧未擬於長江語人謀則勾麗不侔於陳國高祖掃
江南以清六合煬帝事遠東而喪天下其故何哉所
為之迹同所用之心異也高祖北却強胡南并百越
十有餘載戎車屢動民亦勞止不為無事然其動也

欽定四庫全書

南北史合注
卷九十八

五

思以安之其勞也思以逸之是以民致時雍師無怨
讟誠在於愛利故其興也勃焉煬帝嗣承平之基席
已安之業肆其淫放虐用其民視億兆如草芥顧羣
臣如寇讎勞近以事遠求名而喪實兵纏魏闕沾危
弗圖圖解鴈門慢遊不息天奪之魄人益其災羣盜
並興百殃俱起自絕民神之望故其亡也忽焉訊之
古老考其行事此高祖所由興而煬帝所以滅也隋
之得失存亡大較與秦相類始皇併吞六國高祖統

一九州二世虐用威刑煬帝肆行猜毒皆禍起羣盜
而身殞匹夫原始要終若合符契矣

予嘗論曰隋之分而為二也一為長安隋恭以代王
立者侑一為東都隋恭以越王立者侗兩主皆諡恭
又皆煬孫正偽烏可無辨夫煬存而侑立是孫可廢
祖則唐公淵挾侑以僭也若煬弑而侗立是祖應傳
孫則元文都翼侗以繼也故予明授受以定正偽謂
侑偽侗正然則唐安所承曰煬虐而唐代耳止承煬

欽定四庫全書

南北史合注
卷九十八

五

不立侑則堂堂正正之師也顧既立之復奪之無乃
蛇足乎若侑之繼煬則正矣當大元文都之立而正
王世充之篡 愚作是論後見宋人所作唐書宰相
傳中僅註鄴國公於侗則註隋恭皇帝不以
唐人為正偽也己讀隋書天文志為唐太尉長
孫無忌等所撰者有云王世充於東都殺恭帝篡號
鄭唐臣已先帝之矣孰謂予言謬者
南北史合注卷九十八

欽定四庫全書

南北史合注卷九十九

明李清撰

北史十三



魏神元實后

文帝封后

桓帝惟后

平文王后

昭成慕容后

獻明賀后

欽定四庫全書

南北史合注
卷九十九

道武慕容后

劉后

明元姚后

杜后

太武赫連后

賀后

景穆郁久閭后

文成李后 馮后別見

獻文李后

孝文林后

孝文前馮后

後馮后

高后

宣武于后

高后

明后別見

孝明胡后

總校官檢 討臣彭元琬

侍讀學士臣王保

校對生員臣梁寶繩



孝莊母李后 孝莊爾朱后

節閔母王大妃 節閔爾朱后

孝武嫡母馮后 生母李大妃

孝武高后 文帝母楊后

文帝乙弗后 郁久閭后 廢帝宇文后別見

恭帝若干后 孝靜母胡妃

孝靜高后

漢因秦制帝之祖母曰太皇太后母曰皇太后妃曰皇

欽定四庫全書

南北史合注 卷九十九

后餘則多稱夫人隨世增損非如周禮有夫人嬪婦御妻之數焉魏晉相因時有升降前史言之具矣魏氏王業之兆雖始於神元然自昭成之前未具言六宮之典而章平思昭穆惠煬烈八帝妃后無聞道武追尊祖妣皆從帝謚為皇后始立中宮餘妾或稱夫人多少無限然皆有品次太武稍增左右昭儀及貴人椒房等後庭漸多矣又魏故事將立皇后必令手鑄金人以成者為吉不則不得立也又太武文成保母劬勞之恩並極尊崇

之義雖事垂典禮而觀過知仁孝文改定內宮左右昭

儀位視大司馬三夫人視三公三嬪視三卿六嬪視六

卿世婦視中大夫御女視元士後置女職以典內司視

尚書令僕作司大監女侍中三宮視二品監女尚書美

人女史女賢人女書史書女小書女五官視三品中才

人供人中使女生才人恭使宮人視四品青衣女酒女

饗女食奚官女奴視五品及齊神武文襄俱未踐尊極

神武嫡妻稱妃其所聘柔然女稱為柔然公主文襄既

欽定四庫全書

南北史合注 卷九十九

尚魏朝公主故無別號兩宮自餘姬侍並稱娘而已文宣後庭雖有夫人嬪御之稱然未具員數孝昭內職甚少唯楊嬪才貌兼美復是貴家襄城王母柔氏有德行並蒙恩禮其餘無聞焉河清新令內命婦依古制有三夫人九嬪二十七世婦八十一御女又準漢制置昭儀有左右二人比丞相其宏德正德崇德為三夫人比三公光猷昭訓隆徽為上嬪比三卿宣徽凝暉宣明順華凝華光訓為下嬪比六卿正華令則修訓曜儀明淑芳

華敬婉昭華光正昭寧貞範宏徽和德宏猷茂光明信
靜訓曜德廣訓暉範敬訓芳猷婉華明範艷儀暉則敬
信為二十七世婦比從三品穆光茂德貞懿曜光貞凝
光範令儀內範穆閨婉德明婉艷婉妙範暉章敬茂靜
肅瓊章穆華慎儀妙儀明懿崇明麗則婉儀彭媛修閑
修靜宏慎艷光漪容徽淑秀儀芳婉貞慎明艷真穆修
範肅容茂儀英淑弘艷正信凝婉英範懷順修媛良則
瑤章訓成潤儀寧訓淑懿柔則穆儀修禮昭慎貞媛肅

欽定四庫全書

南北史合注
卷九十九

閨敬順柔華昭順敬寧明訓宏儀崇敬修敬承閑昭容
麗儀閑華思柔媛光懷德良媛淑猗茂範良信艷華徽
娥肅儀妙則為八十一御女比正四品武成好內並具
其員自外又置才人采女以為散號後主既立二后昭
儀以下皆倍其數又置石右娥英比左右丞相降昭儀
比二大夫尋又置淑妃一人比相國周氏率由姬制內
職有序文帝創基修衽席以儉約武皇嗣歷節情欲於
矯枉宮闈有貫魚之美戚里無私溺之尤可謂得君人

之體宣皇外行其志內逞其欲漢室難滿采擇無厭恩
之所加莫限廝早榮之所及無隔險設於是升蘭殿以
正位踐椒庭而齊體者非一人焉階房帷而拖青紫緣
恩幸而擁玉帛非一族焉雖辛癸之荒淫趙李之傾惑
曾未足比其髣髴也人厭苛政弊事實多文帝之祀忽
諸特由於此隋文思草前弊大矯其違唯皇后當室傍
無私寵婦官位號未詳脩焉開皇二年著內官之式畧
依周禮省減其數嬪三員掌教四德視正三品世婦九

欽定四庫全書

南北史合注
卷九十九

員掌賓客祭祀視正五品女御三十八員掌女功絲枲
視正七品又采漢晉舊儀置六尚六司六典遞相統攝
以掌宮掖之政一曰尚宮掌導引皇后及閨閣稟賜管
司令三人掌圖籍法式糾察宣奏典琮三人掌琮璽器
玩一曰尚儀掌禮義教學管司樂三人掌音律之事典
贊三人掌導引內外命婦朝見三曰尚服掌服章寶藏
管司飾三人掌簪珥花嚴典擲三人掌中擲膏沐四曰
尚食掌進饌先嘗管司醫三人掌方藥卜筮典器三人

掌縛爨器皿五曰尚寢掌帷帳牀褥管司筵三人掌鋪設灑掃典執三人掌扇傘燈燭六曰尚工掌營造百役管司製三人掌衣服裁縫典會三人掌財帛出入六尚各三員視從九品六司視勳品六典視流外二品初文獻皇后功參歷試外預朝政內擅宮闈懷嫉妬之心虛嬪妾之位不設三妃防其上逼自嬪以下置六十員加又抑損服章降其品秩至文獻崩後始置貴人三員增嬪至九員世婦二十七員御女八十一員貴人等闕堂

欽定四庫全書

南北史合注 卷九十九

六

宮闈之務六尚以下皆分隸焉煬帝時后妃嬪御無釐婦職唯端容麗飾陪從宴遊而已帝又參詳典故自製嘉名著之於令貴妃淑妃德妃是為三夫人品正第一順儀順容順華修儀修容修華充儀充容充華是為九嬪品正第二婕妤一十二員品正第三美人才人一十五員品正第四是為世婦寶林二十員品正第五御女二十四員品正第六采女三十七員品正第七是為女御總一百二十以叙於宴寢又有承衣刀人皆趨侍左

右並無員數視六品以下時又增置女官準尚書省以六局管二十四司一曰尚宮局管司言掌宣傳奏啟司簿掌名錄計度司正掌格式推罰司闈掌門閤管籥二曰尚儀局司籍掌經史教學紙筆几案司樂掌音律司賓掌賓客司贊掌禮儀贊相導引三曰尚服局管司璽掌琮璽符節司衣掌衣服司飾掌湯沐巾擲玩弄司仗掌仗衛戎器四曰尚食局管司膳掌膳羞司醞掌酒醴醢醢司藥掌醫正藥劑司膳掌廩餼柴炭五曰尚寢局

欽定四庫全書

南北史合注 卷九十九

七

管司設掌牀席帷帳鋪設灑掃司與掌輿輦傘扇執持羽儀司苑掌園藝種植蔬菜瓜果司燈掌火燭六曰尚工局管司製掌營造裁縫司寶掌金玉珠璣錢貨司珠掌繒帛司織掌織染六尚二十二司員各二人唯司樂司膳員各四人每司又置典及掌以貳其職六尚十人品從第五司二十八人品從第六典二十八人品從第七掌二十八人品從第九女史流外量局閑劇多者十人以下無定員數聯事分職各有司存焉

魏神元皇后竇氏

魏書官氏志曰代北內入諸姓紀豆陵氏孝文改竇氏魏收皆從其後改者以就簡便餘倣此

沒鹿回部大人竇之女竇臨終誠其二子速侯回題令善事神元及竇卒速侯等欲因神元會喪為變語泄神元聞之晨起以佩刀殺后馳使告速侯等言后暴殂速侯等來赴因執殺之

文帝皇后封氏

欽定四庫全書

南北史合注 卷九十九

內入諸姓是賁氏孝文改封字

生桓穆二帝早崩桓帝立乃葬焉文成初穿天泉池獲一石銘稱桓帝葬母氏遠近赴會二十餘萬有司以聞命藏之太廟次妃蘭氏是生思帝

桓皇后惟氏生三子長曰普根次惠帝次煬帝平文殂后攝國事時謂女國后性猛忌平文之殂后所為也

平文皇后王氏廣寧人年十三因事入宮得幸於平文生昭成帝平文殂昭成在襁褓時國有內難將害帝子

后匿帝袴中呪曰若天祚未終汝無聲遂良久不啼得

免於難昭成初欲定都灑源川築城郭起宮室議不決后曰國自上世遷徙為業今事難後基業未固若郭而居一旦寇來難卒遷動乃止烈帝之崩國祚殆危興復大業后之力也殂葬雲中金陵道武即位配饗太廟昭成皇后慕容氏慕容皝之女初帝納皝妹為妃未幾殂昭成復請繼好

本史作皝請繼好皆飾詞今正之

欽定四庫全書

南北史合注 卷九十九

遣大人長孫秩逆后皝送於境上后至有寵生獻明帝及秦明王后性聰敏多智專夕理內每事多從初昭成遣衛辰兄悉勿折還部落后誠之曰汝還必深防衛辰辰姦猾終當滅汝悉勿折死其子果為衛辰所殺卒如后言建國二十三年殂道武即位配饗太廟

獻明皇后賀氏
內入諸姓賀賴氏又北方有賀蘭氏文俱改賀氏
東部大人野干女少以容儀選入東宮生道武符洛內

侮后與道武及故臣吏避難北徙俄高車來抄掠后乘車避賊而南中路失道乃仰天曰國家崩胄豈至爾絕惟神扶助遂馳輪王不傾行百餘里至七個山南免難後劉顯使人將害帝帝姑為顯弟元渥妻知之密告后梁眷亦來告難后乃令帝去之后夜飲顯醉向晨故驚鹿中羣馬使起視馬后泣謂曰吾諸子始皆在此今盡亡失汝等誰殺之故顯使不怠追道武得至賀蘭部羣情未甚歸附后從弟外朝大人悅舉部隨從供奉盡禮

欽定四庫全書

南北史合注 卷九十九

顯怒將害后后奔元渥家匿神車中三日元渥舉室請救乃得免會顯部亂始得亡歸后后弟染干忌道武得人心舉兵圍逼行宮后出謂染干曰汝等今安所置我而欲殺吾子染干慙而去後后少子秦王斛使於燕慕容垂止之后以斛不反憂念寢疾皇后始元年殂柩葬於盛樂金陵後追加尊謚配饗焉
道武皇后慕容氏竇之季女中山平入充掖庭得幸左丞相衛王儀等奏請立皇后帝從儀言令后鑄金人成

乃立之封后母孟為漂陽君後崩

道武宣穆皇后劉氏劉眷女登國初納為夫人生華陰公主後生明元后專理內事寵待有加以鑄金人不成故不登后位魏故事後宮產子將為儲貳其母皆賜死愚按史言魏故事誤辨見文成李后傳中
道武末年后以舊法薨明元即位追尊謚位配饗太廟自此後宮人為帝母皆正配饗

欽定四庫全書

南北史合注 卷九十九

劉后配方澤
明元昭哀皇后姚氏姚興女西平長公主也明元以后禮納之後為夫人
太平廣記曰夫人悲思故國帝因造白樓登望飾以鉛粉號馬邑白樓
后因鑄金人不成未升尊位燕帝寵禮如后泰常五年薨帝追恨之贈皇后璽綬而加謚英雲申金陵
明元密皇后杜氏魏郡鄴人陽平王超之妹初以良家

子選入太子宮有寵生太武及明元即位拜貴嬪

魏不殺太子母一見

泰常五年薨謚曰密貴嬪葬雲中金陵太武即位追尊號謚配饗太廟

魏書禮志載元端表曰明元配上帝明密杜后配地祇愚按道武以慕容為正后太武以赫連為正后乃不皆不配方澤地祇而配嗣君生母非禮也

又立廟於鄴刺史四時薦祀以魏郡太后所生之邑復

欽定四庫全書

南北史合注 卷九十九

其調役後甘露降於廟庭文成時相州刺史高閭表修

后廟詔曰婦人外成理無獨犯陰必配陽以成天地未

聞有莘之國立太妣之饗此乃先皇所立一時之至感

非經世之遠制便可罷祀先是太武保母竇氏初以夫

家坐事誅與二女俱入宮操行純備進退以禮明元命

為太武保母性仁慈帝感其恩訓奉養不異所生及即

位尊為保太后後尊為皇太后封其弟漏頭為遼東王

太后訓釐內外甚有聲稱性恬素寡欲喜怒不形於色

好揚善隱惡帝征涼州柔然吳提入寇太后命諸將擊

走之其君元年殂詔天下大臨三日太保盧魯元監護

喪事謚曰惠英嶧山從后意也初后嘗登嶧山顧謂左

右曰吾母養帝躬敬神愛人若死而不滅必不為賤鬼

然於先朝本無位次不可違禮以從園陵此山之上可

以終託故葬焉別位后寢廟於嶧山建碑頌德

太武皇后赫連氏勃勃女也太武平統萬納后及二妹

俱為貴人後立為皇后文成初崩附葬金陵

欽定四庫全書

南北史合注 卷九十九

太武敬哀皇后賀氏代人初為夫人生景穆

魏不殺太子母二見

神麤元年薨贈貴嬪葬雲中金陵後追號尊謚配饗

太廟后少孤無父兄僅爵其從父迷為長鄉子卒贈光

祿大夫五原公

景穆恭皇后閭氏

愚按高宗本紀作皇妣閭氏今此傳又作郁久閭氏

從本姓也刪之

河東王毗妹少以才選入東宮有寵生文成

魏不殺太子母三見

文成即位未及上尊號崩追尊號謚葬雲中金陵配饗
太廟又文成乳母常氏本遼西人因事入宮乳帝有劬
勞保護之功文成即位尊為保太后尋尊為皇太后告
於郊廟和平元年殂詔天下大臨三日謚曰昭葬於廣
甯磨笄山俗謂之鳴雞山太后遺志也依惠太后故事
別立寢廟置守陵二百家樹碑頌德

欽定四庫全書

南北史合注
卷九十九

十四

文成皇后李氏梁國蒙縣人母頓丘王峻之妹后初生
有異於常父方叔恒言此女當大貴及長姿質美麗太
武南征永昌王仁出壽春軍至后宅因得后及仁鎮長
安遇事誅后與其家人送平城宮文成登白樓望見美
之乃下臺后得幸於齊庫中遂有娠常太后後問后知
之時守庫者亦私記於壁別加驗問皆符及生獻文拜
貴人太安二年太后依故事

愚按道武殺明元生母亦偶行之耳自後太武景穆

文成三母皆以天年終惟馮后甫立即賜獻文生母
李貴人死不過如東漢竇后欲專外家名耳令依故
事者馮后辭也細觀諸傳自見史緣而筆之誤予友
朱昭芑大以為然已補入史糾矣

令后具條記在南兄弟及引所結宗兄洪之悉以付託
臨訣每一稱兄弟拊胸慟泣遂薨後謚曰元皇后葬金
陵配饗太廟

獻文思皇后李氏中山安喜人南郡王惠女姿德婉淑

欽定四庫全書

南北史合注
卷九十九

十五

年十八以選入東宮獻文即位為夫人生孝文帝皇興
三年葬金陵承明元年追崇號謚配饗太廟
孝文貞皇后林氏平原人父勝位平涼太守叔父金閭
起自閭官獻文初為定州刺史為一渾所誅及勝兄弟
皆死勝無子有二女入掖庭后容色美麗得幸於孝文
生皇子恂以恂將為儲貳太和七年依舊制薨帝仁恕
不致襲前事而稟文明太后意故不果行謚曰貞后葬
金陵及恂以罪賜死有司追廢后為庶人

孝文廢后馮氏太師熙之女太和十七年孝文既終喪太尉元丕等表以長秋未建六宮無主請正內位孝文從之立后為皇后恩意甚厚

魏書曰孝文每遵典禮后及夫嬪以下妾御皆以次進孝文後重引后姊昭議至洛稍有寵后禮愛漸衰昭儀自以年長且前入宮掖素見侍念輕后不率妾禮后雖不妬時有愧恨之色昭儀規為內主諧構百端尋廢后為庶人后貞謹有德操遂為練行尼後終於瑤光佛寺

欽定四庫全書

南北史合注 卷九十九

寺

孝文幽皇后亦熙女母曰常氏本賤微得幸於熙熙元妃公主薨後遂主家事生后與北平公夙文明太皇太后欲家世貴寵乃簡熙二女俱入掖庭時年十四其一卒后有姿媚偏見愛幸未幾疾太后遣還家為尼帝猶留念焉歲餘太后崩帝服終頗存訪之又聞后素疹瘞除遣閹官雙三念壘書勞問遂迎赴洛陽及至寵愛過本初專寢當夕宮人稀進拜左昭儀後立為皇后始后

以疾歸頗聞失德及帝頻歲南征后遂與中官高菩薩私亂及帝在汝南不豫后便公孫醜姿中常侍雙蒙等為其心腹是時彭城公主宋王劉昶子婦也年少而養居北平公夙后同母弟后為求婚於孝文孝文許之主不願后欲強之婚有日矣主密與侍婢及僮十餘人乘輕車冒霖雨赴懸瓠奉謁孝文自陳本意因言后與菩薩亂狀帝駭愕未信祕匿之

魏書曰惟彭城王勰侍疾左右具知其事

欽定四庫全書

南北史合注 卷九十九

此後后漸憂懼與母常氏求託女巫禱厭孝文疾不起一旦得如文明太后輔少主賞報不貲又取三牲宮中妖祠假言祈福專為左道常氏或詣宮中或遣侍婢與相報答帝至洛執問菩薩雙蒙等具得情狀帝以疾卧舍溫室夜引后并列菩薩等於戶外后臨入令搜衣中存寸刃便斬后頓首泣謝乃賜坐東楹去御筵二丈餘孝文令菩薩等陳狀又讓后曰汝有妖術可具言之后亡屏左右密陳孝文敕中常侍悉出唯長秋卿白整在

側取衛直刀柱之后猶不言孝文乃以綿堅塞整耳自
 小語再三呼整無所應乃令后言之事隱人莫知也高
 祖喚彭城北海二王令入坐言昔是汝嫂令便他人但
 入勿避又曰此老嫗欲白刃揮我肋上可窮問本末勿
 有所難又云馮家女不能復相廢逐且使在宮中空坐
 有心乃能自死勿謂吾猶有情也帝素至孝猶以文明
 太后故未行廢二王出乃賜后死訣后再拜稽首涕泣
 及入宮後帝命宦官有問於后后罵曰我天子婦當面
 歛定四庫全書

南北史合注 卷九十九

六

曰雖無遺詔我兄弟亦當作計去之豈可令失行婦人
 宰制天下殺我輩也謚曰幽皇后葬長陵塋內
 孝文文昭皇后高氏
 內入諸姓有是樓氏孝文改高氏
 司徒公肇妹父聰母蓋氏凡四男二女皆生於東齊孝
 文初乃舉室西歸近龍城鎮鎮表后德色婉艷及至文
 明太后親幸北部曹見后奇之入掖庭時年十三初后
 幼曾夢在堂內立日光自窻中照之灼灼而熱后東西
 歛定四庫全書

南北史合注 卷九十九

九

對豈令汝傳也帝怒勅后母常氏入示以后狀常捷之
 百餘乃止帝尋南伐后留京師雖以罪失寵而夫人嬪
 妾奉之如法惟宣武在東宮令無朝謁帝疾甚謂彭城
 王勰曰後宮久垂陰德自絕於天吾死後可賜自盡別
 宮葬以后禮庶掩馮門大過帝崩梓宮達魯陽乃行遺
 詔北海王詳宣遺旨長秋卿白整等入授后樂后達呼
 不肯引訣曰官豈有此是諸王輩殺我耳整等執持強
 之乃含椒而盡梓宮次洛南咸陽王禧等知審死相視

避之光猶斜照不已如是數夕怪之以白其父颺颺以
 問遼東人閔宗宗曰此奇徵也
 魏書載宗言曰光照女身必有恩命女避猶照者主
 上來求女不獲已也
 昔有夢月入懷猶生天子况日照之徵此女將被帝命
 誕育人君象也後生宣武及廣平王懷樂安公主時馮
 幽后為昭儀寵盛室有母養帝心后自代如洛陽暴覺
 於汲郡之共縣或云昭儀所賊也宣武為皇太子二日

一朝幽后后拊念慈愛有加孝文出征宣武入朝必久留後宮親視櫛沐母道隆備後有司奏請加號謚曰文昭貴人孝文從之宣武踐祚追尊配饗后先葬長陵東南陵制卑局因就起山陵號終寧陵置邑戶五百家孝明時更上尊號曰太后

魏書載詔曰文昭皇太后作合高祖實誕英聖而夙世淪暉孤瑩弗祔先帝孝感自喪遷奉未遂永言哀恨義結幽明可速令遷奉更上尊號稱太皇太后觀

欽定四庫全書

南北史合注
卷九十九

此則本史止言太后誤

以同漢晉之典正姑婦之禮廟號如舊遷靈櫬於長陵兆內西北六十步初開終寧陵數丈於梓宮上獲大蛇長丈餘黑色頭有王字蟄而不動靈櫬既遷還置地舊處

宣武順皇后于氏

內八諸姓勿怵于氏孝文改于氏新唐書又作萬怵于未知孰是

太尉烈弟勳女宣武始親政事烈時為領軍總心膂之任以嬪御未備因左右稱后有容德乃迎為貴人時年十四甚見寵愛立為皇后后靜默寬容性不妬生皇子三歲天後暴崩宮禁事秘莫能知悉而世議歸咎高夫人葬永泰陵謚曰順皇后

宣武皇后高氏文昭皇后弟優女為貴嬪生皇子早夭又生建德公主後拜為皇后甚見禮性妬宮人希御及明帝即位上尊號曰皇太后尋為尼居瑤光寺非大節

欽定四庫全書

南北史合注
卷九十九

慶不入宮時建德公主始五六歲靈太后出覲母武邑君值天文有變欲以當禍是夜暴崩天下寃之喪還瑤光佛寺殯皆以尼禮

魏書禮志曰太后既以尼崩肅宗特詔為齊哀三月以申追仰有司奏案故事皇太后崩自復魂斂葬百官哭臨禮甚多令尼太后委尊居道不依配極之典但孝經義成君臣理無廢絕內外羣臣權政常服單衣和巾奉送至墓列位哭拜事訖而除止在京師更

不宣下詔可

初孝文幽后寵欲專其愛後宮接御多見阻遏孝文每言於近臣稱婦人妬防雖王者不能免况士庶乎宣武高后悍忌嬪御或至帝崩不蒙侍接由是在洛二十餘年皇子全育者唯孝明而已

孝明皇后胡氏靈太后從兄冀州刺史盛之女靈太后欲榮重門族故立為皇后明帝頗有酒德專嬖充華潘氏后及嬪御並無過寵太后為帝選納抑屈人派時博

欽定四庫全書

南北史合注 卷九十九

陵崔孝芬范陽盧道約隴西李瓚等女俱為世婦諸人訢訟咸見忿責武泰初后既入道遂居瑤光寺

孝莊母文景皇后李氏趙郡人彭城王勰妃生孝莊永安二年追加總帝號贈妃為文景皇后

孝莊皇后爾朱氏榮之女先為孝明嬪及榮立孝莊欲帝立為后帝不得已從之后性妬屢致忿恚榮誅後乃誕皇子帝遇弒皇子亦被撲殺遷葬後高歡納為別室敬重踰婁妃見必束帶自稱下官歡迎景然公主還妃

迦於木井北與公主前後別行不相見公主引角弓仰

射翔鳴應弦而落妃引長弓斜射飛鳥亦一發中歡喜曰我此二婦並堪擊賊後為尼歡為起佛寺天保初為

太妃及文宣狂酒將無禮於太妃太妃不從遂遇禍節閔母先太妃王氏廣陵王羽妃生節閔普泰元年

加羽先帝號贈妃為太妃節閔爾朱后兆之女

欽定四庫全書

南北史合注 卷九十九

愚按西魏文帝罪高歡詔言其取普泰皇后列在私房而兆傳內亦言節閔納兆女為后本史作建明后乃普泰之誤今正之

帝遇廢弒高歡納之生任城王湝未幾與趙郡公琛私通徙靈州後適苑陽盧景璋

孝武嫡母武穆皇后馮氏廣平王懷妃永熙二年加懷帝號贈妃為武穆皇后又贈生母李氏為皇太妃

孝武皇后高氏渤海王歡長女帝見立納為后及帝幸關西降為彭城王韶妃

文景皇后楊氏弘農人京兆王愉妃生文帝大統元年加愉帝號贈妃為文景皇后帝舅騰位開府儀同三司卒贈司空謚貞襄

文帝文皇后弗氏

魏書官志內入諸姓弗氏孝文改弗氏至文帝復舊

河南洛陽人先世為吐谷渾渠帥居青海號青海王涼州平后高祖莫瓌擁部落入附拜定州刺史封西平公

欽定四庫全書

南北史合注
卷九十九

三

自莫瓌後三世尚公主女多為王妃甚見貴重父瓌儀同三司无州刺史母淮陽長公主乃孝文第四女后美容儀少言笑年數歲父母異之指示諸親曰生女何妨若此實勝男年十六文帝納為妃及即位以大統元年冊為皇后性好節儉蔬食故衣珠玉羅綺絕於服玩又仁恕不妬帝益重之生男女十二人多早夭唯太子及武都王戊存

愚按本史別傳又作宜都王式

時新都關中務欲東討柔然寇邊未遑北伐故帝結婚撫之於是更納悼后命后遜居別宮出家為尼悼后猶懷猜忌復徙后居秦州依子秦州刺史武都王帝雖限大計恩好不忘後密令養髮有追還意然事秘外無知者六年春柔然舉國度河前驅已過夏州或言虜為后尚存與此後帝曰豈有百萬之眾為一女子舉也然致此物論朕亦何顏見將帥乃遣中常侍曹寵賫手敕令

欽定四庫全書

南北史合注
卷九十九

三

后自盡后奉敕揮淚謂寵曰願至尊享千萬歲天下康寧死無恨也因命武都王前與訣遺語皇太子辭皆悽愴因慟哭久之侍衛咸垂涕失聲莫能仰視召僧設供令侍婢數十人出家手為落髮事畢入室引被自覆崩年三十一鑿麥崖為龕葬之柩將入有二叢雲先入龕中頃之一滅一出後號寂陵及文帝山陵畢有手書云萬歲後欲令后配饗公卿乃議追謚文皇后祔太廟廢帝時合葬永陵后兄繪封魏昌縣公又為吏部尚書文帝悼皇后郁久閭氏

文帝詔代人改姓者復舊故又從郁久閭

柔然主阿那瓌長女容貌端麗夙有成智大統初柔然
屢犯北邊帝乃與約通好結婚命扶風王孚往迎柔然
俗以東為貴后營幕戶席皆東向車七百乘馬萬疋駝
千頭及到黑鹽池魏朝鹵簿文物始至孚奏請正南面
后曰我未見魏主故柔然女也魏仗向南我自東西乎
無以對四年正月至京師立為皇后時年十四六年后
懷孕將產居瑤華殿間上有犬吠聲惡之又見婦人盛

欽定四庫全書

南北史合注
卷九十九

三五

飾至后所后謂左右此為何人醫正傍侍悉無見者時
謂文后之靈座訖崩年十六葬少陵原十七年合葬永
陵當會橫橋北后梓宮先至鹿苑帝輶輅後來將就次
所軌折不進

恭帝皇后若干氏

內入諸姓若干氏孝文改苟氏西魏復舊

司空長樂正公惠之女有容色恭帝納為妃及即位立

為皇后後出家為尼在佛寺殂竟無謚

孝靜母胡妃安定臨涇人清河王亶妃生孝靜及即

位丞相歡以奉孝明後為辭置與妃皆無尊稱

孝靜皇后高氏歡第二女天平四年詔聘為皇后歡前

後固辭不許與和初詔司徒孫騰司空襄城王昶等奉

詔致禮以后駕迎於晉陽丞相第五月立為皇后大赦

齊受禪降為中山王妃

此本史誤與魏文帝降漢曹后為山陽公夫人不同

彼系漢而此遠魏也合作改封太原公主

欽定四庫全書

南北史合注
卷九十九

三五

帝遇弒出俗為尼後改降尚書左僕射楊愔

南北史合注卷九十九

南北史合注總目錄

| | | | | | |
|-----|-----------|------|---------|------|-----|
| 第一冊 | 卷一至卷二 | 卷九十三 | 齊本紀中第七 | 北史七 | 三四〇 |
| 第二冊 | 卷二二至卷五五 | 卷九十四 | 齊本紀下第八 | 北史八 | 二六五 |
| 第三冊 | 卷五六至卷八三 | 卷九十五 | 周本紀上第九 | 北史九 | 二八二 |
| 第四冊 | 卷八四至卷九九 | 卷九十六 | 周本紀下第十 | 北史十 | 三〇二 |
| 第五冊 | 卷一〇〇至卷一二〇 | 卷九十七 | 隋本紀上第十一 | 北史十一 | 三三三 |
| 第六冊 | 卷一二一至卷一四二 | 卷九十八 | 隋本紀下第十二 | 北史十二 | 三六一 |
| 第七冊 | 卷一四三至卷一六八 | 卷九十九 | 列傳第一 | 北史十三 | 三九三 |
| 第八冊 | 卷一六九至卷一九一 | | | | |

南北史合注第四冊目錄

| | | | |
|------|--------|-------|-----|
| 卷八十四 | 列傳第七十三 | 南史八十四 | 一 |
| 卷八十五 | 列傳第七十四 | 南史八十五 | 一六 |
| 卷八十六 | 列傳第七十五 | 南史八十六 | 五二 |
| 卷八十七 | 魏本紀第一 | 北史一 | 八一 |
| 卷八十八 | 魏本紀第二 | 北史二 | 一〇八 |
| 卷八十九 | 魏本紀第三 | 北史三 | 一三六 |
| 卷九十 | 魏本紀第四 | 北史四 | 一六八 |
| 卷九十一 | 魏本紀第五 | 北史五 | 一八七 |
| 卷九十二 | 齊本紀上第六 | 北史六 | 二二〇 |